

PA 6653

.A2


1832

LIBRARY OF CONGRESS




00002392951









A. A. Hunt
E. 16.5
C. SALLUSTII CRISPI

Frank L. H.
OPERA

Book
OMNIA QUÆ EXTANT,

INTERPRETATIONE

Sperry
Book
1838
20
NOTIS

ILLUSTRAVIT

DANIEL CRISPINUS

IN USUM

SERENISSIMI DELPHINI.

P. Kochrauer
IN HAC SECUNDA EDITIONE AMERICANA PLERAQUE LONDINIENS
ERRATA, DILIGENTISSIME ANIMADVERSA, CORRIGUNTUR.

PHILADELPHIA :

PUBLISHED AND SOLD BY M'CARTY & DAVIS,
No. 171 MARKET STREET.

STEREOTYPED BY J. HOWE.

1832.

1838

PA 6653
A2
1832

By transfer

MAY 26 1916

Presented to A.S.D. Committee

By J. L. Hunt -

Washington

AD LECTOREM.

Quis fuerit Crispus Sallustius, antequam tibi sisteretur, monendus esses, amice lector: Sed illud quia viri juxta docti et celebres egregie præstiterunt, supervacaneum duximus eorum bene scripta recoquere: Adeoque ex illis, si lubet, auctoris nostri et vitam et mores cognoveris. Aliud est, quod a nobis jure, meritoque expectes; quemnam, scilicet, ex hac nova Sallustii editione, fructum carpere possis. Institutum, totiusque operis designationem si spectes, nihil non sperare audeas: Nam, quod ante omnia monitum te volumus, non instinctu nostro, sed sapientissimi ducis Montauserii, serenissimi Delphini moderatoris, jussu, consilioque, eximium, eo quo videbis ornatu, historicum tibi exhibemus. Ille, ut est omni humanarum literarum elegantia excultus, ubi instituendo principi præpositus est, quonam potissimum modo singuli auctores facile, feliciterque legerentur, cæpit cogitare: quæ lucem adderent legentium animis: quæ impedimentum inferrent: eaque omnia animadvertit, quæ non modo serenissimi Delphini, sed publica etiam studia juvare possent. Duæ sunt in legendis auctoribus difficultates, quæ festinantibus et minus exercitatis negotium facessant: Prior quidem, quam facit ipse sermo et dicto; seu quæ ex lingua et idiomate oritur: Alia vero, quæ rebus ipsis adscribitur; quas vel obiter illi in cursu orationis, vel tanquam abunde cognitatas attigerunt: quavis de causa denique, non satis ad captum omnium, explicaverunt. Multam equidem, eamque maxime laudabilem operam in his solvendis difficultatibus collocaverunt hactenus viri eruditissimi: At suo loco, nec satis commode visa sunt posita quæ illi cæteroquin optime scripserunt. Eorum enim commentarios ubi inspicias, quæ ad nudam vocum et phrasidis pertinent significationem, aut peculiarem sermonis declarationem, ea cum ulteriori rerum enarratione commixta invenies: Ex quo oritur, ut, cum aliquam ex his notis inspicere velis, non ea prius occurrat, quam in aliis, contra animi tui desiderium, tempus consumpseris. Ne quid ejusmodi eveniret, egregie providit vir prudentissimus. Namque interpretationem, quæ ad vocem et sermonis facit explanationem, seorsum a notis, quæ res ipsas evolvunt, proponendam decrevit: Nisi forte, quando qui ad notas majores nonnullæ circa dictionem difficultates essent retrahendæ. Designavit insuper, quo omnia primo statim intuitu occurrerent, ut notis arithmeticis loca, ubi interpretatione opus esset, indicarentur: alphabeti autem literis, quæ notas poscerent. Minuta vero hæc sunt, quæ primo delineantis animum occupaverunt. Aliud una et eadem opera ab ipso quæsitum est; ubertas, scilicet, et sermonis copia. Non enim tantum in interpretatione suo quoque et naturali loco restituendas voluit partes orationis singulas; nominativum ante verbum, deinde accusativum, &c. sed synonymiam, obscuraram vice præsertim, aliarum etiam vocum substituenda statuit: Ut sic tum sensus clarissimus appareat, tum verborum vis et propria significatio dijudicetur, abundantiaque inducatur: Quamquam ex poetis hic fructus erit multo uberrimus. Restabat aliud nihil, nisi tam utili, tamque laudabili consilio manum admoveere. Rem vero ipsam, ut videtur, in se recepit gratus bonarum literarum genius: Nam a quo incæpto retrahere impensam maximam quivis credidisset, ei rei ne minimum quidem obtulit impedimentum. Nimirum in ea tempora incidimus, quibus regum munificentissimus, hominumque oculatissimus, imperium obtinet. Cum ergo dux illustrissimus Montauserius ad honoris summum fastigium sublatus, lectusque inter procures fide ac sapientia præcellentes, quos magno numero hodie præ-

AD LECTOREM.

sertim habet alma Gallia, regiæ Delphini institutioni incumberet, ea perficienda curavit, quæ ante cogitaverat: Studiosissime apud omnes literatos, intra et extra regni fines, requirendos jussit, viros instituti sui administros; quos beneficentia, et omni favore clientes suos fecit. Quantum de bonis literis, literatisque, toto denique Musarum choro meruerit, qui omnes, quotquot habemus Latinæ linguæ auctores, eo, quo præscripsit modo, castigandos et enarrandos procuravit, non ego, in hac infantia, sed quibuscumque bonorum omnium non fuerit innata turpis adversatio, omnes prædicabunt. Jam nihil opus erit vernaculis istis, et quotannis fere renovandis interpretationibus, quæ vix satis unquam auctoris sensum et scopum assequuntur; semper ab ejus ratione, modoque recedunt. Quisquis in Latinæ linguæ cognoscendis operam suam per sex menses adhibere voluerit, is postea solus magnam illam virtutis altricem, veterem Romam dico, poterit perlustrare; tutusque venerandorum ejus sepulcorum manes in auxilium et consilium evocare. Utinam vero, quod reliquum est, tam multis commoditatibus culpa nostra nihil detractum fuerit. Socordia non evenierit profecto: Quæ autem per imperitiam turbata fuerint, ea ut humanitate tua excusare velis, lector benevole, oramus. Quod si illustrissimus Condomiensis episcopus ex assiduis, quibus, in erudiendo principe, detinetur curis, ad hæc levia animum demittere potuisset; aut nobilissimo Huetio in earundem curarum partem ascito, qua benevolentia laborantibus nobis nonnunquam subvenit, eadem totum opus ad examen suum revocare licuisset, aliquid certe promovendis studiis utilius excudere potuissemus. Quod nobis, qui priores in hanc arenam descendimus, quoniam fortuna melior invidit, si quid in hoc quasi præludio peccaverimus, aliorum, qui idem decurrent stadium, diligentia sarcietur. Multa dicenda superessent, ut quibusdam hominibus, quos nominare nihil attinet, non tam satisfaceremus; quod nemo natus fecerit, quam responderemus: At, quietem nostram qui nihil turbaverunt, illis multo melius erit quietam mentem bona prece deprecari. Quomodocumque errata nostra patefecerint, nisi forte etiam illis, apud Superos semper commorantibus, indignum videbitur ad tam vilia sese demittere, lubentissimo animo corrigemus. Tu modo, id quod res est, cogita, cande lector, nos maximo studio enisos esse, ut auctorem nostrum in perfacili cognitione poneremus. Hinc inde, indiscriminatim, quæcumque ad hunc scopum ducere credidimus, securi desumpsimus: Neque eo minimum cujusquam scriptoris laudi gloriæque voluimus, quod, utenda quæ illi in lucem ediderunt, ea nos ex illorum benignitate hauserimus. Ita vero agere satius fore visum est, quam, ut illi factitarunt, singula suis auctoribus attribuere. Nam, ut taceam quod prolixè est istud quandodisquisitionis, nullius, aut certe minimæ utilitatis; primum est, ea diligentia, in eam, quam maxime vitaveris, incidere vituperationem: Quippe quem statim malevoli furem appellarint, si quid, quod tute bene annotaveris, alii, quos quidem nunquam videris, ante te observaverint. Tentavimus si quidem exproprio censu nonnulla tibi eruere, lector; exinde tamen laudem nullum aucupamur. Minima sunt, quæ, tu nisi, pro tua æquitate, ex bona nostra voluntate metitus fueris, vix tantilli esse pretii confitemur. Fructum vero, magnamque laboris nostri mercedem, qui nos stimulavit, aculeum, benefaciendi studium, nobis duximus: ut jam, si quid ad te perveniat compendii, voluptati nostræ accedat cumulus. Diu vero multumque vale.

PETRUS CRINITUS.

DE

HISTORICIS

AC

ORATORIBUS LATINIS.

CRISPIS Sallustius Amiterni natus traditur, in agro Sabino, quo anno Atheniensium urbs à L. Sullâ devicta, atque vastata est, ut Romani annales referunt; ex nobili Sallustiorum familiâ ortus est, quæ diù in secundo ordine dignitatem servavit, idemque in urbe educatus creditur, et à teneris annis operam ac studium impendisse optimis disciplinis: sed cùm in ea tempora incidisset, quibus corrupti civium mores variis partibus atque factionibus forent, neque virtuti præmia, aut bonis ingeniis adessent, in tam depravatâ civitate, quod idem Sallustius fatetur, victum ejus ingenium voluptatibus, faciliè succubuit. Itaque cùm ad remp. pro ætate foret delatus, propter civium improbitatem et factiones, multa adversa pertulit: nam tum præcipuè Surianis partibus infecta civitas æstuabat. Constat ex veterum commentariis, Sallustium ipsum ingenio fuisse acri, et in studiis literarum accurato, tum maximè in scribendâ historiâ. Præceptorem habuit inter alios Ateium Prætextatum, qui Philologum se appellavit, et ab eo edoctus est de ratione recte scribendi; ut à Suetonio Tranquillo traditur, qui et Asinium quoque Pollionem scribit ab eodem Prætextato eruditum, atque instructum; maximè autem M. Catonis studiosus fuit: ex cujus commentariis verba excerpserit, et velut breviarium ad usum proprium habuit: quod Octavius quoque Aug. in epistola ad M. Antonium, refert; in quâ ipsum Antonium, ceu insanientem increpat, quòd ea scribere vellet, quæ mirentur potius homines, quam quæ intelligant. Sed interim ad Sallustii commentarios. Historiam composuit de L. Catilinæ conjuratione contra R. Senatum, et item de bello Jugurthæ, qui Numidiæ rex factus, diù contra Romanos strenue rem gessit. Historiam præterea de Romanorum gestis, ut de Mario et Sulla, necnon de Pompeio contra regem Mithridatem; quod opus libris aliquot à Sallustio absolutum traditur: et

Vide Page 173, adhuc supersunt quædam, veluti absolutissimi ad Notam c. operis reliquiæ, in quibus Sallustii diligentia in historia describenda, atque gravitas appareat.

In parte operis de rebus Punicis, tanto animi studio incubuit, ut

a quibusdam scriptum sit, eum regionem adiisse, ac maxima solertia perlustrasse, quò majore fide atque officio veritatem exploraret. Avienus certe Rufus plurimum Sallustii diligentiam, atque studium commendavit: sed et Gellius, vir Romanus, qui veterum eruditionis Aristarchus habebatur, ita de Sallustii oratione disserit: *Elegantia*, inquit, *Sallustii, verborumque facundia, et novandi studium, cum multa prorsus invidia fuit; plures non mediocri ingenio viri conati sunt reprehendere pleraque, et obtrectare, in quibus plura incite, aut maligne vellicant*; quin et hunc proprietatis servantissimum vocat. Titus autem Livius tam iniquus Sallustio fuit, sicuti ab Annæo Seneca scribitur, ut quædam ex historia, Thucydidis translata, et eleganter assumpta, velut depravata, et corrupta illi objecerit, idque ipsum non in Thucydidis gratiam effecit, ut Aurelius Fuscus dicebat, verum putavit se facilius Sallustium vincere, si prius Thucydidem ipsum præferret. Asinius quoque Pollio librum scripsit, quò Sallustii scripta reprehenderet, quod in iis nimia quadam affectatione antiquitatem sequeretur. Fabius vero Quintilianus, vir maturo et gravi judicio, asseruit, oratione Sallustii, atque brevitate nihil fieri posse perfectius, præsertim apud vacuas et eruditæ aures; neque veritus est idem Fabius, Thucydidi, in scribenda historia apud Græcos principi, Sallustium ipsum opponere, sicuti T. Livium Herodoto: que factum est, ut cum plures voluerint dicendi genus Sallustianum sequi, minime sint assecuti. Est enim ejus oratio tam absoluta, tam casta, tam innocens, ut merito ab eruditis divina brevis censeatur: nam et Arruntius, qui belli Punici historiam scripsit, Sallustio tantum concessit, ut ejus orationem maximo studio sequeretur; quod alibi diximus. Nec illud ignoratur, consuevisse Sallustium magno labore ac studio scribere, ut nihil non absolutum, atque perfectum videri posset; quod ex ipsa lectione facile colligitur. Amicos in primis doctrina, et ingenio nobiles habuit, ut Cornelium Nepotem, Messiam, et Nigidium Figulum, qui periisse in exsilio traditur; Julium præterea Cæsarem magno studio dilexit, a quo etiam, ut creditur, dignitate præfecturæ honestatus est. Illud item a Suetonio refetur, Lenæum grammaticum, Pompeii libertum, satyras contra Sallustium composuisse, eumque mordaci et virulento carmine lacerasse, ut qui lurconem illum, popinonemque, et nobulionem, ac lustronem appellarit, tum vita, scriptisque monstrosum, ac M. Catonis verborum furem ineruditissimum: quod ipsum non alia ratione a Lenæo factum creditur, quam ut studium suum, atque officium erga patronum Pompeium probaret: quem virum Sallustius ore improbo, animo autem inverecundo esse scripserat: itaque mirandum non est, si tam acerbe, atque sa-

tyrice libertus Lenæus contra Sallustium aciem styli exacuit. Quantum odii, atque inimiciæ, inter hunc et M. Ciceronem extiterit, notissimum est: quod utriusque violentæ, atque acerrimæ orationes ita demonstrant: ut neuter videri possit satis sui rationem habuisse, dum alteri male diceret. Qua in re non sunt multa referenda, cum ex Hieronymi Fabii auctoritate constet, eos homines longe aberrasse, qui confictas magis orationes ab aliis, quam a Sallustio et Cicerone habitas crediderint. Et sane tam corruptis moribus Sallustius, ingenio tam proclivi ad luxum fuit, ut paternam domum, vivente adhuc patre, turpissima ratione venalem haberet, quod illi inter alia vitia a M. Cicerone exprobratur. Sed a Verone etiam et Gellio traditum est, eundem fuisse in adulterio deprehensum ab Annio Milone, lorisque cæsum, ac data pecunia dimissum; qua ratione factum est, ut M. Cicero appellare illum non dubitaverit, mensarum asseclam, cubiculorum pelicem et adulterum. Dignitates publicas gessit, et quæsturæ, et tribunatûs honorem associutus est, sed nulla quidem laude, aut commendatione, adeo libidine magis, quam ratione et publice et privatim vixit: nam et ad iudicum subsellia abstractus, fortuna extrema (ut inquit Cicero) stetit. Scribunt autem grammatici ea de causa senatu ejectum fuisse a censoribus, quòd ingenti libidine matronas consecraretur. Illud quoque de Sallustio relatum est, patrocínio et favore C. Cæsaris consecutum fuisse præturam Africæ inferioris, ex qua dives factus, cum in urbem rediret, pretiosissimos hortos in regione ad Malum punicum comparavit, ac Tiburti villam, quæ a Cicerone itidem illi objiciuntur. Neque desunt qui scribunt Terentiam M. Ciceronis uxorem ab eo repudiatam, Sallustio nupsisse: ac deinceps Messalæ Corvino, viro in eloquentia clarissimo: quod etiam suo loco scripsimus. Sciendum est fuisse plures Sallustios: nam et Cneus a M. Tullio celebratur, in Sallustiorum familia insignis, et M. Ciceroni, ac Cn. Pompeio maxime familiaris; quod ex iis epistolis colligitur, quas Cicero ad Pomponium Atticum scribit: qua in re imprudenter quidam decepti sunt, cum Sallustii Empedoclea ignorarent; ut alibi demonstravi. Sunt qui tradunt, ad annum secundum et LX. eum vixisse, et in patria annis aliquot post obiisse: quod ex veterum commentariis colligitur. Illud præterea de hoc ipso Crispo Romæ circumlatum est, ut multi testantur.

*Hic erit, ut prehibent doctorum corda virorum,
Crispus Romana primus in historia.*

GERARDUS JOHANNES VOSSIUS

DE

HISTORICIS LATINIS.

C. SALLUSTIUS Crispus natus Olympiad. CLXXIII. an III. quem ad annum Anonymus εν Ολυμπιαδων αναγραφη hæc annotat : Συ'λλας τας 'Αθηνas εξεπολιορκησε μενος Αηδεξεγωνος. Κρί'σπος Σαλου'σιος ισοριογραφος ιλεννθη' *Sylla Athenas expugnat secundo mense hiberno. Crispus Sallustius historicus nascitur.* Is est annus Urbis conditæ ΙϞCLXVIII. Ubi videmus Græcos scribere Σαλον'σιος. Et sanè itidem in Mss. meis, et antiquioribus editionibus, vocatur in aliis Mss. et lapidibus. Marmor effosum juxta rudera Sallustianæ domus :

M. AURELIUS PACORUS
ET M. COCCEIUS STRATOCLES
EDITUI VENERIS HORTORUM
SALLUSTIANORUM BASEM CUM
PANIMENTO MARMORATO
DIANÆ
D. D.

Neque aliter lapis alius, cujus vide scis inscriptionem apud Aldum de Orthographiâ. Natus autem est Amiterni in Sabinis, anno uno post natum Veronæ Catullum, ut notat Eusebius ad annum MDCCCXXI : quadriennio autem ante bellum obiit Actiacum, ut idem scribit ad annum MDCCCCLXXX. doctissimus Hieronymus Wolfius putabat, nomen ejus simplici L. scribi oportere, quia vel à sale sit, vel salute. Sed ετυμος utrumque est incertum. Et cur non à sale geminato LL. æque esse possit, ac ab eodem venit *sallo*, unde *sallitus*, pro salso ? Quare puto, non recedendum esse à libris antiquis, atque inscriptionibus, in quibus L. geminatur. Tribunus plebis erat, quo anno Clodius à Milone occisus fuit, puta anno ΙϞCCII, quo Cn. Pompeius Magnus, compluribus mensibus consul sine collegâ fuit. Tribunatu eo, quem nullâ cum laude gessit, ut Ciceroni, ita et Miloni, infestus admodum erat : idque quia in Faustæ, L. Syllæ filiæ, adulterio deprehensus, virgis à Milone esset cæsus, nec nisi pecuniâ datâ dimissus. Nempe istud in causâ est cur Clodianis semper studuerit adversus Milonem. Vide Pedianum, Gellium, Servium, Horatii interpretes ; item orationem sub Ciceronis nomine jam Augustæo, vel Tiberii ævo, editam. Ex quibus etiam discimus, ob adulteria ac stupra senatu fuisse motum ab Appio Claudio Pulchro, et L. Calpurnio Pisone Cæsonio coss. nempe anno Urbis ΙϞCCIII. sive juxta alios ΙϞCCIV. quo consule erant, L. Æmilius Paulus

et C. Claudius Marcellus. Ejus è Senatu ejectionis meminit et Dio lib. XL. Ac ne alium Sallustium signari putes, clarè ait id contigisse; *Σαλυσίω, τῷ τὴν ἱστορίαν συγγραψάντι*. Eo anno Milo exulabat: undè consequitur, quod à Milone Tribuno pl. virgis cæsum dicebamus, id anteà contigisse; non eo ipso anno, ut vir eruditus putabat. Etiam discimus iisdem ex Scriptionibus, à C. Julio Cæsare, rerum potito, dignitatem Senatoriam recuperasse, quæstoremque factum, et postea etiam præturam obtinuisse. Præturæ mentionem quoque invenio apud Hirtium penè initio libri de bello Africano: *Item C. Sallustium Crispum prætorem ad Circinam insulam versus, quam adversarii tenebant, cum pater navium ire jubet; quod ibi magnum numerum frumenti esse audebat*. Item apud Dionem lib. XLII. de hoc ipso legas; *Στρατηγὸς γὰρ ἐπὶ ἐτῷ τὴν βελὴν ἀναλαβεῖν ἀποδεδεικτο*. Narrat ibidem ut cum in Campania Cæsaris milites, quos in Africam premittere statuerat, seditionem concitassent; ac Sallustius prætor Romam contenderet, quò Cæsarem hujus rei faceret certiozem: propemodum fuerit occisus à compluribus militum, qui eum insequerantur, nec cuiquam parcebant, imò duos etiam senatores occiderant. Apud eundem lib. XLIII. refertur, ut Cæsar Numidiæ præfecerit Sallustium; ille autem provinciam expilaverit: ac à Cæsare quidem fuerit absolutus; sed infamiam non effugerit; quòd qui in historià acerbus esset alienorum castigator, turpiter ipse in hoc munere se dedisset. Ex hac autem prædâ Numidicâ ita ditatus fuit, ut in Quirinali monte forum emeret quod Sallustii vocatur, ubi nunc ædes S. Susannæ; item hortos, qui hodièque Sallustiani nominantur. Hæc ostendunt, vitam ejus laudari à nemine posse. Nempè omnis ejus gloria à præclaris scriptis proficiscitur. Sed vix ejus quicquam integrè ad nos pervenit, præter bellum Jugurthinum et Catilinarium: ita vulgò inscribuntur. Sed posterior genuina inscriptio, DE CONJURATIONE CATILINARIA. Testis Sallustius ipse his verbis: *Igitur de Catilinæ conjuratione, quam verissime potero, paucis absolvam*. At ex nobili historiarum opere, quo imprimis historici principis nomen meruit, nihil habemus præter quatuor oratiunculas, epistolas duas, et lacera aliquot fragmenta, quæ ex grammaticis antiquis, atque aliis scriptoribus collecta sunt. Duæ verò ad Cæsarem orationes, ut vocant, de Rep. ordinandâ, utrum Sallustii sint, non convenit inter eruditos. Carrio Sallustio adjudicant; et pro illo est, quòd veterum nemo, qui tantopere gaudent Sallustium ad partes advocare, indè aliquid depromat. Dissentit autem Douza, cui favent libri vett. et dicta ipsa, quæ, quicquid dicat Carrio, planè Sallustium redolent. Sin genuinæ non sint, negari tamen non possit, valdè esse antiquas, et quidem Juliani, aut Augustæi ævi: saltem non infra Flavianum. Sed genuinas esse arbitror, non tamen ut orationes esse putem, sed epistolas duntaxat. Nam posterioris auctor bis ait, se illa scribere, ac desertim literas appellat. Planèque verisimile est, missas esse ad Cæsarem, cùm in Hispanias contra Petreium et Afranium proficisceretur: quemadmodum jamdudum Ciacconius observavit. Illa verò in Ciceronem oratio, etsi à Fabio quoque tanquam Sallustii laudetur: tamen, quòd res indicat, omninò est alicujus declinatoris: credo Porcii Latronis, vel alterius alicujus, ex illis, quos nominat M. Seneca in Suasoriis, et Controversiis. Fidem ejus valdè commendant an-

tiqui. Nam *certissimus auctor* dicitur Vibio Sequestri de Fluminibus. Item Hieronymo libro de locis Hebraicis, et exindè Isidoro lib. XIII. cap. xxi. Ad hæc *nobilitatæ veritatis historicus* nuncupatur ab Augustino, lib. I. de Civitate Dei, cap. v: Avienus etiam in descriptione oræ maritimæ, dicit omnia illius dicta esse *prejudicata auctoritatis*, appellat quoque *expressorem efficacem styli et veritatis*. Objectant adversus ea aliqui, quod, pravo loliginis succo, pleraque ad Ciceronis laudem pertinentia, quæ apud alios legere sit, præterierit. Verùm ea potius neglexisse ego arbitror, vel ut falsa, vel ut incerta planè, vel ut exigua ac minuta. Quod ad dictionem Sallustii attinet, omnes antiqui judicant, brevem ac nervosam esse, et Thucydideæ æmulam. Sanè scriptor est planè Atticus quâ laude Demostheni proprior est, quàm Cicero ipse; ut bene censet Turnebus in adversariis suis. Sed ut Thucydidem non omnes probârunt, ita nec Sallustii dicta omnibus probabantur. Nam Asinius Pollio damnabat eam, tanquam obscuram, et in translationibus audacem: ut Tranquillus auctor est, lib. de claris grammaticis in Philologi vitâ. Imprimis verò reprehendi solet, quòd antiqua verba ex Catonis Originibus exciperet: cujus rei meminere Augustus apud Tranquillum in ejusce Cæsaris vitâ, idemquo Tranquillus, lib. de claris grammaticis in vitâ Lenæi, et Fabius ex antiquo epigrammate, lib. VIII. cap. iii. Sed hæc impedire non potuere quò minus à Tacito (at quanto viro! *rerum Romanorum florentissimus auctor*, lib. III. Historiarum diceretur.) Imò Juxta Martialem lib. XIV. *Crispus Romana primus in historia* est. Augustino quoque lib. de vitâ beatâ, vocatur *electissimus pensator verborum*. Imò Græci ipsi ejus historias tanti fecere, ut eas verterit Zenobius, sophista is, qui Romæ docuit sub Adriano Cæsare; quique epitomen proverbiorum Didymi, et Tarrhæi scripsit: ut testis est Suidas in Ζηνοβιος. Atque indè est, quòd Sallustii quoque meminit Stephanus in Ἀζιλις. Utinam verò extaret Asper Grammaticus, Sallustii interpres, teste Hieronymo. Quædam ex eo citat Sosipater. Joannes Baptista Pius annotationum posteriorum cap. LXXIV. citat antiquum auctorem, qui vitam Sallustii scripsit. Eum non vidi. Sed scito vitam Sallustii è veteribus reliquisse Asconium Pedianum; ut cognoscere est ex Acrone, ad Horat. Sat. 2. lib. I. E junioribus idem conati Pomponius Lætus, et Petrus Crinitus. Sed his fides habenda, quatenus veterum scrinia compilarunt. Cave autem cum Sallustio hoc confundas Crispum Sallustium, ad quem in odis scribit Horatius, historici hujus sororis filium, Augusti amicum, de quo Seneca, lib. I. de Clementiâ, et Tacitus, lib. II. et III. annal. A quo et metellam quoddam Sallustianum esse dictum, Plinius auctor est, lib. XXXIV. cap. ii.

VETERUM SCRIPTORUM,

ET NONNULLORUM RECENTIORUM DE SALLUSTIO JUDICIA ET
TESTIMONIA.

AUGUSTUS CÆSAR.

Suetonius, in vitâ Augusti.

TUQUE dubitas Cimberne Annius, an Verrius Flaccus imitandi sint tibi? Ita ut verbis, quæ Crispus Sallustius exerpserit ex Catonis Originibus, utaris, an potius Asiaticorum orationem inanibus sententiis, verborum volubilitas in nostram sermonem transferenda?

Velleius Paterculus, Hist. lib. 2.

Æmulus Thucydidis Sallustius.

Penè stulta est inhærentium oculis ingeniorum enumeratio: inter quæ maximè nostri ævi eminent, princeps earminum Virgilius, Rabiriusque, et consecutus Sallustium Livius, Tibullusque et Naso, perfectissimi in formâ operis; nam virorum ut magna admiratio, ita censura difficilis est.

Horatius, serm. lib. 1. sat. 2.

Libertinarum dico: Sallustius in quas

Non minùs insanit, quàm qui mæchatur.—

Asconius Pedianus.

Fertur Sallustius tanto ardore insanivisse in libertinas, quanto mæchus in matronas: quod cùm illi in senatu à censoribus obiectum esset, respondet, se non matronarum, sectatorem esse: quare ex senatu ejectus est, quod ipse excusat, in Catalinæ bello.

Hæc vetus interpres Horatii.

Seneca Rhetor. Decl. lib. 3.

Orationes Sallustii in honorem historiarum legantur.

Seneca Philosophus, Epist. 114.

Sallustio vigente, amputatæ sententiæ, et verba ante expectatum cadentia et obscura brevitatis fuere pro cultu. Arruntius vir raræ frugalitatis, qui historias belli Punici scripsit, fuit Sallustianus, et in illud genus nitens.

Et ibidem.

Quæ apud Sallustium rara fuerunt, apud Arruntium crebra sunt, et penè continua: nec sine causâ; ille enim in hæc incidebat, at hic illa quærebat;

Et lib. 9. Deci 1. et Controvers. 25. lib. 5.

Cum sit præcipua in Thucydide virtus, brevitatis; hæc eum Sallustius vicit, et in suis illium castris cecidit. Nam in sententiâ Græcâ tam brevi, quam salvo sensu detrahas vocem aliquam, constabit sensus, etiamsi non æquè comtus, attamen integer: et ex Sallustii sententiâ nihil demi sensus detrimento potest. Titus autem Livius tam iniquus Sallustio fuit, ut hanc ipsam sententiam, et tamquam translatam, et tamquam corruptam, dum transferretur, objiceret Sallustio: nec amore Thucydidis facit, ut illum præferat; sed laudat, quem non timet: et facilius putat posse à se Sallustium vinci, si antè à Thucydide vincatur.

Martialis lib. 14.

*Hic erit, ut perhibent doctorum corda virorum,
Crispus Romanâ primus in Historiâ.*

Quintilianus, lib. 2. cap. 5.

Livius à pueris magis legendus, quam Sallustius, et hic historiæ majoris est auctor; ad quem tamen intelligendum jam profectu opus sit.

Et lib. 3. cap. 10.

Crispus Sallustius in bello Jugurthino et Catilinario nihil ad historiam pertinentibus principiis ortus est.

Et lib. 4. cap. 2.

Vitanda illa Sallustiana, quamquam in ipso virtutis locum obtinet, brevitatis, et abruptum sermonis genus: quod otiosum fortasse lectorem minus fallit, audientem transolvat, nec, dum, repetatur, expectat.

Et lib. 8. cap. 3.

Nec minus noto Sallustius epigrammate incessitur;

*Et verba antiqui multum furate Catonis,
Crispe Jugurthinæ conditor historiæ.*

Et lib. 9. cap. 3.

Ex Græco translata Sallustii plurima.

Et lib. 10. cap. 3.

Neque, ille Sallustiana brevitatis, quâ nihil apud aures vacuas atque eruditas potest esse perfectius, apud occupatum variis cogitationibus judicem et sæpius ineruditum captanda nobis est: neque illa Livii lactea ubertas docebit satis eum, qui non speciem expositionis, sed fidem querit.

Et ibidem.

At non historiâ cesserit Græcis; nec Thucydidi opponere Sallustium verear: nec indignetur Herodotus æquari sibi T. Livium, cum in narrando miræ jucunditatis, clarissimique candoris; tum in concionibus, suprâ quam narrari potest, eloquentem: ita dicuntur omnia tum rebus tum personis accommodata: sed affectus quidem, præcipuè eos qui sunt dulciores ut parcissimè dicam, nemo historicorum commendavit magis: ideòque immortalem illam Sallustii velocitatem diversis virtutibus consecutus est; nam mihi egregiè dixisse videtur Servilius Nonianus, pares eos magis quam similes.

Et ibidem.

Atticis præcis conclusionibus obscuri, Sallustium atque Thucydidem superant: tristes ac jejuni Pollionem æmulantur: otiosi et supini, si quid modò longiùs circum dixerunt, jurant Ciceronem ita locuturum fuisse.

Et lib. 11. cap. 3.

Sanè manifestus est Sallustii ex ipso opere labor.

Statius Papinius, lib. 4.

*Sed tuas artes puer antè discat:
Omne qui mundi senium remensus,
Orsa Sallust brevis, et Timavi
Reddis alumnum.*

Cornelius Tacitus, Hist. lib. 3.

C. Sallustius rerum Romanorum florentissimus auctor.

Justinus Hist. lib. 38.

Pompeius Trogus in Livio et Sallustio reprehendit, quòd conciones directas, ac orationes operi suo inserendo historiæ modum excessarint.

Au. Gellius. lib. 1. cap. 15. Noct. Attict.

Sallustius novator verborum.

Et lib. 3. cap. 1.

Sallustius vel subtilissimus brevitatis artifex.

Et lib. 4. cap. 15.

Elegantia orationis Sallustii, verborumque facundia et novandi studium cum multâ prorsus invidiâ fuit, multique non mediocri ingenio viri conati sunt reprehendere pleraque et obtrectare, in quibus plura inscitè aut malignè vellicant: nonnulla tamen videre possunt non indigna reprehensione.

Et lib. 10. cap. 20.

Sallustius proprietatis in verbis retinentissimus consuetudini concessit.

Et lib. eod. cap. 26.

Asinio Pollioni in quâdam epistolâ, quam ad Plancum scripsit, et quibusdam aliis C. Sallustio iniquis, dignum notâ visum est, quòd, &c.

Et lib. 17. cap. 18.

M. Varro in literis atque vitâ, fide homo multâ, et gravis, in libro quem inscripsit, *Pius*, aut, *De Pace*, C. Sallustium scriptorem seriæ illius et severæ orationis, in cuius historiâ notiones censorias fieri atque exerceri videmus, in adultero deprehensum ab Annio Milone loris bene cæsum dicit, et, cum dedisset pecuniam, dimissum.

Suetonius de Glaris Grammaticis: de Philologo.

Asinius Pollio librum scripsit, in quo Sallustii scripta reprehendit, ut nimîa verborum affectatione oblita.

Et ibidem.

Philologus coluit familiarissimè C. Sallustium, et eo defuncto Asinium Pollionem, quos historiam componere aggressos, alterum breviario rerum Romanorum, ex quibus quas vellet eligeret, instruxit; alterum præceptis de ratione dicendi: quò magis miror Asinium Pollionem credidisse, antiqua eum verba et figuras solitum esse colligere Sallusto, cùm sciat eum sibi nihil aliud suadere, quàm ut noto, civilique, et proprio sermone utatur, viteturque maximè obscuritatem Sallustii, et audaciam in translationibus.

Et de Lenæo.

Lenæus tanto amore erga patroni (Pompeii) memoriam exstitit, ut Sallustium historicum, quòd eum oris improbi, animo inverecondo, scripsisset, acerbissimè satira laceraverit, lustrurum, et lurconem, et nebulonem, popinonemque appellans, et vitâ scriptisque monstrosum, præterea priscorum Catonisque verborum ineruditissimum furem.

Macrobius, Sat. 3. cap. 15.

Sallustius gravissimus alienæ luxuriæ objurgator et censor.

Et lib. 5. cap. 1.

Quatuor sunt genera dicendi: copiosum; in quo Cicero dominatur: breve; in quo Sallustius regnat; siccum; quod Frontoni adscribitur: pingue et floridum; in quo Plinius Secundus quondam; et nunc, nullo veterum minor, noster Symmachus luxuriatur.

Symmachus, lib. 1. Epist. 66.

Interea recuso sententiam, quæ rem venaticam servile dicit officium. Statuerit hoc scriptor stilo tantùm probandus; nam morem ejus damna non sinunt, ut ab illo agendæ vitæ petatur auctoritas.

Ausonius, in Protreptico.

Jam facinus, Catilina, tuum, Lepidique tumultum.

Ab Lepido et Catulo jam res et tempora Romæ,

Orsus, bis senos seriêm connecto per annos:

Jam lego civili mistum Mavore duellum,

Movit quod socio Sertorius exsul Ibero.

Sidonius Apollinaris, in Panegyri Athenii Augusti.

Quâ Crispus brevitate placet, quo pondere Varro,

Quo genio Plautus, quo flumine Quintilianus,

Quâ pompâ Tacitus, nunquam sine laude loquendus.

JUDICIA ET TESTIMONIA

Et in Panegyri Narbonensi:

Et te multimodâ satis verendum

Scriptorem numerositate, Varro:

Et te qui brevitate, Crispe, polles:

Et que pro ingenio fluente, nulli,

Corneli Tacite, et tacendus ori.

Apuleius, in Apologiâ.

Neque Cato gravitatem requirit, neque Lælius levitatem, neque Gracchus impetum, nec Cæsar calorem, nec Hortensius distributionem, nec Calvus argutias, nec parcimoniam Sallustius, nec opulentiam Cicero.

Festus Avienus, in Orâ Muritimâ.

Interrogâsti, si tenes, Mæotici

Situs quis esset æquoris: Sallustium

Noram id dedisse, dicta et ejus omnibus

Præjudicatæ auctoritatis ducier

Non abnuebam: ad ejus igitur inclytam

Descriptionem (quâ locorum formulam

Imaginemque, expressor efficax styli

Et veritatis, penè in obtutus dedit

Lepore linguæ) multa rerum junximus.

Vibius Sequester: lib. de fluminibus.

Sallustius auctor certissimus.

Marius Victorinus, in librum Cic. de inventione.

Historia et brevis esse debet in expositione, et aperta et probabilis, ut Sallustius sibi omnis in Catalinâ tribuit.

Spartianus, in D. Hadriano.

Amavit (*Hadrianus*) genus dicendi vetustum, controversias declamavit, Ciceroni Catonem, Virgilio Ennium, Sallustium, Cælio prætulit: eademque jactatione de Homero ac Platone judicavit.

Vopiscus in Aureliano.

Nemo scriptorum, quantum ad historiam pertinet non est aliquod mentitus, in quo Livius, in quo Sallustius, in quo Cornelius Tacitus, in quo denique Trogus, manifestis erroribus convincerentur.

Et in Probo.

Et mihi quidem id animi fuit, non ut Sallustius, Livios, Tacitos, Trogos, atque omnes disertissimos imitarer viros, sed Marium Maximum, Suetonium Tranquillum, &c.

Et lib. 2. cap. 13.

Quod quidem non fugit hominem nequam Sallustium, qui ait: Sed omnis nostra, vis in animo et corpore sita est; animi imperio, corporis servitio majis utimur. Rectè, si ita vixisset, ut locutus est. Servivit enim fœdissimis voluptatibus, suamque ipse sententiam vitæ pravitate dissolvit.

Hieronymus, in Epitaph. Nepotiani ad Heliodorum.

Neque enim proposui historiam scribere, sed nostras breviter flere miserias. Alioquin meritò ad hæc explicanda et Thucydides et Sallustius muti sint.

Et lib. 1. adversus Jovianum.

Cicero rogatus ab Hirtiò, ut post repudium Terentiæ sororem ejus duceret, omnino hæc facere supersedit, dicens, non posse uxori se et Philosophiæ pariter operam dare. Illa interim conjux egregia, et quæ de fontibus Tullianus hauserat sapientiam, nupsit Sallustio inimico ejus, et tertio Messalæ Cornivo, et quasi per quosdam gradus eloquentiæ devoluta est.

Idem de locis Hebraicis, et ex eo Isidorus Orig. lib. 13. cap. 21.

Sallustius, auctor certissimus.

Augustinus de Civitate Dei, lib. 1. cap. 5.

Sallustius nobilitate veritatis historicus.

Et Epist. 5. ad Marcellinum.

Nobilissimus historicus.

Johannes Sarisberiensis, Polycritici 3. cap. 11.

Unde et Crispo Historicorum inter Latinos potissimo, sed et ipsi Ciceroni placuit : in malis factionem esse, quod in viris bonis vera amicitia est.

Volaterranus.

Cajus Sallustius Crispus, Romanâ primus in historiâ, ut ait Martialis : Thucydidi ex Græcis opponitur à Quinctiliano, elegantia dicendi, atticâ brevitate, sententiarum celebritate. Taxatur autem à Pollione, ut nimis antiquarius, et ex Catonis Originibus verba mutuatus. Trogo autem, quod orationibus nimis longis ac directis utatur : sicuti etiam Thucydides. Hic ille inimicus Ciceronis, divitiis præditus, cujus hortorum vestigia adhuc cernimus Romæ : quorum Plinius quoque meminit libro Naturalis historiæ septimo, capite decimo sexto. Hic etiam ille alienæ luxuriæ gravissimus objurgator et censor, qui Metullem Pium in historiâ reprehendit, quod præter ejus et populi Romani dignitatem et modestiam, conviviis in Hispaniâ, omnique luxu uteretur. Postea vero ipse deprehensus in adulterio, ab Annio Milone, et loris bene cæsus, et postquam pœnas dedisset, dismissus est. Auctores Varro et Macrobius, Aulus Gellius.

Petrarcha.

Crispus Sallustius nobilis historicus veritatis (sic enim de illo apud auctores verissimos scriptum video) quod fidelius ars Africæ complecteretur, libros Punicos perquisivit, peregrinamque linguam, per interpretem, flagranti studio scrutatus est, quin et maria transgressus dicitur, ut oculis suis crederet de conditionibus locorum. Bellum Jugurthinum, conjurationemque Catilinæ, compendiosa ad unguem, ut dici solet, castigato stylo complexus est ; sed nullo famosior quam Historiarum libro, qui ætati quoque nostræ, ne certum ejus sileam dedecus amissus est ; veterum quidem testimonio illustris, apud nos solo jam nomine superstes.

L. Vives.

Sallustius rerum Romanorum florentissimus scriptor, ut inquit Tacitus, frequens est in manibus puerorum, sed mihi aptior videtur provectoribus. Inimitabilis est in illius scriptis gratia : quæ quotiescunque repetita, nunquam tædium sui, aut satietatem lectori afferat.

Qu. Estaugius.

Nemini dubium est Sallustium plures majoresque historiarum libros scripsisse : qui partim temporum injuriâ, partim invidia hominum jamdudum periêre. Neque absurdum est inde suspicari, si bellum Jugurthinum, quod ipse non vidit, et tamen Romanis suis ita diligenter notavit, ea quoque memoriæ mandasse, quæ suo tempore potissimum contingere : quemadmodum contentionem inter Marium Sullamque ortam, ob bellum Mithridaticum : Octavii, Mariique necem ; Africam Pompeii Magni victoriam : Sullæ tyrannidem : Metelli Pompeique in Hispanias missionem : Sertorii, pugnaeque ejus finem : Gladiatorem bellum : Tribunatum plebi restitutum : Pyrratarum exitium : Syriam victam : et cum his pleraque alia, quæ à Sallustii nativitate usque ad Catilinæ conspiracyonem gesta sunt, ubi interfuerant anni exacti viginti et quinque. Deinde, à Catilinæ conjuratione usque ad Sallustii obitus, etiam ardua haud pauca acciderunt : velut, Magni Pompeii triumphus : Ciceronis exsilium, et trucidatio : Gallicum bellum : Clodius interemptus : respublica oppressa : Africana expeditio ; Julius Cæsar confessus : Octaviani Aug. imperium : L. Antonii seditio. Quare haud facile creditu, tam diligentem historicum hæc Romana omisisse. Sed hanc, pro dolor ! jacturam debemus aut Gothis et Vandalis orbis devastatoribus : aut Ciceronianis vel Livianis Sallustio infensissimis : nam iste Patavinus tunc viginti quatuor annorum natus erat, cùm Sallustius ex humanis cessit : cujus tandem libri etiam à jacturâ, quatumvis mitiore, immunes non fuerunt. Sic ex Livio parum superest : ex Ennio ferè nihil : ex Sallustio pauca, uti res humanæ semper fuerunt. Præterea nos abs re, à quibusdam dicitur inimitabilis, veluti liquet vel ex auctoribus, qui post eum de Jugurthâ scripserunt : ut Livius, et at abbreviatores ejus præsertim

Florus, lib. iii. cap. et lib. lxii. Orosius, lib. v. cap. 15. Valerius Maximus, lib. iii. cap. 2. et lib. vi. cap. 11. Frontinus, lib. I. cap. 8. et lib. ii. cap. 1. et 4. Eutropius, lib. iv. cap. 8. Plinius, et alii, qui ad tantam dicendi gratiam nunquam pervenerunt. Vir ille, clarissimus philosophus, orator magnus, verus historicus, adversarios habuit Ciceronem in primis, propter Terentiam : Asinium Pollionem propter Ciceronem : Titum Livium, propter scribendi famam ; qui cum suis curarunt assidue, ut non omnino Sallustii vitium cum scriptis ejus oblivioni traderetur. Ità similitudo illa studii, raro benevolentiam, æmulationem potius affere solet.

Julius Cæs. Scaliger, Oratione pro Cicerone :

Id quod est Sallustius omnium scriptorum numerosissimos nusquam aspernatus est.

Et ibidem.

A Sallustio autem brevitatem illam peti debere, cum scribis ; neque quid velis, intelligo, neque tam vulgi animo conceptam, adeo persuasam, adeo decantatam in illo viro brevitatem unquam comprehendo. Nam si, quoniam frequentibus asyndetis utitur, aut quod non longis periodis ambit argumenta rerum, properare tibi videtur, isto tibi quoque pacto brevibus atque interceptis saltibus centum miliariorum iter minus longum videbitur, quam unius modo stadii intervallum, quod uno spiritu confeceris. Aut contra videmus Sallustium ipsum, cum quid semel dicendum assumpsit, adeo perstare, ut sæpe numero egredi videatur, &c.

Ibidem :

Neque verò Sallustium, politissimum auctorem, rejiciunt (Ciceroniani) sed anxium illud atque insititium dicendi genus, sed multa superstitiosa verba.

Idem, lib. 4. Poët. cap. 24.

Quasi verò commentarium scripserit ille, non historiam pleniorē ; qui sit historiæ pater appellatus.

Et lib. 3. cap. 96.

Ambitiosè igitur fecisse videtur Sallustius quibusdam, quod poetarum more, cum dicere orsus esset de Catilinà, omissà eà narratione, repetit historiam ab ipsis ultimis Romæ rudimentis. Nos virum, in suo genere præstantem, cum rectè, tum necessariò, fecisse judicamus ; ut ostenderet corruptam civitatem, cujus et pars esset Catilina.

C. SALLUSTII CRISPI

CATILINA,

SEU

BELLUM CATILINARIUM.

^a Omnis, homines qui ¹ sese student præstare cæteris animalibus, summâ ope niti decet, vitam silentio ne transeant, veluti pecora, quæ natura prona, atque ventri obedientia, finxit. ^b Sed nostra omnis vis in animo et corpore sita est. Animi imperio, corporis servitio, magis utimur. Alterum nobis cum dis, al-

INTERPRETATIO.

¹ *DECET* omnes homines, qui transeant vitam nihil agendo, sicut student, sese præstare cæteris animalibus, conari totis viribus ne pecora, quæ natura fecit in terram propensa, et ventri obedientia.

NOTÆ.

^a OMNIS.] Accusativus pluralis. Solebant enim veteres nomina in is desinentia in singulari, eodem sono efferre in accusativo plurali; mutata tamen syllabâ brevi in longam, utpote natâ ex diphthongo

eis, quâ terminabantur olim accusativi illi plurales.

^b Sed.] Hic non est adversativa: posita est vocula pro *verum, autem*, Gallie Or.

terum cum belluis commune est. ¹ Quo mihi rectiùs videtur, ingenii, quàm virium, opibus gloriam quærere; et quoniam vita ipsa, quâ fruimur, brevis est, memoriam nostri quàm maximè ^a longam efficere. Nam divitiarum et formæ gloria, fluxa atque fragilis est: virtus clara, æternaque habetur. Sed diu magnum inter mortales certamen fuit, vi-ne corporis, an virtute animi, res militaris magis procederet. ² Nam et priùs, quàm ^b incipias, consulto, et, ubi consulueris, maturè facto, opus est. Ita utrumque per se indigens, alterum alterius auxilio eget. Igitur initio reges (nam interris nomen imperii id ^c primum fuit) ^d diversi, pars ingenium, alii corpus, exercebant: etiam tum vita hominum sine cupiditate agitabatur; ³ sua cuique satis placebant. Postea verò quàm in Asiâ ^e Cyrus, in Græcia Lacedæmonii et Athenienses ^f cæpère urbes, atque nationes subigere: lubidinem dominandi causam belli habere: maximam gloriam in maximo imperio putare; tum demum periculo, atque negotiis compertum est, in bello plurimum ingenium posse. Quòd si regum, atque imperatorum animi virtus in pace ita, ut in bello, valeret, ^f æquabiliùs, atque constantius sese res humanæ haberent; ⁵ neque aliud alio ferri, neque mutari, ac misceri omnia

INTERPRETATIO.

¹ Quapropter videtur mihi rectius, quærere gloriam opibus et facultatibus ingenii, quam opibus virium, corporearum.

² Nam ex altera parte oportet deliberare, priusquam incipias; et ex altera oportet tempestive exequi, postquam consulueris.

³ Unusquisque sic satis contentus erat iis quæ possidebat.

⁴ Postquam verò Cyrus in Asiâ Lacedæmonii et Athenienses in

Græciâ, cæperunt in suam potestatem redigere urbes atque nationes; habere lubidinem dominandi pro causâ belli; putare maximam gloriam in maximo imperio sitam esse: tum denique compertum est experienciâ atque negotiis ingenium plurimum posse in bello.

⁵ Neque videres opes et divitias ex hac aut illâ regione, in aliam deportari.

NOTÆ.

a Longam.] Hoc vult Sallustius, ut unusquisque hominum recordationem, præclaris factis mereatur, itaque in ipsorum vivat memoria.

b Incipias.] Id est, quilibet insipiat. Hæ locutiones per secundam singularis numeri personam sunt frequentissimæ et elegantissimæ. Iis utimur etiam cum ad multitudinem præsentem sermo dirigitur.

c Primum.] Id est, vocati sunt Reges qui primi dominium exercuerunt in gentes. Quod quidem auctoris sensu, intelligendum est, quatenus, cum aliis, initium rerum repetit ex profanis auctoribus.

d Diversi.] Id est, diversas vias insis, tentes.

e Cyrus.] Cambysis et Mandanes filius, qui imperium Medorum ad Persas trans tulit. Cur verò ejus meminerit Sallustius, cum ante Cyrum, Ninus Assyriorum Rex Asiam bello vastaverit, crediderim esse factum, quia antè Cyrum obscurata sit admodum rerum memoria; neque antè ipsum satis cognitum fuerit vi-ne corporis an virtute animi res militaris magis procederet.

f Æquabiliùs.] Id est, magis suum et eundem statum obtinerent. Gall. Auroient un cours bien plus réglé.

cerneres. Nam imperium facillè his artibus retinetur, quibus initio partum est, Verùm, ubi pro ^alabore, desidia; pro ^bcontinentiâ et ^cæquitate ^dlubido atque ^esuperbiâ invasêre; fortuna simul cum moribus ^fimmutatur. Ita imperium semper ad optimum quemque à minùs bono transfertur. Quæ homines ^garant, navigant, ædificant, virtuti omnia ^hparent. Sed multi mortales, dediti ⁸⁰ventri, atque somno, indocti, incultique, vitam sicuti ^hperegrinantes transegere. Quibus profectò, ⁱcontra naturam, corpus voluptati, anima oneri, fuit; eorum ego vitam, mortemque ²juxta æstumo, quoniam de utrâque siletur. Verùm enimvero is demum mihi vivere, et frui animâ, videtur, qui aliquo negotio intentus, præclari fascinoris, aut artis bonæ, famam quærit. ^kSed in magnâ copiâ rerum, aliud alii natura iter ostendit. Pulchrum est bene facere reipublicæ, etiam bene dicere haud absurdum est. Vel pace, vel bello, clarum fieri licet; et qui fecêre, et qui facta aliorum scripsêre multi laudantur. ³Ac mihi quidem, tametsi haud-⁴⁰quaquam par gloria sequatur scriptorem, et actorem rerum; tamen in primis arduum videtur, res gestas scribere; primùm quòd facta

INTERPRETATIO.

¹ Omnia obediunt virtuti, et illi subjecta sunt.

² Ego tanti facio mortem illorum ac vitam.

³ Atque quanquam scriptor rerum gestarum nullo modo, nec me-

reatur, nec obtineat eandem gloriam quam consequitur ille, qui eos perficit; attamen videtur mihi quidem, in primis, difficile scribere historiam.

NOTÆ.

a *Labore.*] Labor hic positus est pro pensione ad Laborem; pro laboriositate, si ita loqui liceret: opponitur enim desidiæ.

b *Continentiâ.*] Apud politicos, adeoque et Historicos persæpè non idem dicit quod apud Philosophos. Hi per *continentiam* eam virtutem intelligunt, quæ moderatur appetitui circâ cibum, potum, &c. Illis verò *continentia* est quæ homo qui sedet in gubernaculo reipublicæ, abstinet ab omni injustâ exactione.

c *Æquitate.*] Plùs est *Æquitas* quàm *Justitia*. Hæc suas habet formulas ita digestas, ut sæpè summum jus summa sit injuria: at verò *Æquitas* illud unum respicit quod in se, et revera æquum et bonum est? Judicat ex foro conscientiæ; quandoque leges transgreditur justitiæ; imò contrâ eas facit.

d *Lubido.*] Eâ est cùm homo politicus, quamobrem aliquid injusti incipiat in-

terrogatus, is respondet, quia lubet. Alibi aliud lubido indigitat.

e *Superbiâ.*] Tyrannidis gradus est ultimus et supremus, cùm scilicet rex aliquis cum fastu, et fastidio perinde injustitiam suam in subditos exercet, ac si bruta essent, aut vilia mancipia.

f *Immutatur.*] Id est, ex favente fit adversa.

g *Arant.*] Id est, quæcumque terræ culturæ crescunt. *Navigant*, id est, navigationibus comparantur. Sed insolentior est tropus.

h *Peregrinantes.*] Quasi essent à vita extranei, quosque minimè tangat quicquid in eâ est.

i *Contrâ naturam.*] Omninò, nam secundum eam, qui minor est servit majori; animus verò corpori præstat.

k *Sed in magnâ, &c.*] Sensus est. Cùm tam varîe sint artes, quibus gloria comparari possit, naturam diversè hunc aut illum ad quamlibet instituere.

dictis ^a exæquanda sunt; dehinc quia plerique, quæ delicta reprehenderis, malevolentia, et invidia, dicta putant. Ubi de magna virtute, atque gloria bonorum memores; ¹ quæ sibi quisque facilia factu putat, æquo animo accipit; supra, ea veluti ficta pro falsis ducit. Sed ego adolescentulus, initio, sicuti plerique, ² studio ad rempublicam ^b latus sum; ^c ibique mihi multa adversa fuere. Nam pro pudore, pro ^d abstinentia, pro ^e virtute, audacia, ^f largitio; avaritia, vigeant. Quæ tametsi animus aspernabatur, insolens malarum artium, tamen inter tanta vitia imbecilla ætas, ambitione corrupta, tenebatur. Ac me, cum ab reliquis malis moribus dissentirem, nihilominus honoris cupido eadem, quæ cæteros, ^g fama, atque ^h invidia vexabat. ³ Igitur, ubi animus ex multis

INTERPRETATIO.

¹ Unusquisque legit et audit cum æquitate animi ea, quæ putat sibi factu facilia: ea verò quæ sunt supra, et sibi impossibilia, habet pro falsis, veluti ficta.

² Magno cum affectu conatus sum munus aliquod in republicâ suscipere.

³ Igitur cum animus fuit mihi liber à multis curis et solitudinibus, atque periculis et discriminibus, et constitui vitam reliquam mihi transigendam esse procul à

republicâ, nolui perdere bonum otium, animi socordia et ignaviâ aut corporis desidia et segnitie: neque verò volui me intentum servilibus officiis transigere vitam colendo agrum, aut venando; sed postquam regressus sum ad institutum et studium, à quo ambitio mala avocaverat me, constitui perscribere res gestas Pop. R. carptim prout singula videbantur digna hominum recordatione.

NOTÆ.

a Exæquanda.] Ea demum scriptoris laus est, cum ita ille orationem suam ex ipsis rebus effingit, ut in scripturâ et picturâ, quam fuerit in re, et exemplari, nec plûs, nec minùs conspiciatur.

b Latus sum.] Id est, eadem lubricitate quâ cæteri ad magistratus anhelabant, quasi turbine correptus sum. At enim, vide mihi, quæso, quâ solertia errata sua excuset Sallustius: vult ille videri grassante pravitate, et quasi æstu quodam, sublatus.

c Ibique.] Id est, in muneribus adipiscendis et gerendis.

d Abstinentia.] Eadem est atque innocentia et continentia.

e Virtute.] Propriè, hoc in loco, eam virtutem indicat, quâ quis animo est præstanti et elato. Gall. *La noblesse du courage*.

f Largitio.] Qui ad honores aspirabant, quandoque epulis et conviviis populi suffragia captabant, et illius auram venabantur; quandoque frumenta distribuebant, &c. Illud est largitio: atque ut

largirentur, opus erat omninò aliquos expilare.

g Fama.] Quo modo reponit Sallustius famam in malis moribus? Qui scilicet ille, sicut et reliqui, eam sibi malis artibus, quas excusat tamen, quantum potest, magnam facere studebat; ambiendo, &c.

h Invidia.] Mire se hic torquent interpretes: quidam textum corrigunt; alii invidiam exponunt, quasi Sallustius maligna invidorum judicia expertus fuerit. At certò illud non agitur: autor enim loquitur de malis moribus, quibus et ipse corruptus fuerat; quod patet ex eò quòd se dicit à reliquis dissentire. Ergo, quam cunctanter à doctissimorum virorum sententiâ discedo, pace ipsorum discedo tamen. Invidia, uti quidem arbitrator, nihil est aliud quàm idem ille morbus, quo hodie: laborant omnes qui nimio affectu, se præponi postulant iis, qui sibi gratia præpollent apud principem aut populum.

miseriis, atque periculis requievit, et mihi reliquam ætatem ^aà republicâ procul habendam decrevi, non fuit consilium, socordiâ, atque desidiâ, bonum otium contere: neque verò, agrum colendo, aut venando, ^bservilibus officiis intentum, ætatem agere; sed à quo incepto, studioque me ambitio mala detinuerat, eodem regressus, statui res gestas populi Romani carptim, ut quæque ⁶⁰memoriâ digna videbantur, præscribere: eò magis, quòd mihi à spe, metu, ^cpartibus reipublicæ, animus liber erat. Igitur de Catilinæ conjuratione, quàm verissimè potero, paucis absolvam. Nam id facinus in primis ego memorabile existimo, sceleris atque periculi novitate, de cujus hominis moribus pauca priùs explananda sunt, quàm initium narrandi faciam.

L. Catilina ^dnobili genere natus, fuit magnâ vi et animi, et corporis, sed ingenio malo, pravoque. Huic ab adolescentiâ bella intestina, cædes, rapinæ, discordia civilis, grata fuere; ^eibique ⁷⁰juventutem suam exercuit: corpus ^fpatiens inediæ, alioris, vigiliæ, supra quàm cuiquam credibile est; animus audax, subdolanus, varius, cujuslibet rei ^gsimulator ac dissimulator: alieni appetens, sui profusus, ardens in cupiditatibus; satis eloquentiæ, sapientiæ parum; vastus animus, immoderata, incredibilia, nimis alta semper cupiebat. Hunc post dominationem ^hL. Sullæ, ludido maxima invaserat reipublicæ ⁱcapiundæ: ^jneque, id quibus modis adsequeretur, dum sibi regnum pararet, quidquam ^kpensi habebat. Agitabatur magis,

INTERPRETATIO.

¹*Et exercuit juventutem suam in illis rebus.*

²*Hunc libido maxima invaserat reipublicæ invadendæ.*

³*Neque ullo modo curabat, quibus modis illud assequeretur, modò sibi summum imperium pararet.*

NOTÆ.

^a *A republicâ procul.]* Id est, Absque omni honorum ambitu.

^b *Servilibus.]* Quamvis eâ causa maxime vexatus fuit Sallustius, non tamen ideò credendum est, eum venationem inter servilia officia, quasi ea non sit libero homine digna, per contemptum rejecisse: minime: est enim belli quoddam tyrocinium, et exercitium utile, si quis modò sobriè utatur. Persequitur autor à primo institutum distinctionem inter ea, quæ virtute et imperio animi parantur, et ea quæ vi et servitio corporis acquiruntur; tantumque sibi illa placuisse magis testatur.

^c *Partibus.]* Gall. *Parti*, Ang. *faction*.
^d *Nobili.]* Patricius fuit, ut liquet ex Cicerone, et aliis, ex Sergiâ familiâ oriundus, cujus ultimus fuit.

^e *Patiens.]* Nomen est: eum significat, qui potest inediam tolerare, quanquam reipsâ non patiatur. Patiens verò participium, cum accusativo, ille est qui revera patitur, quamvis ægrè toleret.

^f *Simulator.]* Is dicitur, qui id esse ostendit, quod non est, *dissimulator* contrâ, qui id non esse, quod est.

^g *L. Sullæ.]* Hic ille est felix et notissimus Sylla, qui Mario oppresso, dictaturam et summum imperium nactus, patriam quoque et rempublicam usque adeò sibi fecit obnoxiam, ut invito illo, nec bona, nec vitam, retinere quisquam posset.

^h *Pensi.]* *Pensum fit à pendo*, quod inter alia significat *estimo, curo*, itaque, *nihil pensi habere, est nihil curare*.

magisque in dies animus ferox inopiâ rei familiaris, et conscientiâ, scelerum, quæ utraque his artibus auxerat, quas supra memoravi: incitabant præterea corrupti civitatis mores, quos pessima, ac ⁸⁰ diversa inter se mala, luxuria, atque avaritia vexabant. Res ipsa hortari videtur, quoniam de moribus civitatis ¹ tempus admonuit, suprâ repetere, ac paucis instituta majorum domi, militiæque, quomodo rempublicam ² habuerint, quantamque reliquerint, et ut paulatim immutata, ex pulcherrimâ, pessima, ac flagitiosissima facta sit, disserere.

Urbem Romam, sicuti ego accepi, condidêre atque habuêre initio ^b Trojani; qui, Æneâ duce, profugi, sedibus incertis vagabantur; cumque his ^c Aborigines, genus hominum agreste, sine legibus, ^d sine imperio, liberum, atque solutum. Hi postquam in una mœnia convenêre, dispari genere, dissimili linguâ, alius alio ⁹⁰ more viventes, incredibile memoratu est quàm faciliè coaluerint. Sed postquam res eorum civibus, moribus, agris aucta, satis prospera, satisque pollens videbatur; ³ sicuti pleraque mortalium habentur, invidia ex opulentiâ orta est. Igitur ^e reges, populi que finitimi bello tentare; pauci ex amicis auxilio esse. Nam cæteri, metu percussi, à periculis aberant: at Romani, domi, militiæque intenti, festinare, parare, alius alium hortari; hostibus obviam ire; libertatem, patriam, parentesque armis tegere. Post, ubi pericula virtute propulerant, sociis atque amicis auxilia portabant: magisque dandis, quàm accipiendis beneficiis amicitias ¹⁰⁰ parabant: imperium legitimum, nomen imperii ^f regium habebant: ⁴ delecti, quibus corpus annis infirmum, ingenium sapientiâ validum erat, reipublicæ consultabant. Hi, vel ætate, vel curæ ^g similitudine, patres appellabantur. Post, ubi regium imperium, quod

INTERPRETATIO.

¹ Quandoquidem occasio nos admonuit de moribus civitatis. sicut id plerumque accidit inter homines.

² Quomodo rempublicam administraverint. ⁴ Quidam delecti, quibus corpus erat infirmum ex senectute, ingenium verò validum sapientiâ, consulebant reipublicæ.

³ Invidia orta est ex opulentiâ. ^g Similitudine.] Id est, qui eam reipublicæ quam patres familiæ curam habebant, ideo Patres vocabantur. Centum verò à Romulo fuerunt primò instituti quorum progenies patricia dicta est: quanquam alii deinde id eum numerum adsciti fuerunt.

NOTÆ.

a Diversa.] Id est, opposita. Sæpius ita sumendum in nostro auctore.

b Trojani.] Alii à Romulo conditam Romam asserunt. Is fortè, quod primò Trojani ædificaverant, minùsque deinde coluerant, restituit, et auxit.

c Aborigines.] Indigenæ, antiquissimi Italiæ populi.

d Sine Imperio.] Mortuo, scilicet, Latino, suo rege.

e Reges.] Acron puta, rex Ceninensium, Tatiùs Sabinorum.

f Regium.] Id est, reges vocabantur qui primi imperium obtinuerunt apud Romanos; quod quidem verum est, sive eorum tempora à Romulo, sive à Latino vel Æneâ repetas.

g Similitudine.] Id est, qui eam reipublicæ quam patres familiæ curam habebant, ideo Patres vocabantur. Centum verò à Romulo fuerunt primò instituti quorum progenies patricia dicta est: quanquam alii deinde id eum numerum adsciti fuerunt.

initio conservandæ libertatis, atque augendæ reipublicæ causa fuerat, in superbiam, ^adominationemque convertit; immutato more, annua imperia, binos imperatores sibi fecere. Eo modo minimè posse putabant per licentiam inolescere animum humanum. Sed eâ tempestate cœpere se quisque magis, magisque extollere, ingeniumque ^bin promptu habere; nam ^cregibus boni, quàm mali, suspectiores sunt: semperque his aliena virtus formidolosa est. Sed civitas, incredibile memoratu est, adeptâ libertate, quantùm brevi creverit, tanta cupido gloriæ incesserat. Jamprimum juvenus, simul laboris ac ^dbelli patiens erat, in castris usu militiam discebat: magisque in decoris armis, et militaribus equis, quàm in scortis atque conviviis, ^elubidinem habebant. Igitur talibus viris non labor insolitus, non locus ullus asper, aut arduus erat, non armatus hostis formidolosus: ^fvirtus omnia domuerat. Sed gloriæ maximum certamen inter ipsos erat: quisque hostem ^gferire, murum ascendere, conspici, dum tale facinus faceret, properabat: ^heas divitias, eam bonam famam, magnamque nobilitatem putabant. Laudis avidi, pecuniæ liberales erant; gloriâ ingentem, divitias ⁱhonestas, volebant. Memorare possem, quibus in locis maximas hostium copias populus Romanus ⁱparvâ manu fuderit; quas urbes naturâ munitas pugnando ceperit; ni ea res longiùs nos ab incepto traheret. ^kSed profectò fortuna

INTERPRETATIO.

¹ Volebant divitias mediocres.

NOTÆ.

a *Dominationem.*] Hic pro tyrannide posita est *dominatio*, quam Tarquinius adeò inexit immoderatam, ut, eo dejecto, sibi binos imperatores, consules scilicet, Romani delegerint.

b *In promptu.*] Id est, Non jam illi vires ingenii occultabant, ne tyranno forent formidolosi; quin contrâ, virtutem suam quisque quàm maximè expromptam et manifestam habebat.

c *Regibus.*] Malis scilicet, de quibus nunc agitur; nisi fortè omnes pariter uno et eodem odio Sallustius, popularium opinioni serviens, persequitur.

d *Bellî patiens.*] Anno ætatis circiter 17 quo pueri esse desinebant; protractâ deinde juventute ad annum usque, 46, a quo ineipiebat senectus.

e *Lubidinem.*] Tametsi sæpius *lubido* in malam partem accipitur, pro desiderio pravo; attamen, ut vides, quandoque etiam in sumitur in bonam.

f *Virtus.*] Fortitudinem intellige.

g *Ferire.*] Nihil frequentius quàm loquendi formulas istiusmodi videbis, per

infinitivum, pro indicativo: sunt autem, valde significantes et elegantes.

h *Eas divitias.*] Vulgò diceremus, *In eo positas esse divitias, in eo positam esse bonam famam, &c. putabant.*

i *Parvâ manu.*] Frustrâ sunt, ni fallor, qui, ut Romanorum gloriâ militarem magnam fuisse probent, huc multa ex historiâ nobis pervulgata congerunt; intendit enim autor majorem fuisse eam, quam scriptis celebrata fuerit.

k *Sed.*] Adversativa est; ex eo verò difficultatem parit, quòd sententiæ integræ non respondet. Superiori periodo dixit Sallustius se posse memorare quibus in locis populus Romanus fuderit copias, &c. Inde ille nihil excipit. Verùm in illâ propositione, hæc assertio includitur, *Populus Romanus fudit copias parvâ manu, &c.* Huic assertioni respondet particula *sed*. Quasi dicat, *Bello maximi fuerunt patres nostri: sed fortunâ illis gloriâ suam invidit; nam facta eorum Historiâ, uti digna erant, non fuere concelebrata.*

in omni re dominatur. Ea res cunctas, ex lubricine magis, quàm ex vero, celebrat, obscuratque. Atheniensium res gestæ, sicuti ego existimo, satis amplæ, magnificæque fuere; verùm aliquantò minores tamen, quàm famâ feruntur: sed quia provenire ibi magna ^ascriptorum ingenia, per terrarum orbem Atheniensium facta pro maximis celebrantur; ita eorum qui fecere, virtus tanta habetur, quantum verbis ea potuere extollere præclara ingenia. At populo Romano nunquam ea copia fuit, quia prudentissimus quisque negotiosus maximè erat. Ingenium nemo sine corpore exercebat. Optimus quisque facere, quàm dicere; sua ab aliis benefacta laudari, quàm ipse aliorum narrare, malebat. Igitur domi, militiæque boni mores colebantur. Concordia maxima, minima avaritia erat. Jus, ^bbonumque apud eos non legibus magis, quàm ^cnatura, valebat. Jurgia, discordias, simultates cum hostibus exercebant; cives cum civibus de virtute certabant. In ^dsuppliciis deorum magnifici, domi parci, in amicis fideles erant. Duabus his artibus, audaciâ in bello, ubi pax evenerat, æquitate, seque, remque publicam, curabant. Quarum rerum ego maxima documenta hæc habeo; quòd in bello sæpius vindicatum est in eos, qui ^econtra imperium in hostem pugnaverant, quique tardiùs, revocati prælio excesserant; quàm qui signa relinquere, aut pulsi, loco cedere, ausi erant: in pace verò, beneficiis, magis quàm metu, imperium agitabant; et acceptâ injuriâ ignoscere, quàm persequi, malebant. Sed, ubi, ^flabore, atque justitiâ, respublica vivit; reges magni bello domiti; nationes feræ, et populi ingentes vi subacti; Carthago, æmula imperii Romani, ab stirpe interiit; cuncta maria, terræque patebant, fortuna sævire ac miscere omnia cœpit. ¹Qui labores, pericula, dubias atque asperas res facile toleraverant; iis otium,

INTERPRETATIO.

¹ Otium et divitiæ, quas Romani toleraverant, facile et cordatè pas-
debuissent optare aliis, fuerunt si erunt labores, pericula, res du-
causa oneris et felicitatis iis, qui bias atque asperas.

NOTÆ.

a Scriptorum.] In his fuere Herodotus, Thucydides, Xenophon.

b Bonumque.] Formulâ solenni bonum cum jure, aut æquo jungitur, jus bonumque, æquum et bonum: quia, scilicet, interdum summum jus cum sit summa injustitia, jus et lex scripta mitiganda est æquitate quâdam et bonitate naturali.

c Naturâ.] Illam intellige quam bonam educatio ingeneraverat, quæ alter est natura. Hoc dicit Sallustius, Non magis veteres Romanos ex præscripto legum, aut earum comminationibus probos

fuisse, quàm quia probitas ipsis placebat, et quasi congenita erat.

d Suppliciis. Id est; sacrificiis; prisca enim paupertas, ex noxiorum bonis sacra diis fecisse fertur.

e Contra imperium.] In his fuit Manlius, quem Torquatus pater virgis cæsum capite multavit. Imò Posthumius à patre quoque eodem supplicio ultimo affectus, quod rei bene gerendæ occasione oblata, sine imperio victoriam reporasset.

f Labore.] In bello præsertim; justitia in pace.

divitiæ optanoneri, miseriæque fuere. Igitur primò pecuniæ, deinde imperi cupido crevit. Ea quasi materies omnium malorum fuere. Namque avaritia fidem, probitatem, cæterasque artes bonas subvertit: pro his superbiam, crudelitatem, deos negligere, omnia venalia habere, edocuit; ambitio multos mortales ¹falsos fieri subegit; aliud clausum in pectore, aliud promptum in linguâ, habere; amicitias, inimicitiasque ^anon ex re, sed ex commodo, æstimare; magisque vultum, quàm ingenium bonum, habere. Hæc primò paulatim crescere, interdum ^bvindicari. Post, ubi ^ccontagio, quasi pestilentia, invasit; civitas immutata, imperium ex justissimo, atque optimo, crudele, intolerandumque factum. Sed primò magis ambitio, quàm avaritia, animos hominum exercebat; quod tamen vitium propriùs virtutem erat; nam gloriam, honorem, imperium, ^dbonus, ignavus, æquè sibi exoptant. Sed ille ^everâ viâ nititur; huic quia bonæ artes desunt, dolis, atque fallaciis contendit. Avaritia pecuniæ studium habet, quam nemo sapiens concupivit. Ea quasi venenis malis imbuta, corpus, animumque virilem effœminat: semper infinita, insatiabilis est: neque copiâ neque inopiâ minuitur. Sed, postquam L. Sylla, armis ^freceptâ republicâ, ^gbonis initiis ^hmalos eventus habuit; rapere omnes, trahere: domum alius, alius agros ⁱcupere: neque modum, neque modestiam victores habere: fœda crudeliaque in cives facinora facere: huc accedebat, quòd L. Sylla exercitum, quem in Asiâ ^kductaverat, quòd sibi fidum faceret, contra morem majorum lux-

INTERPRETATIO.

¹ *Ambitio coegit multos homines fieri fallaces et fraudulentos.* | ² *Exercitum tractaverat luxuriosè et nimis licenter.*

NOTÆ.

^a *Non ex re.]* Id est, non ex pulchritudine et merito, aut contra; sed tantum pro ratione commodi et turpissimi quæstus.

^b *Vindicari.]* Ideò latæ leges de ambitu et pecuniis repetundis; quæ prout boni vel mali opibus et autoritate præpollebant vigeant, vel torpescebant.

^c *Contagio.]* Morbus est quilibet, qui contactu contrahitur; hoc in loco morum notat fœdam immutationem et contaminationem, quæ exemplo, et consuetudine malorum invehitur.

^d *Bonus.]* Pro forti et cordato: sic sæpè.

^e *Vera.]* Legitima et bona: sæpenumero hoc sensu invenies.

^f *Recepta.]* Recuperata, et liberata à tyrannide Marii præsertim, et Cinnæ.

^g *Bonis initiis.]* Primò enim videbatur Sylla omnia pro senatu, et reipublicæ bono, agere.

^h *Malos.]* Ne ita intelligas, quasi Sylla perpetuò in republicâ felix non fuerit: mali eventus ad rempublicam spectant, quam ille oppressit.

ⁱ *Cupere.]* Non modò cupiebant, sed ut, quisque domum aut villam concupiverat, dabat operam ut in proscriptorum numero esset. Unde Q. Aurelius, cum in iis nomen suum legisset, *Væ mihi misero!* inquit. *Albana me villa persequitur.*

^k *Ductaverat.]* Id est, cui præfuerat; nam si aliter sumas, non in Asiâ, sed in Asiam, legendum foret.

uriosè, nimisque ²liberaliter, habuerat. Loca amœna, voluptaria, facile in otio feroces militum animos molliuerant: ibi primùm insuevit exercitus populi Romani amare, potare; ^asigna, tabulas pictas, vasa cœlata, ^bmirari; ea ¹privatim ac publicè rapere, delubra spoliare, sacra, profanaque omnia polluere. Igitur hi milites, postquam victoriam adepti sunt, nihil reliqui victis fecêre. Quippe secundæ res sapientium animos ^cfatigant, ²ne dum illi, corruptis moribus, victoriæ ^dtemperarent. Postquam divitiæ honori esse cœperunt, et eas gloria, imperium, potentia sequebatur; ^ehebescere virtus, paupertas probro haberi, innocentia ^fpro malevolentia duci cœpit. Igitur ex divitiis juventutem luxuria, atque avaritia cum superbia invasêre. Rapere, consumere; sua parvi pendere, aliena cupere; pudorem, pudicitiam, divina atque humana promiscua, nihil pensi, neque moderati habere. Operæ pretium est, cùm domos atque villas cognoveris in urbium modum exædificatas, visere templa deorum, quæ nostri majores, religiosissimi mortales, fecêre. ^gVerùm illi delubra deorum pietate, domos suas gloriâ, decorabant: neque victis quidquam, præter injuriæ³

INTERPRETATIO.

¹ *Ea rapiebant ex privatis et publicis ædibus.* | *corruptis moribus, victoriæ modum fecissent.*

² *Multo minùs illi, qui erant* | ³ *Neque eripiebant quicquam victis præter facultatem lædendi.*

NOTÆ.

a *Signa.*] Quaslibet intelligo, figuras, quavis materiâ effictas, eminentes modò fuerint ex extantes. Gall. *Tout ouvrage de sculpture et de relief.*

b *Mirari.*] Eodem sensu Horatius hoc verbum pro affectuum commovendorum causâ proximâ usurpat: nisi potiùs credas in admiratione positam esse primam animi commotionem. Uno verbo, *Mirari* positum est pro *Amare, Cupere.*

c *Fatigant.*] Id est, *vix possunt sapientes, fortunam ferre; diffluunt in rebus secundis, et quandoque insolescunt*, nisi pectus bene præparatum fuerit; nam plures voluptas, quàm dolor vincit.

d *Temperarent.*] Id est, *minùs potestate suâ in illos uterentur; jus aliquod, servarent, quo, non omnibus modis victos vexarent et torquerent.* Jus militum, *Quodlibet.*

e *Hebescere.*] Id est, *minus stimulis ejus excitabantur.*

f *Pro malevolentia.*] Quomodo isthuc? Eo planè quo et hodie illud fit. Cùm aliquem vident inculpatis moribus, quique

non in unam et eandem ruit pravitatem *Quia ille invidet*, dicunt. Quando eò mores lapsi sunt, certè eorum admodum difficilis est euratio. Si verò per innocentiam intelligas tantùm abstinentioniam ab omni rapinâ, tunc malevolentia fuerit equidem invidia, at paulò aliter explicanda: quasi scilicet aliquis eo fine sit abstinens, ut alios, si minùs tales fuerint increpare et damnare possit.

g *Verùm.*] Respondet sensui intellecto, non expresso, quasi dicat, *Minùs te moveat videre habitationes, quas tam humiles diis posuerant prisci patres nostri, postquam eas comparaveris cum magnificis villis nostrorum hominum: illi enim, contra quàm fit hodie, templa deorum pietate, domos suas gloria, decorabant.* Colebantur à veteribus religiones piè magis quàm magnificè, ut Livius loquitur: unde in lege duodecim tabularum, *Ad divos adeunto castè, pietatem adhibento; opes amovento.*

licentiam, eripiebant. At hi contrâ, ignavissimi homines, per summum scelus, omnia ea sociis adimere, quæ fortissimi viri victores hostibus reliquerant: proinde quasi injuriam facere, id ^ademum esset imperio uti. ¹Nam quid ea memorem, quæ, nisi his, qui vidēre, nemini credibilia sunt; â privatis compluribus subversos montes, maria ^bconstrata esse? Quibus mihi ludibrio videntur fuisse divitiæ. Quippe, quas honestè habere licebat, per turpitudinem abuti properabant. Sed libido stupri, ganeæ, cæterique ^ccultûs non minor inaccesserat. Viri pati muliebria: mulieres pudicitiam in propatulo habere: vescendi causâ, terrâ marique omnia exquirere: dormire prius, quàm somni cupido esset: non famem, aut sitim, neque frigus, neque lassitudinem operiri: sed ea omnia luxu antè capere. ^dHæc juventutem, ubi familiares opes defece- rant, ad facinora incendebant. Animus imbutus malis artibus, haud facile lubricinibus carebat: eò profusiùs omnibus modis ^equæstui, atque sumptui deditus erat.

²In tantâ, tamque corruptâ civitate, Catilina, id quod factum fa- cillimum erat, omnium flagitiosorum atque facinorosorum circum se, tamquam stipatorum, catervas habebat. Nam quicumque impudicus, adulter, ganeo, manu, ventre, pene, bona patria lacer- averat: quique alienum æs grande conflaverat, quo ³flagitium, aut facinus ^eredimeret: præterea, omnes undique parricidæ, sa- crilegi, convicti judiciis, aut pro factis iudicium timentes: ad hoc, quos manus, atque lingua, perjurio, et sanguine civili alebat: pos- tremò, omnes, quos flagitium, egestas, ^fconsciis animus, exagita-

INTERPRETATIO.

¹Nam quâ de causâ narrarem | catervas et agmina omnium flagi-
ca, quæ nullus possit credere, nisi | tiosorum atque facinorosorum,
qui viderit? Montes scilicet sub- | tanquam stipatorum et custodum,
versos et sublatis à privatis com- | id quod erat facillimum factum in ci-
pluribus, maria constrata esse et | vitate tantè et tam corruptâ.
ædificata.

³Ut flagitium, aut facinus elue-

²Catilina habebat circum se | ret.

NOTÆ.

a Demum.] Id est, quasi imperium non aliter insigne esset, quam hominibus male faciendo, aut in eo consisteret.

b Constrata.] Sive constructa, aut contracta legeris, eodem modo Romanorum luxuriam circa ædificia in mari extruenda carpetur; quâ de re Horatius quoque ita conquestus est:

Contracta pisces æquora sentiunt.

Factis in altum molibus, &c.

Ob ingentes sumptus, et profusam in ædificiis et convictibus luxuriam, Lucullus Xerxes togatus à Pompeio dictus est.

c Cultus.] Hic in malam partem accipitur pro nimia et lasciva corporis curatione, aut in cutis indulgentiâ, et blanditiis.

d Hæc.] Præpostera, scilicet, vivendi consuetudo, moresque propudiosi.

e Redimeret.] Id est, ut se liberaret, atque delicti penam effugeret, vel pecuniâ iudices corrumendo, vel cum iis qui litem intentabant transigendo.

f Consciis.] Scelerum scilicet: Consciis enim quandoque in bonam partem sumitur.

bat: hi Catilinæ proximi, familiaresque erant. Quòd si quis eti-
am à culpâ vacuus in amicitiam ejus inciderat; quotidiano usu,
atque illecebris, facillè par, ^asimilisque cæteris efficiebatur. Sed
maximè adolescentium familiaritates appetebat. Eorum animi
molles, et ætate fluxi, dolis haud difficulter capiebantur. ¹Nam,
uti cujusque studium ex ætate flagrabat, allis scorta præbere, aliis
canes, atque equos mercari: postremò neque sumptui, neque ^bmo-
destiæ suæ parcere, dum illos ^cobnoxios, fidosque sibi faceret.
Scio fuisse nonnullos, qui ita existimarent, juventutem, quæ domum
Catilinæ frequentabat, parum honestè pudicitiam habuisse. Sed ex 30
^daliis rebus magis, quàm quòd cuiquam id compertum foret, hæc
fama valebat. ^eJamprimum adolescens Catilina multa nefanda
stupra fecerat, ^fcum virgine nobili, cum ^gsacerdote ^hVestæ, et alia
hujuscemodi contra ⁱjus, fasque: postremò, captus amore ^kAure-
liæ Orestillæ, cujus, præter formam, nihil unquam bonus laudavit: ²

INTERPRETATIO.

¹ Nam præbebat aliis scorta, fecisse domum suam vacuum nup-
aliis emebat canes atque equos; tuis flagitiosis, filio suo necato,
prout unusquisque ardebat deside- ed quòd Aurelia Orestilla, timens
rio alicujus rei, secundum suam eum futurum privignum, qui
ætatem. ætate adultus erat, dubitabat nu-
bere ipsi Catilinæ.

² Creditur pro certo, Catilinam

NOTÆ.

a Similisque.] Cùm similis non tantum
dieat quantum par, perinde est ac si dix-
isset Sallustius. Usu et consuetudine qui-
cunque in Catilinæ amicitiam incederat,
facillè illi par, aut saltem similis efficie-
batur. Nisi malis ro par gradus nequitie
notare, simili vero genus ipsum, in quo
illi pares fiebant.

b Modestiæ.] Hic Gallicè veritas, sans
honneur. Alibi aliter.

c Obnoxios.] Obstrictos. Gall. Attachez
à sa personne.

d Aliis rebus.] Ubi manifestum fecerat
Catilina, se nullo scelere aut flagitio va-
care: sed profligate nequitie hominem
esse.

e Jamprimum.] Instituit Sallustius ea-
rum rerum enumerationem, ex quibus,
eos juvenes qui Catilinam frequentabant,
parum honestè pudicitiam habuisse, con-
jecturâ prospiciebatur.

f Cum virgine.] Forte de eo stupro lo-
quitur, quod ei obtulit, quæ postea soerus
fuit: nam et illud quoque Cicero Catilinæ
objecit; tacito tamen, ut hic, mulieris no-
mine, ne illi et familiæ nota inureretur.

g Sacerdote Vestæ.] Virgines erant
Vestales, castitatis eximie, quibus nefas
erat virum tangere, ad sacri et æterni ig-
nis custodiam in penetralibus Vestæ adhi-
bitæ.

h Vestæ.] Estha Chaldæis ignem deno-
tat, à quo Græcis *estia* factum, id est, fo-
cus; unde Latinis *Vesta*, id est, ignis.
Vestæ verò nomine æthereum et divinum
quendam ignem intellexerunt, seu men-
tem, quæ non oculis, sed animo tantum
perceperit, ex quo factum ut nullum in
Vestæ templo simulacrum conspicere-
tur. Atque notandum est, duas fuisse
Vestas, alteram veterem Saturni matrem,
quæ *Cybele*, et *Pales*, et *Terra*, imò *Ops*
et *Ceres* dicitur; alteram, verò Saturni,
ex illa alterâ filiam, quæ hæc nostra est:
quanquam hæc omnia non uno modo apud
omnes mythologos reperias; imò sæpis-
sime confundantur.

i Jus.] Jus, ad homines; fas refertur
ad Deos.

k Aureliæ.] Quæ fuerit non satis con-
stat; eam formâ et divitiis inter primas
claruisse certum est.

quòd ea nubere illi dubitabat, timens privignum adulatâ ætate; pro certo creditur, ^anecato filio vacuum domum scelestis nuptiis fecisse. Quæ quidem res mihi in primis videtur causa fuisse ^bfacinoris maturandi. Namque animus impurus, diis hominibusque infestus, neque vigiliis, neque quietibus sedari poterat: ita consci-⁴⁰entia mentem ^cexcitam vexabat. Igitur colos ^dexsanguis, ^efædi oculi; citus modò, modò tardus incessus: prorsus in ^ffacie, vultuque ^gvecordia inerat. Sed juventutem, quam, ut suprà diximus, illexerat, multis modis mala facinora edocebat. Ex illis testes signatoresque falsos ^hcommodare; fidem, fortunas, pericula vilia, habere. Post, ubi eorum famam, atque pudorem ⁱattriverat, majora alia imperabat. Si causa peccandi in præsens minùs suppetebat, nihil ominus ⁱinsontes, sicuti sontes, circumvenire, jugulare. Scilicet, ne per otium torpescerent manus, aut animus, ^jgratuitò potiùs malus, atque crudelis, erat. ^kHis amicis, sociisque, confisus ⁴⁰Catilina; simul, quòd æs alienum per omnis * terras ingens erat; et, quod plerique Syllani milites largiùs suo usi, rapinarum et victoriæ ^kveteris, memores, civile bellum exoptabant; opprimendæ reipublicæ consilium cepit. In Italiâ nullus exercitus: Cn. Pompeius in ^lextremis terris bellum gerebat: ipsi consulatum petendi

INTERPRETATIO.

¹ Quando minuerat famam atque pudorem eorum.

² Erat potiùs malus atque crudelis sine mercede.

³ Catilina, confisus his amicis et sociis, cepit consilium reipub-

licæ opprimendæ; simul quòd ille grandem pecuniam ubique debebat, et quòd plerique milites Syllani, qui prodigè usi erant bonis suis, optabant bellum civile, memores rapinarum et victoriæ veteris.

NOTÆ.

a Necato.] Veneno, ut refert Valer. Max.
b Facinoris.] De opprimendâ republica intelligit.

c Excitam.] Non enim usque quaque conscientia sopita est; mentem quandoque commovet, excitat, et turbat. Dixit verò autor mentem excitam vexabat, pro exciebat et vexabat.

d Exsanguis.] Perturbatio conscientie tristitiam et metum commites habet, quibus sanguis ad intimas corporis partes evocatur.

e Fædi.] Savitiam et immanitatem declarantes. Aliàs Fædus deformem tantum, dicit.

f Facie.] Id est, Specie et omni exteriori aspectu. Nonnunquam facies os tantum, aut vultum significat. Gal. Le visage.

g Vecordia.] Insania, furor.

h Commodare.] Id est, In suum et amicorum commodum subministrare.

i Insontes.] Ne absolutè sontes, aut insontes intelligas, quasi se judicem et vindicem Catilina in republicâ gesserit. Per insontes eos indicat, qui ejus consiliis nihil officiebant, quique erga illum insontes erant.

* Omnis.] Accusativus pluralis, vide notam à paginâ primâ.

k Veteris.] Adversus Marium; ex qua omnes suos Sylla ditaverat.

l Extremis.] Per respectum ad Romanos, qui se orbis dominos jactabant, istud intelligendum; Pompeius enim in Asiâ erat, cum Mithridate bellum gerens.

magna spes, senatus nihil sanè intentus; tutæ tranquillæque res omnes. Sed ea prorsus opportuna Catilinæ. Igitur circiter Kal. Jun. ^aL. Cæsare et C. Figulo Coss. primò singulos appellare: hortari alios, alios tentare: opes suas, imparatam rempublicam, magna præmia conjurationis docere. Ubi satis explorata sunt, ^bquæ voluit; in unum omnes convocat, quibus maxima ^cnecessitudo, et plurimum audaciæ, inerat. Eò convenère sonatorii ordinis P. Lentulus ^dSura, P. ^eAutronius, L. Cassius Longinus, C. ^fCethegus, P. et Ser. Syllæ ^gServii filii. L. Vargunteius, Q. Annius, M. Porcius Læca, L. ^hBestia, Q. ⁱCurius: præterea, ex equestri ordine, M. Fulvius Nobilior, L. Statilius, P. Gabinus Capito, C. Cornelius: ad hoc, multi ex ^jcoloniis, et ^kmunicipiis, ^ldomi nobiles. Erant præterea ^mcomplures paulò occultius consilii hujuce participes, quos magis dominationis spes hortabatur, quàm inopia, aut alia necessitudo. Cæterùm juvenus pleraque, sed maximè nobilium, Catilinæ inceptis favebat. ⁿQuibus in otio, vel

INTERPRETATIO.

^a Illi qui poterant vivere vel quebantur incerta pro certis magnificè, vel molliter in otio, selebant bellum quàm pacem.

NOTÆ.

^a L. Cæsare.] Id est, anno mundi 3886. Ante Christum natum 62. A Româ conlta 689, vel secundum alios 690.

^b Necessitudo.] Hic pro necessitate positur: alias pro familiaritate.

^c Sura.] Ita vocatus fuit, quòd, pecuniâ publicâ assumptâ, cùm questuræ rationem reddere non posset, se dixit suram præbiturum, ut solebant pueri qui in ludo pilæ peccassent. Post consulalum, senatu ob malos mores ejectus fuit: quare iterum prætor est factus, ut pristinam dignitatem recuperaret; et in prætura conjuravit.

^d Autronius.] Hic consul designatus, de ambitu interrogatus, lege damnatus est.

^e Cethegus.] Is fuit ex gente Corneliâ: homo vehemens et furiosus.

^f Servii.] Hic Servius Sylla, pater Publii et Servii Syllæ, frater fuit Syllæ Dictatoris, ut scribit Dio.

^g Bestia.] Hic est, qui tribunus plebis di Cicerone conqnestus est; ut infrâ videbimus.

^h Curius.] Per hunc conjuratio, primò patefacta est.

ⁱ Colonis.] Colonia multitudo est hominum, qui publico consilio ad novas terras deducuntur, quæ in singulos divisæ ab iis coluntur. Romani per Triumviros, Quinqueviros, &c. colonias suas constituebant. Vide plura apud Gellium, lib. 16. cap. 13.

^k Municipiis.] Fuerant municipia civitates, quarum incolæ, cives Romani ex municipiis dicti sunt. Illorum quibusdam civitas Romana cum suffragio, aliis absque eo, data fuit. Priores jus petendi magistratus habebant, et Romanis legibus vivebant; posteriores, cum suis moribus relictis essent, etiam à magistratibus Romæ vacabant. Atque hæc omnia variè mutata sunt: sed adi Rosinum.

^l Domi.] Quare Domi? Quare scilicet, quamvis eorum opes, et potentia in suâ civitate, maxima esset, non illi pariter Romæ valebant.

^m Complures.] Romani scilicet, quales fortè Cæsar, Antonius, alii.

magnificè, vel molliter, vivere copia erat; incerta, pro certis, bellum, quàm pacem, malebant. Fuère item eâ tempestate, qui crederent M. Licinium ^aCrassum non ignarum ejus consilii fuisse: quia Cn. Pompeius, invisus ipsi, magnum exercitum ductabat; cujusvis opes voluisse contra illius potentiam crescere; simul confisum, si conjuratio valuisset, facilè apud illos principem se fore.

^bSed antea item conjuravère pauci, contra rempublicam in quibus Catilina, ^cde quo, quàm verissimè potero, dicam. ^dL. Tullo, M. Lepido Coss. P. Autronius, et P. Sylla, ^edesignati consules ^flegibus ambitûs interrogati, ^gpœnas dederant. Pòst paulò Catilina, ^hpecuniarum repetundarum reus, ⁱprohibitus erat petere consulatum; quod intra ^klegitimos dies ^lprofiteri nequiverit. Erat eodem tempore Cn. Piso, adolescens ^mnobilis, summæ audaciæ, egens, factiosus; quem ad perturbandam rempublicam inopia, atque mali mores stimulabant. Cum ⁿhoc Catilina, et Autronius circiter Nonas Decembr. consilio communicato, parabant in Capitolio Kal. Januar. L. Cottam et L. Torquatum Coss. interficere; ^oipsi, ^pfascibus correptis, Pisonem cum exercitu ad

NOTÆ.

a *Crassum.*] Hic fuit, quo non alius Romæ ditior extabat; quem tamen auri fames ad bellum contra Parthos impulit, ubi unâ cum exercitu trucidatus est:

b *Sed antea.*] Hic abrumpitur narratio, ut aliquid de aliâ conjuratione dicatur, cujus volunt autorem fuisse Crassum, quamquam studio id dissimulat Sallustius. Igitur post aliquot periodos, hinc repetendum crit filum institutæ orationis.

c *De quo.*] Id est, de quâ re, de quâ conjuratione.

d *L. Tullo.*] Hoc est, tertio anno ante ultimam conjurationem.

e *Designati.*] Ita vocabantur qui in annum proximum electi fuerant.

f *Legibus.*] Paratæ fuerunt multæ contra ambitum, quas si voles, apud Alexandrum Neapolit. lib. 3. cap. 17. videbis. Ex carum legum autoritate interrogabantur, de ambitu qui accusati fuerant.

g *Pœnas.*] Magistratum movebantur, atque iis etiam multa pecuniaria irrogabatur.

h *Pecuniarum.*] Africam Catilina cum diripisset, Legati Afri in Senatu de illo absente conquesti sunt, deinde ejus nomen à Clodio delatum est: unde prohibitus fuit petere consulatum, nam reo illud legibus interdictum erat.

i *Prohibitus.*] Quia, ut modò vidimus, Catilina reus erat; atque etiam Lucius Volcatius alter consul publicum consilium habuerat. An Catilinæ ratio habenda esset? Sciendum est enim non tantum debuisse eos qui candidati essent, publicè declarare se magistratum petere velle; sed insuper nomen apud eum qui comitia habiturus erat, profiteri astrictos fuisse, à quo recipiebantur, si digni essent, sin minus, rejiciebantur.

k *Legitimos.*] *Lege institutos:* dies enim certos accusatori et defensori ad actionem instituendam præscribebant.

l *Profiteri.*] Defensionem suam et expurgationem, scilicet.

m *Nobilis.*] Utpote à Calpo Numæ filio oriundus: Piones enim ex gente Calpurniâ fuerunt, quam Ovidius à Calpo deducit.

n *Hoc.*] Pisone scilicet.

o *Ipsi.*] Catilina et Autronius.

p *Fascibus.*] Notum est fasces virgas fuisse ex ulmo, aut betulâ cum securi colligatas, quas magistratibus lictores præferebant; cum verò insignia essent dignitatis, hinc factum, ut pro eâ fasces accipiantur; atque hic pro consulatu positi sunt.

obtinendas ^aduas Hispanias mittere. Eâ re cognitâ, rursus in ⁹⁰Nonas Februar. consilium cædis transtulerant. Jam tum non consulibus modo, sed plerisque senatoribus, perniciem machinabantur. Quod ni Catilina maturâsset ^bpro curiâ signum sociis dare; eo die post conditam urbem Romam, pessimum facinus patratum foret. Quia nondum frequentes armati convenerant, ea res consilium diremit. Postea Piso, in citeriorem Hispaniam quæstor, ^cpro prætore missus est, annitente Crasso; ^dquod eum infestum Cn. Pompeio cognoverat. Neque tamen senatus ^eprovinciam invitus dederat. Quippe fœdum hominem à republicâ procul abesse volebat: simul, quia boni complures ^fpræsidium in ⁹¹⁰eo putabant, et jam tum potentia Cn. Pompeii formidolosa erat. Sed is Piso, in provinciam, ab equitibus Hispanis, quos in exercitu ductabat, iter faciens, occisus est. Sunt qui ita dicant, imperia ejus injusta, superba crudelia, barbaros nequivisse pati: alii autem, equites illos Cn. Pompeii veteres, fidosque clientes, ^gvoluntate ejus Pisonem aggressos: nunquam Hispanos ^hpræterea tale facinus fecisse, sed imperia sæva multa antea perpassos. Nos eam rem ⁱin medio relinquimus. De superiori conjuratione satis dictum.

^kCatilina, ubi eos, quos paulò antè memoravi, convenisse videt; tametsi cum singulis multa sæpe egerat, tamen ^lin rem fore ¹⁰credens universos appellare, et cohortari, in abditam partem ædium secessit; atque ibi, omnibus arbitris procul amotis, orationem hujusce modi habuit:

“Ni virtus, fidesque vestra satisspectata mihi foret, nequicquam

INTERPRETATIO.

¹*Cum crederet ad conjurationis utilitatem pertinere.*

NOTÆ.

a *Duas.*] Ulteriorem scilicet et citeriorem; idque cum per vim, tum contra morem: nam Hispaniæ provinciæ erant prætoris, Piso quæstor, tantum erat; deinde alterutra, non ambæ uni assignabantur.

b *Pro curia.*] Id est, *Ante locum ubi senatus congregatus erat*; non enim uno et eodem loco semper habebatur.

c *Pro Prætoris.*] Id est, *Quamvis prætor non esset, missus est tamen in provinciam prætoriam, cum prætoriâ potestate.*

d *Quod eum infestum.*] Sperabat enim Pompeii potentiam per Pisonem imminutam iri.

e *Provinciam.*] Hispaniam scilicet Nimirum populus Romanus, quandoque nationem aliquam bello domuerat, eam

plerumque magistratibus suis subiciebat.

f *Præsidium.*] *Auxilium reipublicæ adversus Pompeium, ille resistendo.*

g *Voluntate.*] *Pompeii hortatu.*

h *Præterea.*] Omnino hunc locum ita arbitror intelligendum, ut non sit excusatio, quod alii volunt, sed facti negatio. Quasi dicat, *Quidam dicunt, Hispanos interfecisse Pisonem, et inter eos nonnulli ejus crudelitatem causam mortis faciunt, alii jussum Pompeii; at verò alii negant ab Hispanis Pisonem interfectum esse.*

i *In mediò.*] Ita ut cuius liberum sit, quod volet credere aut pro alterutrâ sententiâ argumenta profere.

k *Catilina.*] Nunc ab postremam Catilinæ conjurationem autor revertitur.

“opportuna res cecidisset; spes magna dominatio, in manibus
 “frustrà fuissent: neque, ego per ignaviam, aut vana ingenia, in-
 “certa pro certis captarem. Sed, quia multis, et magnis ¹tem-
 “pestatibus vos cognovi fortes, fidosque mihi; eò animus ausus,
 “maximum, atque ^apulcherrimum facinus ^bincipere: simul, quia
 “vobis eadem, quæ mihi, bona, malaque esse intellexi. ^cNam,
 “idem velle, atque idem nolle, ea demum firma amicitia est. Sed
 “ego, quæ mente agitavi, omnes jam antea ²diversi audistis.
 “Cæterum mihi in dies magis animus accenditur, cùm considero,
 “quæ conditio vitæ futura sit, nisi nosmet ipsi vindicamus in
 “libertatem. Nam postquam respublica in paucorum potentium
 “jus, atque ^dditionem, concessit; semper illis reges, ^etetrarchæ
 “vectigales esse; populi, nationes, ^fstipendia pendere: cæteri
 “omnes strenui, boni, nobiles, atque ignobiles, ^gvulgus fuimus;
 “sine ^hgratiâ, sine ⁱauctoritate, his obnoxii, quibus, si respublica
 “^hvaleret, formidini essemus: itaque omnis gratia, potentia,
 “honos, divitiæ apud illos sunt, aut ubi illi volunt: nobis relique-

INTERPRETATIO.

- | | |
|--|--|
| ¹ Quia multis et magnis periculis vos cognovi fortes. | est sub imperium et dominationem paucorum. |
| ² Omnes jam antea audivistis separatim, quæ ego cogitavi. | ⁴ Pro fæce et colluvione habitamus. |
| ³ Postquam respublica redacta | |

NOTÆ.

a *Pulcherrimum.*] Ea vis est boni, ut il-
 lius specie etiam perditissimi parricidæ
 suas, adumbrent machinationes.

b *Incipere.*] Hic Gruterum, virum doc-
 tissimum pudet barbarici: attamen idem
 prorsus in Terentii Eunuchō, Act 5. sc. 9.
 legitur.

an me, qui id ausu' sim
Incipere; an fortunam collaudem? &c.
 Unde satis constat, hinc *incipere*, ut ille
 voluit, non esse deturbandum.

c *Nam.*] Hæc partim conclusio firmis-
 simis nititur fundamentis; verum eam
 obscuravit Catilina, dum honestis nomi-
 nibus nefandum scelus obvelare studet.
 Ita verò resolvās ejus ratiocinationem.
*Ausus sum pulcherrimum facinus, non
 tantum quia vos estis fortes; verum etiam
 quia sumus amici firmi; constat verò fir-
 mos nos esse, quia eadem volumus et no-
 lumus: at volumus eadem, quia eadem
 sunt nobis bona et mala. Atque hæc pos-
 terior probatio detruncata est: et aperta
 ut sit, addas oportet, quorum quidem bono-
 rum aut malorum ea est natura, ut nos om-*

nes, uno et eodem modo eodem cogant.
 Falsum autem est quod dicit Catilina, ea-
 dem ville et eadem nolle, efficere amici-
 tiam: honestas si adsit, tunc illud nomine
 cohonestabitur amicitia; quæ si Catilinæ
 non defuisset, nihil ferè pulchrius aut util-
 ius ejus oratione extaret.

d *Tetrarchæ.*] Non sunt illi qui quatuor
 provinciis, sed qui unius provinciæ quartæ
 parti præsunt.

e *Stipendia.*] Hic fuit dolus quorundam
 populorum, et fraus Romanorum. Cum
 illis horum cognita esset avaritia, hi verò
 omnium ferè gentium metum perspec-
 tum haberent; concordabant inter se, ita
 ut Romani, qui saltem gratiâ et auctori-
 tate pollerent, ab illis populis publicam
 injuriam averterent patronis verò suis
 illi stipendia, aut, quod magis ad nos-
 trum sermonem accedit, pensiones solve-
 rent.

f *Gratiâ.*] Apud populum: *Sans faveur.*
 g *Auctoritate.*] In senatu, *Sans crédit.*

h *Valeret.*] Id est, *statum suum legiti-
 mum obtineret.*

“runt pericula, ^arepulsas, ^bjudicia, egestatem. Quæ quousque 30
 “tandem patiemini, fortissimi viri? Nonne emori per virtutem
 “præstat, quàm vitam miseram, atque inhonestam, ubi alienæ
 “superbiæ ludibrio fueris, per dedecus amittere? Verùm enim-
 “vero, pro Deûm atque hominum fidem, victoria in manu nobis
 “est: viget ætas, animus valet. Contrà illis, annis, atque divitiis,
 “omnia ^cconsenuerunt. Tantummodo incepto opus est: cætera
 “^dres expediet. Etenim quis mortalium, cui virile ingenium est,
 “tolerare potest, illis divitias superare, quas profundant, in ^eex-
 “truendo mari, et montibus cœquandis, nobis rem familiarem
 “etiam ad necessaria deesse? Illos binas, aut ampliùs domos 40
 “continuari; nobis ^flarem familiarem nusquam nullum esse?
 “Cum tabulas; signa, ^gtoreumata emunt, ^hnova diruunt, alia
 “ædificant; postremò omnibus modis pecuniam trahunt, ⁱvex-
 “ant; tamen summâ lubricine divitias suas ¹vincere nequeunt. Ad
 “nobis est domi inopia, foris æs alienum: mala res, spes multò
 “asperior. Denique quid reliqui habemus præter miseram ani-
 “mam? Quin igitur expergiscimini? En illa, illa, quam sæpè
 “optâstis, libertas, præterea divitiæ, decus, gloria ²in oculis sita
 “sunt; fortuna ea omnia victoribus præmia posuit. Res, tempus,
 “pericula, egestas, belli spolia magnifica, magis quàm oratio 50
 “mea, vos hortentur. Vel imperatore vel milite me utimini. Ne-
 “que ^kanimus, neque corpus à vobis aberit. Hæc ipsa, ut spero,
 “vobiscum consul agam: nisi fortè me animus fallit, et vos ser-
 “vire magis, quàm imperare, parati estis.”

Postquam accepere ea homines, quibus mala abundè omnia erant,
 sed neque res, neque spes bona ulla: tametsi illis, quietam movere,

INTERPRETATIO.

¹ *Tamen per suam summam libidinem et sumptus immensos non possunt exhaurire suas divitias.*
² *Decus, gloria, vobis se offerunt.*

NOTÆ.

^a *Repulsas.*] Catilina bis consulatum petiit, bis repulsus fuit.

^b *Judicia.*] Quæ in nos exercentur scilices. Alii ambitus, alii repetundarum penas dederant.

^c *Consenuerunt.*] Id est, imminuta sunt, aut prorsus interierunt.

^d *Res expediet.*] Id est, Reliqua sine nobis perficiuntur. Gall. *Le reste se fera de soi même.*

^e *Extruendo.*] Extruere hic est, ædificare, donec locus mari subtrahatur. Gall. *Optimè dicimus. Combler les mers.*

^f *Larem.*] Lares dii erant domestici, quibus focus sacer erat: unde ipsi pro foco et domo sæpè positi, ut hoc in loco.

^g *Toreumata.*] Toreuma esse videtur quicquid cælo aut torno, elaboratum est. Gall. *Tout ouvrage de relief, et fait en bosse ouvrage, fait au tour.*

^h *Nova.*] Id est, quod nuper ædificaverant, hodie diruunt, ut denovo extruant.

ⁱ *Vexant.*] Verbum istud prorsus referendum est ad pecunias, non, uti volunt nonnulli, ad homines. Hoc dicit, aliquos quanquam pecunias suas profunderent, non potuisse tamen exhaurire: sed verbum quo usus est autor magnam habet emphasim.

^k *Animus.*] Id est, vos consilio et manu juvero.

magna merces videbatur; tamen postulare plerique, uti proponeret, quæ conditio belli foret; quæ armis præmia peterent: quid ubique opis, aut spei haberent. Tum Catilina polliceri ^atabulas novas, ^bproscriptionem locupletium, magistratus, ^csacerdotia, rapinas, alia omnia, quæ bellum atque lubido victorum fert: præterea, esse in Hispaniâ, citeriore ^dPisonem, in ^eMauritaniâ cum exercitu P. Sittium ^fNucerinum, consilii sui participes: petere consulatum ^gC. Antonium, quem sibi collegam fore speraret, hominem et familiarem, et omnibus necessitudinibus circumventum: cum eo consulem se initium agendi facturum. Adhuc, maledictis increpabat omnes bonos: suorum unumquemque nominans, laudare, admonebat alium egestatis, alium cupiditatis suæ, complures periculi, aut ignominæ, multos victoriæ Syllanæ, quibus ea prædæ, fuerat. Postquam omnium animos ^halacres videt; cohortatus, ut ⁱpetitionem suam curæ haberent, conventum dimisit. Fuere eâ tempestate, qui dicerent Catilinam, oratione habitâ, cum ad iurandum ^kpopulares sceleris sui adigeret, humani corporis sanguinem vino permixtum in pateris ^lcircumtulisse; inde, cum post execrationem omnes degustavissent, sicuti in ^msolemnibus sacris fieri consuevit, aperuisse consilium suum; asque eò dictitare fecisse, quò inter se magis fidi forent, alius alii tanti facinoris conscii. Nonnulli ficta et hæc, et multa præterea, existimabant ab

INTERPRETATIO.

¹Postquam videt animos omnium oratione commotos et accensos.

²Cum adigeret ad iurandum illos qui sceleris sui conscii erant et fautores.

NOTÆ.

a *Tabulas.*] Tabulæ novæ appellantur, cum abolitis prioribus debitis, nemo, quod ante à creditoribus acceptum est, cogitur solvere: quæ quidem propositæ sunt aliquando tabulæ, cum ære alieno, et præsertim usuris plebs Romana oppressa erat. Gall. *Abolition des detes.* Anglicè, an Act of Grace.

b *Proscriptionem.*] Ex quo factiosis locupletium bona veniebant. Illud verò malum in civitatem invexerant bella civilia. Nam qui per illa victoriam adepti fuerant, illi nomina eorum, qui diversarum partium fuisse putabantur, in tabulis descripta proponebant, constitutis præmiis, si quis eorum quenquam occidisset: bonis etiam proscriptorum publicatis atque hastæ subiectis.

c *Sacerdotia.*] Non tam dignitatem ipsam sacerdotalem, cujus nebulones illi prope nullam curam habebant, quam ex-

dignitate lucrum, aut, quod vocamus nos, *beneficium* aut *præbendam*.

d *Pisonem.*] Quem occisum fuisse Catilinam latebat, aut certè dissimulabat.

e *Mauritaniâ.*] Africæ regio est, versus Gaditanum situm.

f *Nucerinum.*] *Nuceria* ortum. Quatuor autem Nuceriæ fuerunt in Italiâ.

g *C. Antonium.*] Hic fuit triumviri patruus.

h *Petitionem.*] Consulatus scilicet ut illi ambirent, &c.

i *Circumtulisse.*] Ut singuli biberent, seu potius libarent, et leviter attingerent.

k *Solemnibus.*] Id est, quæ certis anni temporibus fieri solerent. In iis autem mos erat sacerdoti, priusquam inter victimæ cornua vinum funderet, simpulo, id est vasculo ligneo aut fictili, propinare, atque astantibus circumferre, ut pariter libarent, et de vino gustarent.

iis, qui ^aCiceronis invidiam, quæ postea orta est, leniri credebant atrocitate sceleris eorum qui pœnas dederant. Nobis ea res pro magnitudine parum comperta est. Sed in eâ conjuratione fuit Q. Curius, natus haud obscuro loco, flagitiis atque facinoribus coopertus, quem censores senatu, ¹probris gratiâ, moverant. Huic homini non minor ²vanitas inerat, quam audacia. Neque reticere, quæ audierat; neque suamet ipse scelera occultare: prorsus neque dicere, neque facere, quicquam pensi habebat. Erat ei cum Fulviâ, muliere nobili, stupri vetus consuetudo. Cui cum minùs gratus esset, quòd inopiâ minùs largiri poterat, repenti gloriâ, maria, montesque polliceri cœpit, ^bminari interdum ferro, ni sibi obnoxia foret: postremò, ferociùs agitare, quàm solitus erat. At Fulvia, insolentiæ Curii causâ cognitâ, tale periculum reipublicæ haud occultum habuit: ³sed, sublato auctore, de Catilinæ conjuratione, quæ, quo modo audierat, compluribus narravit. Ea res imprimis studia hominum accendit ad consulatum mandandum M. Tullio Ciceroni. Namque antea pleraque nobilitas invidiâ æstuebat, et quasi pollui consulatum credebatur, si eum, quamvis egregius, homo ^cnovus adeptus foret. Sed ubi periculum advenit, invidia, atque superbia ^dpostfuere. Igitur, ^ecomitiis habitis, consules declarantur M. Tullius, et C. Antonius. Quod factum primò populares conjurationis ^fconcusserant. Neque tamen Catilinæ furor minuebatur; sed in dies plura agitare; arma per Italiam locis opportunis parare; pecuniam, suâ, aut amicorum, fide sumptam mutuam ^gFæsulas ad Manlium quendam portare; qui postea ^hprinceps fuit belli faciundi. Eâ tempestate plurimos cujusque generis homines adscivisse sibi dicitur; mulieres etiam aliquot, quæ primo ingentes sumptus stupro corporis toleraverant: post, ubi ætas, tantummodo quæstui, neque luxuriæ modum fecerat, æs alienum grande ⁱconflaverant. Per eas se Catilina

INTERPRETATIO.

- | | |
|--|---|
| ¹ Quem censores ex senatu ejecerant, ut ipsum ignominia mularent. | diverat, de conjuratione Catilinæ, eo modo quo audiverat. |
| ² Non minor levitas et futilitas inerant huic, quàm audacia. | ⁴ Invidia atque superbia postposita fuerunt. |
| ³ Sed, tacito nomine auctoris, narravit compluribus ea quæ au- | ⁵ Quod factum turbaverat primò conjuratos. |
| | ⁶ Qui postea primus bellum intulit. |

NOTÆ.

a Ciceronis.] Hoc est, quæ in eam exarsit.
 b Minari.] Dicebat se eam gladio interfecturum.
 c Novus.] Ille novus homo dicebatur cujus majores amplissimis usi non essent honoribus: qui primus virtute suâ majoribus prælucebat.

d Comitiiis.] Comititia conventus erant populi ad creandos magistratus, leges ferendas, &c.

e Fæsulas.] Fæsulæ, urbs Tusciæ versus Apenninum, juxta florentiam.

f Conflaverant.] Id est, quæ se alieno ære obstrinxerant. Gall. Qui s'étoient endettées.

credebat posse ¹servitia urbana sollicitare, urbem ²incendere, viros earum, vel adjungere sibi, vel interficere. Sed in his erat Sempronia, quæ multa sæpè, virilis audaciæ facinora commiserat. ¹⁰ Hæc mulier genere atque formâ, præterea viro atque liberis, satis fortunata fuit: literis Græcis et Latinis docta: psallere, saltare elegantius, quàm necesse est probæ: multa alia quæ instrumenta luxuriæ sunt: sed ei cariora semper omnia, quàm decus, atque pudicitia fuit. Pecuniæ, an famæ minùs parceret, haud facilè discerneres; lubidine sic accensa, ut sæpiùs peteret viros, quàm peteretur. Sed ea sæpè antehac ³fidem prodiderat, ²creditum abjuraverat, cædis conscia fuerat, luxuriâ atque inopiâ ²⁰ præceps abierat. Verùm ingenium ejus haud absurdum: posse ³⁰ versus facere: ⁴jocum movere: sermone uti, vel ⁵modesto, vel ⁶molli, vel ⁷procaci. Prorsus multæ ⁸facetiæ, multusque lepos inerat. His rebus comparatis, Catilina nihilominus in proximum annum consulatum petebat: sperans, si designatus foret, facilè se ex voluntate Antonio usurum. Neque interea quietus erat, sed omnibus modis insidias parabat Ciceroni. Neque illi tamen ad cavendum dolus, aut astutiæ deerant. Namque à principio consulatûs sui multa per Fulviam pollicendo, effecerat, ut Q. Curius, de quo paulò antè memoravi, consilia Catilinæ sibi proderet. Ad hoc, collegam suum Antonium ¹pactione provinciæ perpule- ³⁰ rat, ne contra rempublicam sentiret: circum se præsidia amicorum, atque clientium occultè habebat. Postquam dies comitiorum venit, et Catilinæ neque petitio, neque insidiæ, quas consuli fecerat, prosperè cessère; constituit bellum facere, et extrema omnia experiri; quoniam, quæ occultè tentaverat, aspera fœdaque evenerant. Igitur C. Manlium Fæsulas, atque in eam partem ¹Etruriæ, Septimium quemdam ²Camertem in

INTERPRETATIO.

¹Credebat se posse per eas multitudinem servorum urbanorum ad defectionem impellere.

²Pejerando, rem creditam negaverat.

NOTÆ.

a Incendere.] Ut scilicet, per tumultum faciliùs esset, quos vellent interficere.

b Fidem prodiderat.] Id est, promissis cum sacramento non steterat; perfidam se præbuerat.

c Jocum.] Gall. Elle entendoit la raillerie.

d Modesto.] Gall. Le sérieux.

e Molli.] Le Gallant.

f Procaci.] Le langage qui est trop libre; n'est bon qu'à des effrontes.

g Facetiæ.] Id est, urbanitas, et gratia,

decus et exulta elegantia. Fortè non malè vertas Galliçe Enjouement.

h Pactione.] Ciceroni Macedonia cùm obtingeret quæ optima erat provincia ex commercio et mercibus orientis, eam ille Antonio concessit, ut obsequio ipsum mitigaret, atque impediret, ne contra rempublicam machinaretur.

i Etruriæ.] Italiæ regio non longe à Latio ad occasum. Hodie, Toscane.

k Camertem.] Ex oppido Umbriæ Camertâ, aut Camerino oriundum.

^aagrum Picenum, C. Julium in ^bApuliam dimisit, præterea alium aliò, quem ubique opportunum sibi fore credebat. Interea Romæ multa simul moliri: consuli insidias tendere: parare incendia: opportuna loca armatis hominibus obsidere: ipse cum ¹telo esse, item alios jubere, hortari, uti semper intenti, paratique essent: dies, noctesque festinare: vigilare: neque ^cinsomniis, neque labore fatigari. Postremò, ubi multa agitant nihil procedit, rursus ^dintempestâ nocte conjurationis principes convocat per M. Porcium Læcam, ibique multa de ignaviâ eorum questus, docet se præmisisse Manlium ad eam multitudinem, quam ad capiendam arma paraverat; item alios in alia loca opportuna, qui initium belli facerent; seque ad exercitum proficisci cupere, si priùs Ciceronem oppressisset; eum suis consiliis multum officere. Igitur, perterritis ac dubitantibus cæteris, C. Cornelius, eques Romanus, operam suam pollicitus, et cum eo L. Vargunteius Senator constituere ²eâ nocte paulò pòst, cum armatis hominibus, sicuti salutatum, introire ad Ciceronem, et de improvviso domi suæ imparatum confodere. Curius, ubi intellegit, quantum periculum consuli impendeat, properè per Fulviam Ciceroni dolum qui parabatur enunciat. Ita illi ^ejanuâ prohibiti, tantum facinus frustra susceperant. Interea Manlius in Etruriâ plebem sollicitare, egestate simul, ac ^fdolore injuriæ novarum rerum cupidam, quòd Syllæ dominatione, agros, bonaque omnia amiserat; præterea, latrones cujusque generis quorum in ea regione magna copia erat: nonnullos ex Syllanis ^gcoloniis, quibus libido atque luxuria ex magnis rapinis nihil reliqui fecerant. Ea cùm Ciceroni nunciarentur, ^hincipiti malo permotus, quòd neque urbem ab insidiis privato consilio longiùs tueri poterat: neque exercitus Manlii quantus, aut quo consilio foret, ⁱsatis compertum

INTERPRETATIO.

¹ Ipse cum gladio in publicum ciceronem eâ nocte, paulò pòst, sicuti salutatum ivissent.

² Constituerunt introire ad Ci-

NOTÆ.

a Agrum Picenum.] In mediâ prope-modum Italiâ, ad mare Adriaticum: hodie, *La marche d'Ancone*.

b Apuliam.] Ad mare Adriaticum jacet, in Italiæ orâ extremâ ferè, quæ vergit ad orientem.

c Insomniis.] Insomnia est cùm quis dormire non potest.

d Intempestâ.] Circa mediam noctem, cùm tempus non est ampliùs operandi. Conticinio, concubio.

e Januâ.] Ciceronis scilicet.

f Dolore.] Quòd sibi à Syllâ bona erepta fuissent.

g Colonis.] Syllæ milites erant, quibus Hetruscorum agros diviserat, quòd ii Marii partes secuti essent.

h Incipiti.] Id est, quòd ex utrâque parte imminebat.

i Satis.] Ex toto hoc negotio maximum certe erat periculum. Cùm enim in senatu ipso plurimi essent, iique maxime potentes, qui conjurationi faverent; invidiosum erat homines accusare tanto favore subnixos, nisi pariter coarguerentur: deinde ipsis reipublicæ consilia manifestabantur.

habebat: rem ad senatum ^arefert, jam antea vulgi rumoribus ex-
 agitatam. Itaque, quod plerumque in atroci negotio solet, sena-
 tus decrevit, ^bdarent operam consules, ne quid respublica detri-
 menti caperet. Ea potestas per senatum, more Romano, magis ⁷⁰
 tratui maxima permittitur, exercitum parare, bellum gerere, co-
 ãercere omnibus modis socios, atque cives: domi, militiæque im-
 perium, atque iudicium summum habere. Aliter sine populi jussu,
 nulli earum rerum consuli jus est. Post paucos dies, L. Senius
 Senator in senatu literas recitavit, quas Fæsulis allatas sibi dice-
 bat; in quibus scriptum erat, C. Manlium arma cepisse cum mag-
 nâ multitudine ante diem vi. Kâl. Nov. Simul, ^cid quod in tali re
 solet, alii portenta atque prodigia nunciabant: alii, conventus fieri,
 arma portari, ^dCapuæ atque in Apuliâ ^eservile bellum moveri. ⁸⁰
 Igitur ^fsenatû decreto, Q. ^gMarcus Rex Fæsulas; Q. ^hMetellus
 Creticus in Apuliam, circumque ea loca missi. Hi utrique ⁱad ur-
 bem imperatores erant impediti, ne triumpharent, calumnia pau-
 corum, quibus omnia honesta, atque in-honesta vendere mos erat.
 Sed prætores Q. Pompeius Rufus Capuam, Q. ^kMetellus Celer
 in agrum Picenum: iisque ^lpermissum, uti pro tempore, atque
 periculo exercitum-compararent. Ad hoc, si quis indicasset de
 conjuratione, quæ contra remp. facta erat, præmium, servo li-
 bertatem et ^mH. S. C. libero impunitatem ejus rei, H. S. CC.

NOTÆ.

^a Refert.] *Referre, est rem agendam in senatu proponere.*

^b Darent operam.] His verbis solemnibus, summum imperium, et quasi dictatorium consilibus deferrebat.

^c Id quod.] Parenthesis est. Gall. *Comme c'est la coutume en de pareilles rencontres.*

^d Capuæ.] Urbs fuit Campaniæ nobilissima mari Tyrrheno adjacens: cujus illecebris et amenitate usque adeo captus Annibal, ut ipsius domitrix dicta fuerit.

^e Servile.] Id est, quod per servos gere-
 retur. Gall. *Qu' en tâchoit d'y faire soulever les esclaves.*

^f Senatû.] Pro Senatû; ita olim.

^g Marcus.] Marciorum familia ab Anco Marcio quarto Romanorum rege deducitur. Hic consul fuit cum L. Metello, quo mortuo, et eo qui in ejus locum suffectus erat, solus Marcus consulatum gessit.

^h Metellus.] Cognomen habuit à devictâ Crêtâ post consulatum.

ⁱ Ad urbem.] Quia ante triumphum urbem intrare non erat licitum.

^k Metellus Celer.] Hic beneficio Cice-

ronis, Galliam ipsi destinatam, sed in concione depositam, administravit; consul fuit postea cum Afranio.

^l Permissum.] Imò et imperatum.

^m H. S.] Sestertium denotat hæc figura, cujus si accurationem cognitionem habere voles, opus erit adire eos qui de ære tractarunt, Budæum, puta, Hottomannum, aliosque: neque enim, quæcunque ab aliis bene scripta sunt, opus est huc transcribere. Interim, ne omnino vacuus discedas, quantum satis erat, dicemus ad hujus loci intelligentiam. *Sestertius*, ut quidem plurimis ex locis collibere videor, nummus fuit primò æreus, valore duorum assiùm cum semisse, qui postea ex argento conflatus quinque, æstimatus fuit: atque utrumque, si ad monetæ nostræ Gallicæ rationem exigas, prior decem Turonensibus denariolis, paulò pluris, vel secundum alios quatuordecim; posterior duplò valebat. Verùm difficultas in eo non est, cum ubique prostent Tabulæ pro monetarum æstimatione.—Numerandi ratio hæc in parte obscuritatem attulit, quam tamen ex pauculis sequentibus lineis intelliges. Quando nu-

itemque decrevêre, uti ^a familiæ gladiatoria Capuam, et in cætera municipia distribuerentur pro cuiusque ^b opibus, Romæ per totam urbem vigiliæ haberentur, eisque ^c minores magistratus præessent. Quibus rebus permota civitas, atque immutata facies urbis erat; ex summâ lætitiâ, atque ^d lasciviâ, quæ diuturna quies pepererat, repentè omnis tristitia invasit. Festinare, trepidare, neque loco, neque homini cuiquàm satis credere: neque bellum gerere, neque pacem habere: suo quisque metu pericula metiri. Ad hoc, mulieres, quibus ¹ pro reip. magnitudine belli insolitus incesserat, afflictare sese; manus supplices ad cælum tendere; misereri parvos liberos; rogitare; omnia pavere; superbiâ atque deliciis amissis, sibi patriæque, diffidere. At Catilinæ crudelis animus eadem illa movebat, tametsi præsidia pa-

INTERPRETATIO.

¹ *Propter reipublicæ magnitudinem.*

NOTÆ.

merus intra mille continetur, nulla est prorsus difficultas: rotundè et absque ullâ precisione Romani, sicut et alii, numerant: sed numerus quando mille numeros seu sestertios excedit, sæpe detruncatus est; ita ut mille pro singulis sint intelligendi. Cùm summa eo quo dixi modo ampliùs quàm mille complectebatur, tum per Genetivum pluralem *sestertium* illam exprimebant; adeò ut *Sestertiùm*, et mille sestertii sint res una et eadem: Unde factum, ut poetæ ex genetivo illo plurali, nomen genere neutro effecerint, quo tamen nisi in numero plurali non utuntur; atque ita illis singula sestertia pro mille veniunt sestertiis illis parvis à masculino sestertius, quo solo oratores utuntur. Si verò summa esset minimùm decies centinorum millium, tum adverbii decies, centies, viciès, &c. utebantur, quæ adverbia centena millia faciebant, quamvis ea non exprimerentur. Jam res satis clara est, interim nodus unus restat explanandus; sciendum enim, an hoc Sallustii loco centum sestertia, an centum sestertiùm seu sestertiorum intelligantur. Hic verò opus est conjecturâ et iudicio. Dico itaque, primò, ab aliis prolixè probatum esse hanc figuram H. S. pro minoribus sestertiis, in masculino genere positam esse, quatenus nullus

numerus, nisi qui expressus est intelligitur; deinde venire etiam eandem figuram, pro *sestertiùm*, vel *sestertia* poetarum. Hoc posito, nihil facilius est quàm videre ineptum fore, si senatus, in re quæ salutem publicam respiciebat, centum sestertios, vilissimam pecuniam, decrevisset. Ergo figura hæc H. S. C. *centum*, hoc in loco, facit *sestertiùm*, vel si cum poetis loqui ames centum *sestertia*, id est *centena millia nummorum* seu *sestertiorum*: quæ ad nostram monetam, si per summam integram et solidam referas; quingentos efficiunt aures dupliones; *Cinque cens pistoles*.

a *Familiæ.*] Qui gladiatores apud unum lanistam sese exercebant, discabant, aut serviebant, ii familia dicebantur.

b *Opibus.*] Sæpe gladiatores à privatis empti ad tumultum et cædem; ipsi aliquando bella et quidem gravia excitaverunt; adeoque minimè mirum si suspecti essent, ex urbe deducerentur; atque pro ratione virium, in municipia distribuerentur.

c *Minores.*] Quæstores, puta, ædiles minores, triumphari capitales, &c.

d *Lasciviâ.*] Non hic prositâ pro incontinentiâ, seu obscenâ libidine; sed tantum pro ludibundâ, exultante, et profusâ lætitiâ.

rabantur, et ipse lege ^aPlautiâ interrogatus erat ab L. ^bPaulo : postremò, dissimulandi causâ et quasi sui ~~expurgandi~~, sicuti ^cjurgio lacessitus foret, in senatum venit. Tum M. Tullius consul, sive ^dpræsentiam ejus timens sive irâ commotus, orationem habuit luculentam atque utilem reipublicæ quam postea scriptam edidit. Sed ubi ille assedit, Catilina, ut erat paratus ad dissimulanda omnia, demisso vultu, voce supplici, postulare à patribus, ne quid de se temerè crederent : ¹eâ familiâ ortum, ita ab adolescentiâ vitam instituisse, ut omnia ^ebona in spe haberet : ne existumarent, sibi patricio homini, cujus ipsius, atque majorum plurima beneficia in plebem Romanam essent, perditâ republicâ opus esse : cùm eam ^fservaret M. Tullius, ^ginquilinus civis urbis Romæ. Ad hoc, maledicta alia cùm adderet ; obstrepere omnes ; hostem, atque parricidam vocare. Tum ille furibundus : *Quoniam quidem circumventus*, inquit, *ab inimicis præceps agor, incendium* ^h*meum ruinâ extinguam*. Dein se ex curiâ domum proripuit. Ibi multa secum ipse volvens, quòd neque insidiæ consuli procedebant, et ab incendio intelligebat urbem vigiliis munitam, optimum factu credens exercitum augere ; ac priùs, quàm legiones scriberentur, multa antè capere, quæ bello usui forent ; nocte intempestâ, cum paucis, in Manliana castra profectus est. Sed Cethego, atque Lentulo, cæterisque, quorum cognoverat promptam audaciam, mandat, quibus rebus possent, opes factionis confirment,

INTERPRETATIO.

¹ Pergit dicere, se esse ortum | ab adolescentiâ, ut non, nisi bonâ familiâ, ita instituisse vitam | nam spem, de se præberet.

NOTE.

a *Plautiâ*.] Eam tulit Plautius tribunus plebis, adjuvantibus Catulo et Lepido, anno ante conjunctionem Catilinæ 15. ut quæreretur in eos qui quovis modo senatui, magistratibus, imò et privatis hominibus, insidias, aut vim fecissent.

b *Paulo*.] Is postea Consul fuit.

c *Jurgio*.] Comme si on lui eut fait une querelle mal à propos.

d *Præsentiam*.] Timebat ne fortè, cum Catilina ausus esset in senatum venire, minùs crederent senatores quæ ipse de conjunctione indicaverat.

e *Bona in spe*.] Qu'on ne pouvoit avoir que des espérances avantageuses de lui.

f *Servaret*.] Id est, servare studeret, aut servandam simularet. Neque verò Cati-

linæ mens est dicere, servatâ òpus esse reipublicâ, aut se ejus ruinam quæsisse.

g *Inquilinus*.] Peregrinus, Arpino, oriundus.

h *Meum*.] Id est, quod in me excitatum est. Metaphora sumpta ab incendiis, quæ ut ne in dissita ædificia grassentur, ruinâ intermediòrum impediri solent. Intendit Catilina se pestem reipublicæ, aut saltem inimicis importaturum, potiùs quàm perituum. Cæterùm auctoritate Ciceronis contendunt, non istud in senatu Catilinâ dictum fuisse, sed eum Catoni ante comitia consularia judicium minitanti, respondisse volunt, si quod esset in fortunâ incendium excitatum, id se non aquâ, sed ruinâ restincturum.

or justifying

insidias consuli maturent; cædem, incendia, aliaque belli facinora parent: sese prope diem cum magno exercitu ad urbem accessurum. Dum hæc Romæ geruntur, C. Manlius ex suo ¹numero legatos ad Q. Marcium Regem mittit, cum mandatis hujusmodi:

“DEOS, hominesque testamur, imperator, nos arma neque
 “contra patriam cepisse, neque ²quò periculum aliis faceremus;
 “sed uti corpora nostra ab injuriâ tuta forent: qui miseri, egen-⁹⁰
 “tēs, violentiâ atque crudelitate fœneratorum, plerique patriâ,
 “sed omnes famâ, atque fortunis expertes sumus: neque cuiquam
 “nostrûm licuit, more majorum, ³lege uti, ne que, amisso patri-
 “monio, ⁴corpus liberum habere: tanta sævitia fœneratorum,
 “atque prætoris fuit. Sæpe majores vestrûm miseriti plebis
 “Romanæ decretis suis inopiæ ejus ⁵opitulati sunt: ac novissi-
 “mè, memoriâ vestrâ, propter magnitudinem æris alieni, volenti-
 “bus omnibus bonis, argentum ⁶ære solutum est. Sæpe ipsa

INTERPRETATIO.

¹ Manlius mittit quosdam ex suis militibus legatos ad Q. Marcium Regem. ² Neque ut alios in discrimen adduceremus.

NOTÆ.

a *Lege.*] Papiriâ, aut quamvis aliâ, quæ civibus adversus fœneratores consuleret; ne illi in debitores sævirent, eos ligarent, aut alio modo vexarent.

b *Corpus liberum.*] Lex fuit duodecim tabularum atrocissima contra perfidiam debitorum, quâ, non tantum illi vinciri, sed etiam in partes secari, ab iis quibus adjudicati essent, licitum erat. Illam eo fine paraverant, ut ne, perfidiâ debitorum, subsidium pecuniæ mutuatiæ, quo communis hominum vita indiget inopiæ temporariæ adimeretur. Quoniam verò sævitia ista pœnæ non quita est contemni, quenquam dissectum esse antiquitus, Gellius testatur, se nec legisse, nec audivisse: hinc factum ut situ et senio, tum et am legibus subsequentibus, de istâ acerbitate detractum fuerit. Ligari corpus debitorum non pariter in desuetudinem abiit; nam pro moribus et temporibus reipublicæ, plebem hæc de re conquestam esse, cum ex aliis locis, tum ex hac Manlii epistolâ omnino conspicimus.

c *Opitulati sunt.*] Fœnus cum pro libitu non semel auctum fuisset, aliquando etiam tribunitiâ rogatione diminutum est

adeò ut non tantum ex unciario, quod tantum fuerat duodecim tabulis, semunciarium, in singulos menses, factum sit, sed omnino lege L. Genutii tribuni plebis sublatum.

d *Ære.*] Hic per æs nonnulli æs commune, seu ærarium, intelligunt; atque arbitrantur ex publicis pecuniis expedita fuisse nomina hominum privatorum; quod ut firment, aliquid simile ex Livio, multo antè tamen actum, proferunt. At certè, cum de ista nostrâ solutione nullum vestigium, quod quidem sciam, aut ab illis indicetur, uspiam appareat; non modò de re ipsâ dubius hæreo, sed ut maximè vera esset, eam Manlii verbis significari non equidem arbitratus fuero. Potius est ut credam, hoc in loco, quamvis obscure, illud indicari tamen quod præstitit Valerius Flaccus in Marii locum suffectus, qui, ut refert Paternulus lib. 2. turpissimæ legis autor fuit, quâ creditoribus quadrantem solvi jussit. Si enim verum est, uti quidem libentissimè credò, quod alicubi testatur Lambinus in commentariis ad Horatium, se sestertium vidisse argenteum V. signatum, id est, ut ille exponit, valore

“plebs, aut dominandi studio permota, aut superbiâ magistra-
 “tuum armata, ^aà patribus secessit. At nos non imperium, ne-
 “que divitas petimus, quarum rerum causâ, bella, atque certami-
 “na omnia inter mortales sunt; sed libertatem, quam nemo ^bbo-
 “nus, nisi cum animâ simul, amittit. Te, atque senatum obtes-
 “tamur, ^cconsulatis miseris civibus, legis præsidium, quod ini-
 “quitas prætoris eripuit, restituatis; neve nobis eam necessitudi-
 “nem imponatis, ut quæramus, quoniam modo, maxime ulti san-
 “guinem, nostrum, pereamus.”

Ad hæc, Q. Marcius respondit, si quid ab senatu petere vellent,
 ab armis discedant, Romam supplices proficiscantur: ¹eâ mise-
 ricordiâ atque mansuetudine senatum, populumque Romanum
 semper fuisse, ut nemo unquam ab eo frustrâ auxilium petiverit.
 At Catilina ^dex itinere plerisque ^econsularibus, præterea optimo
 cuique literas mittit: se falsis ²criminibus circumventum, quoni-
 am factioni inimicorum resistere nequiverit, fortunæ cedere
^fMassiliam in exilium proficisci; non ³quòd sibi tanti sceleris
 conscius esset, sed uti respublica quieta foret, neve ex suâ con-
 tentione seditio oriretur. Ab his longè diversas literas Q. Catu-
 lus in senatu recitavit: quas sibi ^gnomine Catilinæ redditas dice-
 bat. Earum ^hexemplum infra scriptum est.

INTERPRETATIO.

¹Dicit, *senatui et populo Ro-* *criminibus et accusationibus, ce-*
mano talem misericordiam atque *dere fortunæ.*
mansuetudinem semper fuisse, ut, ³*Non idèd quod sibi conscius*
&c. *esset tanti sceleris.*

²Dicit, *se circumventum falsis*

NOTÆ.

quinque assium; nullus dubitat quin ad
illud respexerit Manlius, cum as qui ære-
us est, ne quidem quartam partem faciat
sestertii, qui argenteus fuit, idque tam
egregiè ad ejus scopum pertineat. At-
que ita tempora optimè convenient, et
verè dixerit. Manlius memoriâ vestrâ,
cum antea viderimus superstites Syllanos
milites, Valerium in Marii locum subro-
gatum, nec quemquam lateat Syllam et
Marium cœvos fuisse.

a *A patribus.*] A senatu et potentiori-
 bus; quod quidem ter aut quater factum
 fuisse legimus, seu libertatem, seu pud-
 citiam, seu natalium dignitatem, seu ho-
 norum decora et insignia populus vindic-
 averit; ut loquitur Florus.

b *Bonus.*] Id est *cordatus*.

c *Consulâtis.*] Id est, *eorum rationem*
habeatis, ipsis prospiciatis, et ruinam aver-
tatis.

d *Ex itinere.*] Postquam Româ disces-
 serat; ex locis ubi commorabatur.

e *Consularibus.*] Illis, qui consulatum
 gesserant, ideo scripsit Catilina, quòd
 major eorum in senatu auctoritas esset,
 primique sententiam suam dicerent.

f *Massiliam.*] Urbs est Galliæ Narbo-
 nensis maritima, quæ et antiquissima; à
 profugis ex Ioniâ Phocensibus condita.
 Hodie *Marseilles*.

g *Nomine.*] Gall. *De la part*.

h *Exemplum.*] Gall. *La copie*. Atque
 ipsius Catilinæ propria esse verba arbi-
 tror, cujus ut mens, ita stylus perplexus
 est.

"L. Catilina Q. Catulo S. ^a Egregia tua fides, re cognita, ^bgrata
 "mihi, ^cmagnis in meis periculis, ^dfiduciam commendationi ^emea
 "tribuit. ^fQuamobrem defensionem in ^gconsilio novo ^hnon statui
 "parare: satisfactionem ex nullâ conscientia de culpa, proponere
 "decrevi: ⁱquæ me diùs ^kfidius licet vera mecum recognoscas.
 "Injuriis, contumeliisque concitatus, quòd, fructu laboris industri-
 "æque meæ privatus, ^lstatum dignitatis; non obtinebam, publicam
 "miserorum causam pro meâ consuetudine suscepi: non quin

NOTÆ.

^a Egregia.] Id est, excellens, cuique
 vix similis reperiatur.

^b Grata.] Id est, jucunda; sed istud
 ita intelligendum est, ut grati animi tes-
 tificationem involvat. Gall. diceremus,
Dont je vous suis obligé.

^c Magnis.] Catuli enim gratiâ fultus
 maximè, cum incesti cum Fabiâ virgine
 Vestali accusatus esset, iudicium effugit.

^d Fiduciam.] Id est, facit ut confidam,
 tibi commendans meas fortunas.

^e Meæ.] Id est, quâ ego fortunas meas
 tibi committo.

^f Quamobrem.] Locum maximè diffi-
 lem nobis fecit mens Catilinæ scelerata
 et perturbata, cui insuper tenebras offu-
 derunt variæ eodem congestæ commen-
 tationes. Quidem istud *quamobrem* ad
 præcedentia, alii ad sequentia, referunt,
 idque totum diversè connectunt: prolix-
 us essem, si omnia conarer, excutere,
 ideoque id tantum proferam, quod magis
 probatum fuerit. Castilioneus ita expo-
 nit. *Decrevi proponere satisfactionem ex
 nullâ conscientia de culpâ, quamobrem non
 statui parare defensionem in novo consilio.
 Id est, decrevi purgare me apud te, cum
 nullius mihi delicti conscius sim, cur Ro-
 mæ causam non dixerim, neque defenderim
 ab inimicorum calumniis.* Agnosco equi-
 dem hanc expositionem non multum ab
 ipsis auctoris verbis recedere; at certè
 vereor ejus ut mentem satia assequatur.
 Itaque pauculis rem, ut videtur, expe-
 dio: *Ob eam rem, et qui tibi confidendam
 esse experientia didici, ego discessi, nec
 statui me defendere in senatu denuo con-
 vocato. Non enim decrevi me expurgare,
 aut satisfactionem proponere, cum nullius
 culpæ sim mihi conscius; atque ita esse
 facile cognosces, si mecum statum et ra-
 tiones meas velis perlustrare.* Pergit porro

Catilina, atque sigillatim ostendere cona-
 tur, illud sibi minimè vitio vertendum
 esse, quod a senatu maxime reprehende-
 batur. Dicit fortè aliquis, me particulam
 negantem ex longinquo in meam expli-
 cationem retraxisse: aliquid etiam addi-
 disse; quivis quidlibet objiciet. Unum
 omnibus respondeo, quorsum iret, aut
 quid ageret quem conscientia et lictores
 insectarentur Catilinam nescivisse; ideo-
 que opus esse gradus ipsius firmare,
 quodque minùs exposuit apertius decla-
 rare.

^g Consilio.] Nonnulli per *consilium no-
 vum* ipsam conjurationem intelligunt,
 quam vocaverit novum consilium, cum
 antea omnia alia simulasset. Malim ac-
 cipi de senatu.

^h Non statui.] Imò contra liberè fateri,
 quod et acriter persequar, quamquam id
 mihi crimini vertant, me scilicet, causam
 miserorum suscepisse.

ⁱ Quæ.] Me scilicet nullius culpæ esse
 conscium.

^k Fidius.] Arbitrator ex Festo doctis-
 simus Vossius *Me-dius-fidius* juramen-
 tum esse per Herculem Jovis filium; ita
 ut *dius* positum sit pro Græco *dios*, quod
 Jovis significat; et *fidius* pro *filius* muta-
 to L in D, more antiquo; *Me* vero pro
 Græco *μα*, quod est adverbium jurandi.
 Confirmat eam sententiam ex Varrone et
 Tertulliano, qui *Dium fidium*, Græcis
 Herculem esse dicunt. Alii alia, quibus
 non assentior.

^l Statum.] Id est, ex eo gradu dignita-
 tis, ad quem meâ virtute assurrexeram,
 dejiciebar. Equidem, cum ille tantâ fa-
 milia, et tantis animis esset, post prætu-
 ram, non abs re, si bonus fuisset, ad con-
 sulatum aspirasset.

"^a æs alienum ^b meis nominibus ex possessionibus solvere possem :
 "cū et ^c aliis nominibus liberalitas Aureliæ Orestillæ, suis, fili-
 "æque copiis persolveret : sed, quod non dignos homines honore
 "honestatos videbam, neque falsâ suspicione ^d alienatum esse
 "sentiebam : "^e hoc nomine satis honestas ^f pro meo casu spes re-
 "liquæ dignitatis conservandæ sum secutus. Plura cū scri-
 "bere vellem, nunciatum est mihi vim parari, nunc Orestillam
 "tibi commendo, tuæque fidei trado. Eam ab injuriâ defendas,
 "per liberos tuos rogatus. Aveto."

Sed ipse, paucos dies commoratus apud C. Flaminium in agro
^g Reatino, dum vicinitatem antea sollicitatam armis exornat, cum
 fascibus, atque aliis imperii insignibus in castra ad Manlium
 contendit. Hæc ubi Romæ comperta sunt, senatus Catilinam,
 et Manlium hostes judicat; cæteræ multitudini diem statuit, an-
 tequàm liceret ¹ sine fraude ab armis discedere, ^h præter rerum
ⁱ capitalium condemnatis: præterea, decernit, uti consules ^k de-
 lectum habeant, Antonius cum exercitu Catilinam persequi ma-
 turet, Cicero urbi præsidio sit. Eâ tempestate mihi imperium
 populi Romani multò maximè ^l miserabile visum est: cui cū ad
 occasum ob ortu solis ^m omnia domita armis parerent, domi otium,
 atque divitiæ, quæ ⁿ prima mortales putant, affluerent; fuere tam-
 en cives, qui seque, remque publicam obstinatis animis perditum

INTERPRETATIO.

¹ Prescribit diem cæteræ multitudini, ante quam liceret impune
 discedere ab armis.

NOTÆ.

a *Æs alienum.*] Pecuniam mutuò sump-
 tam. Hinc verò satis constat, arma mo-
 vendi unum et eundem conjuratis fuisse
 prætextum, violentiam nempe fœnerato-
 rum.

b *Meis nominibus.*] *En mon nom ; sous
 mon propre seign.*

c *Aliis nominibus.*] Intellego de pecu-
 niâ sumptâ à Catilinâ, pradiis et spon-
 soribus amicis; illud enim ab ipso fac-
 tum fuisse suprâ vidimus; atque ita su-
 mendum esse non difficile esset osten-
 dere, si tanti haberetur.

d *Alienatum.*] *Rejectum.* Gall. *Dis-
 gracié, rendu suspect.*

e *Hoc nomine.*] Id est, *Eâ causâ ; præ-
 sertim vero quod me suspicione falsâ alie-
 natum sentio, postquam Cicero atroci cri-
 minatione innocentiam meam ad senatum
 direxavit.*

f *Pro meo casu.*] Id est, *pro eo statu in
 quo ego sum.* Gall. *Vu l'état où je me
 trouve.*

g *Reatino.*] Reate urbs fuit in Sabinis,
 Romæ prorsus ad septentrionem. *Rieti*
 vocatur in novis tabulis geographicis.

h *Præter.*] Adverbium est. Gall. *Ex-
 cepté.*

i *Capitalium.*] Id est, rerum aut crimi-
 num, quæ capitibus pœnam arcessunt, vel
 morte malcantur.

k *Delectum.*] Id est, *milites deligerent,
 et ad militiam conscriberent.* Gall. *Qu'ils
 levassent des troupes.*

l *Miserabile.*] Id est, *miseratione dig-
 num.* Gall. Non dicas, *miserabile*, sed
digne de compassion.

m *Omnia.*] Hyperbole est, eo, quo vo-
 lunt auctores, sensu intelligenda: ut sci-
 licet, quascumque terras Romani cognos-
 cerent, ea ipsorum subirent aut venera-
 rentur imperium.

n *Prima.*] Id est, *præcipua et excellen-
 tissima.*

irent. Namque, ^aduobus senati decretis, ex tantâ multitudine, neque præmio inductus conjurationem patefecerat, neque ex castris Catilinæ quisquam omnium discesserat. Tanta vis morbi, atque uti tabes plerosque civium animos invaserat. Neque solùm illis ^baliena mens erat, qui conscii conjurationis fuerant, res omnino cuncta plebes, novarum rerum studio, Catilinæ incepta probabat. Id adeo more suo videbatur facere. Nam semper in civitate, quibus opes nullæ sunt, ^cbonis invident, malos extollunt; vetera odere, nova exoptant; odio suarum rerum mutari omnia student; ^dturbâ atque seditionibus ^esine curâ aluntur: quoniam egestas faciliè habetur sine damno. Sed urbana plebes ea verò ^fpræceps ierat multis de causis. Primum omnium, qui ubique probro, atque petulantia maximè præstabant; item alii, ^gper dedecora, patrimonii amissis; postremo omnes, quos flagitium, aut facinus domo expulerat; hi Romam, sicuti in ^hsentinam, confluerant. Dem multi, memores Syllanæ victoriæ, quòd ex ⁱgregariis militibus alios senatores videbant; alios ita divites, ut regio victu, atque cultu ætatem agerent; sibi quisque, si in armis foret, ex victoriâ talia sperabat. Præterea juvenus, quæ in agris ^jmanuum mercede inopiam toleraverat, ^kprivatis atque ^lpublicis largitionibus excita, urbanum otium ^mingrato labori prætulerat. Eos atque alios ⁿomnes malum publicum alebat. Quò minùs mirandum est, homines egentes, malis moribus, maximâ spe,

INTERPRETATIO.

¹Aliuntur sine curâ inter turbas et seditiones.

²Quæ toleraverat inopiam fructu laboris sui.

NOTÆ.

a Duobus.] Priùs vidimus, ubi agitur de sestertiis, posterius verò, ubi dies statuitur ante quam sine fraude liceret ab armis discedere.

b Aliena.] Aversa à bono reipublicæ; alienata.

c Bonis.] His qui in reipublicâ potentes sunt et florentes.

d Sine cura.] Rerum suarum scilicet, quia nihil possident: deinde etiam de iis minùs solliciti, quæ in usum quotidianum requiruntur; cum hinc inde quælibet, per turbam rapiant.

e Præceps.] Cæco impetu ad Catilinam defecerat et ipsius inceptis favebat.

f Per dedecora.] Id est, flagitiosè. Jam sæpius vidimus Sallustiam adverbis non ita libenter uti, sed ea per præpositionem

et substantivum exprimere solitum esse.

g Sentinam.] Propriè est sentina pars navis infima, in quam sordes omnes desfluunt. Hic metaphoricè sumitur pro improborum receptaculo.

h Gregariis.] Id est, infimis, quorum laus nulla est.

i Privatis.] Quæ à privatis hominibus fiebant, ut populi gratiam aucuparentur, et ejus suffragia demererentur.

k Publicis.] Frumenta enim in populum publicè distribuebantur; deinde, donationes publicè in ludis à quibusdam magistratibus fiebant.

l Ingrato.] Id est, ex quo quantum illi vellent non capiebant.

m Omnes.] Ejusdem generis; supple, quos appellare nihil attinet.

reipublicæ juxta ac sibi ^aconsuluisse. Præterea quorum, victoriâ Syllæ, parentes proscripti, bona erepta, jus libertatis ^bimminutum erat, haud sane ^calio animo belli eventum expectabant. Ad hoc, quicumque aliarum, atque senatûs partium erant, conturbari rempublicam ^dquàm minus valere ipsi, malebant; id adeò ^emalum ^fmultos post annos in civitatem reverterat. Nam postquam Cn. Pompeio et M. Crasso Coss. tribunitia potestas ^grestituta est; homines adolescentes, ^hsummam potestatem nacti, quibus ætas, animusque ferox erat, cœpere, senatum criminando, plebem exagitare, dein largiendo, atque pollicitando magis incendere; ita ipsi clari, potentesque fieri. Contra eos summâ ope nitebatur pleraque nobilitas: ⁱsenatus, sub specie, pro suâ magnitudine. Namque uti paucis verum absolvam, per ^lilla tempora quicumque rempublicam agitavêre, honestis ^knominibus, alii, sicuti jura populi defenderent; pars, quò senatus auctoritas, maxima foret, bonum publicum simulantes, pro suâ quisque potentiâ certabant: neque illis modestia, neque modus contentionis erat: utrique victoriam crudeliter exercebant. Sed, postquam Cn. Pompeius ad bellum ^mmaritimum, atque ⁿMithridaticum missus est; plebis opes imminutæ, paucorum potentia crevit. Hi magistratus, provincias, aliaque omnia tenere: ipsi ⁿinnoxii, florentes,

INTERPRETATIO.

¹ *Quicumque turbaverunt rempublicam illis temporibus, eam turbaverunt honesto prætextu.*

NOTÆ.

^a *Consuluisse.*] Id est, non majorem reipublicæ, quàm suarum rerum curam habuisse: vel, reipublicæ commodum suumque idem fecisse. Gall. *Ne prenoient pas d'autres mesures pour la republique que pour eux. Confondoient l'interet du public avec le leur.*

^b *Inminutum.*] Sylla enim proscriptorum liberis jus petendorum honorum eripuit.

^c *Alio.*] Id est, adeptâ victoriâ se quoque quosvis spoliaturus sperabant.

^d *Quàm minis.*] *Que le perdre la moindre chose de leur crédit.*

^e *Malum.*] Dissensiones intellige, quæ senatui cum populo intercedebant.

^f *Multos.*] Tribunitiam potestatem Sylla antè aliquot annos ita disjecerat, ut tribunis solum et nudum jus intercedendi reliquisset.

^g *Restituta.*] Ab ipso Pompeio, ut populi gratiam promereretur; cujus facti mox ipsum pœnituit.

^h *Summam.*] A primâ institutione summa non fuit, quamvis sacro sancta dicta potestas tribunitia: verum eò usque progressa, et limites transgressa est, ut convocare senatum, dimittere ab aliis convocatum, tribuni aliquando ausi sint.

ⁱ *Senatus.*] Id est, cum pro senatûs dignitate se certare simularent, pro suâ quisque gloriâ nitebantur.

^k *Nominibus.*] Sic solent homines; vel, quod mali faciunt, occultum habent; vel, palam si audent, virtutis specie et nomine obtrudunt: ideoque per fraudem pleraque conantur et exequuntur.

^l *Maritimum.*] Adversus Cilices, qui etiam à Mithridate sustentabantur. Hoc bellum *piraticum* vocatur in Flori titulis.

^m *Mithridaticum.*] Mithridates rex fuit Ponti, in Asiâ, qui longum et grave bellum adversus Romanos sustentavit.

ⁿ *Innoxii.*] Passivè, quibus nemo nocere audebat: nam *innoxius*, activè etiam dicitur pro eo, qui nemini nocet.

sine metu ætatem agere, cæterosque ^ajudiciis terrere, ^bquò ple-³⁰
^{bem} in magistratu placidus tractarent. Sed ubi primùm ^cdubiis
 rebus novandis spes oblata est, vetus ^dcertamen animos eorum
 arrexit, quòd si ^eprimo prælio Catilina superior, aut æquâ manu,
 discessisset, profectò magna clades, atque calamitas rempublicam
 oppressisset; neque illis, qui victoriam adepti forent, diutius eâ
 uti licuisset; quin defessis et exsanguibus, ^fqui plùs posset, impe-
 rium atque libertatem extorqueret. Fuère ^gtamen extra conjura-
 tionem complures, qui ad Catilinam initio profecti sunt. In his
 erat Fulvius, senatoris filius, quem retractum ex itinere parens
 necari ^hjussit. Iisdem temporibus Romæ Lentulus, sicuti Catilina⁴⁰
 præceperat, quoscumque moribus, aut ⁱfortunâ, novis rebus idon-
 eos credebat, aut per se, aut per alios, sollicitabat; neque solum
 cives, sed cujuscumque modi genus hominum, quod modo usui
 bello foret. Igitur P. Umbreno cuidam negotium dat, uti legatos
^kAllobrogum ^lrequirat; eosque, si possit, impellat ad societatem
 belli: existimans ^mpublicè, privatimque ære alieno oppressos,
 præterea quòd naturâ gens Gallica bellicosa esset, facile ad tale
 consilium adduci posse. Umbrenus, quòd in Galliâ negotiatus
 erat, plerisque principibus civitatum notus erat, atque eos nove-
 rat: itaque sine morâ, ubi primùm legatos in foro conspexit,⁵⁰
 percunctatus pauca de statu civitatis, et quasi dolens ejus ⁿcasum,
 requirere cœpit, quem exitum tantis malis sperarent. Postquam

NOTÆ.

^a *Judiciis.*] *Condemnationibus aut certè earum periculo.*

^b *Quò plebem.*] Locus obscurus. Sic intelligo. Pauci, qui omnia ad libitum inflectebant, tribunos præsertim, judiciis et condemnationibus terrebant, ut ne illi plebem exagitarent, sed eam placidam et obsequentem efficerent.

^c *Dubiis.*] *Seditionibus*, quibus respublica in dubio et discrimine ponitur, quibusque pro imperio ita certatur, ut penès quos futurum sit, lateat.

^d *Certamen.*] Quos patricios inter et plebem per tribunos intercedebat.

^e *Primo.*] Cave hinc concludas sæpius cum Catilinâ prælium commissum esse: semel enim et in perpetuum armis cum ipso certatum est. Dicit tantum, maximum futurum periculum, si superior, aut aquâ manu discessisset; quia scil. plurima ad ipsum confugissent.

^f *Qui plùs posset.*] Tertius aliquis ex republicâ, Crassus fortè, Pompeius, Cæsar: nisi insuper tantam fuisse pestem Sallustius arbitratus est, ut etiam per

hanc conjurationem, exhausta republica, nudum regibus et exteris hostibus latus porrigeret.

^g *Tamen.*] Transitio est.

^h *Jusset.*] Patriâ potestate, quæ antiquis temporibus maxima erat in filios, ut major esset quàm in servos: tametsi postea de rigore tanto eò usque detractum est, ut patres filios contumaces judici, qui ferè ex eorum præscripto pœnas infligeret, offerrent.

ⁱ *Fortunâ.*] Adversâ scilicet et duriore.

^k *Allobrogum.*] Populi erant lacùs Lemani accolæ et Rhodani. *Les Savoyards, les Dauphinois, et les Bressans.*

^l *Requirat.*] Id est, *querat sedulò, et ad belli societatem adducat.* Gall. *Qu'il les cherchât soigneusement, et qu'il tachât de les gagner.*

^m *Publicè.*] Propter tributa et vectigalia quæ Romanis victoribus persolvebant.

ⁿ *Casum.*] Quòd ita scilicet, magistratum avaritiâ opprimerentur. Gall. *Plaignant leur malheur.*

illos videt queri de avaritiâ magistratuum, accusare senatum quòd in eo auxilii nihil esset; miseriis suis remedium mortem expectare: *At ego, inquit, vobis, si modò viri esse vultis, rationem ostendam, quâ tanta mala ista effugiatis.* Hæc ubi dixit, Allobroges, in spem maximam adducti, Umbrenum orare, uti sui misereretur: nihil tam asperum neque tam difficile esse, quod non cupidissimè facturi essent, dum ea res civitatem ære alieno liberaret. Ille eos in domum D. Bruti perducit, quod foro propinqua erat, neque aliena consilii, propter Semproniam. Nam tum Brutus ab Româ aberat. Præterea Gabinium arcessit, quò major auctoritas sermoni inesset. Eo præsentè conjurationem aperit, nominat socios, præterea multos cujusque generis ^ainnoxios: quò legatis animus amplior esset: dein eos, pollicitus operam suam, domum dimittit. Sed Allobroges diu in incertum habuere, quidnam consilii cape- rent. In ^balterâ parte erat æs alienum, studium belli, magna merces in spe victoriæ: at in ^calterâ ^dmaiores opes, tuta consilia, pro incertâ spe certa præmia. Hæc illis ^evolventibus tandem vicit ^efortuna reip. Itaque Q. Fabio Sangæ, cujus ^fpatrocinio civitas plurimùm utebatur, rem omnem, uti cognoverant, aperiunt. Cicerò per Sangam, consilio cognito, legatis præcipit, ut studium ^gconjurationis vehementer simulent; ^hcæteros adeant: bene polliceantur, dentque operam, ut eos quàm maximè manifestos habeant. Iisdem ferè temporibus, in Galliâ ⁱciteriore, atque ulteriore, item in agro Piceno, ^jBruttio, Apuliâ, ^kmotus erat. Namque illi, quos ante Catilina ^ldimiserat, inconsultè, ac veluti per dementiam cuncta ^msimul agere: nocturnis consiliis, armorum, atque telorum

INTERPRETATIO.

- ¹Cùm hæc illi animo reputarent. | *simulent se ad conjurationem pro-*
²Legatis præcipit ut maximè | *pensos esse.*

NOTÆ.

a *Innoxios.*] Viros bonos, qui conjurationis conscii non erant. Atque ideo eos nominabant conjurati, ut in validissimas partes confugere se Allobroges crederent.

b *Alterâ.*] Si nimirum, à conjuratorum partibus starent, credere enim erat se ære alieno, per eos victores, liberatum iri, &c.

c *Alterâ.*] Si Romanis fidem servarent. d *Majores opes.*] In fide permanendum esse hæ rationes suadebant; potentia maxima reipublicæ, (neque enim plurimos videbant inter conjuratos, qui multum valerent.) Tuta consilia, &c.

e *Fortuna.*] Urbis genius, qui Romæ publicè colebatur.

f *Patrocinio.*] Romæ habebant singulæ civitates suos patronos, in quorum clientela essent; per quos etiam negotia sua curarent.

g *Cæteros.*] Conjuratos, scil. h *Citèriore.*] Ea est quæ Italiæ proxima, ulteriore quæ trans Alpes.

i *Bruttio.*] Calabria est inferior, in Italiæ extremo angulo orientali, ad meridiem.

k *Motus.*] Bellicus, scil. Des soulève-
mens.

l *Dimiserat.*] In diversas partes miserai, qui sibi socios adjungerent.

m *Simul.*] Prudentibus, contra, omnia divisa sunt temporibus.

portationibus, festinando, agitando omnia, plus timoris, quàm periculi effecerant. Ex eo numero complures Q. Metellus Celer ⁸⁰ prætor, ex ^aS. C. causâ cognitâ, in vincula conjicerat; item in citeriore Galliâ C. Muræna, qui ei provinciæ legatus præerat. At Romæ Lentulus cum cæteris, qui principes conjurationis erant, paratis, uti videbantur, magnis copiis, constituerant, uti cum Catilina in agrum Fæsulanum cum exercitu venisset, L. Bestia tribunus plebis, consciōne habitâ, quereretur de ^bactionibus Ciceronis, bellicque gravissimi ^cinvidiam optimo consuli imponeret: eo signo, proximâ nocte cætera multitudo conjurationis suum quisque negotium exequeretur. Sed ea ^ddivisa hoc modo dicebantur; Statilius, et Gabinus uti, cum magnâ manu, duodecim simul ⁹⁰ opportuna loca urbis incenderent; ¹quò, tumultu, facilior aditus ad consulem, cæterosque, quibus insidiæ parabantur, fieret: Cethegus Ciceronis januam obsideret, eumque vi aggrediretur; alius autem alium: sed filii familiarum, quorum ex nobilitate maxima pars erat, parentes interficerent; simul, cæde, et incendio percussis omnibus, ad Catilinam erumperent. Inter hæc parata, atque decreta, Cethegus semper querebatur de ignaviâ sociorum: illos dubitando, et dies ^eprolatando, magnas opportunitates corrumpere; facto, non consulto, in tali periculo opus esse, seque, si pauci adjuvarent, languentibus aliis, impetum in curiam facturum. Naturâ ⁷⁰⁰ ferox, vehemens, manu promptus ^ferat: maximum bonum in celebritate putabat. ^gSed Allobroges, ex præcepto Ciceronis ^hper Gabinium, cæteros conveniunt: ab Lentulo, Cethego, Statilio, item Cassio postulant jusjurandum, quod ⁱsignatum ad cives præferant: aliter haud faciliè eos ad tantum negotium impelli posse. Cæteri nihil suspicantes ^kdant: Cassius semet ^leò brevi venturum pollicetur, ac paulò ante legatos ex urbe proficiscitur. Lentulus cum

INTERPRETATIO.

¹Ut per tumultum aditus esset facilior ad consulem et reliquos quibus insidiæ parabantur.

NOTÆ.

a S. C.] *Senatus Consulto*; ita enim malim legere, quàm, ut habent alii, ex sociis quod invectum ex compendiariâ scribendi ratione. Si tamen retineas ex sociis, intellige quosdam ex illis nebulonibus, festinatione sua deprehensos, conjurationem et socios manifestos fecisse.

b Actionibus.] *De querelis adversus conjuratos in Senatu habitis.* Gall. *Des procédures.*

c Invidiam.] Ita ut ille, querimoniis suis, belli auctor videretur.

d Divisa.] Id est, *Unusquisque sibi hoc aut illud exequendum receperat.*

e Prolatando.] *En tirant de longue; en differant.*

f Erat.] Mallem hoc verbum abesset.

g Sed.] *Transitio est.*

h Per Gabinium.] Legatos ille ad conjuratos introducebat.

i Signatum.] Signum seu sigillum apposuerunt. *Signatum; Cacheté.*

k Dant.] Jusjurandum, scilicet signo confirmatum.

l Eò.] *Ad Allobroges.* Cautus hâc in parte fuit.

his T. Volturtium quemdam ^aCrotoniensem mittit, ut Allobroges, prius quàm domum pergerent, cum Catilinâ, datâ atque acceptâ fide, ^bsocietatem confirmarent. Ipse Volturtio literas ad Catilinam dat, quarum ^cexemplum infra scriptum est:

“Quis sim, ex eo, quem ad te misi, cognosces. Fac cogites, “in quantâ calamitate sis, et memineris, te virum esse: consideres, “quid tuæ ^drationes postulent; auxilium petas ab omnibus, etiam “ab ^einfimis.”

Ad hoc, ^fmandata verbis dat: cum ab senatu hostis judicatus sit, quo concilio ¹servitia repudiet: in urbe parata esse, quæ jussit: ne cunctetur ipse propius accedere. His rebus ita actis, constitutâ nocte, quâ proficiscerentur, Cicero, per legatos cuncta edoctus, L. Valerio Flacco, et C. Pomptino prætoribus imperat, ut in ponte ^gMulvio, per insidias, Allobrogum ^hcomitatus deprehendant: rem omnem aperit, cujus gratiâ mittebantur; cætera, uti facto opus sit, ⁱita agant. Homines, ^kmilitares sine tumultu ¹præsidii collocatis, sicuti præceptum erat, occultè pontem obsident. Postquam ad id loci legati cum Volturtio venêre, simul ^mutrimque clamor exortus est: Galli, citò cognito consilio, sine morâ prætoribus se tradunt. Volturtius primò, cohortatus cæteros, gladio se à multitudine defendit: dein, ubi à legatis desertus est, multa prius de salute suâ Pomptinum obtestatus, quòd ei notus erat; postremò timidus, ac ⁿvitæ diffidens, velut hostibus, sese prætoribus dedit. Quibus rebus confectis, omnia properè per nun-

INTERPRETATIO.

¹Præterea verbis imperat ut dicat Catilinæ, quâ causâ servos *rejiciat, cùm hostis à Senatu judicatus sit.*

NOTÆ.

a Crotoniensem.] Duæ fuerunt urbes in Italiâ, Croton, aut Crotona, nominatæ, altera in extremâ Calabriâ ad ortum, altera in Umbriâ.

b Societatem.] Fædus conjurationis.

c Exemplum.] Fortè verba non sunt eadem, sed sensus. Ansam præbet dubitandi quòd paulò aliter hæc et similia à Cicerone referuntur in Catilinam: Illumque adèò, si penitus de hæc conjuratione tibi compertum esse cupis, adibis.

d Rationes.] Ex Cicerone vim voeis istius cognosces: Ita vero illam reddit, *Cogita quem in locum sis progressus, et vide quid jam tibi sit necesse. Gallicè, Les mesures que vous avez prises, l'état de vos affaires.*

e Infimis.] Servis.

f Mandata.] Quæ perferret ad Catilinam.

nam. Gall. *Il lui recommanda de lui dire de bouche.*

g Mulvio.] Vocatur hodie *Ponte-molle*. Distat ab urbe duobus millibus passuum, plùs minùs.

h Comitatus.] *Omnes eos qui Allobroges comitarentur.*

i Ita agant.] Imperat ut pro re natâ consilium capiant. *Qu'ils prissent leurs mesures selon qu'il le jugeroient à propos.*

k Militares.] Ejusmodi expeditionibus assueti.

l Præsidii.] In villas proximas bipartiti sunt, referente Cicerone, qui Volturtio insidias fecerunt; ut Tiberis inter eos, et pons interesset.

m Utrimque.] Scilicet statim cognovit Volturtius, dolos et insidias subesse.

n Vitæ diffidens.] Timens ne in loco interficeretur.

cios consuli declarantur. At illum ingens cura atque lætitia simul ³⁰ occupavêre. Lætabatur intelligens, conjuratione patefactâ civitatem periculis ereptam esse. Porro autem anxius erat in maximo scelere tantis civibus deprehensis, quid facto opus esset: ¹pœnam illorum sibi ^aoneri, impunitatem perdendæ reipublicæ fore. Igitur ^bconfirmato animo, vocari ad sese jubet Lentulum, Cethegum, Statilium, Gabinium, itemque Ceparium ^cTarracinensem, qui in Apuliam ad concitanda servitia proficisci parabat. Cæteri sinè morâ veniunt. Ceparius, paulò antè domo egressus, cognito ^dindicio, ex urbe profugerat. Consul Lentulum, quòd prætor erat, ^eipse manu tenens, in senatum perducit: reliquos cum custodibus in ædem Concordiæ venire jubet. Eò senatum advocat, magnâque frequentîâ ejus ^eordinis Volturtium ^fcum legatis introducit: Flaccum prætorem scriinium cum literis, quas a legatis acceperat, eòdem adferre jubet. Volturtius interrogatus ^gde itinere, de literis postremò quid, ^haut quâ de ⁱcausâ, consilii habuisset; primò fingere alia omnia, dissimulare de conjuratione; post, ubi ^jfide publicâ dicere jussus est, omnia, uti gesta erant, aperit: se paucis antè diebus à Gabinio, et Cepario socium adscitum: nihil ampliùs scire, quàm legatos: tantummodo audire solitum ex Gabinio P. Autronium, Ser. Syllam, L. Vargunteium, multos præterea in eâ conjuratione esse. Eadem Galli fatentur: at Lentulum dissimulantem ^kcoarguunt, præter literas, sermonibus, quos ille habere solitus erat, ex libris ^lSibyllinis, regnum Romæ tribus

INTERPRETATIO.

¹ Cogitabat suppliciam illorum *nere, de literis, postremò quid futurum sibi oneri, impunitatem consilii habuisset, aut quâ de causa perdendæ reipublicæ.* *illud cepisset, primò cæpit fingere alia omnia.*

² Consul ipse tenens Lentulum *At convincunt Lentulum dissimulantem, præter literas, sermonibus, quos ille habere solitus erat.* manu, quia prætor erat, eum deducit in senatum.

³ Volturtius interrogatus de iti-

NOTÆ.

a Oneri.] Quemadmodum fuit, nam ideo postea in exilium actus est.

b Confirmato.] Ad id corroborato, ut conjurati punirentur.

c Tarracinensem.] Tarracina urbs est Volscorum maritima, ab urbe Româ ad orientum.

d Indicio.] Ayant decouvert la trame: Ayant eû le vent de ce que l'on faisoit.

e Ordinis.] Senatorii, scilicet. Gall. L'assemblée étant forte complète.

f Cum legatis.] Allobrogum, scilicet, Cicero dicit non introductos fuisse eos unâ cum Volturtio.

g De itinere.] Quòd iret, cur noctu:

monet enim Cicero sub vesperam missos fuisse, qui eum cum cæteris deprehenderunt.

h Causâ.] Quamobrem nefaria consilia contra rempublicam cepisset.

i Fide publicâ.] Id est, impunitate promissâ, si verum diceret.

k Sibyllinis.] Fuerunt Sibyllæ virgines fatidicæ, quarum una, quæ Erythrea dicta est, ab origine, urbe scilicet Erythris, in Ioniâ, et Cumanâ, ab habitatione urbis in Campaniâ, quæ dicitur Cumæ, libros tres Tarquinio obtulit, quorum auctoritas tanquam divinitus missorum oraculorum apud Romanos sacrosancta fuit.

^aCorneliis portendi: Cinna, atque Syllam antea; se tertium esse, cui ^bfatum foret urbis potiri: præterea, ab ^cincenso Capitolio illum esse vigesimum annum, quem sæpè ex prodigiis ^dharuspices respondissent bello civili cruentum fore. Igitur, perlectis literis, cum prius omnes signa sua cognovissent, senatus decernit, ut, ^eabdicato magistratu, Lentulus, itemque cæteri, in ^fliberis custodiis haberentur. Itaque Lentulus P. Lentulo Spintheri, qui tum ^gædilis erat, Cethegus Q. Cornificio, Statilius C. Cæsari, Gabinus M. Crasso, Ceparius (nam is paulò antè ex fugâ retractus erat) Cn. Terentio senatori traduntur. Interea plebes, conjuratione patefacta, quæ primò cupida rerum novarum nimis bello favebat, mutatâ mente, Catilinæ consilia execrari, Cicronem ad cælum tollere; veluti ex servitute erepta, gaudium atque ^hlætitiâ agitabat. Namque alia belli facinora ⁱprædæ magis, quam detrimento fore; incendium verò crudele, immoderatum, ac sibi maximè calamitosum putabat; quippè cui omnes copiæ in ⁱusu quotidiano, et cultu corporis erant. Post eum diem quidam L. Tarquinius ad senatum adductus erat, quem, ad Catilinam proficiscentem, ex itinere retractum aiebant. Is, cum se diceret de conjuratione indicaturum, si fides publica data esset, jussus à consule, quæ sciret, edicere, eadem ferè, quæ Volturtius, de paratis incendiis, de cæde bonorum, de itinere hostium, senatum edocet: præterea, se missum à M. Crasso, ^kqui Catilinæ nunciaret, ne eum Lentulus, et Cethegus, alique ex conjuratione deprehensi terrerent; eoque magis properaret ad urbem accedere, quo et ^lcæterorum animos reficeret, et illi faciliùs è periculo eriperentur. Sed, ubi Tarquinius Crassum nominavit, hominem nobilem, maximis divitiis, summâ potentiâ; alii rem incredibilem rati; pars, tametsi verum existimabant, tamen, quia in tali tem-

INTERPRETATIO.

ⁱ *Namque plebes putabat alia belli facinora fore magis prædæ quam detrimento.*

NOTÆ.

a *Corneliis.*] Id est, tribus hominibus qui ex clarissimâ Corneliorum gente essent oriundi.

b *Fatum.*] *A qui la destinée promettoit l'Empire.* Fati verò nomine indeclinabilis intelligitur series, et rerum concatenatio.

c *Incenso.*] Primò: nam ter templum illud incendio eversum est.

d *Haruspices.*] Illi erant, qui ex inspectis harugis, sive hostiis, futura prædicebant.

e *Abdicato.*] Ante tempus deposito.

f *Liberis.*] Liberis custodiis detinetur qui non in publicum carcerem detrudi-

tur, sed cuiuspiam asservandus reus committitur.

g *Ædilis.*] Magistratus erant Ædiles, qui ædificia curabant, et ludos solennes itemque annonam, ut liquet ex Cicerone.

h *Lætitiâ.*] Addit ad gaudium, quòd corporis gestu demonstratur.

i *Usu.*] Id est, in iis rebus, quarum usus erat quotidianus; quibusque carere non poterant. Ideo plebi incendium crudele visum est.

k *Qui.*] Pro ut. Optimè.

l *Cæterorum.*] Ut conjuratis, iis, scilicet, quæ deprehensi non erant, animum relevaret.

pore tanta vis hominis magis lenienda, quàm ¹exagitanda, videbatur, plerique Crasso ex negotiis privatis obnoxii, conclamant, indicem falsum esse; deque eâ re postulant uti ²referatur. Itaque, Cicerone ^aconsulente, ^bfrequens senatus decernit, Tarquinii indicium falsum videri, eumque in vineulis retinendum; neque ampliùs potestatem ^cfaciendam, nisi de eo indicaret, cujus consilio tantam rem esset mentitus. Erant eo tempore, qui existimarent, indicium illud à P. Autronio machinatum, quo faciliùs, ³appellato Crasso, ^dper societatem periculi reliquos illius potentia tegeret. Alii Tarquinium à Cicerone ^eimmissum aiebant, ne Crassus, more suo, suscepto malorum patrocínio, remp. conturbaret. Ipsum Crassum ego postea prædicantem audiui, tantam illam contumeliam sibi ab Cicerone impositam. Sed iisdem temporibus Q. ^fCatulus, et C. ^gPiso neque gratiâ, neque precibus, neque pretio Ciceronem impellere quivêre, uti per Allobroges, aut alium indicem C. ^hCæsar falsò nominaretur. Nam uterque cum illo graves inimicitias exercebant: Piso, ⁱoppugnatus in iudicio repetundarum, propter cujusdam ^kTranspadani supplicium injustum; Catulus ex petitione ^lpontificatûs odio incensus, quod, extremâ ætate, maximis honoribus usus, ab ^madolescuntulo Cæsare ⁿ

INTERPRETATIO.

¹ Quia tanta potentia illius hominis videbatur magis mulcenda, quàm irritanda.

² Postulant, ut de eo sermo habeatur deniò in Senatu.

³ Ut Crasso inter conjuratos recensito, potentia illius tegeret reliquos, cum ipse in idem periculum adductus esset.

NOTÆ.

a Consulente.] *President et recueillant les voix.*

b Frequens.] Illud est, quod suprâ dixit magna frequentia ejus ordinis.

c Faciendam.] Ulteriùs, scilicet, loquendi in senatu, aut quicquam de conjunctione dicendi.

d Per societatem.] Ut eùm ille, eodem supplicio multandus potentia suâ evaderet, cæteri, qui in eodem essent reatu, damari non possent.

e Immissum.] Delegatum. Gall. *Atitré*, *Aposté*.

f Catulus.] Hic ille fuit, omnium confessione princeps Senatûs: cui, cum bellum maritimum Pompeio committendum, dehortaretur, addidissetque, *Si quid huic acciderit, quem in ejus locum substituetis?* Succlamavit universa conscio *Te, Quinte Catule*.

g Piso.] Hic est quem Cicero, defendit: Consul fuit cum Glabrione, deinde

Galliam administravit, ubi Transpadanum, de quo nunc agitur, morte affecit.

h Cæsar.] Julius est, primus Imperatorum.

i Oppugnatus.] Accusationem intenterat Cæsar contra ipsum.

k Transpadina.] Padus fluvius est in Italiæ parte supremâ, quem Galliæ veteres accensebant. Transpadanus est qui trans Padum habitat, Romæ habitâ ratione.

l Pontifactus.] In maximo fuit honore apud Romanos Pontificum dignitas, præsertim verò Pontificis maximi, de qua nunc agitur.

m Adolescentulo.] Nato tamen 35 aut 36 annos circiter. Ut verò te minùs moveat hæc appellatio, à te velim observari, isthuc dictum esse cum comparatione ad ætatem Catuli, et quodammodo ex ipsius personâ.

n Victus.] A Pontificatu exclusus.

victus discesserat. Res autem ^aopportuna videbatur, quòd is, ^bprivatim, egregia liberalitate; publicè, maximis muneribus, grandem pecuniam debebat. Sed ubi consulem ad tantum facinus impellere nequeunt, ipsi ^csingillatim circumeundo, atque ementiendo quæ se ex Volturtio, aut Allobrogibus audisse dicerent, magnam illi invidiam conflaverant: usque adeò, uti nonnulli equites R. qui, præsidii causâ, cum telis erant circum ædem Concordiæ, seu periculi magnitudine, seu animi ^dmobilitate impuls, quo studium suum in remp. clarius esset, egredienti ex senatu Cæsari gladio minitarentur. Dum hæc in Senatu aguntur, et dum legatis Allobrogum, et T. Volturtio, ^ecomprobato eorum indicio, præmia decernuntur: liberti, et pauci ex clientibus Lentuli, diversis ^fitineribus, opifices, atque servitia in vicis ad eum eripiendum sollicitabant: partim exquirebant ^gduces multitudinum, qui pretio rempub. vexare soliti erant. Cethegus autem per nuncios ^hfamiliam, atque liberos suos, lectos, et exercitatos in audaciam, orabat, uti grege facto, cum telis ad sese irrumperent. Consul, ubi ea parari cognovit, dispositis præsidiis, uti res atque tempus monebat, convocato Senatu refert, quid de his fieri placeat, qui in custodiam traditi erant. Sed eos paulò antè frequens senatus judicaverat contra remp. fecisse. Tum D. Junius Silanus, primus sententiam rogatus, quod eo tempore consul designatus erat, de his, qui in custodiis tenebantur, et prætereà de L. Cassio, P. Furio, P. Umbreno, Q. Annio, si deprehensi forent, supplicium sumendum decreverat: isque postea permotus oratione C. Cæsaris, ⁱpedibus in sententiam Ti. Neronis iturum se dixerat; quòd de eà re ^jpræsidiis additis, referendum censuerat. Sed Cæsar, ubi ad eum ventum est, rogatus sententiam à consule, ^khujuscemodi verba locutus est.

INTERPRETATIO.

¹ *Indicio eorum pro vero recognito.*

NOTÆ.

a *Opportuna.*] Id est, *conjurasse Cæsarem facile erat creditu.* Gall. *La chose paroïssoit plausible, vrai-semblable.*

b *Privatim.*] *Par une dépense magnifique dans sa maison.*

c *Singillatim.*] *Les uns d'un côté, les autres d'un autre.*

d *Mobilitate.*] *Legereté de jeunes gens.* Hos alicubi Cicero insigniter, et propè tanquam Catilinæ socios notat.

e *Itineribus.*] Id est, *hic et illic omnibus modis conabantur quosvis ad patronum eripiendum incitare.*

f *Duces multitudinum.*] Illi sunt qui otiosis nebulonibus, quales plurimi sunt in magnis urbibus, imperant, quia ipsi

ad omnem nequitiam maximè sunt exercitati.

g *Familiam.*] Id est, *omnes suos servos.*

h *Pedibus.*] Quandoque hoc modo sententiam suam aperiebant: Cùm ex Senatoribus aliquis suam dixisset, quibus ea probabatur illi in eundem locum cum ipso discedebant: atque ea ratio vocabatur, *Per discessionem.*

i *Præsidiis.*] Custodum numero circa eorum domos adaucto, quibus Lentulus et reliqui commissi fuerant. Itemque urbe vigiliis bene firmata.

k *Hujuscemodi.*] Neque enim iisdem omnino verbis Cæsar usus est; sed in hunc sensum orationem habuit.

“Omnes homines, P. C. qui de rebus ^adubiis consultant, ab odio, “amicitiâ, irâ, atque misericordiâ vacuos esse decet. Haud facile “animus verum providet, ubi illa officiunt: neque quisquam om- “nium lubidini simul et ¹usui paruit. Ubi intenderis ingenium, “valet: Si lubido possidet, ^bea dominatur, animus nihil valet: “Magna mihi copia est memorandi P. C. qui reges, aut qui populi, “irâ, aut misericordiâ impulsî, malè consuluerint: sed ea malo “dicere, quæ majores nostri contra lubidinem animi sui, rectè at- “que ordine fecère. Bello Macedonico, quod cum rege ^cPerse “gessimus, ^dRhodiurum civitas, magna, atque magnifica, quæ “populi R. opibus ^ecreverat, infida, atque adversa nobis fuit: sed “postquam, bello ^fconfecto, de Rhodiis consultum est, majores “nostri, ne quis ^gdivitiarum magis, quàm injuriæ bellum inceptum “diceret, impunito seos dimisère. Item bellis ^hPunicis omnibus, “cùm sæpè Carthaginenses et in pace, et per inducias multa “ⁱnefanda facinorâ fecissent; nunquam ipsi per occasionem talia “fecère; magis, quod se dignum foret, quàm quod in illos jure “fieri posset, quærebant. Hoc item vobis providendum est, P. “C. ne ^kplùs valeat apud vos P. Lentuli, et cæterorum scelus quàm “vestra dignitas; neu magis iræ vestræ, quam famæ, consulatis. “Nam si digna pœna pro factis eorum reperitur, ^lnovum con- “siliū approbo; sin magnitudo sceleris omnium ^mingenia ex- “superat, ⁿiis utendum censeo, quæ legibus comparata sunt. Ple- “rique eorum, qui ante me sententias dixerent, ^ocompositè atque “magnificè, casum reipublicæ miserati sunt: quæ belli sævitia

INTERPRETATIO.

¹ *Nequè quisquam omnium simul fecit ea quæ lubido, et ea quæ utilitas suasit.*

NOTÆ.

a *Dubiis.*] *Delicates et difficiles.*
 b *Ea dominatur.*] Istud opus esset oculis semper observari.
 c *Perse.*] Macedonum rex fuit ultimus Perses, seu Perseus, filius Philippi, à P. Æmilio in triumphum ductus.
 d *Rhodiurum.*] Rhodus insula est maris Mediterranei, Soli olim sacra, ubi et ejus fuit Colossus. Sita est ad angulum minoris Asiæ Occidentalem.
 e *Creverat.*] Rhodii Romanis auxilio bello Syriaco adversus Antiochum fuerant; quo devicto, illis quasdam civitates de ejus regno Pop. Romanus concessit.
 f *Confecto.*] Rege Perse debellato.
 g *Divitiarum.*] *Causa* supple, *Ne quis crederet magis inceptam bellum desiderio divitiarum, quàm ulciscendæ injuriæ.*

h *Punicis.*] Adversus Carthaginenses, qui et Pœni dicti sunt.
 i *Nefanda.*] Cùm verbi gratiâ, Cornelio Asinæ consuli et legato, catenas injecerunt.
 k *Plùs valeat.*] Id est, *prospiciendum est ne dum plùs æquo in pœna conjuratis pro merito infligenda, attentis eritis, minùs quid vobis dignum sit videatis.*
 l *Novum.*] Ut, scilicet, conjurati, contra morem et leges, eâ causâ paratas, morte multentur.
 m *Ingenia.*] Ita ut pœna non possit satis gravis excogitari.
 n *Is.*] *Exilio* aut *Carcere.*
 o *Compositè.*] Istud invidiosè dictum. Gall. diceremus, *Ils ont fait paroître leur bel esprit à, &c.* Ils nous ont fait de beaux discours touchant, &c.

“esset, quæ victis acciderent, enumeravêre : rapi virgines, pue-
 “ros; divelli liberos à parentium complexu; matres familiarum
 “pati, quæ victoribus collibuissent; fana, atque domos expoliari:
 “cædem, incendia fieri; postremò armis, cadaveribus, cruore,
 “atque luctu, omnia compleri. Sed, per Deos immortales, quò
 “illa oratio pertinuit? An, uti vos infestos conjurationi faceret?
 “^a Scilicet, quem res tanta, atque tam atrox, non permovit; eum
 “oratio accendet! Non ^bita est: neque cuiquam mortalium in-
 “juriae suæ parvæ videntur: multi eas ^cgraviùs æquo habuêre.
 “Sed ^dalia aliis licentia est, P. C. Qui ^edemissi in obscuro vitam
 “agunt, si quid iracundiâ deliquêre; pauci sciunt; fama, atque
 “fortuna eorum pares sunt; qui, magno imperio præditi in ex-
 “celso ætatem agunt, eorum facta cuncti mortales novere. Ita
 “^fin maximâ fortunâ minima licentia est. Neque ^gstudere, neque
 “odisse, sed minimè irasci decet. Quæ apud alios iracundia di-
 “citur, ea, in imperio, superbia, atque crudelitas appellatur.
 “Equidem ego sic existimo, P. C. omnes cruciatus minores, quàm
 “facinora illorum, esse. Sed plerique mortales ^hpostrema me-
 “minêre; et ⁱin hominibus impiis, sceleris eorum obliti, de penâ
 “^kdisserunt, si ea paulò severior fuerit. D. ^lSilenum, virum for-

NOTÆ.

a *Scilicet.*] Responsio est obliqua et amara, ut ostendat, non modò Senatores opus non esse conjuratis infestos facere; sed insuper inutilia esse quæcumque alii eâ gratiâ dixissent.

b *Ita est.*] Interrogationi expressæ non respondet, *An uti vos infestos conjurationi faceret?* Sed intellectæ, *An qui non estis infesti conjurationi?* Operoso est hæc oratio, quia Cæsar, apertè, quæ sentiebat et optabat, proloqui minùs audebat.

c *Graviùs.*] Gall. *Ont portè leurs ressentimens plus loin qu'il ne falloît.*

d *Alia.*] Id est, non omnes, uno et eodem modo ulcisci decet injurias.

e *Demissi.*] *Homines ignobiles qui in turba latent.*

f *In maxima.*] Nihil magis verum et æquum est; interim secus planè inter homines evenit: Nam ut quisque in sublimi positus est, ita plerumque se ille putat male faciendi licentiam adeptam esse.

g *Studere.*] Nota, pro favere.

h *Postrema.*] Pœnam scilicet, quæ impiis infligitur.

i *In hominibus.*] Hoc est, cum de iis agitur.

k *Disserunt.*] In malam partem, scili-

cet, adversus eos qui nocentes penâ ad-dixerunt.

l *Silenum.*] Nominis proximitas in memoriam revocat quæ ego vidi, imò et expertus sum, de istorum, quos nos *bonos homines* vocamus, mollitiâ, et animi imbecillitate. Non possis pejores alios rerum publicarum administrationi præficere, quippe qui obvio cuique affectatæ suæ plerumque sanctitatis admiratori, non omnes modò verè bonos et strenuos spoliandos et lacerandos obijciunt; sed et seipsos tandem, cum suâ ineptâ lenitate, perversis insidiatoribus deridendos propinant. Bonitas ista pravitas est semper et sæpe nequitia, atque satius esset ab uno malo regi, quàm à bono, mille latronibus tradi. Hunc vide, quæso, Silanum, quò abducant Cæsaris laudes flagitiosæ. Primo optimè censuerat capite multandos parricidas, qui Patriæ interitum moliti fuerant: Non priùs accedit callidus assentator, qui quatuor verbis gratiam init, quam ille transversus ridiculè sententiam mutat, atque liberandos sinit, qui postea urbem ferro et igne devastent. Optimè ineptam et pravam, de quâ diximus, levitatem, in Adelphis, pin-git, et illudit Terentius.

“tem atque strenuum, certè scio, quæ dixerit, ^astudio reipublicæ
 “dixisse; neque illum in tantâ re gratiam, aut inimicitias exer-
 “cere. ¹Eos mores, eamque modestiam viri cognovi. Verùm
 “sententia ejus mihi non crudelis, (quid enim in tales homines
 “crudele fieri potest?) sed ^baliena à republicâ nostrâ videtur.
 “Nam profectò aut metus, aut injuria te subegit, Silane, consu-
 “lem designatum, genus pœnæ novum decernere. De timore,
 “supervacaneum est disserere, cùm, præsentì diligentiâ clarissimi
 “viri consulis, tanta præsidia sint ^cin armis. ^dDe pœnâ, possum
 “equidem dicere id quod res habet; in luctu, atque miseriis
 “mortem ærumnarum requiem, non cruciatum, esse; eam cuncta
 “mortalium mala dissolvere; ^eultra neque curæ, neque gaudio
 “locum esse. Sed, per Deos immortales, quamobrem in senten-
 “tiam non addidisti, uti priùs verberibus in eos animadverteretur?
 “An, quia lex Porcia vetat? At aliæ leges item condemnatis ci-
 “vibus, non animam eripi, sed exsilium permitti jubent. An quia
 “gravius est verberari, quàm necari? Quid autem acerbum, aut
 “nimis grave est in homines tanti facinoris convictos? Sin, quia
 “levius est: qui convenit in minore negotio legem observare,
 “cùm eam in majore neglexeris? ^fAt enim quis reprehendet,
 “quod in parricidas reipublicæ decretum erit? ^gTempus, dies,
 “^hfortuna, cujus lubido gentibus moderatur. Illis meritò accidet,
 “quicquid evenerit; cæterùm vos P. C. quid in alios statuatis,
 “considerate. Omnia mala exempla ex bonis initiis orta sunt:
 “sed, ubi imperium ad ignaros, aut minùs bonos pervenit, novum
 “illud exemplum ab dignis, et idoneis, ad indignos, et non ido-
 “neos ⁱtransfertur. Lacedæmonii, devictis Atheniensibus, tri-

INTERPRETATIO.

¹ *Novi ita se habere mores et modestiam Silani.*

NOTÆ.

a *Studio.*] Id est, singulari in rempub-
 licam benevolentia.

b *Aliena.*] Id est, extra usum, unde
 etiam detrimentum et damnum inferatur.

c *In armis.*] Præsidium, sæpius ex se
 illud indicat quod armis paratur: Atta-
 men, cùm Amici, Muri, Latebræ presidio
 nobis esse possint, non malè hic additum
 in armis, ad distinctionem.

d *De pœnâ.*] Hic aliquid deesse putant
 nonnulli, quia non resumit Cæsar quod
 proposuerat, cùm dixit aut metus, aut in-
 juria, &c. atque illi membrum posterius
 omissum esse aiunt. Non ita mihi vide-
 tur, nam injuria et pœna sunt, in hoc ne-
 gotio, termini relativi et æquivalentes,
 quod patebit attendenti, ad scopum Cæ-
 saris. Hoc enim tantum voluit, Silanum

motum fuisse in ferendâ sententiâ, aut
 rationibus quas metus suggessisset, aut
 iis, quæ ex sceleris naturâ politicè nas-
 cerentur.

e *Ultrâ.*] Post mortem.

f *At enim.*] Objectione ex parte eorum
 quos sibi Cæsar facit adversarios.

g *Tempus.*] Responsio Cæsaris ad ob-
 jectionem adversariorum. Per tempus
 autem, intelligit homines, qui post lon-
 gum tempus de conjuratorum pœnâ dis-
 sertarent.

h *Fortuna.*] Innuit conjuratorum sup-
 plicium, pravo exemplo, in reipublicæ ma-
 lum posse converti.

i *Transfertur.*] Non tantùm intelligit
 exemplum ad indignos transferri, sed eos,
 præsertim, exemplo perversè uti.

“ginta viros imposuere, qui rempublicam eorum tractarent. Hi
 “primò cæpere pessimum quemque et omnibus invisum ^aindem-
 “natum necare. Eò populus lætari, et meritò dicere fieri. Pòst,
 “ubi paulatim ^blicentia crevit, juxta bonos et malos lubricosè
 “interficere, cæteros metu terrere. Ita civitas, servitute oppressa,
 “^cstultæ lætitiæ graves pœnas dedit. Nostrâ memoriâ victor
 “Sylla, cùm ^dDamasippum, et alios hujusmodi, qui malo reipub-
 “licæ creverant, jugulari jussit, quis non factum ejus laudabat?
 “Homines scelestos, et factiosos, qui seditionibus rempublicam
 “exagitaverant, meritò necatos aiebant. Sed ea res magnæ ini-
 “tium cladis fuit. Namque, uti quisque domum, aut villam, pos-
 “tremò aut vas, aut vestimentum alicujus concupiverat, dabat
 “operam, ut is in ^eproscriptorum numero esset. Ita illi, quibus
 “Damasippi mors lætitiæ fuerat, paulò pòst ipsi ^ftrahebantur:
 “neque priùs finis jugulandi fuit, quam Sylla omnes suos divitiis
 “explevit. Atque ego hæc non in M. Tullio, neque his tempori-
 “bus vereor. Sed in magnâ civitate multa et varia ingenia sunt.
 “Potest alio tempore, alio consule, cui item exercitus in manu
 “sit, falsum aliquid pro vero credi. Ubi hoc exemplo, per sen-
 “atūs ^gdecretum, consul gladium eduxerit, ^hquis illi finem statuet,
 “aut quis moderabitur? Majores nostri, P. C. neque consilii, ne-
 “que audaciæ unquam eguere: neque superbia obstabat, quò
 “minùs instituta aliena, si modò proba erant, imitarentur. Arma
 “atque tela militaria ab ⁱSamnitibus, insignia magistratuum ab
 “^jTuscis pleraque sumserunt: pòstremò, quod ubiquè apud socios,
 “aut hostes idoneum videbatur, cum summo studio domi exse-
 “quebantur: imitari, quàm invidere, bonis, malebant. Sed eo-
 “dem illo tempore Græciæ morem imitati, verberibus animad-
 “vertebant in cives, de condemnatis summum supplicium sume-

INTERPRETATIO.

¹ *Ipsi paulò pòst indigenè trucidabantur.*

NOTÆ.

a *Indemnatum.*] Hoc est, *Causâ indictâ*. Gall. *Sans aucune forme de procès.*

b *Licentia.*] Triginta tyrannorum, scil. qui passim optimum quemque, per avaritiam, aut ambitionem, usu confirmatâ tyrannide, necabant.

c *Stultæ.*] Quia non providerant illi bonos perinde ac malos tolli posse, si quibus causam dicendi potestas adimeretur.

d *Damasippum.*] Homo fuit nullius nominis nisi quòd Marii partes secutus, quosvis ad ipsius nutum interfecit.

e *Proscriptorum.*] Bonis enim suis spoliabantur.

f *Decretum.*] Illud intellige, quo summa potestas consulibus, verbis solemnibus permittitur, *Dent illi operam ne quid respublica detrimenti capiat.*

g *Quis illi.*] Maximè cavendum est, ne bonis regnantibus, eò in malos sanciantur leges, per quas mali postea bonos oppressum eant.

h *Samnitibus.*] Samnites, seu Sabelli, Italiæ populi supra Campaniam, ad septentrionem.

i *Tuscis.*] Populi Italiæ, mari eorum nomine adjacentes, non longè à Româ, ad oceanum.

“bant. Postquam respublica adolevit, et multitudine civium factiones valere; ^a circumveniri innocentes, alia hujusmodi fieri cœpere: tunc lex Porcia, aliæque leges paratæ sunt; quibus legibus exsilium damnatis permissum est. Hanc ego causam, P. C. quò minùs, consilium novum capiamus, in primis magnam puto. Profectò virtus, atque sapientia major in illis fuit, qui ex parvis opibus tantum imperium fecere; quàm in nobis, qui ea benè parta vix retinemus. ^bPlacet igitur eos dimitti, et augeri exercitum Catilinæ? Minimè: sed ita censeo: publicandas eorum pecunias: ipsos in vinculus habendos ^dper municipia, quæ maximè opibus valent: neu quis de his postea ad senatum referat, neve ^ecum populo agat: qui aliter fecerit, senatum existimare, eum contra rempublicam et salutem omnium facturum.”

Postquam Cæsar dicendi finem fecit, cæteri ^fverbo alius alii, variè assentiebantur: at M. Porcius ^gCato rogatus sententiam, hujusmodi orationem habuit:

“Longè mihi alia mens est, P. C. cùm res, atque pericula nostra considero, et cùm sententias nonnullorum mecum ipse reputo. Illi mihi disseruisse videntur de pœnâ eorum, qui patriæ, parentibus, ^haris, atque focis suis bellum paravêre. Res autem monet, cavere ab illis magis, quàm quid in illos statuamus, consultare. Nam cætera maleficia tum ⁱpersequare, ubi facta sunt:

NOTE.

a *Circumveniri.*] Id est, *per fraudem in vitæ periculum adduci*. Tacitè autem indicare voluit Cæsar, conflatum fuisse erimen conjurationis, aut saltem ab inimicis auctum; ut eo faciliùs ad eas leges descenderet, quibus vitæ civium, ut noxiorum, consulebantur.

b *Placet.*] Occurrit objectioni.

c *Pecunias.*] Eo nomine omnia bona veniunt. *Qu'il faut confisquer tout leur bien.*

d *Per municipia.*] Quos in carcerem conjicere volebant, eos vel militibus, vel fidejussoribus, vel magistratibus eustodiendos tradebant, vel eos per oppida Italiæ dividebant; Atque his periculum maximum erat si rei evaderent, ita ut oppidani pro hostibus et perduellibus haberentur, sicuti a Dione observatum est.

e *Cum populo.*] Provocatio erat ad populum; adeoque potuissent conjurati, gratiâ et amicorum potentiâ, liberari, rogando atque supplicando.

f *Verbo.*] Elliptica oratio: sie intellege. *Hic et alius in sententiam hujus aut illius senatoris veniebat, seu pedibus eundo, seu*

verbo et voce: Atque ita variè assentiebantur, seu modum ferendi suffragium, seu ipsum suffragium speetes.

g *Cato.*] Hic fuit minor, Uticensis dictus, quòd Uticæ se suâ cæde eruentaverit, Pronepos illius Catonis Censoris dieti.

h *Aris.*] Per aras, templa; per focos, domos privatas intelligit. Cæterum isthæe enumeratione Cato tacitè, sed prorsus reos damnat, iisque qui ante se sententiam suam dixerant, invidiam creat. Vehemens est hæc oratio, et propemodum dixerim, divina. Figuras habet et aculeos summam eum dignitate conjunctos. Cùm videas, eenseas, sed memineris. Silanum consullem designatum, oratione Cæsarismotum, sententiam, quod turpissimum fuit, mutasse; senatum ad misericordiam delapsum esse; denique Catonem admodum adolecentem inter postremos sententiam rogatum fuisse: ut, scilicet, tam gravis ejus censura, qui eâ digni essent, senatum ipsum universum haberet.

i *Persequare.*] Id est, *Quilibet magistratus ulcisci possit*.

“hoc, nisi provideris, ne accadat, ubi evenit, frustrà judicia im-
 “plores. Captâ urbe, nihil fit reliqui victis. Sed, per Deos im-
 “mortales, vos ego appello, qui semper domos, villas, signa,
 “^atabulas vestras pluris, quam rempublicam fecistis; si ista, ^bcu-
 “juscumque modi sint, quæ ^camplexamini, retinere; si voluptati-
 “bus vestris otium præbere vultis; expergiscimini aliquando, et
 “^dcapessite rempublicam. Non agitur de vectigalibus, non de
 “^esociorum injuriis: libertas, et anima nostra in dubio est. Sæpe
 “numerò, P. C. multa verba in hoc ^fordine feci: sæpè de luxuriâ,
 “atque avaritiâ nostrorum civium questus sum: multosque mor-
 “tales eâ causâ adversos habeo: qui mihi, atque ^ganimo meo
 “nullius unquam delicti gratiam fecissem, haud faciliè alterius
 “^hlubidini malè facta condonabam. Sed, ⁱea tametsi vos parvi
 “pendebatis, tamen respublica firma erat: ^kopulentia negligentia
 “am tolerabat. Nunc verò non id agitur, bonisne, an malis mo-
 “ribus vivamus; neque, quantum, aut quàm magnificum imperi-
 “um populi Romani sit; sed, ^lhæc cujuscumque modi videntur,
 “nostra, an, nobiscum una, hostium futura sint. Hic mihi ^mquis-
 “quam mansuetudinem, et misericordiam nominat? Jam pridem
 “equidem nos vera rerum vocabula ⁿamisimus. ^oQuia, bona aliena
 “largiri, *liberalitas*; malarum rerum audacia, *fortitudo* vocatur;

INTERPRETATIO.

¹ Quia largiri bona aliena vo- | *respublica ad ultimas angustias*
 catur liberalitas; audacia mala- | *redacta est.*
 rum rerum vocatur fortitudo, eo

NOTÆ.

a *Tabulas.*] Pictas intellige. *Des ta-
bleaux.*

b *Cujuscumque.*] Cato Stoicus fuit; adeòque fortunæ bona, quæ vocant, revera bona esse aut mala dicere noluit. Verùm hic insuper quædam latet exprobatio, quâ nimis divitiarum cupiditatis Romanos arguit.

c *Amplexamini.*] Id est, *Assidue et maxime cum studio amplectimini.*

d *Capessite.*] Id est, *ejus curam susci-
pite.*

e *Sociorum.*] Id est, *quæ ab ipsis accep-
te fuerint.*

f *Ordine.*] Senatorio. Fuit alter eque-
stris, tertius plebeius.

g *Animo.*] Per animum, appetitus in-
telligit, qui in Catone, quia temperati
erant, bene animi nomine honesto appel-
lantur.

h *Lubidini.*] Jam notantur appetitus,
prout effræni in omne ruunt flagitium.

i *Ea.*] Quæ ego verba feci, intellige, in
senatu, contra eorum pravitatem.

k *Opulentia.*] Id est, *immensa auctoritas
et potentia, itemque divitiæ P. Romani pa-
tiebantur nos aliquantò negligentius impe-
rium agitare.* Verissimè Cato: nam neque
uno momento occidant, neque uno mo-
mento quietem nanciscuntur corpora qui-
bus motus impressus est, præsertim si il-
lis moles non desit.

l *Hæc.*] Eadem quæ suprâ memoravit,
cum his ipsis terminis usus est.

m *Quisquam.*] Invidiosè.

n *Amisimus.*] Verecundè et ingenuosè
admodum mores carpit corruptos: sensus
est enim, Romanos; (in quorum numero,
ut invidiam declinet, seipse involvit,) vir-
tutis sub specie vitia sectari.

“eo respublica in extremo sita est. ^aSint sanè, quoniam ita se
 “mores habent, liberales ex sociorum fortunis: sint misericordes
 “in furibus ærarii: ne illi sanguinem nostrum largiantur, et, dum
 “paucis sceleratis parcunt, bonos omnes perditum eant. ^bBene,
 “et compositè C. Cæsar paulò antè in hoc ordine de vitâ, et
 “morte disseruit; credo falsa existimans ea, quæ de inferis me-
 “morantur, ^cdiverso itinere malos à bonis loca tetra, inculta, fœ-
 “da, atque ^dformidolosa habere. Itaque censuit, pecunias eorum
 “publicandas, ipsos per municipia in custodiis habendos; ^evide-
 “licet, ne si Romæ sint, aut à popularibus conjurationis, aut à
 “multitudine conductâ, per vim eripiantur. Quasi vero mali, at-
 “que scelesti tantummodo in urbe, et non per totam Italiam sint;
 “aut non ibi plùs possit audacia, ubi ad defendendum opes mi-
 “nores sunt. Quare vanum equidem hoc consilium est, si peri-
 “culum ex illis metuit. Sin in tanto omnium metu solus non ti-
 “met; eò magis refert, me mihi, atque vobis timere. Quare cùm
 “de P. Lentulo, cæterisque statuetis, pro certo habetote, vos
 “simul de exercitu Catilinæ et de omnibus conjuratis ^fdecernere.
 “Quantò vos ^gattentiùs ea agetis, tantò illis animus infirmior
 “erit; si paululum modò vos languere viderint, jam omnes feroces
 “aderunt. Nolite existimare, majores nostros ^harmis rempubli-
 “cam ex parvâ magnam fecisse. Si ita res esset, multò pulcher-
 “rimam eam nos haberemus. Quippe sociorum, atque civium,
 “præterea armorum, atque equorum major copia nobis, quàm il-
 “lis, est. Sed alia fuère, quæ illos magnos fecère, quæ nobis
 “nulla sunt: domi industria; foris justum imperium; animus in
 “consulendo liber; neque ⁱdelicto, neque lubrici obnoxius. Pro
 “his nos habemus luxuriam, atque avaritiam: publicè egestatem,
 “privatim opulentiam: ^klaudamus divitias, sequimur inertiam:
 “inter bonos et malos ^ldiscrimen nullum: omnia virtutis præmia

NOTÆ.

a *Sint sanè.*] Vehementem habet reprehensionem hæc ellipsis. Neminem nominat Cato, sed eò graviùs conjuratorum fautores exagitat.

b *Bene et compositè.*] Iisdem propemodum verbis aliorum Cæsar reprehenderat orationem: atque ita in eo, quod gravissimum est, idem illud peccatum Cato castigat, quod ille in aliis animadvertisse credebatur.

c *Diverso.*] Quæ de inferis in Elysiis campis fabulati sunt poetæ, nemo non novit.

d *Formidolosa.*] Hoc est, quæ formidinem incutiant, et metum. Gall. *Où regne la frayeur.*

e *Videlicet.*] Irrisio est Cæsaris, quem Cato per totam hanc orationem acerbè vellicat et insectatur.

f *Decernere.*] Gall. *Que vous faites le procès à Catilina, &c.*

g *Attentiùs.*] Hic ferè significat, *majori cum rigore.* Gall. *Plus vous apporterez de vigueur dans cette affaire.*

h *Armis.*] *Tantum*, supple, aut *præsertim.*

i *Delicto.*] Tacitè quosdam carpit qui conjurationis conscii esse credebantur, quasi illi, cùm in culpâ essent, ideo perduellibus faverent, quòd aliter sibi consulere non possent.

k *Laudamus.*] Pro *amamus.* Ita enim comparata est hominum natura, ut, quæ laudamus, ea pariter amemus. Atque hinc oritur, et huc recurrit omnis politicorum scientia.

l *Discrimen.*] Id est, *nulla banorum ratio habetur.*

"^aambitio possidet. Neque mirum: ¹ubi vos separatim, ^bsibi
 "quisque consilium capitis; ubi domi voluptatibus, hîc pecuniæ,
 "aut gratiæ ^cservitis; eò fit, ut impetus fiat in vacuum remp.
 "Sed ego hæc omitto. Conjuravêre cives nobilissimi patriam in-
 "cendere; Gallorum gentem, infestissimam nomini Romano, ad
 "bellum arcessunt; dux hostium cum exercitu ²supra caput est:
 "Vos cunctamini etiam nunc et ^ddubitatis, quid intra mœnia, de-
 "prehensis hostibus, faciatis? ^eMisereamini, censeo; ^fDeliquêre
 "homines adolescentuli per ambitionem: atque etiam armatos
 "dimittatis. ^gNæ ista vobis mansuetudo, et misericordia, si illi
 "arma ceperint, in miseriam vertet. Scilicet res ipsa aspera
 "est, ^hsed vos non timetis eam. ⁱImmò verò maximè; sed inertia
 "et mollitia animi, alius alium ^kexpectantes cunctamini, ^lvideli-
 "cet diis immortalibus confisi, qui hanc rempublicam in maximis
 "sæpe periculis, servavêre. ^mNon votis, neque ⁿsuppliciis mu-
 "liebribus auxilia deorum parantur; vigilando, agendo, benè
 "consulendo, prosperè omnia cedunt. Ubi ^osocordiæ tete, atque
 "ignaviæ tradideris, nequicquam Deos implores. Irati, infestique
 "sunt. Apud majores nostros, A. Manlius Torquatus bello Gal-

INTERPRETATIO.

¹Quandoquidem vos capitis con- | ²Dux hostium fauces urget
 silium, quisque pro se seorsim. | cum exercitu, et nos premit.

NOTÆ.

a *Ambitio.*] Cato ideo ad consulatum non fuit promotus, quia ambire, et, ut mos erat aliis, populo supplicare noluit, virtute suâ confisus scilicet, quæ tamen illi, hâc in parte, ut sæpè aliis inutilis fuit.

b *Sibi.*] Actum est de eo corpore, cujus vinculum solvitur, bonorum communio.

c *Servitis.*] Hoc est, non pro bono rei publicæ, sed pro pecuniâ, aut gratiâ à privatis consequendâ, suffragia fertis.

d *Dubitatis.*] Cunctari retardationem actionis, *Dubitare* ejus anxietatem notat. cùm, quid agamus, incipites hæremus.

e *Misereamini.*] Ironia est, tametsi res ipsa seriò ex eorum personâ qui conjuratis favebant, proponitur.

f *Deliquêre.*] Ratio pro misericordiâ quæ ex personâ quoque subjicitur Cæsaris et aliorum, cum amarâ ironiâ.

g *Næ ista.*] Jam pro se loquitur Cato.

h *Sed vos.*] Iterum adversarios, eos scilicet, qui ad misericordiam inclinabat, exagitat.

i *Immò.*] Ad ea respondet Cato quæ cum irrisione concesserat. Quasi dicat. *Ne quis vestrum, non timere se simulet, nam vos maximè timere res ipsa indicat.*

k *Expectantes.*] Gall. diceremus, *En vous regardant l'un, les autres, pour savoir à qui ouvrira le pas.*

l *Videlicet.*] Inepto senatorum consilio ineptam subjicit rationem, illudque ad modum eâ ratione intortum, ut non jam senatus, regum, sed puerorum cõsensus esse videatur. Certè minimè mirandum est, Cicero si alicubi testatur, Catonem vitam suam in discrimen obtulisse, atque sententiæ invidiam sibi capitis periculo præstandam vidisse.

m *Non votis.*] Ineptam arguit senatorum rationem.

n *Suppliciis.*] Id est *precibus inutilium muliercularum*, quæ stultè à diis petunt, quæ non aliter ipsi quàm per homines exequuntur.

“lico filium suum, quòd is ^acontrâ imperium in hostem pugnave-
 “rat, necari jussit. Atque ille egregius adolescens immoderatâ
 “fortitudinis morte pœnas dedit. Vos, de crudelissimis parrici-
 “dis quid statuatis, cunctamini? Videlicet vita cætera eorum
 “huic sceleri ^bobstat. Verùm parcite dignitati Lentuli, si ipse
 “pudicitiae, si fãmæ suæ, si diis, aut hominibus unquam ullis pe-
 “percit. Ignoscite Cethegi adolescentiæ, nisi iterum jam patriæ
 “bellum fecit. Nam quid ego de Gabinio, Statilio, Cepario lo-
 “quar? Quibus si quidquam pensi unquam fuisset, ^cnon ea consi-
 “lia de rep. habuissent. Postremò, P. C. si mehercule peccato ^dlo-
 “lus esset, facilè paterer vos ipsâ ^ere corrigi, quoniam verba con-
 “temnitis. Sed undique circumventi sumus: Catilina cum exer-
 “citu faucibus urget: alii intra mœnia, atque in sinu urbis sunt
 “hostes. Neque parari, neque consuli quidquam occultè potest:
 “quò magis properandum est. Quare ita ego censeo: cùm ne-
 “fario consilio sceleratorum civium resp. in maxima pericula
 “venerit; hique indicio T. Volturcii, et legatorum Allobrogum
 “convicti, confessique sint, cædem, incendia, aliaque fœda atque
 “crudelia facinora in cives, patriamque paravisse; de confessis,
 “sicuti de ^fmanifestis rerum capitalium, ^gmore majorum, sup-
 “plicium sumendum.”

Postquam Cato assedit, consulares omnes, itemque senatûs
 magna pars, sententiam ejus laudant; virtutem animi ad cælum
 ferunt: alii alios increpantes timidos vocant: Cato clarus atque
 magnus habetur; senati decretum fit, sicut ille censuerat. Sed
 mihi, multa legenti, multa audienti, quæ populus Romanus domi,
 militiæque, mari atque terrâ præclara facinora fecit, fortè lubuit
 attendere, quæ res maximè tanta negotia sustinuisset. Sciebam,
 sæpenumero ¹parvâ manu cum magnis legionibus hostium con-
 tendisse: cognoveram parvis copiis bella gesta cum opulentis re-
 gibus: ad hoc, sæpe fortunæ ^hviolentiam tolerâsse: facundiâ

INTERPRETATIO.

¹ Sciebam P. Romanum sæpe certâsse parvo exercitu cum mag-
 nis legionibus hostium.

NOTÆ.

a *Contra.*] Non equidem *contra*, sed
sine imperio; nisi quòd in bello, is *con-*
tra imperium facit, qui absque eo aliquid
 audet.

b *Obstat.*] Prout id factum in illo Ho-
 ratio ejus crimen intra gloriam fuit, ut
 loquitur Florus. Gall. diceremus: *Contre-*
balance.

c *Non ea.*] Hoc est, *tam nefaria*. Veris-
 simè dictum: nam per gradus ad extre-
 mam nequitiam descenditur; quod ado-
 lescentibus maximè notandum est.

d *Locus esset.*] Id est, *si postquam pa-*

tratum fuisset facinus conjuratorum, res
posset ad salutem converti.

e *Re corrigi.*] Hoc est, *damno et incom-*
modis, quæ ex conjuratorum facinore in
vos redundarent.

f *Manifestis.*] Illi sunt, quos crimen ad-
 misisse constat.

g *More.*] Priusquam leges paratæ es-
 sent pro tergo et capite civium.

h *Violentiam.*] Cum, verbi gratia, ad-
 versus Samnites, Gallos, Pyrrhum, Anni-
 balem, bellum gesserunt.

Græcos, gloriâ belli Gallos, ante Romanos fuisse. Ac mihi, multa ¹agitant, constabat, paucorum civium egregiam virtutem cuncta patravisse; eoque factum, uti divitias paupertas, multitudinem paucitas, superaret. Sed, postquam luxu, atque desidiâ, civitas corrupta est, ²rursus resp. magnitudine suâ, imperatorum atque magistratuum vitia ³sustentabat; ⁴ac, sicuti effcētâ parente, multis tempestatibus haud sanè quisquam Romæ virtute magnus fuit. Sed, memoriâ meâ, ingenti virtute, diversis moribus fuere viri duo, M. Cato, et C. Cæsar; quos, quoniam res obtulerat, silentio præterire non fuit consilium, quin utriusque naturam, et mores, quantum ingenio possem, aperirem. Igitur his ⁵genus, ætas, eloquentia propè æqualia fuere: magnitudo animi par, item gloria; sed alia alii. Cæsar beneficiis, ac munificentia, magnus habebatur; integritate vitæ Cato. Ille mansuetudine, et misericordiâ clarus factus: huic severitas dignitatem addiderat. Cæsar, ⁶dando, sublevando, ignoscendo; Cato, nihil ⁷largiendo, gloriam adeptus est. In altero ⁸miseris perfugium; in altero malis perniciēs. Illius facilitas, hujus constantia laudabatur. Postremò, Cæsar in animum induxerat, laborare, vigilare; negotiis amicorum intentus, sua negligere: nihil denegare, quod dono dignum esset; sibi magnum imperium, exercitum, bellum novum, exoptabat, ubi virtus enitescere posset. At Catoni studium ⁹modestiae, decoris, sed maximè severitatis, erat. Non divitiis cum divite,

INTERPRETATIO.

¹ *Et constabat mihi multa se-* *tabat magnitudine suâ vitia im-*
dulò cogitanti, paucorum civium *peratorum.*

egregiam virtutem cuncta pa- ² *Et, sicuti Roma mater effceta,*
trâsse. *et lassata fuisset, non fui sanè*

³ *Ex adverso respublica susten-* *quisquam Romæ magnus virtute,*
tabat. *per multas tempestates.*

NOTÆ.

a *Sustentabat.*] Id est, Tanta erat rei publicæ opulentia, ut magistratuum negligentia et inertia, ea non intercideret; sed eorum vitia magnitudine suâ quodammodo absorberet.

b *Genus.*] Catonis genus principium dignitatis et gloria à proavo Catone Censorio sumpsit: Cæsar verò ab Iulo Ænææ filio, Æneas à Venere, quæ ipsum ex Anchise genuit natales repetebat. Sed, ut vides, quæ adulatio ex fabulis invexerat, gravis auctor à rei veritate segregavit.

c *Dando.*] Noluit dicere largiendo, quod in vitium verteretur, verum usus est Gerundio quod vim habet frequentativam. Quo ad rem idem dicit; sed sermo honestus est.

d *Largiendo.*] Non dixit, dando, ne videretur Cato tenax et avarus, sed largiendo; ut quibus largitionibus alii populi gratiam ut suffragia emendicabant, ab iis ille integer cognosceretur.

e *Miseris.*] Imò et malis, nam utrisque Cæsar favebat: sed illud dissimulat Salustius, qui et ipse, in his, à Julio sustentatus fuerat. Nonne modò largitionum Cæsaris invidiam honesto nomine declinavit? Egregius artifex, quem nemo non virum sanctissimum credat, nisi aliunde notus sit.

f *Modestiae.*] Vide quid sit modestia ex opposito Cæsaris ingenio agitato, elato, ambizioso.

neque factione cum factioso; sed cum strenuo, virtute; cum modesto, pudore; cum innocente, ^aabstinentiâ certabat: esse, quàm videri, bonus malebat; ita, quò minùs gloriam petebat, eò magis absequebatur. Postquam, uti dixi, senatus in Catonis sententiam discessit; consul optimum factum ratus, ^bnoctem, quæ instabat, antè capere, nequid eo spatio novaretur; ^ctriumviros, quæ ad supplicium postulabat, parare jubet: ipse, præsiidiis dispositis, Lentulum in carcerem deducit: idem fit cæteris per prætores. Est in carcere locus, quod Tullianum appellatur, ubi paululùm ascenderis ad lævam, circiter xii. pedes humi depressus. Eum muniunt undique parietes, atque insuper ^dcamera lapidies ^efornicibus vincta: sed ^fincultu, tenebris, odore fœda, atque terribilis ejus facies. In eum locum postquam demissus Lentulus, vindices rerum capitalium, quibus præceptum erat, laqueo gulam fregere. Ita ille patricius, ex gente clarissimâ Corneliorum, qui consulare imperium Romæ habuerat, dignum moribus, factisque suis, exitum vitæ invenit. De Cethego, Statilio, Gabinio, Cepario, eodem modo supplicium sumptum est.

Dum ea Romæ geruntur, Catilina ex omni ¹copiâ, quàm ipse adduxerat, et Manlius habuerat duas legiones ^ginstituit; cohortes pro numero militum ^hcomplet; dein, uti quisque voluntarius, aut ex sociis in castra venit, ⁱæqualiter distribuerat: ac brevi spatio legiones ^knumero hominum expleverat; cùm initio non ampliùs duobus millibus habuisset. Sed ex omni copiâ circiter pars quarta erat militaribus armis instructa: cæteri, uti quemque casus armaverat, ^lsparos, aut lanceas, alii præacutas,

INTERPRETATIO.

¹ *Catilina instituit duas legiones ex omnibus militibus quos ipse adduxerat, et Manlius habuerat.*

NOTÆ.

^a *Abstinentiâ.*] Ita ut, neque alteri quicquam detraheret, neque verò dona accipere vellet.

^b *Noctem.*] Id est, antè omnia exequi quæ in senatu de conjuratis decreta essent, quàm nox ingrueret.

^c *Triumviros.*] Capitales scilicet, quibus carceris et supplicii, imò et aliquando inquisitionis cura demandata erat, C'ëtoit une espèce de Lieutenans criminels.

^d *Camera.*] Une voûte.

^e *Fornicibus.*] Quid sint hoc in loco fornices nescio, nisi arcuatos lapides intelligamus, ex quibus ipsa camera constat: vel circulos illos in cameris ad speciem etiam extantes, quales visuntur in ædificiis, præsertim Gothico more extructis, quibus tota cameræ et ædificii moles innititur.

^f *Incultu.*] Hoc est, ex eo quòd locus ab hominibus non erat frequentatus.

^g *Instituit.*] Gall. Il ordonna.

^h *Complet.*] Numerum non habebat militum, qui pro duabus legionibus requirebatur; ideoque, quos habuit, in singulas cohortes, quibus suus numerus non constitit partitus est.

ⁱ *Æqualiter.*] Ita ut singulæ cohortes ad advenientibus eundem numerum acciperent.

^k *Numero.*] Instituta fuit legio à Romano hominum 3000, quæ postea crevit usque ad 6000, qualis fuit tempore Catilinæ.

^l *Sparos.*] *Sparus*, aut *sparum*, rusticum est telum, in modum pedis recurvum.

^asudes, portabant. Sed postquam Antonius cum exercitu adven-
tabat, Catilina per montes iter facere; modò ad urbem, modò in
Galliam ^bverses castra movere; hostibus occasionem pugnandi
non dare. Sperabat propediem magnas copias se habiturum, si
Romæ socii incepta patravissent. Interea servitia repudiabat,
^ccujus initio ad eum magnæ copiae concurrebant, opibus conju-
rationis fretus; simul ^dalienum suis rationibus videri, existimans
causam civium cum servis fugitivis communicasse. Sed, post-
quam in castra nuncius pervenit, Romæ conjurationem patefac-
tam; de Lentulo, et Cethego, cæterisque quos suprà memoravi,
supplicium sumptum; plerique, quos ad bellum spes rapinarum,
aut novarum rerum studium illexerat, dilabuntur: reliquos Catilina
per montes asperos, magnis itineribus, in agrum ^ePistoriensem
abducit, eo consilio, uti per tramites occultè profugeret in Gal-
liam. At Q. Metellus Celer cum tribus legionibus in agro Piceno
præsidebat. Ex ^fdifficultate rerum eadem illa existimans, ^gquæ
suprà diximus Catilinam agitare. Igitur, ubi iter ejus ex perfugis
cognovit, castra properè movet; ac sub ipsis radicibus montium
consedit, quâ illi descensus erat in Galliam properanti. Neque
tamen Antonius longè aberat, ^hutpote qui, magno exercitu, locis
ⁱæquioribus ⁱexpeditos in fugam sequeretur. Sed Catilina, post-
quam vidit, montibus atque copiis hostium sese clausum, in urbe
res adversas, neque fugæ, neque ^jpræsidiî ullam spem; optimum
factu ratus in tali re fortunam belli tentare, statuit cum Antonio
quàm primùm conflare. Itaque concione advocatâ, hujusce-
modi orationem habuit.

“Compertum ego habeo, milites, verba viris virtutem non addere;
“neque ex ^kignavo strenuum, neque fortem ex ^ltimido exercitum,

INTERPRETATIO.

¹ *Utpote qui sequerentur locis* | *que fugæ, neque tutelæ ullam*
planioribus in fugam promptos. | *spem remanere.*

² *Postquam Catilina videt ne-*

NOTÆ.

a *Sudes.*] Perticæ sunt acutæ, præustæ.

b *Versus.*] Adverbium est.

c *Cujus.*] In neutro genere. Eadem ra-
tione Gallicè dicimus. *Dont; Dequoi.*

d *Alienum.*] Nimirum, istud eos deter-
ruisset, qui Romæ occultius conjurationis
erant participes: Dicerent enim, *Quid nos*
isti collusioni immiscebimus? Deinde mi-
nùs Catilinæ causam defendere potuis-
sent; nec locus ullus excusationi relictus
fuisset.

e *Pistoriensem.*] In Etruriæ parte Oc-
cidentalî, ad Apennini montis radices.

f *Difficultate rerum.*] Quibus, scilicet,
Catilina circumventus erat.

g *Quæ suprà diximus.*] Hæc verba, in
textum, ex marginali notâ irrepisse viden-
tur.

h *Utpote qui.*] Non refertur ad inte-
gram sententiam, sed tantùm ad verbum
aberat, Quasi dixisset, *Neque tamen Anto-*
nius longè aberat, quamquam aberat ta-
men, utpote qui, &c. Non placet hæc scri-
bendi ratio.

i *Expeditos.*] Qui neque sarcinis, neque
armaturâ graves onusti erant.

k *Ignavo.*] Quod ad corpus.

l *Timido.*] Quod ad animum refertur.

“oratione imperatoris fieri. Quanta cujusque animo audacia, natura, aut ^a moribus inest, tanta in bello patere solet. Quem neque gloria, neque pericula excitant, nequicquam hortere. Timor animi auribus officit. Sed ego vos, quò pauca monerem, advocavi; simul uti causam ^b consilii mei aperirem. Scitis equidem, milites, socordiâ, atque ignaviâ Lentuli, quantum ipsi, nobisque cladem attulerit; quoque modo, dum ex urbe præsidia opperior, in Galliam proficisci nequiverim. Nunc verò, quo in loco res nostræ sint, juxta mecum omnes intelligitis. Exercitus hostium duo, unus ab urbe, alter à Galliâ obstant: diutius in his locis esse, si ¹ maximè animus ferat, frumenti atque aliarum rerum egestas prohibet. Quocunquè ire placet, ferro iter aperiendum est. Quapropter vos moneo, uti forti, atque parato animo sitis; et, cùm prælium inibitis, memineritis, vos divitias, decus, gloriam, præterea libertatem, atque patriam in dextris vestris portare. Si vincimus, omnia nobis tuta erunt; ^c commeatûs abunde, municipia, atque coloniæ ^d patebunt. Sin metu cesserimus, eadem illa adversa fient: ^e neque locus neque amicus quisquam teget, quem arma non texerint. Præterea, milites non eadem nobis, et illis necessitudo impendet. Nos pro patriâ, pro libertate, pro vitâ certamus; illis ^f supervacaneum est pro potentiâ paucorum pugnare. Quò audaciùs aggredimini, memores pristinæ virtutis. Licuit vobis cum summâ turpitudine in exsilio ætatem agere, potuistis nonnulli Romæ, amissis bonis, alienas ^g opes expectare; quia illa fœda, atque intoleranda ^h viris videbantur, ⁱ hæc sequi decrevistis. Si ^k hæc relinquere vultis, ^l audaciâ opus est. Nemo, nisi victor, pace bellum mutavit. Nam in fugâ salutem sperare, ² cùm arma, quis corpus tegitur, ab hostibus ^m avertere, ea verò dementia est. Semper in prælio iis maxi-

INTERPRETATIO.

¹ Quamvis maximè vellemus.

² Nam dementia est, sperare salutem in fugâ, atque insuper

avertere ab hostibus arma, quibus corpus tegitur.

NOTÆ.

a Moribus.] Exercitio et assuetudine.
b Consilii.] Intelligit de consilio, manus cum Antonio conferendi.

c Commeatûs.] Ita vocantur ea omnia, quæ ad exercitûs alimoniam spectant.

d Patebunt.] Id est, iis utemur faventibus.

e Neque locus.] Minimè mirum si desperati omnes, qui cum Catilinâ perstiterunt, adversis vulneribus conciderint: vel ipsis lapidibus animos hæc ejus oratio dedisset.

f Supervacaneum.] Superfluum et inutile, quosque adeò facilius est vincere:

cum ferocior fit in libertate suâ vindicanda dolor, quàm in injustâ dominatione defendenda cupiditas.

g Opes.] Largitiones puta, Captatas hæreditates.

h Viris.] Id est, hominibus strenuis et cordatis.

i Hæc sequi.] Bellum patriæ indicare.

k Hæc relinquere.] Bellum; ut illi otium succedat.

l Audaciâ.] Omnino: nec aliter unquam victoriâ quisquam potitus est.

m Avertere.] Prout fit illud in fugâ.

“mum est periculum, qui maximè timent: audacia pro muro ^ahabetur. Cùm vos considero, milites, et cùm facta vestra ^bæstimo, magna me spes victoriæ tenet. Animus, ætas virtus vestra me ^chortantur: prætereà necessitudo, quæ etiam timidos fortes facit. ^dNam, multitudo hostium ne circumvenire queat, prohibent angustiae loci. Quòd si virtuti vestræ fortuna ^einviderit, cavete, ne inulti animam amittatis; ^fneu capti potiùs sicuti peccora, trucidemini, quàm virorum more pugnantes, cruentam atque luctuosam victoriam hostibus relinquatis.”

Hæc ubi dixit, paululum commoratus, ^fsigna canere jubet, atque ^ginstructos ^hordines in locum æquum deducit; dein, remotis omnium equis, quò militibus, exæquato periculo, animus amplior esset, ipse pedes exercitum pro loco, atque copiis ⁱinstruit. Nam uti planities erat inter sinistros montes et ab dexterâ rupes aspera; octo cohortes in fronte constituit: reliqua ^jsigna in ^ksubsidiis ^larctiùs collocat. Ab his centuriones omnes lectos et ^mevocatos, præterea ex gregariis militibus optimum quemque armatum, in primam aciem subducit: C. Manlium in dextrâ, Fæsulanum quemdam in sinistrâ parte curare jubet: ipse cum libertis,

INTERPRETATIO.

¹ Nam angustiae loci impediunt | tibus victoriam cruentam ac luc-
ne multitudo hostium possit nos | tuosam, cùm certaveritis more vi-
circumcludere. | rorum.

² Cavete ne inulti moriamini, | ³ Jubet signa canere; atque de-
neve capti potiùs trucidemini, si- | ducit ordines ad prælium compo-
cuti brutâ, quàm relinquatis hos- | sitos, in locum planum.

NOTÆ.

a *Habetur.*] Pro est: Jam sæpiùs eo sensu vidimus.

b *Æstimo.*] Id est, singulis suam laudem tribuo; ideoque quàm præclara fuerint reputo.

c *Hortantur.*] Mihi addunt alacritatem.

d *Nam.*] Rationem reddit, cur de fortitudine suorum, quantumvis paucorum, bene speret: quia scilicet, per loci angustias, eos non liceat hostibus circumvenire.

e *Inviderit.*] Id est, si vobis pereundum sit. Ille verò vocibus abstinet ominosis.

f *Signa.*] Quibus prælium indicèbatur. Tubis autem, buccinis, et cornibus utebantur, non tympanis, ut solent nostrates, alique, quando milites ad prælium, vel ad aliquod opus erant evocandi: vel etiam cùm signa et aquilæ erant movendæ. Sed apud alios ista plenius videbis.

g *Ordines.*] Id est, milites, prout singuli erant sub suis signis; atque huic, aut illi centurioni parebant.

h *Instruit.*] Ordines erant instructi, at exercitus non erat: illud est munus Imperatoris.

i *Signa.*] Id est, reliquum exercitum.

k *Subsidiis.*] Pars erat aciei postrema, ubi plerumque triarii, et fortissimi erant milites.

l *Arctiùs.*] Il les fit serrer d'avantage.

m *Evocatos.*] Illi erant qui militiâ functi, ad bellum, nisi in tumultu, cogi non poterant; sed precibus illecti, in gratiam ducum militabant. Cùm itaque longo, usu bellandi artem didicissent, meritò eos Sallustius *lectos* appellat.

et ^a colonis propter Aquilam adsistit, quam bello ^b Cimbrico C. Marius in exercitu habuisse dicebatur. At ex alterâ parte C. Antonius, ^c pedibus æger, quòd prælio adesse nequibat, M. ^d Petreio legato exercitum permittit. ^e Ille cohortes veteranas, quas ^f tumulti causâ conscripserat, in fronte, post eas cæterum exercitum in subsidiis locat. ^g Ipse equo circumiens, unumquemque nominans, appellat, hortatur, rogat, uti meminerint, se contra latrones, inermes, pro patriâ, pro liberis, pro aris atque focis suis certare. Homq; militaris, quòd amplius annos triginta ^h tribunus, aut ⁱ præfectus, aut legatus, aut prætor cum magnâ gloriâ in exercitu fuerat; plerosque ipsos, factaque eorum fortia noverat: ea commemorando, militum animos accendebat. Sed, ubi, omnibus rebus exploratis, Petreius tubâ ^k signum dat, cohortes paulatim incedere jubet. Idem facit hostium exercitus. Postquam eò ventum est, unde à ^l ferentariis prælium committi posset, maximo clamore, infestis signis concurrunt; pila omittunt; gladiis res geritur. Veterani, pristinæ virtutis memores, cominus acriter instare; illi haud timidi resistunt; maximâ vi certatur. Interea Catilina cum

NOTÆ.

a *Colonis.*] Syllæ fuerunt milites, quibuscum Etruriam colendam divisisse antea videmus; quos, cum suo largiùs usi essent, et rebus novis studerent, faciliè in suas partes Catilina illexerat.

b *Cimbrico.*] Cimbri Germaniæ populi fuerunt, maximè ad Septentrionem qui cum terras eorum inundasset oceanus, quærentes sedes novas, cum Theutonis, atque Tigurinis, adversus Romanos bellum gesserunt.

c *Pedibus.*] Mentè potiùs; nam morbum finxisse scribit Dio: Veritus scilicet, ne sibi palam aliquid à Catilinâ objiceretur, quòd conjurationis participem fuisse eum declararet.

d *Petreio.*] Is postea legatus fuit Pompeii in Hispaniâ, uti quidem videtur, qui se rerum desperatione interemit in Africa: vel, ut alii volunt, cum Jubâ mutuo vulnere concidit.

e *Ille.*] Petreius.

f *Tumulti.*] Pro tumultûs. Ita olim indifferentè.

g *Ipse.*] Mirum quàm hic hæsitent commentatores, ac contraria et sentiant, et exponant in re non admodum difficili: Ego,

inquit Glareanus, per Ille, Petreium intelligo; per Ipse, Antonium: quod Lector ipse, simul atque cetera cum sequentibus conferet, faciliè intelliget. At verò Zanchius: Non satis mirari possem Glareanum qui asserit hic Commentatores hæsitare, ac contraria exponere, cum ipse potiùs in re facillimâ contraria exponat: Ego, ut à Glareano dissentiam, per Ille Antonium accipio, per Ipse, Petreium; quod unusquisque mediocriter eruditus animadvertet. Quartus accedat, si volet, cui ipse ridiculo fuerim, certè tertius Zanchium, et ejus confidentiam multis de causis demiror, atque in Glareani partes unicè concedo.

h *Tribunus.*] Dux mille hominum, A colonel.

i *Præfectus.*] Qui neque est Imperator, neque legatus; sed pro tempore vicem præstat Imperatoris aut Prætoris.

k *Signum.*] Bellicum seu classicum; signum cum hoste congregienti. Fit sonner la charge.

l *Ferentariis.*] Illi erant, quibus levis armatura; quique primi, quibusvis telis eminus missis, prælium committebant.

^aexpeditis in primâ acie versari, laborantibus succurrere, ^bintegros pro sauciis accersere, omnia providere, multum ipse pugnare, sæpe hostem ferire; strenui militis, et boni imperatoris officia simul exsequebatur. Petreius, ubi videt Catilinam ^ccontrâ, ac ratus erat, magnâ vi tendere; cohortem ^dprætoriam in medios hostes inducit; eosque perturbatos, atque alios ^ealibi resistentes, interficit: deinde utrimque ex lateribus cæteros aggreditur. Manlius, et Fæsulanus in primis pugnantes cadunt. Postquam fusas copias, seque cum paucis relictum videt Catilina; memor ^fgeneris, atque pristinæ dignitatis suæ, in confertissimos hostes incurrit, ibique pugnans confoditur. Sed, confecto prælio, tum verò ^gcerneres quanta audacia, quantaque animi vis fuisset in exercitu Catilinæ. Nam ferè, quem quisque vivus pugnando locum ceperat, eum, amissâ animâ, corpore tegebat. Pauci autem, quos medios cohors prætoria disjecerat, paulò diversiùs, sed omnes tamen ^hadversis vulneribus, conciderant. Catilina verò longè à suis inter hostium cadavera repertus est, paululùm etiam spirans; ferociamque animi, quam habuerat vivus, in vultu retinens. Postremò, ex omni ⁱcopiâ, neque in prælio, neque in fugâ quisquam civis ingenuus captus est. Ita cuncti suæ, hostiumque vitæ ^jjuxtâ, perpercerant. Neque tamen exercitus populi Romani lætam, aut incruentam victoriam adeptus erat. Nam strenuissimus quisque aut occiderat in prælio, aut graviter vulneratus

INTERPRETATIO.

¹ Postremo, ex omni Catilinæ exercitu, neque in prælio, neque in fugâ, quisquam civis ingenuus captus est.

NOTÆ.

a *Expeditis.*] Non jam intelliguntur levis armaturæ milites, ut suprâ; (quid enim faceret Catilina cum inermibus nebulonibus?) sed ii qui ad pugnandum alacres videbantur. *Les plus lestes; Les plus braves.*

b *Integros.*] Qui neque vulnerati, neque lassî erant. *Des gens frais.*

c *Contra.*] Adverbium. *Contra ac, optimè. Contre l'opinion qu'il avoit eû.*

d *Prætoriam.*] Ea erat quæ à Prætore non discedebat, in quam amici, voluntarii, fortissimi, omnes optimè armati adscribebantur.

e *Alibi.*] Id est, *adversus alios, quàm à quibus interficiebantur.*

f *Generis.*] In primis nobilem fuisse suprâ vidimus.

g *Cerneres.*] Pro, *quivis cernere posset.* Sic sæpè et elegantissimè loquuntur.

h *Adversis.*] Id est, *quæ corpore adverso, et hosti opposito acceperant.*

i *Juxtâ.*] Jam vidimus hanc vocem pro *pariter* positam. Intelligè, Hos Catilinæ milites, modò ut hostes interficerent, sibi minimum cavisse.

discesserat. Multi autem, qui de castris visendi, aut spoliandi gratiâ processerant, volventes hostilia cadavera, amicum alii, pars hospitem, aut cognatum reperiabant. Fuere item, qui inimicos suos cognoscerent. Ita variè per omnem exercitum lætitiâ, mœror, luctus, atque gaudia agitabantur.

FINIS BELLI CATILINARIA.

C. SALLUSTII CRISPI

JUGURTHA

SEU

BELLUM JUGURTHINUM.

FALSO ¹ queritur de naturâ suâ genus humanum, quòd imbecilla, atque ævi brevis, sorte potiùs quàm virtute, regatur. Nam ² contrâ reputando, neque majus aliud, neque præstabiliùs invenias; magisque ³ naturæ ^a industriam hominum, quam ^b vim aut tempus deesse. Sed dux atque imperator vitæ mortalium, animus est: qui ubi ad gloriam virtutis viâ grassatur, abundè pollens, potensque, et clarus est, neque ^c fortunâ eget; quippe quæ probitatem, industriam, aliasque artes bonas neque dare neque eripere cuiquam potest. Sin captus pravis cupidinibus, ad inertiam, et voluptates corporis pessumdatus est, perniciosâ lubidine ^d paulisper usus: ubi ^e per socordiam vires, tempus, ingenium defluxêre, naturæ infir-

INTERPRETATIO.

¹ <i>HOMINES queruntur iniquè et absque ratione de naturâ suâ quando dicunt, quòd, cum sint debiles atque vitæ brevis, regantur potiùs cæco fato, aut fortunâ, quàm virtute.</i>	² <i>Inquirendo in contrariam opinionem.</i>
	³ <i>Et potiùs invenies industriam hominum deesse naturæ.</i>

NOTÆ.

a *INDUSTRIAM.*] Quid potissimum per industriam significetur, ex hoc loco intelligis, animi scilicet cura et diligentia cum solertiâ conjuncta.

b *Vim.*] Pro vires: rarò ita invenias.

c *Fortuna.*] Istud auctoris sensu, qui hoc in loco cum stoicis facit, est accipiendum: Si enim gloriam in hominum opinione reponas, omnino et fortunâ, et ejus

bonis opus erit, quæ plerumque factis invidet.

d *Paulisper.*] Verissimè et optimè: Sensibus enim cum finita et debilis admodum sit natura, per eos homo, nisi brevem, non potest capere voluptatem, quâ brevi quoque exsaturabitur.

e *Per socordiam.*] Causam indicat nostrorum omnium malorum, animi negligentiam. Ea est omnino.

mitas accusatur: ¹ suam quique culpam ² actores ad negotia transferunt. Quòd si hominibus ^b bonarum rerum tanta cura esset, quanto studio aliena, ac nihil profutura, multum etiam periculosa petunt: neque ^c regerentur magis, quam regerent casus; et ² eò magnitudinis procederent, ubi ^d pro mortalibus, glorià æterni fierent. Nam uti genus hominum compositum ex corpore, et animâ, est: ita res cunctæ, studiaque omnia nostra, corporis alia, alia animi, naturam sequuntur. Igitur ^e præclara facies, magnæ divitiæ, ³ ad hoc vis corporis, et alia omnia hujuscemodi brevi dilabuntur; at ingenii egregia facinora, sicuti anima, ^f immortalia sunt. Postremò, corporis et fortunæ bonorum, uti initium, sic finis est; omniaque orta occidunt, et aucta senescunt; animus incorruptus, ^g æternus, rector humani generis, ⁴ agit, atque habet cuncta, neque ipse habetur. Quò magis pravitas eorum admiranda est, qui, dediti corporis gaudiis, per luxum atque ignaviam ætatem agunt: cæterum ingenium, quo neque melius, neque ⁵ ^h amplius aliud in naturâ mortalium est, incultu atque socordiâ

INTERPRETATIO.

¹ Quique et singuli Actores, et ii qui res exequi deberent, rejiciunt in negotia culpam suam.

² Et pervenirent ad eum gradum magnitudinis, in quo (cùm mortales sint) gloriâ æterni evaderent.

³ Præterea vis corporis, et alia omnia istius generis, exiguo tempore dissolvuntur et dissipantur.

⁴ Animus versat et regit, tenet, et intelligit omnia, neque ipse includitur, cogitur, aut continetur.

⁵ Cæterum sinunt languere et stupere incultu atque socordiâ ingenium, quo nihil est melius, neque majus, aut dignius in naturâ mortalium.

NOTÆ.

a *Actores.*] Melius credo, quam *auctores*, prout habent alii. Hoc dicit, Homines rerum difficultatem, quasi illæ supra suas vires essent, causari; cùm ideo tantum tales sint, quòd viribus à naturâ concessis, in tempore et loco usi non fuerint.

b *Bonarum.*] Earum scilicet, quæ inentem excolunt, et nobis prosunt.

c *Regerentur.*] Nunc dicit Sallustius, sapientem adversus fortunam posse plurima, etiam in iis quæ sunt ejus juris, id est, quoad ea bona quæ non sunt in nostrâ potestate, ut loquuntur stoici, puta famam, gloriam, divitias, &c. Atque hoc quoque verum est, nosque maximè ad virtutem incendere debet. Nam *sapiens quidem, pol, ipse fingit fortunam sibi*, ut ait Plautus.

d *Pro mortalibus.*] Vis istius præpositionis eo sensu, quo in interpretatione in-

dicavimus, diligenter notanda est; nam aliquoties recurrit in nostro autore.

e *Præclara.*] *La bonne mine, la belle prostance.*

f *Immortalia.*] Rhetoricè istud dictum, tametsi historiæ beneficio præclara facta in memoriâ hominum reviviscunt.

g *Æternus.*] Hæc fuit opinio quorundam Philosophorum, quam ab Orpheo dimanasse volunt. Imò stoici rotundè animas divinæ mentis particulas esse prædicaverunt: A quo errore nos retrahit doctrina Christiana, cùm animæ nostræ à deo creatæ sint ex nihilo, ideoque initium habuerint; quamvis sint æternæ à parte post, ut loquuntur, atque in æternum esse debeant.

h *Amplius.*] Ingenii humani tangit magnitudinem, et, ut ita dicam, vastitatem, quâ cuncta complectitur.

torpescere sinut; cùm præsertim tam multæ, variæque sint artes animi, quibus summa claritudo paratur. Verùm ex ¹his magistratus, et imperia, postremò omnis cura rerum publicarum minime mihi hâc tempestate cupienda videntur: quoniam neque virtuti honos datur; neque illi, quibus per fraudem ²jus fuit, ³tuti, aut eò magis ⁴honesti sunt. Nam, ⁵vi quidem regere patriam, aut ⁶parentes, quamquam et possis, et delicta ⁷corrigas; tamen importunum est: cùm præsertim omnes rerum mutationes cædem, fugam, aliaque hostilia ⁸portendant. Frustra autem niti, neque aliud, se fatigando, nisi odium ⁹quærere, extremæ dementiæ est: nisi fortè quem inhonesta et perniciosa lubido tenet, potentiæ paucorum decus atque libertatem suam ¹⁰gratificari. Cæterùm ex aliis negotiis, quæ ingenio exercentur, in primis magno usui est memoria rerum gestarum: ¹¹cujus de virtute quia multi dixêre, prætereundum puto; simul, ne ¹²per insolentiam quis existimet memet studium meum laudando extollere. Atque ego credo fore, qui, quia decrevi procul à republicâ ætatem agere, tanto tamque utili labori meo nomen inertiae imponant; ¹³certè, quibus

INTERPRETATIO.

¹ *Ex his artibus.*

² *Neque illi quibus, per fraudem, jus et potestas fuit, gerendi magistratus et imperia, sunt eâ re magis tuti aut honesti.*

³ *Extremæ dementiæ est, frus-*

trâ conâri, neque aliud persequi et consequi se fatigando, nisi odium.

⁴ *Ne aliquis existimet memet extollere insolenter studium meum id laudando.*

NOTE.

a *Tuti.*] Illud respicit bona fortunæ.

b *Honesti.*] Refertur hoc ad bona animi: ideoque iis de quibus loquitur, prorsus inutile fuisse dicit, muneribus frui reipublicæ. Gall. diceres, *Ils n'en sont ni plus à leur aise, ni plus honnêtes gens.*

c *Vi.*] Plato, quod et Cicero refert, tantum contendere in republicâ jubet, quantum probare tuis civibus possis; vim neque parenti, neque patriæ afferri oportere.

d *Parentes.*] Innuit tam turpe esse patriam quam parentes vi regere velle.

e *Corrigas.*] Hoc est, aliquatenus corruptam civitatem emendes, aut id certè coneris.

f *Portendant.*] Significant, et propemodum importent, cùm iis qui castigantur, tum præsertim illis qui alios castigant.

g *Gratificari.*] Gall. diceres, *Abandonner et faire litière.*

h *Cujus de virtute.*] Historiam Cicero dicit, Testem temporum, Lucem veritatis, Magistram, vitæ, Nunciam vetustatis. Historiæ virtus certè maxima est, cum ex aliorum erratis in melius vitam nostram instituere, et quid expetendum quidve fugiendum sit, sine nostro periculo, possimus cognoscere. Proindè haud immeritò Demetrius Phalereus Ptolemæum regem subinde admonebat, ut, libros legeret, quoniam, quæ amici non audent principibus demonstrare, ea omnia in libris scripta reperiuntur.

i *Certè.*] Vim habet occultam hæc vocula, et conjunctam habet ironiam. Auctor enim dum videtur rationem reddere velle, cur ab aliis reprehendatur, graviter illos vellicat. Gall. dicemus eodem caractere, *Assurement, ces Messieurs qui savent si bien courir après le petit peuple, &c.*

maxima industria videtur, ^asalutare plebem, et conviviis ^bgratiam quærere. Qui si reputaverint, et ^cquibus ego temporibus magistratus adeptus sum; et ^dquales viri idem assequi nequiverint; et postea, quæ ^egenera hominum in senatum pervenerint, profectò existimabunt, me magis ^fmerito, quàm ignaviâ, iudicium animi mei ^gmutavisse; majusque commodum ex ^hotio meo, quàm ex aliorum negotiis, reipublicæ venturum. ⁱNam sæpè audivi, Q. ^kMaximum, P. ^lScipionem, præterea civitatis nostræ præclaros viros, solitos ita dicere, cùm majorum ^mimagines intuerentur, vehementissimè sibi animum ad virtutem accendi. Scilicet non ⁿceram illam, neque figuram tantam vim in sese habere; sed memoriâ rerum gestarum eam flammam egregiis viris in pectore crescere, neque priùs sedari, quàm virtus eorum famam atque gloriam adæquaverit. At contrà quis est omnium ^ohis moribus, quin divitiis, et sumptibus, non probitate, neque industriâ, cum maioribus

INTERPRETATIO.

¹ *Quis omninum ita vivit.*

NOTÆ.

^a *Salutare.*] Romæ mos erat, quosvis prensando, nomine proprio, quasi intimè noti, et chari essent, appellando, manum porrigendo, &c. plebis gratiam aucupari.

^b *Gratiam.*] Benevolentiam et populi favorem solebant etiam cpulis et conviviis demereri.

^c *Quibus.*] Turbulentis scilicet, singulis ad imperia properantibus: unde ea et obtinere erat difficile.

^d *Quales.*] Catonem fortè inter alios designavit, qui præturam petens repulsam tulit. Cæterum totus iste locus rhetoricam, habet exornationem, non persuasionem: neque verò cuiquam Sallustium virtute Catoni prælatum fuisse, Sallustius probaverit.

^e *Genera.*] Per contemptum loquitur. Gall. *Quelle sorte de gens.*

^f *Merito.*] *Legitimâ de causâ:* Quasi scilicet eo indignum fuisse, eum turbâ hominum levissimorum, in senatum venire.

^g *Mutavisse.*] Id est, *Non jam, ut antea, ad magistratus ferri.*

^h *Otium.*] Honestò scilicet, quod in scribendâ historiâ collocavit: nam aliud est otium turpe, eorum qui se non tantùm à rebus publicis, sed ab omni omnino labore subtrahunt.

ⁱ *Nam sæpè.*] Ostendit auctor quomodo hominibus prosit rerum memoria, atque adeò quâ ratione respublica ex suo otio emolumentum possit capere.

^k *Maximum.*] Is ex Fabiorum fuit familia, qui dictator adversus Annibalem creatus, eunctando vim fregit illius imperatoris, atque res Romanas paululùm restituit.

^l *Scipionem.*] Plures eo nomine fuerunt viri celeberrimi, præcipuè verò Africani illi duo, major à victâ Africâ, Minor ab Africâ quoque, sed postquam ab illo victa fuisset, ita adietus; antea in Scipionum familiam ab Africani illius magni filio, et in decus gentis assumptus, cum Paulo Macedonico procreatus esset. De isto minore hic agi non sine ratione crediderim.

^m *Imagines.*] Habebant Roma qui illustri loco nati essent, quique in majoribus aliquem sellâ curuli decoratum habuissent, imagines, vultus eorum et posterorum ex cerâ referentes, quas ligneo armario in atrio, seu primâ parte ædium, includebant; festis diebus, apertis armariis, ornabant; in funeribus, cùm quis ex eâ domo mortuus esset, honoris causâ efferebant.

ⁿ *Ceram.*] Ex quâ fiebant imagines.

suis contendat? Etiam homines ^anovi, qui antea per virtutem soliti erant nobilitatem antevenire, ^bfurtim, et per ^clatrocinia potius, quam bonis artibus, ad imperia et honores nituntur. Proinde quasi praetura, et consulatus, atque alia omnia hujusmodi per se ipsa clara, et magnifica sint, ac non ¹perinde habeantur, ut eorum, qui ea sustinent, virtus est. Verum ego liberius, altiusque processi, dum me civitatis morum piget, taedetque. Nunc ad inceptum redeo.

Bellum scripturus sum, quod populus Rom. cum Jugurthâ, rege ^dNumidarum gessit: primum, quia magnum et atrox, ²variaeque victoria fuit; dein, quia tum primum superbiae nobilitatis, ³obviam itum est. Quae ^econtentio divina et humana cuncta permiscuit, eoque vecordiae processit, uti studiis civilibus ^fbellum, atque ⁴vastitas Italiae finem facerent. Sed prius quam hujusmodi rei initium expedio, pauca supra repetam; quo ad cognoscendum, omnia illustra, magis magisque in aperto sint. Bello Punico ^gsecundo, quo dux Carthaginiensium Hannibal, ^hpost magnitudinem nominis Romani, Italiae opes maxime attriverat; Masinissa rex Numidarum, in amicitiam receptus à P. ⁱScipione, cui postea Africano cognomen ex virtute fuit, multa et praecleara rei militaris facinora fecerat; ob quae, victis Carthaginiensibus, et capto ^kSyphace, cujus in Africâ magnum, atque latè imperium valuit, populus Rom. quascunque urbes, et agros manu ceperat, ^lregi dono dedit. Igitur amicitia Masinissae bona atque honesta nobis

INTERPRETATIO.

¹ *Et non sint sicuti virtus eorum, qui ea gerunt.*

² *Quia victoria in hanc et illam partem inclinavit.*

³ *Quia tum primum Plebs Ro-*

mana restitit superbiae nobilitatis.

⁴ *Ut discordiis civilibus bellum atque amplitudo Italiae finirent facerent.*

NOTÆ.

a *Novi.*] Id est, qui primi ex sua gente claruerunt.

b *Furtim.*] Non virtutem ostendendo, sed largitionibus suffragia corrumpendo, aut aliter cuniculis irrendo.

c *Latrocinia.*] Hoc nomine omnes damnat vias distortas, per quas sibi potestatem querebant, et magistratus, si cum vi aliqua conjuncta essent.

d *Numidarum.*] Numidiæ Africae regio, est pars ejus tractus, quem hodie *Barbariam* vocant, cum eo qui *Bildulgerid* dicitur. Verum ex ipso Sallustio postea cognoscetur.

e *Contentio.*] Inter plebem et nobilitatem.

f *Bellum.*] Quod Marium inter et Syllam intercessit, huic favente nobilitate, illi plebe.

g *Secundo.*] Ter Romani cum Carthaginiensibus bellum gesserunt. Hoc secundo, Pœnorum duce Annibale, profligata, et propemodum perdita fuit res Romana.

h *Post magnitudinem.*] Id est, non contentus Romanorum gloriam proculcasse.

i *Scipione.*] Hic est major.

k *Syphace.*] Fuit Syphax rex Massæsylium opulentissimus, Masinissæ ab Oriente vicinus.

l *Regi.*] Masinissæ.

permansit: sed ^aimperii, vitæque ejus, finis idem fuit. Dein Micipsa filius regnum solus obtinuit, Manastabale, et Gulussâ fratribus morbo absumptis. ¹Is Adherbalam, et Hiempsalem ex sese genuit; Jugurthamque filium Manastabilis fratris, quem Masinissa, quod ortus ex concubinâ erat, ^bprivatum reliquerat, eodem cultu, quo liberos suos, domi habuit. Qui ubi primum adolevit, pollens viribus, decorâ facie, sed multò maximè ingenio validus, non se ^cluxu, neque inertiae corrumpendum dedit. Sed, uti mos gentis illius est, equitare, jaculari, cursu cum æqualibus certare: et, cum ²omnes gloriâ anteiret, omnibus tamen carus esse: ad hoc, pleraque tempora in venando agere; leonem atque alias feras primus, aut in primis ferire: plurimum facere, ^det minimum ipse de se loqui. Quibus rebus Micipsa tametsi initio lætus fuerat existimans virtutem Jugurthæ regno suo gloriæ fore: tamen postquam hominem adolescentem, ³exactâ ætate suâ, et parvis liberis, magis magisque crescere intelligit, vehementer eo negotio ^epermotus, multa cum animo suo volvebat. Terrebat eum ^fnatura mortalium avida imperii, et ^gpræceps ad explendam animi cupidinem; præterea, ^hopportunitas suæ, liberorumque ætatis, ⁱquæ etiam mediores viros spe prædæ transversos agit; ad hoc, ^kstudia Numidarum in Jugurtham accensa, ^lex quibus, si talem virum dolis interfecisset, ne quâ seditio, aut bellum oriretur, anxius erat. His difficultatibus circumventus, ubi videt, neque per vim, neque insidiis opprimi

INTERPRETATIO.

¹ Is Micipsa genuit ex sese Adherbalem et Hiempsalem.

² Cum omnes gloriâ superaret.

³ Cum videt hominem adolescentem crescere magis, ac magis, vitâ suâ elapsâ.

⁴ Quæ opportunitas etiam homi-

nes aliquâ virtute præditos, spe prædæ à rectâ viâ abducit.

⁵ Præterea maximus Numidarum favor in Jugurtham, Micipsam terrebat.

⁶ Anxius erat ne qua seditio aut bellum oriretur ex Numidis, si talem virum fraude interfecisset.

NOTÆ.

a Imperii.] Illud est quod Gallicè dicimus: *Il perdît l'Empire avec la vie*. Sed Latine phrasis ambigua est, ideoque minus probanda.

b Privatim.] Scilicet nec regio cultu, nec in spem regni, educebatur.

c Luxu.] Antiquè. Jam supra eosdem notavit fontes omnium malorum: Verisimè; atque hic præcipuè cavendum.

d Et minimum.] Facile his artibus sine invidia laudem invenias, et amicos pares.

e Permotus.] Timens videlicet, ne Ju-

gurtha gratiâ et viribus ad invadendum imperium uteretur.

f Natura.] Illud est quod modò dixi; Metuebat Micipsa, ne, sicuti omnes à naturâ proni sumus ad explendam animi cupidinem, Jugurtha aliquid contra se, tum maximè contra liberos moliretur.

g Præceps.] Hinc prima mali nostri labes: ideoque hæc in parte diffidendum, præcavendum, et maximè ex longinquo principiis obstandum; nisi fortè per prærupta frangi lubet.

h Opportunitas.] Senes enim et pueri ad bellum sunt inepti.

posse hominem tam acceptum popularibus; ¹ quod erat Jugurtha manu promptus, et appetens gloriæ militaris, statuit eum obiectare periculis, et eo modo fortunam tentare. Igitur bello ^aNumantino Micipsa, cum populo R. equitum atque peditum auxilia mitteret, sperans vel ² ostentando virtutem, vel hostium sævitiâ, facile eum occasurum, præfecit Numidis, quos in Hispaniam mittebat; sed ea res longè aliter, ac ratus erat, evenit. Nam Jugurtha, ut erat impigro atque acri ingenio, ubi naturam P. Scipionis, qui tum Romanis imperator erat, et ³ b morem hostium cognovit; multo labore, multâque curâ, præterea modestissimè parendo; et sæpè ⁴ obviâ eundo periculis, in tantam claritudinem brevi pervenerat, uti nostris vehementer carus, Numantinis maximo terrori esset. Ac sanè, quod difficillimum in primis est, et prælio strenuus erat, et bonus consilio: quorum ^c alterum ex providentiâ timorem, alterum ex audaciâ temeritatem, adferre plerumque solet. Igitur ^d imperator omnes ferè res asperas per Jugurtham agere, in amicis habere, magis magisque eum in dies amplecti, quippe cujus neque consilium, neque inceptum ullum frustra erat. ^e Huc accedebat munificentia animi, et ingenii solertia: quibus rebus sibi multos ex Romanis familiari amicitia conjunxerat. Eâ tempestate in exercitu nostro fuere complures novi, atque nobiles, quibus divitiæ bono honestoque ^f potiores erant, factiosi, domi potentes, apud socios clari magis, quàm honesti; qui Jugurthæ non ^g mediocrem animum pollicitando accendebant, si Micipsa rex occidisset, fore uti solus imperii Numidiæ potiretur: ^h in

INTERPRETATIO.

¹ Quia Jugurtha erat manu promptus, et cupidus gloriæ militaris, Micipsa decrevit, eum obiectare periculis.

² Micipsa opinans eum interfectum iri, vel dum virtutem os-

tentaret, vel hostium sævitiâ, eum præfecit Numidis.

³ Postquam Jugurtha cognovit hostium pugnandi rationem.

⁴ Objectando se periculis.

⁵ Præterea in ipso erat magnificencia animi.

NOTÆ.

a Numantino.] Numantia urbs fuit Hispaniæ Tarraconensis, non longè ab ortu fluminis Durii, si viros aestimes, par omnibus urbibus bello, quod olim adversus Romanos fortissimè gesserunt.

b Morem.] Hic in perditissimo homine, pro tempore spectare licet ornatissimi juvenis speciem, et virtutis exemplum.

c Alterum.] Esse scilicet, bonum consilio, generat timorem: enimvero aliquis ut bene det consilium, ille debet prævidere pericula; quod si fuèrit, ea profectò re-

formidabit, deinde, quod pronum, est, ni virtus adsit, eadem quoque fugitabit.

d Imperator.] Scipio.

e Potiores.] Id est, Apud quos major divitiarum, quàm virtutis, ratio et estimatio erat.

f Mediocrem.] Id est, Cum jam suâ sponte Jugurtha dominationem affectaret, cupiditatem inflammabant insuper exitiales illi consiliarii.

g In ipso.] Jugurthâ scilicet. Hæc et similia ingerebant nefarii illi adulatores.

ipso maximam virtutem, Romæ omnia venalia esse. Sed postquam, Numantiâ deletâ, P. Scipio dimittere auxilia, et ipse reverti domum decrevit; ¹ donatum atque laudatum magnificè pro concione, Jugurtham in ^aprætorium adduxit; ibique secretò monuit, uti potiùs ^bpublicè, quàm privatim, amicitiam populi Rom. coleret; neu ^cquibus largiri insuesceret: periculosè à paucis emi, ^dquod multorum esset. Si permanere vellet in suis ^eartibus, ^fultrò illi et gloriam, et regnum venturum: sin ^gproperantiùs pergeret, suâmet ipsum pecuniâ præcipitem casurum. Sic locutus, cum literis eum, quas Micipsæ redderet, dimisit. Earum ²sententia hæc erat. *Jugurthæ tui bello Numantino longè maxima virtus fuit; quam rem tibi certè scio gaudio esse; nobis ob merita sua carus est: ut idem ³S. P. Q. R. sit, summâ ope nitemur. Tibi quidem ⁴pro nostrâ amicitia gratulor. En habes virum dignum te, atque avo suo Masinissâ.* Igitur ^hrex, ubi ea, quæ famâ acceperat, ex literis imperatoris ita esse cognovit; cum virtute, tum ⁱgratiâ viri permotus, ^kflexit animum suum; et Jugurtham beneficiis vincere aggressus est, statimque cum adoptavit, et testamento pariter cum filiis hæredem instituit. Sed ipse paucos post annos, morbo, atque ætate confectus, cum sibi finem vitæ adesse intelligeret, coram amicis, et cognatis itemque Adherbale, et Hiempsale filiis, dicitur hujuscemodi verba cum Jugurthâ habuisse.

INTERPRETATIO.

¹Adduxit Jugurtham in tentorium suum, postquam ipsi munera contulisset, atque eum laudasset magnificè coram exercitu.

²Earum sensus hic erat.

³Senatus, Populusque Romanus.

⁴Gratulor equidem tibi, secundum nostram amicitiam.

NOTÆ.

a Prætorium.] Tabernaculum erat, seu tentorium vel domus Imperatoris, sive Prætor, sive Consul fuisset.

b Publicè.] Hoc est, Ne huic aut ille se ille privatim addiceret, sed virtute suâ universum Populum Romanum sibi dederetur.

c Quibus.] Non dixit quibusvis: quomodo Jugurthæ levitatem exprobrasset; neque, factum ipsum in totum damnasset; verum quibus dixit, ut ille intelligat, neminem largionibus devinciendum, eo modo, et fine, quo procul dubio, summus Imperator cœpisse cum intellexerat.

d Quod multorum.] Loquitur de amicitia et favore P. Romani. Cæterum ex singulis propemodum Scipionis verbis maxima documenta sumere possunt viri prin-

cipes: quæ quia Jugurtha spreverat, de summo fastigo excussus est.

e Artibus.] Bonis scilicet. Reprehensionem habet hæc Imperatoris admonitio tametsi occulta est.

f Ultrò.] Ipso nec cogitante. Gall. Sans qu'il s'en mit en peine.

g Properantiùs.] Hoc est, vim faceret rebus, quæ cum tempore fiunt, sensim et sine sensu, quæque aliter franguntur. Gall. Que s'il se hâtoit trop; Que s'il violentoit les choses.

h Rex.] Micipsa.

i Gratiâ.] Cum Jugurtham, gratum et acceptum esse sciret, tum popularibus, tum Romanis.

k Flexit.] Hoc est, Cum antea Jugurtham perdere quævisset, mutato consilio, beneficiis ipsum cumulavit.

“Parvum ego te, Jugurtha, ^a amisso patre, sine spe, sine opibus, ^b in meum regnum accepi, existimans non minùs me tibi, quàm ^c si genuissem, ob beneficia carum fore; neque ea res ^d falsum me habuit. Nam ut alia magna et egregia ^e tua omittam, novissimè rediens Numantià, meque, regnumque meum, glorià honoravisti; tuàque virtute nobis Romanos ex amicis amicissimos fecisti; in Hispanià nomen familiæ ^f renovatum est: postremò, quod ^g difficillimum inter mortales est, glorià invidiam vicisti. Nunc, quoniam mihi natura finem vitæ facit, per ^h hanc dextram, per ⁱ regni fidem moneo, obtestorque, uti hos, qui tibi genere propinqui, ^j beneficio meo fratres sunt, caros habeas; neu malis alienos adjungere, quàm sanguine conjunctos retinere. Non exercitus, neque thesauri, præsidia regni sunt, verùm amici: quos neque armis cogere, neque auro parare queas, officio et fide pariuntur. Quis autem amicior, quàm frater fratri? Aut quem alienum fidum invenies, si tuis hostis fueris? Equidem ego regnum vobis trado firmum, si boni eritis; si mali, imbecillum. Nam ^k concordia res parvæ crescunt, discordià maximæ ^l dilabuntur. Cæterùm ante hos ^m te, Jugurtha, quia ætate, et sapientià prior es, ne aliter quid eveniat, providere

INTERPRETATIO.

¹ Nam ut silentio præteream alia tua magna, et egregia facinora.

² Moneo per fidem quæ regno debetur.

³ Cæterùm te decet, plùs quàm hos.

NOTÆ.

a Amisso.] Manastabale, scilicet.

b In meum.] Id est, Non modò in regiam induxi, sed cultu et spe cum filiis meis eàdem eduxi.

c Genuissem.] Te supplc.

d Falsum.] Id est, Tu mihi revera ea omnia præstitisti, quæ à filio possunt repeti.

e Tua.] Nota phrases ejusmodi ellipticas: Vim habent maximam. Ita cùm apud Terentium, pater filium vocat omnium, plùs est quàm si sceleratissimum, aut quopiam atroci alio nomine appellasset, cùm quodlibet intelligi posset.

f Renovatum.] Hoc dicit, quia Masinissa multa præclarè gesserat in Hispanià adversus Romanos, priusquam cum Scipione, societatem iniret.

g Difficillimum.] Omnino: nam ut habet Horatius,

Heu! nefas!

Virtutem incolumem odimus,

Sublatum ex oculis quærimus, invidi.

h Hanc.] Intelligendum est Micipsam

Jugurthæ manum tenuisse, dum hæc diceret.

i Beneficio.] Quia, videlicet, in partem et regni hæreditatem Jugurtham Micipsa assumpserat; atque pro filio habuerat.

k Concordià.] Scitum est quod quidam fecit, ut concordiam filios, quos magno numero habuit, edoceret: Sagittas, pro eorum numero sumpsit, quas in faciculum colligatas cuique rumpendas porrexit; quod illi cùm nequivissent, ipse singulas seorsim nullo negotio perfregit. Itaque omne quod est: tam diu manet atque subsistit, quàm unum est: interit quando solvitur, aut unum esse desinit.

l Dilabuntur.] Pereunt, sed acutè expressit, cùm dilabi præcisè notat in partes varias abire, quod ex se et immediatè ponit totius destructionem. Tanti est certè unio in universà naturâ ut vel ipsum nomen nescio quid blandi et jucundi sapiat; divisio contra lacerare, et omne malum portendere videatur.

“decet: Nam in omni certamine, qui ¹ opulentior est, etiam si
 “accipit injuriam, tamen, quia plus potest, facere videtur. Vos
 “autem, Atherbal, et Hiempsal, colite, observate ² talem hunc
 “virum; imitamini virtutem, et enitimini, ne ego meliores liberos
 “³ sumpsisse videar, quàm genuisse.”

Ad ea Jugurtha, tametsi regem ^a ficta locutum intelligebat, et
^b ipse longè aliter animo agitabat; tamen pro tempore benignè
 respondit. Micipsa paucis post diebus moritur. Postquam illi
 more regio ⁴ justa magnificè fecerant, ^c reguli in unum convene-
 runt, ut inter se de negotiis cunctis disceptarent. Sed Hiempsal,
 qui minimus ex illis erat, naturâ ferox, etiam antea ignobilitatem
 Jugurthæ, quia ^d materno genere impar erat, despiciens, ^e dexterâ
 Atherbalem adsedit; ne medius ex tribus, quod ^f et apud Numi-
 das honori ducitur, Jugurthæ foret. Decet tamen, ut ^g ætati con-
 cederet, ^h fatigatus à fratre, vix in partem alteram transductus
 est. Ibi cùm multa de administrando imperio dissererent, Jugur-
 tha inter alias res jacet, oportere quinquennii consulta, et ⁱ decreta
 omnia rescindi: ^k nam per ea tempora confectum annis Micip-
 sam parum animo valuisse. Tum ^l idem Hiempsal placere sibi
 respondit: nam ^m ipsum illum tribus his proximis annis adopta-
 tione in regnum pervenisse. Quod verbum in pectus Jugurthæ

INTERPRETATIO.

¹ Qui fortior est videtur facere
 injuriam, quamvis eam accipiat,
 quia plus potest.

² Reveremini hunc virum tantâ
 virtute ornatum.

³ Ne ego videar adoptâsse me-
 liores liberos, quàm genuissè.

⁴ Postquam illum, more regio,
 magnificè sepeliissent.

NOTÆ.

a *Ficta.*] Res profectò fictæ non erant,
 vera dicebat Micipsa; sed animus fictus
 erat: non ex benevolentia, sed ex metu
 loquebatur.

b *Ipse.*] Jugurtha.

c *Reguli.*] Jugurtha, Atherbal, et Hi-
 empsal, qui, diviso regno, parvi erant reges.

d *Materno.*] Antea natum cùm ex con-
 cubinâ vidimus.

e *Dextera.*] Verisimile est Jugurtham
 cum Atherbale, jam tum sine omni pro-
 lixiore ceremoniâ, assedissee. Occasio in-
 ter illos duos non fuit, de loco aulicâ ur-
 banitate disceptandi; nam sive Jugurtha
 superiorem, sive inferiorem obtinere vol-
 uit, utrobique ab Atherbalis sinistrâ se-
 dere debuit. Hiempsalis fuit hanc litem
 dirimere. Cujus enim ille vacuum latus
 clausisset, ei medium et honoratum lo-
 cum dedisset; cùmque dextrâ Atherba-

lem assedit, Jugurtham in loco infimo col-
 locavit.

f *Et.*] Hinc concludas, moris fuisse apud
 Romanos, ut sedentibus locus medius es-
 set honoratissimus.

g *Ætati.*] Jugurthæ scilicet.

h *Fatigatus.*] Eum premebat Atherbal,
 ut in Jugurthæ sinistram transiret; eoque
 pacto Jugurtha medius foret.

i *Decreta.*] Micipsæ scilicet. Plus
 verò dicit decreta quàm consulta: Hæc
 vocamus, des *Declarations*, Illa verò, des
Arrêts.

k *Nam.*] Ratio est Jugurthæ pro rescin-
 dendis Micipsæ decretis.

l *Idem.*] In neutro genere. Dicit Hi-
 empsal acri in Jugurtham cum aculeo, si-
 bi placere, ut patris postrema decreta res-
 cinderentur.

m *Ipsam.*] Jugurtham.

^aaltius, quàm quisquam ratus, descendit. Itaque ex eo tempore irâ et metu anxius, moliri, parare, atque ea modò in animo habere, quibus Hiempsal per dolum caperetur. Quæ ubi tardiùs procedunt, neque lenitur animus ^bferox, statuit quovis modò inceptum perficere. Primo conventu, quem ab regulis factum supra memoravi, propter dissensionem placuerat dividi thesauros, ¹finesque imperii singulis constitui. Itaque ad utramque rem tempus decernitur, sed maturius ad pecuniam distribuendam. Reguli intereà in loca propinqua thesauris alius aliò concessère. Sed Hiempsal in oppido Thimidâ fortè ejus utebatur domo, qui proximus ^clictor Jugurthæ, carus acceptusque ei semper fuerat: quem ^dille casu ministrum oblatum promissis onerat, impellitque, uti tanquam suam domum visens eat: portarum claves ^eadulterinas paret, nam veræ ad Hiempsalem referebantur: cæterùm, ubi res postularet, ^fseipsum cum magnâ venturum manu. Numida mandata brevi conficit: atque, uti doctus erat, noctu Jugurthæ milites introducit. Qui postquam in ædes irrupère; ²diversi regem quærere; dormientes alios, alios occursantes interficere: scrutari loca abdita; clausa effringere: strepitu et tumultu omnia miscere: cùm interim Hiempsal reperitur, occultans se tugurio mulieris ancillæ, quò initio pavidus, et ignarus loci, profugerat. Numidæ caput ejus, uti jussi erant, ad Jugurtham referunt. Cæterùm fama tanti facinoris per omnem Africam brevè divulgatur: Atherbalem, omnesque, qui sub Micipsæ imperio fuerant, metus invadit. In duas partes descendunt Numidæ: plures Atherbalem sequuntur, sed illum alterum bello meliores. Igitur Jugurtha, quàm maximas potest copias armat; urbes partim vi, alias voluntate, imperio suo adjungit: omni Numidiæ imperare parat. Atherbal, tametsi Romam legatos miserat, qui senatum docerent decæde fratris, et fortunis suis; tamen fretus multitudine militum, parabat armis contendere. Sed ubi res ad certamen venit, victus ex prælio profugit in ^gprovinciam, ac dehinc Romam contendit. Tum Jugurtha ³patratis ^hconsiliis, postquam omni Numidiâ potiebatur,

INTERPRETATIO.

¹ Placuit terminos imperii singulis assignari.

² Alii alio regem quæsiverunt.

³ Tum Jugurtha consiliis ad finem perductis, &c.

NOTÆ.

^a Altius.] Id est, Eo gravissimè vulneratus fuit: tantòque altius telum infixum, quantò acutius fuit.

^b Ferox.] Jugurthæ.

^c Lictor.] Lictores erant qui proximè Magistratum, vel regem præcedebant. Hujus domum Hiempsal in hospitium assumpserat.

^d Ille.] Jugurtha.

^e Adulterinas.] Des fausses clefs.

^f Seipsum.] Jugurtham.

^g Provinciam.] Hoc est, in eam Africæ partem quæ per Romanos Magistratus gubernabatur.

^h Consiliis.] Quæ, scilicet, de opprimendis fratribus, et eorum regno invadendo iniverat.

in otio facinus suum cum animo reputans, timere populum R. neque adversus iram ejus usquam, nisi in avaritiâ ^anobilitatis, et pecuniâ suâ, spem habere. Itaque paucis diebus, cum auro, argentoque multo legatos Romani mittit: quis præcipit uti primùm veteres amicos muneribus expleant, dein novos ¹acquirant: postremò, quemcumque possint largiundo parare, ne cunctentur. Sed ubi Romam legati venêre, et ex præcepto regis, ^bhospitibus, aliisque, quorum eâ tempestate in senatu auctoritas pollebat, magna munera misêre: tanta ^ccommutatio incessit, ut ex maximâ invidiâ in gratiam et favorem nobilitatis Jugurthæ veniret. ^dQuorum pars spe, alii præmio inducti, singulos ex senatu ^eambiando, nitebantur, ne ^fgraviùs in eum consuleretur. Igitur, ubi legati satis confidunt, die constituto senatus utrisque ^gdatur. Tum Atherbalem hoc modo locutum accepimus.

“Patres conscripti, Micipsa pater meus moriens mihi præcepit, “uti regni Numidiæ tantummodo ^hprocuracionem existimarem “meum; cæterùm ⁱjus, et ^kimperium penès vos esse: simul eniterer domi, militiæque quàm maximo usui esse populo Romano: “vos mihi ²cognatorum, vos in locum affinium ducerem: si ea “fecissem, in vestrà amicitia exercitum, divitias, munimenta

INTERPRETATIO.

¹ Postea novos requirant.

² Præcepit ut vos pro consanguineis et affinibus haberem.

NOTÆ.

a Nobilitatis.] Romanæ, scilicet.

b Hospitibus.] Eos intellige quibuscum bello Numantino Jugurthæ aretam amicitiam, et hospitii necessitudinem conjunxerat; ita ut ipse apud illos, si in Italia esset; illi apud ipsum, si in Numidiam venirent; diversarentur. Hospitii verò sanctissima jura fuerunt.

c Commutatio.] Nimirum Jugurthæ facinus cunctis atrocissimum visum est, sed postquam pecuniâ quidem corrupti sunt, mentem et animum mutaverunt, atque Jugurthæ crimen minuerunt.

d Quorum.] Nobilium, scilicet, qui sub voce nobilitas comprehenduntur; quod notandum; nam relativum quorum non cum nomine expresso, sed cum re intellectâ, consentit.

e Ambiendo.] Prout sit, inter alios sermones, illi Jugurthæ crimen verbis mitigabant, senatorumque favorem ipsi conciliabant.

f Graviùs.] Ne bellum adversus ipsum decernerent, aut hostem judicaret.

g Datur.] Id est, dies constituitur ad quem in senatum admitterentur Atherbal et Jugurthæ legati.

h Procuracionem.] Administrationem: La Lieutenant.

i Jus.] Fundamentum notat hoc vocabulum, aut dominandi rationem.

k Imperium.] Totum istud rhetoricè et blandâ comitate dicitur: nam aliqui Micipsa, fuerat et Masinissa P. Romani socius. Additæ fuerant equidem Romanorum beneficio multæ urbes utriusque imperio, sed uterque meruerat: imò fatebitur post ea ipse Atherbal, non admodum Romanorum fortunam expetendam fuisse, quo tempore fœdus initum cum ipsis. At ne ego, quod absque blandimento verum est, taceam, plerumque certò evenit, ut paulatim sub fœderis titulo, ille in minùs potentem dominium usurpet, qui opibus præcellit; libertatis inane nomen ut maneat, fœdus pangitur, quod precariam servitutem inducit.

“regni, me habiturum. Quæ præcepta patris mei cùm agitare, Jugurtha, homo omnium, quos terra sustinet, sceleratissimus, contempto imperio vestro, Masinissæ me nepotem, utiquè ab stirpe socium atque amicum populi R. regno fortunisque omnibus expulit. Atque ego P. C. quoniam eò miseriarum venturus eram, vellem, potiùs ob mea, quàm ob majorum meorum, beneficia posse me à vobis auxilium petere; ac maxime ^adeberi mihi beneficia à populo R. quibus non egerem: ^bsecundùm ea, si desideranda erant, uti ^cdebitis uterer. Sed quoniam parum tuta per se ipsa probitas est, neque mihi ^din manu fuit, Jugurtha qualis foret; ad vos confugi P. C. quibus, quod mihi miserrimum est, cogor priùs oneri, quàm usui esse. Cæteri reges, aut bello victi in amicitiam à vobis recepti sunt, aut in suis dubiis ^erebus societatem vestram appetiverunt. Familia nostra cum populo R. bello Carthaginiensi amicitiam instituit, quo tempore magis fides ejus quàm ^ffortuna petenda erat. ^gQuorum progeniem vos P. C. nolite pati me nepotem Masinissæ frustra à vobis auxilium petere. Si ad ^himpetrandum nihil causæ haberem, præter miserandam fortunam; quòd paulò antè rex, genere, famà atque copiis potens, nunc deformatus ærumnis, inops, alienas opes exspecto: tamen erat majestatis populi Romani ⁱprohibere injuriam, neque pati, cujusquam regnum per scelus crescere. ^jVerùm ego iis finibus ejectus sum, quos majoribus meis populus Rom. dedit: unde pater, et avus meus unà vobiscum expulserunt Syphacem, et Carthaginienses. Vestra beneficia mihi erepta

INTERPRETATIO.

¹ *Neque penès me fuit.*

² *Aut in vacillantibus suis rebus fœdus vobiscum inire quæsi-
verunt.*

³ *Magis fides ejus erat quæren-
da, quàm ejus fortuna.*

⁴ *Nolite pati, me progeniem eo-
rum, et nepotem Masinissæ, pe-
tere frustrà auxilium à vobis.*

⁵ *Tamen erat majestatis Pop.
Romani impedire ne ego injurià
afficerer.*

NOTÆ.

a *Deberi.*] Sunt equidem in hac oratione plurimæ bonæ rationes; at vero accuratà methodo non sunt dispositæ. De industriâ et bene factum ab autore, qui hominem elegantia Romanâ minùs excultum, suo more loquentem inducit. Ita planè præcipit summus magister Horatius.

b *Secundum.*] Id est, *Ex eo, Deinde, Gall. Et qu'en conséquence de cela.*

c *Debitis.*] Repetit quod ita dictum nunquam oportuit.

d *In manu.*] Id est, *Non potui facere*

ut Jugurtha quam fuit alias esset. Hoc dicit ut importunitatem, necessitate, quâ compulsus fuit, excuset.

e *Impetrandum.*] Auxilium, scilicet à vobis contra Jugurtham. Videtur Atherbal præscire quod futurum est: adeoque à Romanis, diffidens, et quasi à recusantibus auxilium petit. Ominosa est ista petendi ratio, et contumeliosa, quæque ergo, ita institui minimè debet.

f *Verum.*] Jam rationes optimas optimè proponit Atherbal, sed in eo diù non manebit.

“sunt, P. C. vos in mea injuriâ despecti estis. Eheu me miserum? huccine, Micipsa pater, beneficia ^a tua evasere, uti, quem tu parem cum liberis tuis, regnique participem fecisti, is potissimum stirpis tuæ extincor sit? Numquamme ergo familia nostra quieta erit? ^b Semperne in sanguine, ferro, fugâ versabimur? Dum Carthaginenses incolumes fuere, ^c jure omnia sæva patiebamur. Hostis ab latere: vos amici procul: spes omnis in armis erat. Postquam illa ^d pestis ex Africâ ejecta est, læti pacem agitabamus; quippe quis hostis nullus erat, nisi fortè quem vos jussissetis. Ecce autem ex improvviso Jugurtha, intoleranda audaciâ, scelere, atque superbiâ sese efferebat, fratre meo, atque eodem propinquo suo interfecto, primum regnum ^e ejus, sceleris sui prædam fecit: post, ubi me iisdem dolis nequit capere, nihil minus, quàm vim aut bellum ^f expectantem, in imperio vestro, sicut videtis, extorrem patriâ, domo, inopem, et cooperatum miseriis effecit, ¹ ut ubivis tutius, quam in meo regno essem. Ego sic existimabam, P. C. uti prædicantem audiveram patrem meum, qui vestram amicitiam diligenter colerent, eos multum laborem suscipere, cæterum ex omnibus maximè tutos esse. ² Quod in familiâ nostrâ fuit, præstitit, ut in omnibus bellis adesset vobis: nos uti per otium tuti simus, ³ in manu vestrâ est, P. C. Pater nos duos fratres reliquit: tertium Jugurtham ³ beneficiis suis ratus est nobis conjunctum fore. Alter eorum necatus: alter ipse ego manus ^h impias vix effugi. Quid agam? Aut quò potissimum infelix accedam? ⁱ Generis præsidia omnia extincta sunt; pater, uti necesse erat, ⁴ naturæ concessit: fratri,

INTERPRETATIO.

¹ Ita ut essem tutius ubivis, quàm in meo regno.

² Quantum fuit in potestate familiaris nostræ, effecit, ut auxilio vobis esset in omnibus bellis.

³ Micipsa pater meus credidit Jugurtham, tertium nostrum fratrem, beneficiis suis fore nobis conjunctum et amicum.

⁴ Pater mortuus est.

NOTÆ

a Tua.] In perditum Jugurtham.

b Semperne.] Masinissa à Carthaginensibus regno pulsus fuerat; Micipsa Romanis auxilio adversus illos venerat; frater Hiempsal à Jugurthâ jugulatus; ipse ab eodem ad ultimas angustias reductus sum.

c Jure.] Quia inter se illi, maximè propter Romanos, hostes erant.

d Pestis.] Loquitur de Carthaginensibus.

e Ejus.] Credo pateretur Sallustius, ut pro ejus, ipsius reponeretur, ad vitandum ambiguitatem, si quis fortè ejus cum

sceleris construeret: ideoque virgulam apposui.

f Expectantem.] Qui ne m'attendois à rien moins qu'à faire la guerre.

g In manu.] Quia potentes estis, quique faciliè Jugurtham in officio retinueritis. Cæterum in Jugurthâ fuit quod post Hannibalem timeretur, ut habet Florus.

h Impias.] Jugurthæ, scilicet. Synecdoche est, quæ vim auget orationis; ut hinc pateat Jugurtham impietate factum celebrem.

i Generis.] Cognatorum patris fratris, &c.

“^aquem minimè decuit, propinquus per scelus vitam eripuit: af-
 “fines, amicos, propinquos, cæteros meos, ^baliud alia clades op-
 “pressit: ¹capti ab Jugurthâ, pars in crucem acti, pars bestiis
 “objecti sunt: pauci, quibus relicta est anima, clausi in ²tenebris
 “cum mærore et luctu, morte graviorem vitam exigunt. Si om-
 “nia, quæ aut amisi, aut ex ³necessariis adversa facta sunt, in-
 “columia manerent: tamen, si quid ex improvise mali accidisset,
 “vos implorarem, P. C. quibus ^cpro magnitudine imperii, ^dius, et
 “injurias omnes, curæ esse decet. Nunc verò exul patriâ, domo,
 “solus, atque omnium ^ehonestarum rerum egens, quos accedam,
 “aut quos appellem? Nationesne, an reges, qui omnes familiæ
 “nostræ ob ^fvestram amicitiam infesti sunt? An quoquàm mihi
 “adire, licet, ubi non majorum meorum hostilia monumenta,
 “plurima sint? An quisquàm nostri misereri potest, qui aliquando
 “vobis hostis fuit? ^gPostremò, ^hMasinissa nos ita instituit. P. C.
 “ne quem coleremus, nisi pop. R. ne societates, ne fœdera nova
 “acciperemus: abundè magna præsidia nobis in vestrà amicitia
 “fore: ⁱsi huic imperio ^jfortuna mutaretur, unâ occidendum no-
 “bis esse. ^kVirtute, ac diis volentibus, magni estis et opulenti:
 “omnia ^lsecunda, et obedientia sunt, quo faciliùs sociorum inju-
 “rias curare licet. Tantùm illud vereor, ne ¹quos privata amici-

INTERPRETATIO.

¹ Qui capti sunt à Jugurthâ partim cruci affixi sunt.	^a Masinissa nos ita instituit, si imperium Romanum fortuna deficeret, nobis unâ pereundum esse.
² In carceris obscuritate detenti agunt vitam duriorē morte, cum mærore et luctu.	^b Virtute vestrà, et deorum be- neficio magni estis.
³ Ex amicis et faventibus ad- versa facta sunt.	^c Omnia sunt vobis faventia.

NOTÆ.

a Quem.] Jugurtham dicit, qui propin- quos et fratres suos ab ipsorum patre ben- eficiis cumulatus, tueri, non interficere, debut.	e Honestarum.] Id est, quæ regem comi- tari et cohonestare debent.
b Aliud.] Hoc est, Diversè perierunt.	f Vestram.] Id est, quam vobiscum ini- vimus.
c Pro magnitudine.] Id est, cum tam latè pateat Imperium Romanum, et ejus auctoritas. Elegans est hæc locutio, at vi- dendum ne pariat obscuritatem.	g Postremò.] Denique: Ut nè vos diu- tius morer.
d Jus.] Quandoquidem ipse Sallustius lib. 3. historiarum more antiquo vis ponit in accusativo plurali pro vires, fortè hic vis pro jus legendum esset; hic enim agi- tur de ope implorandâ, non contra jus, sed contra vim et injustitiam. Nolim tamen circa jus novas litas movere.	h Masinissa.] Benè et cum, artificio Masinissæ, cujus tamen vix ullum memo- riam habebat, potiùs quàm Micipsæ, ser- monem injicit Atherbal; quia nimirum ejus gratiam sciebat P. Romano recorda- tionem.
	i Fortuna.] Honesta oratio, quâ rei in- vidiam minuit. Id est, Si respublica Ro- mana ante tempus periret.

"tia Jugurthæ ^aparum cognita, transversos agat: quos ego audio
 "maximâ ope niti, ambire, fatigare vos singulos, ^bne quid de
 "cabsente, incognitâ causâ, statuatis: ^d fingere me verba, et fu-
 "gam simulare, cui licuerit in regno manere. ^eQuodd utinam il-
 "lum cujus impio facinore in has miserias projectus sum, eadem
 "hæc ^fsimulantem videam: et aliquando aut apud vos, aut apud
 "Deos immortales rerum humanarum cura oriatur; ut ille, qui
 "nunc sceleribus suis ferox atque præclarus est, omnibus malis
 "gexcruciatus, impietatis in parentem nostrum, fratris mei necis,
 "mearumque miseriarum graves pœnas reddat. ²Jam jam, fra-
 "ter animo meo carissime, quamquam tibi immaturo, et unde
 "minimè decuit, vita erepta est, tamen lætandum magis, quàm
 "dolendum puto casum tuum. Non enim ^hregnum, sed fugam,
 "exilium, egestatem, et has omnes, quæ me premunt, ærumnas,
 "cum animâ simul amisisti: at ego infelix in tanta mala præci-
 "pitatus, pulsus ex patrio regno, rerum humanarum ⁱspectaculum
 "præbeo: ³incertus quid agam, tuasne injurias persequar, ipse

INTERPRETATIO.

¹ *Ne amicitia privata Jugurthæ parum cognita aliquos à justitiæ viâ abducat.* | *juventæ face, et ab eo, à quo minimè decuit eam tibi eripi.*

² *Jam jam, ô Hiempsal, frater carissimè animo meo, puto casum tuum et mortem lætandam magis quam dolendam, quamquam vita erepta est tibi immaturo, et primâ* | *Ego sum incertus quid agere debeam, an quæram ulcisci mortem tuam, dum ipse egeo ope alterius. An ego cujus potestas vitæ et necis pendet ex potentiâ alienâ, consulum regno meo.*

NOTÆ.

a *Parum cognita.*] Innuit Jugurtham amicitia, virtutumque quibus ea conciliatur simulatione, quibusdam Romanis, qui illi, quasi verè amicus fuisset et honestus, favebant, perfidiosè imposuisse. Cæterum ipsorum avaritiâ potius quàm amicitia cum Jugurthâ conjunctos eos Atherbalem haudquaquam latebat; sed dissimulatum isthuc oportuit, quod quidem non imperitè fecit.

b *Ne quid.*] Maximus fuit hæc in parte Jugurthæ dolus: neque aliud possit vi eriniqui, quàm postulare, ut de absente, atque indictâ causâ statuatur, prout Atherbalem facere legati supponebant. At verò perversè illi, cum Atherbalis petitionibus illud subdolè admiscet; quod non perversas modò sed, et ineptas eas efficit. Is profectò ridiculè nimis requisivisset, ut de Jugurthâ senatus in indictâ causâ decerneret, cum ad eam dicendam illi adessent; verum tyrannum oportuit suis technis tempus tyrannire, jamque non nimium detinuit.

c *Absente.*] Jugurthâ scil.

d *Fingere.*] Non potest verbum hoc, eo modo quo præcedentia, immediatè construi cum verbo *audio*; verum in eo laudem meruit noster autor, qui quasi inordinatè ea congerit quæ contemnit.

e *Quod.*] Illud est quod Gallicè, ornatûs causâ, vel ex majoris affectus consuetudine, dicimus, *Que plût à Dieu que, &c.*

f *Simulantem.*] Nota hanc respondendi rationem, acris est; cumque multas habet figuras, cum plures tangit affectus. Simpliciter negasset Atherbal se simulare infortunium suum, sed revera miserum esse.

g *Excruciatus.*] Supple, sicut ego sum.

h *Regnum.*] Id est, *non tam regnum.* Lætandum magis quodd, regno spoliatus sis quàm dolendum; cum à te, unâ et eadem operâ, fuga, egestas, exilium depulsum sit.

i *Spectaculum.*] Id est, *De me fragilitatis humanæ exemplum fortuna exhibuit.*

"auxilii egens; an regno consulam, cujus vitæ, necisque potestas ex opibus alienis pendet. Utinam, ¹emori, fortunis meis honestus exitus esset, ne vivere contemptus viderer, si defessus malis injuriâ ^aconcessissem. Nunc quoniam neque vivere ²lubet, neque mori licet sine dedecore; P. C. per vos, liberos, atque parentes vestros; per majestatem populi R. subvenite mihi: ite obviam injuriæ: nolite pati regnum Numidiæ, ^bquod vestrum est, per scelus, et sanguinem familiæ nostræ tabescere."

Postquam rex finem loquendi fecit, legati Jugurthæ ^clargitione magis, quàm causâ freti, paucis respondent: Hiempsalem, ob sævitiam suam, ab Numidis interfectum: Atherbalem ultrò bellum inferentem, postquam superatus sit, queri, quòd injuriam facere nequisset: Jugurtham ab senatu petere, ne se alium putarent, ac Numantiæ cognitus esset; neu verba inimici ante facta sua ponerent. Deinde utrique curiâ egrediuntur. ³Senatus statim consulitur: fautores legatorum, præterea magna pars ^dgratiâ depravata, Atherbalis dicta contemnere: Jugurthæ virtutem laudibus extollere: gratiâ, voce, denique omnibus modis pro alieno scelere, et flagitio, suâ quasi pro gloriâ, ^enitebantur. At contrà pauci quibus bonum et æquum divitiis carius erat, subveniendum Atherbali et Hiempsalis mortem severè vindicandam censebant. Sed ex omnibus maximè Æmilius ^fScaurus, homo nobilis, impiger, factiosus, avidus potentiæ, honoris, divitiarum; cæterùm vitia

INTERPRETATIO.

¹Utinam morte finem honestum
facere possem infortunio meo, ne
homines viderent me abjectum et
spretum inter vivos, si defatigatus
malis, propter injuriam cecissem.

²Quoniam neque vita mihi
placet.

³Exemplo senatorum sententia
eâ de re exquiritur.

NOTÆ.

a Concessissem.] Hic locus aliquam habet obscuritatem, adeòque videndum quid intelligamus per *rò concedere*. Hic est ut videtur, *Deponere studium regnandi, et fratris mortem ulciscendi, vel Omnia Jugurthæ libidini permittere*. Gall. in hunc sensum diceremus, *Plût à Dieu que la mort fût un parti honnête, que je pûsse prendre dans mes infortunes; de peur de paraître dans le monde comme un misérable, si me trouvant épuisé par les maux que j'ai soufferts, j'étois contraint de tout céder au tort que l'on m'a fait.*

b Quod vestrum.] Optima et ratio et conclusio.

c Largitione.] Antea vidimus legatis suis præcepisse Jugurtham, ut quosvis Romanæ pecuniâ corrumperent; id sedulo præ-

stiterunt, adeòque fore confidebant ut ab illis causa sua defenderetur.

d Gratiâ.] Fit istud sæpius in judiciis: Quando sententiam suam dixerunt qui in concilio sunt auctoritate præcipui, reliqui non tam justitiâ, quàm gratiâ et favore inducti, suffragium suam ferunt, vel ut potentioribus assentiantur, vel ut illi de quo judicium fertur faveant: Quod quidem pessimè se habet, et æquum subvertit.

e Nitebantur.] Id est, Non illi minore cum studio Jugurthæ scelus excusabant et tegebant quàm si de suâ gloriâ quæstio incidisset.

f Scaurus.] Hunc et prudentem et gravem virum laudant Cicero, et Val. Max.

sua callidè occultans. Is postquàm videt regis largitionem famosam, ^aimpudentemque, veritus quod in tali re solet, ne ^bpolluta licentia invidiam ^caccenderet, animum à consuetâ lubricine ^dcontinuit. Vicit tamen in senatu pars illa, qui ²vero pretium aut gratiam anteferebat. Decretum fit, uti decem legati regnum, quod Micipsa obtinuerat, inter Jugurtham, et Atherbalem, ^edividerent. Cujus legationis princeps fuit L. Opimius, homo clarus, et tum in senatu potens, quia consul C. ^fGraccho et M. ^gFulvio interfectis, ^haccerrimè ⁱvindictam nobilitatis in plebem exercuerat. Eum Jugurtha, tametsi Romæ in amicis habuerat, tamen ^kcuratissimè receipt: dando, et pollicendo multa perfecit, uti fumæ, ^lfide, postremò omnibus suis rebus commodum regis anteferreret. Reliquos legatos eâdem viâ aggressus, plerosque capit: paucis carior fides, quam pecunia fuit. In divisione, quæ pars Numidiæ Mauritaniam attingit, ³agro, virisque opulentior, Jugurthæ traditur: illam alteram, ⁴specie quàm usu potiore, quæ portuosior, et ædificiis

INTERPRETATIO.

¹ Cùm Scaurus videt largitionem Jugurthæ infamem esse.

² Tamen pars potior fuit, in senatu, eorum, qui anteponebant gratiam et favorem vero et honesto.

³ Ea pars traditur Jugurthæ, quæ soli fecunditate et incolarum frequentia prævalebat.

⁴ Atherbal obtinuit illam alteram partem potiore pulchritudine quàm utilitate.

NOTÆ.

a *Impudentemque.*] Tanta Romam exerceuit avaritia, ut palam legati pecuniâ suffragia emerent. *Ils informoient les sénateurs, le sac, ou l'argent à la main.*

b *Polluta.*] Idem est propemodum quod famosa. Res erat nimium cognita.

c *Accenderet.*] Callidè Scaurus; nam periculum est maximum ne plebs tumultuetur, ubi magistratum apertè videt jus fasque pecuniæ postponere.

d *Continuit.*] Qui ita pro tempore et commodo virtuti favent, illi omnino sunt pessimi, et de quibus, si fortè fortunâ cognoscantur, maximè diffidendum.

e *Dividerent.*] Itaque regni Hiempsalis dimidia pars in perfidiæ præmium Jugurthæ, idque decreto senatûs, obvenit. Quantum nefas!

f *Graccho.*] Hic mortis, et legum Tiberii fratris acerrimus vindex, cùm plebem in avitos agros arcesseret, ab Opimio consule oppressus est.

g *Fulvio.*] Is collega Gracchi et earundem legum assertor, unâ cum illo ab eodem

Opimio, in Aventino monte oppressus est. Vir fuit consularis.

h *Accerrimè.*] Ex plebe enim tria hominum millia interfecit, eorumque corpora in Tyberim projecit.

i *Vindictam.*] Pro hac voce, quam contra auctoris mentem dicit esse Gruterus, victoriam reponit, ex fide librorum Pergameneorum. Quamobrem verò contra auctoris mentem esse dicat, non video: mihi quidem sensus est idem; nam vindicta in animo sedet ante victoriam, post victoriam excutitur.

k *Curatissimè.*] Scilicet amicitia jure à quibusdam ceremoniis, et qui exteris et ignotis exhibetur, supervacaneo cultu, solutus erat: attamen quò magis Opimium suum faceret, atque (etiam ut decuit erga legatum) nullum prætermisit honorem.

l *Fide.*] Est dativo casu, more veterum. Fortè hujus rei ignorance ab aliquo scolo *famâ* pro *famâ* positum est, quod absque hæsitazione correxi.

magis exornata erat, Atherbal possedit. Res postulare videtur Africæ situm paucis exponere, et eas gentes, quibuscum nobis bellum aut amicitia fuit, attingere. Sed quæ loca, et nationes, ob ^acalorem, aut asperitatem, item solitudines, minùs frequentata sunt; de iis haud facillè compertum narraverim: cætera quàm paucissimis absolvam.

In divisione orbis terræ plerique ^bin parte tertiâ Africam posuere: pauci tantummodo Asiam, et Europam ^cesse, sed Africam in Europâ. Ea finis habet ab occidente ^dfretum ^enostri maris et Oceani, ab ortu solis declivem ^flatitudinem: quem locum ^gCatabathmon incolæ appellant. ^hMare sævum, importuosum. Ager frugum fertilis, bonus pecori, arbori infœcundus: ⁱcælo, terræque penuria aquarum: genus hominum salubri corpore, velox, patiens laborum: plerosque senectus dissolvit, nisi qui ferro, aut à bestiis interiére. Nam morbus haud sæpè quemquam superat. Ad hoc, ^kmalefici generis plurima animalia. Sed qui mortales initio Africam ^lhabuerint; quique postea accesserint, aut quo modo inter se permixti sint; quamquam ab eâ famâ, quæ plerisque obtinet, diversum est; tamen, ut ex libris Punicis, qui regis Hiempsalis dicebantur, interpretatum nobis est; utique rem sese habere, cultores ejus terræ putant, quàm paucissimis dicam. Cæterùm

INTERPRETATIO.

^l *Dicam quàm paucissimis verbis qui homines initio coluerint et habitaverint Africam.*

NOTE.

a *Calorem.*] Solis scilicet. Nemo nescit Africæ maximam partem sub Zonâ esse torridâ, atque adeò ardoribus infestari.

b *In parte.*] Id est, Africam tertiam mundi partem fecerunt. Nunc verò aliter divisum orbem reperies apud Geographos, postquam veteribus incognitæ terræ à nautis perlustratæ sunt.

c *Esse.*] Id est, Quidam duas tantùm orbis terrarum partes esse voluerunt, et Africam sub Europâ comprehendendam. Ambiguæ istiusmodi phrases non sunt imitandæ.

d *Fretum.*] Maluit dicere Sallustius fretum maris quàm mare simpliciter, ut æstus notaret et violentiam, quæ in illis angustiis conspicitur, in quæ duo maria concurrent et commiscentur.

e *Nostri.*] Mediterranei, scilicet, quod Italiam aluit. At certè vix ab occasu dicitur Mediterraneum Africam finire: sed auctori nostro adeò mirabilis visus est maris æstus, ut eo abreptus fretum late

ad occasum porrexerit. Videndum est interim ne nobis imponent tabulæ nostræ Geographicæ, in quibus nulla quandoque terræ curvatis ratio habetur, cujus tamen, cùm in plano exprimitur, nisi cogitatio subierit, pronum est in gravissimos errores incidere.

f *Latitudinem.*] Id est, campum vastum.

g *Catabathmon.*] Vox Græca est à καταβαίνειν descendere; adeoque Catabathmon latinè descensum dixeris. Vallis erat in Egyptum devexa, si Melæ credimus. Unde vidcas non eosdem, qui nobis, veteribus fuisse Africæ limites; nam ea hodie, idque melius, usque ad mare rubrum protenditur.

h *Mare.*] Libycum seu Africum, quod pars est Mediterranei.

i *Cælo.*] Id est, Neque in Africâ multùm pluit: neque ibi copia est fontium, aut fluviorum.

k *Malefici.*] Puta serpentes, leones, &c.

^afides ejus rei penès auctores erit. Africam initio habuère ^bGætuli, et ^cLibyes, asperi, incultique; quis cibus erat caro ferina, atque humi pabulum, uti pecoribus. Hi neque moribus, neque lege, aut imperio cujusquam regebantur: vagi, palantes, ¹quas nox coegerat sedes habebant. Sed postquam in Hispaniâ Hercules, ^dsicut Afri putant, interiit: exercitus ejus compositus ex gentibus variis, amisso duce, ac passim multis sibi quisque imperium petentibus, brevè dilabatur. Ex eo numero ^eMedi, ^fPersæ, et ^gArmenii, navibus in Africam transvecti, proximos nostro mari locos occupavère. Sed Persæ ^hintra Oceanum magis: hique ⁱalveos navium inversos pro tuguriis habuère; quia neque materia in agris, neque ab Hispanis emendi, aut mutandi copia erat. Mare ²magnum, et ignara lingua commercia prohibebant. Hi paulatim, per connubia, Gætulos secum miscuère; et quia sæpe ^ktentantes agros, alia, deinde alia loca petiverant, semet ipsi ^lNumidas appellavère. Cæterum adhuc ædificia Numidarum agrestium,

INTERPRETATIO.

¹ *Ibi manebant, ubi nox coegerat eos manere.* | ² *Maris vastitas et linguæ ignorantia prohibebant commercium.*

NOTÆ.

a *Fides.*] Id est, *Verum sit, necne, non affirmo, id præstiterint qui ejus rei auctores fuerunt.*

b *Gætuli.*] Lybiæ interioris populi, qui ideo à diversis scriptoribus, diversis in locis collocantur, quòd gens vaga sæpius habitationem suam mutaverit. Ut eertè parum consultè videantur facere viri aliquin doctissimi, qui quæ ad loca spectant negligenter Sallustium scripsisse dicunt. Quasi verò ille, quia in Africâ prætor fuerit, ideo vastissimam et infestissimam regionem pervagari debuerit. Satis fuerit, ea retulisse quæ dedieit, quorumque injuriam crediderim, vindicem eum repositum.

c *Libyes.*] Ili populi à quibus etiam nomen sortita est Africæ, ejus propriè dictæ partem occidentalem incoluerunt, ad mare Mediterraneum, inter Mauritaniam et Cyrenaicam regionem, ut volunt; nisi Alexandriam usque ab ortu, et, prout videor ex Sallustio colligere, longius ab occasu attingendo erraverint: nam quis cum istis erroribus non erret?

d *Sicut Afri.*] Ex Livio et Virgilio creditum est Herculem incolumen ex Hispaniâ in Italiam venisse, quibuscum Sal-

lustius, quasi falsum fuerit, quod Afri de Herculis morte prædicabant, facere videtur. Verum plures eo nomine fuisse dubitare non sinit Cicero lib. 3. de naturâ deorum; unde facile est variantes eâ de re opiniones conciliare, si modò meminerimus uni suo Herculi, Jovis et Alemenæ filio, quæcumque ab omnibus facta sunt, Græcos poëtas attribuisse.

e *Medi.*] Media, Asiæ regio notissima, ad mare Hyrcanum, seu Caspium, quò etiam penetrâsse Herculem omnes norunt.

f *Persæ.*] Juxta Medos, ad meridiem.

g *Armenii.*] Post Medos, ad occasum.

h *Intra Oceanum.*] Id est, *Ad mare Atlanticum.*

i *Alveos.*] Illud est quod postea *carinas* vocat. Navis est concavitas.

k *Tentantes.*] Ut, scilicet, pingue solum, et pecori, quo delectabantur, aptum, invenirent.

l *Numidas.*] A Græca *νῆπις*, ut volunt, quod est *pascere*. Quamobrem verò ex linguâ Græcâ nomen sibi Nomades seu Numidæ assumpsissent planè non video; adeoque de hac etymologiâ multum dubito.

quæ mapalia illi vocant, oblonga, incurvis lateribus tecta, quasi navium carinæ sunt. Medis autem, et Armeniis ^aaccessêre Libyes. Nam hi propiùs mare Africum agitabant: (Gætuli sub ^bsole magis; haud procul ab ardoribus:) ^chique maturè oppida habuêre. Nam, ^dfreto divisi ab Hispaniâ, ^emutare res inter se instituerant. Nomen eorum paulatim Libyes corrupêre, barbarâ linguâ Mauros pro Medis appellantes. Sed res Persarum brevi ^fadolevit: ac postea ^gNumidæ nomine, propter multitudinem, à parentibus digressi, possedêre ea loca, quæ proxima Carthaginem Numidia appellatur. Deinde, ¹utrique alteris freti, finitimos armis, aut metu sub imperium suum coegêre; ^hnomen gloriamque sibi addidêre: magis hi, qui ad nostrum mare processerant, ⁱquia Libyes, quàm Gætuli, minùs bellicosi: denique Africæ pars ^kinferior pleraque ab Numidis possessa est: victi omnes in gentem, nomenque, imperantium ²concessêre. Postea ¹Phœnices, alii multitudinis domi minuendæ gratiâ, pars imperii cupidine sollicitatâ plebe; et aliis novarum rerum avidis, Hipponem, Adrimetum,

INTERPRETATIO.

¹ Deinde utrique Numidæ in mutua operâ, et auxilio præsidium collocantes; coegerunt finitimos, armis, aut metu, sub imperium suum. ² Quicumque à Numidis victi sunt, eorum nomen sumpserunt, et una gens cum ipsis facti sunt.

NOTÆ.

a Accessêre.] Quomodo isthuc, cùm priores Libyes Africam obtinuerunt? facile certè, ut nihil necesse sit à vulgatâ lectione discedere, prout nonnullis placuit. Libyes bellicosi fuerunt, ut ipse dicit Salustius: cùm itaque credibiliter à Medis et Armeniis pulsî essent illis necesse fuit horum gratiam paulatim sibi conciliare, quod quidem accedere est.

b Sub sole.] Id est, Sub circulo Equinoctiali, ubi solis ardor est gravissimus.

c Hique.] Libyes scilicet, non Gætuli: atque hos parenthesi, ne sententiam turbarent, includendos curavi.

d Freto.] Tantum adde, ne sensus videtur contrarius.

e Mutare.] Quamdiù nummus apud omnes in pretio non fuit, omnino oportuit non pecuniâ emere, sed mercium compensatione et permutatione.

f Adolevit.] Id est, Brevi potentes et florentes facti sunt.

g Numidæ nomine.] Id est, Persæ Nu-

mide dicti. In quibusdam libris legitur Nomo Numidæ; quod minùs placet.

h Nomen.] Illud est quod Gallicè, dicimus. Renom, Reputation; aliter existimationem, aut famam appellaveris.

i Quia.] Hic est sensus: dicit majorem gloriam brevi quæsivisse Numidas, qui parentibus relictis ad mare Mediterraneum consederant, quòd sibi vicinos, et minùs bellicosos Libyas, quàm aliis Numidis bello meliores Gætulos, superare facilius fuerit.

k Inferior.] Patet ex textu, eam inferiorem dici Africæ partem, quæ juxta Mediterraneum mare porrigitur: benè sanè, cùm eo plerique decurrant amnes Libyci.

l Phœnices.] Incolebant illi eas terras quæ ad Mediterraneam orientalem oram sitæ sunt. Pulsos à Josuâ fuisse notum est ex sacris literis; in Africâ verò consedis-
eiusque oram maritimam occupasse passim legimus, atque ab iis Afri, præsertim Carthaginienses, Pœni dicti sunt.

Leptim, aliasque urbes in orâ maritimâ condidère: æque brevi multum auctæ, pars ^aoriginibus suis præsidio, aliæ decori fuere. Nam de Carthagine silere melius puto, quàm parum dicere: quoniam aliò properare tempus monet. Igitur ad Catabathmon, ^bqui locus Ægyptum ab Africâ dividit, ^csecundo mari prima Cyrene est, colonia ^dTheræôn: ac deinceps duæ ^eSyrtes, interque eas ^fLeptis: ^gdeinde ^hPhilenôn aræ, quem locum, Ægyptum versus, finem imperii habuere Carthaginenses: post, aliæ Punicæ urbes. ⁱCætera loca usque ad Mauritaniam Numidæ tenent. ^kProximè Hispaniam Mauri sunt. ^lSuper Numidiam Gætulos accepimus, partim in tuguriis, alios incultius vagos agitare. Post eos ^mÆthiopus esse. ⁿDein loca exusta solis ardoribus. Igitur bello Jugurthino pleraque ex Punicis oppida, et finis Carthagi-

NOTÆ.

a *Originibus.*] Urbibus, unde exierant.

b *Qui locus.*] Fortè ideo locum describit, quia duo memorantur Catabathmi.

c *Secundo.*] Id est, ut videtur, *Proximò. En suivant la mer.* Phrasis insolens, at tamen quæ etiam reperitur apud Orosium, lib. 1. cap. 2.

d *Theræôn.*] Plures insulas meminerunt auctores, nomine Thera. Ab eâ quæ sita est supra Cretam prodiisse dicunt eos qui Cyrenem condiderunt.

e *Syrtes.*] Loca sunt vadosa maris Mediterranei, circa medium littus Africanum: major ad ortum, minor ad occasum magis inclinat.

f *Leptis.*] Duas hujus nominis auctores plurimi in Africâ propriâ collocant. Cluverius magnam habet omnino inter duas Syrtes; parvam verò magis ad occasum inter Syrtem minorem et Carthaginem. Hæc nostra, ut patet, magna est.

g *Deinde.*] Hic reprehenderunt quidam Sallustum, quòd Philenorum aras post duas Syrtes posuerit; verum erraverunt ipsi, non Sallustius; nam vocula *deinde* ad *Leptis*, non ad *Syrtes* referri debet; ita ut Philenôn aras post Leptim, inter Syrtes, non post eas, collocaverit.

h *Philenôn aræ.*] Rem ipsam enarrabit postea Sallustius.

i *Cætera.*] A finibus Carthaginensium. scilicet, versus occasum. Atque hinc Numidæ fines satis clarè intelligimus; nisi quòd Mulucha flumen eos ad occa-

sum incertos facit. Si enim verum est, quod ex auctoribus colligitur, Mulcham in Mauritanîâ Tingitanâ esse, cùm flumen Jugurthæ imperii terminus a Sallustio postea constituatur: certè Numidia ulterius quàm solet ad occasum crit promovenda; ita ut Mauritania Cæsariensis, ubi antea Syphax Masæsyliis imperitaverat, sub Numidiâ comprehendatur; ex quo concludas per Mauritaniam. Sallustum ferè Tingitanam intellexisse: Maurosque Cæsariensis in nomen et gentem victorum. Numidarum concessisse. Sed quamvis satis certum sit bonam Cæsariensis Mauritanîæ partem sub Jugurthâ fuisse; non tamen totam attribueris, quia vix Muluchæ fluminis situs cognosci possit.

k *Proximè.*] Mari tamen interjecto.

l *Super.*] Ad meridiem.

m *Æthiopus.*] A parte orientali ad occidentalem, in mediâ Africâ, fuisse eos, voluerunt veteres, Homerum secuti.

n *Dein loca.*] Hic iterum auctorem arguit vir sanè doctus, quasi ille, quia loca solis ardoribus exusta post Æthiopus ponit, ipsos in Zonâ torridâ esse negaverit. Ipse verò, ni fallor, malè concludit: nam Sallustius Æthiopus sub sole esse nequaquam inficiatur; sed tantum post eos, loca esse exusta et inhabitata sese ab aliis accepisse dicit. Quanquam à veteribus, ita ut à nobis, cognitum fuisse situm terrarum, nullus ausit affirmare.

niensium, quos ^anovissimè habuerant, populus Rom. per magistratus administrabat: Gætulorum magna pars, et Numidia ad flumen usque ^bMulucham sub Jugurthâ erant: Maurius omnibus rex Bocchus imperitabat, præter nomen, ^ccætera ignarus populi Rom. itemque nobis neque bello, neque pace antea cognitus; de Africâ, et ejus incolis, ad necessitudinem rei satis dictum.

Postquam diviso regno, legati Africâ decessère; et Jugurtha, contra timorem animi, ^dpræmia sceleris adeptum sese videt; certum ratus, quod ex amicis apud Numantiam acceperat, omnia Romæ venalia esse; simul et illorum ^epollicitationibus accensus, quos paulò antè muneribus expleverat; in regnum Atherbalis animum intendit. Ipse acer, bellicosus: at is, quem petebat, quietus, imbellis, placido ingenio, ^fopportunos injuriæ, metuens magis, quàm metuendus. Igitur ex improvise fines ejus cum magnâ manu invadit: multos mortales cum pecore, atque aliâ prædâ capit; ædificia incendit: pleraque hostiliter loca cum equitatu accedit. Deinde cum omni multitudine in regnum suum convertit, existimans dolore permotum Atherbalem injurias suas manu vindicaturum, eamque rem belli causam fore. At ille, quod neque se ^gparem armis existimabat; et amicitia populi Rom. magis quàm Numidis, fretus erat; legatos ad Jugurtham de injuriis questum misit: qui tametsi contumeliosa dicta retulerant, prius tamen omnia pati decrevit, quàm bellum sumere: quia tentatum antea secus cesserat. Neque eò magis cupido Jugurthæ minuebatur, quippe qui totum ejus regnum animo jam invaserat. Itaque non, ut antea, cum ^hprædatoriâ manu, sed, magno exercitu comparato, bellum gerere cœpit; et apertè totius Numidiæ imperium petere. Cæterum, quâ pergebat, urbes, agros vastare, prædas agere; suis animum, hostibus terrorem augere. Atherbal ubi intelligit eò processum, uti regnum aut relinquendum esset, aut armis retinendum, ⁱnecessariò copias parat, et Jugurthæ ob-

INTERPRETATIO.

ⁱ *Necessitate impulsus copias parat.*

NOTÆ.

a *Novissimè.*] Non enim à longo tempore Carthago à Scipione deleta fuerat.

b *Mulucham.*] Alio nomine dicitur *Molochath*. Fuit et oppidum Mulucha dictum, ut liquet ex Floro.

c *Cætera.*] Adverbium: nisi mavis præpositionem supplere. Aliter dicas, *His exceptis*.

d *Præmia.*] Omnino, siquidem dimidiam Hiempsalis regni partem obtinuerat.

e *Pollicitationibus.*] Nimirum illi se Romæ, gratiâ et favore, omnia ad ejus commodum conversuros, polliciti erant.

f *Opportunos injuriæ.*] Accipiendæ scilicet. Injuria hic passivè sumitur.

g *Parem.*] Jugurthæ, scilicet.

h *Prædatoriâ.*] Prædatorius exercitus dicitur, qui militibus constat leviter armatis, et in fugam expeditis.

vius procedit. Interim haud longè à mari, prope ^aCirtam oppidum, utriusque consedit exercitus; et quia diei extremum erat, praelium non inceptum; sed ubi plerumque noctis processit; ^bobscuro etiam tum lumine, milites Jugurthini, signo dato, castra hostium invadunt; semisomnos partim, alios arma sumentes fugant, funduntque; Atherbal cum paucis equitibus Cirtam profugit; et, ni multitudo ^ctogatorum fuisset, quæ Numidas insequentes mœnibus prohibuit, uno die inter duos reges cœptum, atque patratum foret bellum. Igitur Jugurtha oppidum circumsegit: ^dvineis, turribusque et machinis omnium generum expugnare aggreditur; maximè festinans ^etempus legatorum antecapere, quos ante praelium factum Romam ab Atherbale missos audiverat. Sed postquam senatus de bello eorum accepit, tres adolescentes in Africam legantur, qui ambos reges adeant; S. P. Q. R. verbis nuncient, velle, et ^fcensere, eos ab armis discedere; de controversiis suis jure potius quam bello disceptare; ita seque, illisque dignum fore. Legati in Africam maturantes veniunt; eò magis quòd Romæ, dum proficisci parant, de praelio facto, et oppugnatione Cirtæ audiebatur. Sed is rumor ^gclemens erat. Quorum Jugurtha acceptâ oratione respondit, sibi neque majus quidquam, neque carius auctoritate senatûs esse; ab adolescentiâ suâ ita sensum, ut ab optimo quoque probaretur; virtute non malitiâ, P. Scipioni, summo viro placuisse: ob easdem artes a Micipsâ, non penuriâ liberorum, in regnum adoptatum esse: cæterum, quòd plura bene, atque strenuè fecisset, eò enim suum injuriam minùs tolerare: Atherbalem dolis vitæ suæ insidiatum: quod ubi comperisset, sceleri obviâ isse: populum R. neque rectè, neque pro bono facturum, si ab ^hjure gentium, sese prohibuerint: postremò, de omnibus rebus legatos Romam brevè missurum. Ita ⁱutriusque digrediuntur. Atherbalis ^kappellandi copia non fuit. Ju-

INTERPRETATIO.

a *Cirtam.*] Regia quondam fuit Syphacis, ut Livio placet; Masinissæ alii tradunt: fortè utriusque fuit, nam huic eam Scipio tradidit. Non longè distat à mari, et hodie, *Constantina* dicitur.

b *Obscure.*] Id est, *die primum redeunte*: fortè circa tertiam horam matutinam.

c *Togatorum.*] Id est, *Romanorum*, quibus toga vestis propria. Commerciî causâ in urbe commorabantur.

d *Vineis.*] Machinæ fuerunt quibus præcipuè in diutinis obsidionibus utebantur, ex leviori ligno, et cratibus contextæ, sub quibus plures milites, ab hostium missilibus tuti subsidebant.

e *Tempus.*] Id est, *Ante Atherbalem extingere, quam ipsi Româ opem et auxilium legati sui attulissent.*

f *Censere.*] De senatu dicitur; *Velle et Jubere* de toto P. Romano, cum legem aut aliquid aliud suffragiis approbat.

g *Clemens.*] Id est, *Neque multum res ipsa per hominum ora jactabatur, neque tam atrox dicebatur.*

h *Jure gentium.*] Quo, cuique illatam injuriam repellere licet. Cæterum vide mihi quæso, quosque, et quanta arte nequitiam suam promoveat perditissimus latro.

i *Utrique.*] Legati et Jugurtha.

k *Appellandi.*] Dolis Jugurthæ factum est, ne Atherbalem legati alloquerentur, ex quo rem, uti acta erat, cognovissent: ut scilicet, post eorum diessum, quod et fecit, eum interficeret; deinde causam mortis quilibet Romæ, per nefarios amicos, prætexeret.

gurtha, ubi eos Africâ decesisse ratus est, neque propter loci naturam Cirtam armis expugnare potest, ^avallo, atque fossâ mœnia circumdat: turres extruit, easque ¹præsiidiis firmat: præterea dies noctesque aut per vim, aut dolis tentare: defensoribus mœnium præmia modò, modò formidinem ostentare: suos hortando ad virtutem erigere, prorsus intentus cuncta parare. Atherbal ubi intelligit omnes fortunas suas in extremo sitas, hostem infestum, auxilii spem nullam, penuriâ rerum ^bnecessarium bellum trahi non posse; ex iis qui unâ Cirtam profugerant, duos maximè impigros delegit: eos, multa pollicendo, ac miserando casum suum, confirmat, uti per hostium ²munitiones noctu ad proximum mare, dein Romam pergerent. Numidæ paucis diebus jussa efficiunt, literæ Atherbalis in senatu recitatæ, quarum sententia hæc fuit.

“Non mea culpa sæpè ad vos oratum mitto, P. C. sed vis Jugurthæ subigit, quem tanta lubido me extinguendi invasit, uti neque vos, neque deos immortales in animo habeat; sanguinem meum, quàm omnia, malit. Itaque, quintum jam mensem, socius et amicus populi Rom. armis obsessus teneor; neque mihi Micipsæ patris mei beneficia, neque vestra ^cdecreta auxiliantur: ferro, an fame acriùs urgear, incertus sum. Plura de Jugurthâ scribere ^ddehortatur fortuna mea: etiam antea expertus sum, parum ³fidei miseris esse. ^eNisi tamen intelligo illum, suprà quàm ego sum, petere, neque simul amicitiam vestram, et regnum meum sperare. ^fUtrum graviùs existimet nemini occultum est. Nam initio occidit Hiempsalem fratrem meum: dein patrio regno me expulit. Quæ sanè fuerint nostræ injuriæ, nihil ad vos. Verùm nunc regnum vestrum armis tenet: me, quem

INTERPRETATIO.

¹ Extruit turres, easque ab hostium irruptione militibus præsiidiariis tutas facit.

² Multa pollicendo, ac deplorando fortunam suam, eos confirmat, ut noctu per hostium opera et mu-

nimenta, ad proximum mare eant deinde Romam pergant.

³ Etiam antea experimento didici miserorum testimonio parum fidei tribui.

NOTÆ.

a Vallo.] Vallus, palus est, aut sudes, à quo vallum, hoc est, terræ aggestus; in castrorum munitiombus dictum est: quia vallis illis terra retinetur.

b Necessarium.] Pro Necessarium, quod in aliis reperitur codicibus.

c Decreta.] Quibus, (Legatis etiam ad id missis) ne alter alteri vim aut arma inferret, cautum fuisse vidimus.

d Dehortatur.] Quia scilicet, neque tempus est, cum quis opprimatur de aliis

rebus agere; neque omnia opus est de hoste dicere; quæ neque à multis audiuntur. Cauta est hæc oratio, et epistola integra acutè, et cum judicio, scripta.

e Nisi.] Correctio est; quasi dicat, Interim ego vos moneo, &c.

f Utrum.] Id est, An gratiâ vestrà, modò regno meo potiatur, excidere malit; quàm mihi datâ pace vestrà benevolentiam frui. Innuit Jugurtham Romanorum amicitiam temnere.

“vos Imperatorem Numidis posuistis, clausum tenet atque obsidet: legatorum verba quanti fecerit, pericula mea declarant. “Quid est reliquum, nisi vis vestra, quo moveri possit? Nam ego “quidem vellem, et hæc quæ scribo, et illa quæ antea in senatu “questus sum, vana forent potiùs, quàm miseria mea fidem verbis “faceret. Sed quoniam eò natus sum, ut Jugurthæ scelerum ¹ ostentui essem, non jam mortem, neque ærumnas, tantummodo “inimici imperium, et cruciatus corporis, ² deprecor. Regno Numidiæ, quod vestrum est, uti lubet, consulite: me ex manibus “impiis eripite, per majestatem imperii, per amicitia ³ fidem, si “ulla apud vos memoria remanet avi mei à Masinissæ.”

His literis recitatis, fuere qui exercitum in Africam mittendum censerent, et quàm primùm Atherbali subveniendum: de Jugurthâ interim uti consuleretur, quoniam legatis non paruiisset. Sed ab iisdem illis regis fautoribus summâ ope ^b enisum, ne tale decretum fieret. Ita bonum publicum, ut in plerisque negotiis solet, privatâ gratiâ devictum. Legantur tamen in Africam ^c majores natu nobiles, amplis honoribus usi: in quibus fuit M. Scaurus, de quo suprâ memoravimus, consularis, et tum senatûs ^d princeps. Hi, quod in invidia res erat, simul et à ^e Numidis obsecrati, triduo navim ascendere: dein brevî ^f Uticam appulsi, literas ad Jugurtham mittunt, quàm ocissimè ad provinciam accedat; se ad eum ab senatu missos. Ille, ubi accepit homines claros, quorum auctoritatem Romæ pollere audiverat, contra inceptum suum venisse: primò commotus metu, atque lubidine, ^g diversus agitabatur. Timebat iram senatûs, ni paruiisset legatis: porrò animus cupidine cæcus ad inceptum scelus rapiebat. Vicit tamen in ^h avido ingenio pravum consilium. Igitur, exercitu ⁱ circumdato, summâ

INTERPRETATIO.

¹ Quandoquidem eo fine natus sum, ut in me ostenderentur, et in aperto ponerentur scelera Jugurthæ.

² Tantùm oro ne ego inimici imperio subjiciar, neve ab eo corpus meum torqueatur.

³ Vos oro per fidem, quæ debetur amicitia.

⁴ In diversas partes trahebatur.

⁵ Igitur exercitu circum mœnia diducto summâ vi Cirtam conatur irrumpere.

NOTÆ.

a Masinissæ.] Optime clausula; quia, ut antea vidimus, Romanis bona et firma semper Masinissæ amicitia fuerat.

b Enisum.] Passivè quod facile non est imitandum.

c Majores.] Antè adolescentes missos fuisse vidimus.

d Princeps.] Is erat qui primus in recognoscendo senatu, à censoribus augusto titulo, recitabatur.

c Numidis.] Atherbalis legatis.

f Uticam.] Urbs fuit antiquissima, Tyrriorum colonia, non longè à Carthagine, ad occasum.

g Avido.] Imperii scilicet. Vix possit quisquam sibi consulere, dum ita flagrat cupiditas: adeoque tunc maximè quiescendum.

vi Cirtam irrumpere nititur, maximè sperans, ^adiductâ manu hostium, aut vi aut dolis sese ¹casum victoriæ inventurum; quod ubi secus procedit, neque, quod intenderat, efficere potest, uti, priùs quàm legatos conveniret, Atherbalis potiretur; ne ampliùs morando Scaurum, quem plurimum metuebat, incenderet, cum paucis equitibus in provinciam venit. At tametsi senatus ²verbis minæ graves nunciabantur, quòd ab oppugnatione non desisteret: multa tamen oratione consumptâ, legati frustrâ discessère. Ea postquam Cirtæ audita sunt, Italici, quorum virtute mœnia defendebantur, confisi, deditione factâ, propter magnitudinem populi R. inviolatos sese fore, Atherbali, suadent, uti seque, et oppidum Jugurthæ tradat, tantùm ab eo vitam paciscatur; de cæteris senatui curæ fore. At ille, tametsi omnia potiora fide Jugurthæ rebatur; tamen, quia penès ^beosdem, si adversaretur, cogendi potestas erat; ita, uti censuerant Italici, deditionem fecit. Igitur Jugurtha in primis Atherbalem ³excruciatum necat; dein omnes puberes Numidias, atque ^cnegotiatores promiscuè, uti quisque armatis obvius fuerat, interfecit: Quod postquam Romæ cognitum est, et res in senatu agitari cœpta; iidem illi ^dministri regis ^einterpellando, ac sæpe gratiâ, interdum jurgiis ^ftrahendo tempus, atrocitatem facti leniebant. / Ac ni C. ^gMemmius, tribunus pleb. designatus, vir acer, et infestus potentiæ nobilitatis, populum R. edocuisset id agi, uti per paucos factiosos Jugurthæ scelus condonaretur, profectò omnis invidia, ⁴prolatandis consultationibus dilapsa foret. Tanta vis gratiæ, atque pecuniæ regis erat. Sed

INTERPRETATIO.

¹ *Sperans sese inventurum occasionem victoriæ reportandæ.*

² *At, quamvis minæ graves à legatis nomine senatûs nunciabantur, quòd ab oppugnatione Cirtæ non desisteret, tamen, multis sermonibus absumptis, legati, re infectâ, discesserunt.*

³ *Jugurtha primò occidit Atherbalem, postquam eum cruciatibus afflixisset.*

⁴ *Profectò omne odium, quod contra Jugurthæ scelera accensum erat, extinctum foret differendo de liberationes.*

NOTÆ.

a *Diductâ.*] Facilius est enim hostem in diversa tractum et alibi resistentem superare.

b *Eosdem.*] Italicos negotiatores scilicet, quos Atherbal ad id cogere non poterat, ut diutius vim Jugurthæ sustinerent.

c *Negotiatores.*] Quos suprà togatos appellavit.

d *Ministri.*] Romanos intelligit Jugurthæ pecuniâ corruptos.

e *Interpellando.*] Non modò sermones de aliis rebus jaciebant, aut casus alios

ingerebant: sed etiam eorum orationem, quos minis Jugurthæ favere crederent, inturbabant. Plurimæ sunt triæ, et nequitia quibus judicia solent differre cavillatores.

f *Trahendo.*] In eo præsertim posita est astutia causicorum: assuetis enim minimùm movemur, atque omnibus rebus, cum tempore assuescimus.

g *Memmius.*] Hunc Saturninus, cùm consulatim peteret, interficiendum jussit.

ubi senatus delicti conscientiam populum timet, lege ^a Semproniam provinciam futuris consulibus Numidia atque Italia decretæ: consules declarati P. Scipio ^b Nasica, L. Bestia Calpurnius: Calpurnio Numidia, Scipioni Italia ^c obvenit, dein exercitus, qui in Africam portaretur, scribitur: stipendium, alia, quæ bello usui forent, decernuntur. At Jugurtha, contra spem nuncio accepto, quippe cui, Romæ omnia ¹ venum ire, in animo hæserat: filium, et cum eo duos familiares ad senatum legatos mittit; iisque, ut illis quos Hiempsale interfecto miserat, præcipit, omnes mortales pecuniâ aggre-
diantur: qui postquam Romam adventabant, senatus à Bestiâ consultus est, placeretne legatos Jugurthæ recipi mœnibus; iique decrevere, ni regnum, ipsumque deditum venissent, ut in diebus proximis decem Italiâ decederent. Consul Numidis ex senatûs decreto nunciari jubet. Ita infectis rebus illi domum discedunt. Interim Calpurnius, parato exercitu, ³ ^d legat sibi homines nobiles, factiosos, quorum auctoritate, quæ deliquisset, munita fore sperabat, in quis fuit Scaurus, cujus de naturâ et habitu suprâ memoravimus. Nam in consule nostro multæ bonæque artes animi, et corporis erant, quas omnis avaritia præpediebat. Patiens laborum, acri ingenio, satis providens, belli haud ignarus, firmissimus contra pericula et insidias. Sed legiones per Italiam ^e Rhegium, atque inde ^f Siciliam, porrò ex Siciliâ in Africam transvectæ. Igitur Calpurnius initio paratis commeatibus, acriter Numidiam ingressus est; multosque mortales, et urbes aliquot pugnando capit. Sed ubi Jugurtha per legatos pecuniâ tentare, bellicque quod administrabat, ^g asperitatem ostendere cœpit; animus æger avaritiâ facile ^h conversus est. Cæterum socius, et administer omnium

INTERPRETATIO.

¹ Quippe qui prorsus credebat omnia Romæ esse venalia.

² Iis præcipit ut quosvis, Romæ, conentur pecuniâ ad partes suas adducere.

³ Calpurnius assumit sibi legatos homines nobiles, factiosos, quorum auctoritate sperabat tecta et impunita fore quæ deliquisset.

NOTÆ.

a *Semproniam*.] Sempronius Gracchus legem tulerat, ut singulis annis senatus provincias duas consulares, ante comitia consularia, quas deinde ipsi designati consules inter se sortirentur, decerneret.

b *Nasica*.] Hic inter clarissimos oratores à Cicerone recensetur, qui cum in consulata mortuum esse dicit.

c *Obvenit*.] Sorte scilicet; quamvis consules quandoque inter se de provinciis conveniebant.

d *Legat*.] Legati imperatoribus adjuncti erant, ut eos consilio, et operâ adjuvarent, Plerumque singuli singulis attributi legionibus, et summo duci obnoxii. Sed,

de istis omnibus, adi, si placet, doctissimum Lipsium.

e *Rhegium*.] Urbs est in litore Calabriae, è regione Messanæ in Sicilia.

f *Siciliam*.] Sicilia Mediterranei insula est celeberrima, Triquetra et Trinacria olim, à formâ, dicta.

g *Asperitatem*.] Enimvero difficillimum fuit, in locis remotissimis et asperimis, hostem militiæ peritissimum, et atrocissimum superare.

h *Conversus*.] Ita ut, postquam ab eo bellum acriter inceptum esset, idem ille deinceps segniter persequeretur.

consiliorum assumitur Scaurus; qui tametsi ^a à principio, plerisque ex factione ejus corruptis, acerimè regem ¹ impugnaverat; tamen magnitudine pecuniæ à bono honestoque in prævum abstractus est. Sed Jugurtha primùm tantummodo belli moram ^b redimebat, existimans sese aliquid interim Romæ pretio, aut gratiæ effecturum: postea verò quàm participem ^c negotii Scaurum acceperat, in maximam spem adductus recuperandæ pacis, statuit cum eis de omnibus pactionibus præsens agere. Cæterùm interea, ^d fidei causâ, mittitur à consule Sextius quæstor in oppidum Jugurthæ ^e Vaccam: ^f cujus rei species erat acceptio frumenti, quod Calpurnius ^g palàm legatis imperaverat: ^h quoniam deditionis morâ induciæ agitabantur. Igitur rex, uti constituerat, in castra venit; ac pauca præsentī consilio locutus ⁱ de invidiâ facti sui, atque ^k ut in deditionem acciperetur: reliqua cum Bestiâ, et Scauro secreta transigit: dein postero die, quasi ¹ per saturam sententiis exquisitis, in deditionem accipitur. Sed uti ² pro consilio imperatum erat, elephanti xxx, pecus, atque equi multi, cum non parvo ar-

INTERPRETATIO.

¹ *Acerrimè contra Jugurtham regem enixus erat.* ² *Prout imperatum erat coram consilio.*

NOTE.

a *A principio.*] Quando à Jugurthâ Romam legati missi sunt.

b *Redimebat.*] Hoc est, *Id tantum quærebat, quomodo bellum in longinquum traheret.*

c *Negotii.*] Flagitii scilicet, quo, pecuniâ acceptâ, consul cum hoste clanculum paciscebatur.

d *Fidei.*] Ne deditionis specie dubitaret Jugurtha ad consulem venire, Sextius quæstor in oppidum Jugurthæ quasi obses, mittitur, ut, nisi inter eos de pacis arcanis conditionibus conveniret, Jugurtha in-violatus reverteretur.

e *Vaccam.*] Urbs fuit insignis, forum rerum venalium totius regni.

f *Cujus rei.*] Prætextum mittendi Sextii, Calpurnius exhibuit frumentum, quod palàm legatis imperaverat.

g *Palàm.*] Ut, scilicet, omnes nossent quamobrem quæstor dimitteretur, neque dolui subolerent.

h *Quoniam deditionis.*] Quandoquidem moræ et induciarum Jugurtha causa fuit, omnino belli sumptus ferre, adeoque frumentum suppeditare debuit.

i *De invidia.*] Ut, scilicet, injustè con-

flatam eam ostenderet, seseque expurgaret.

k *Ut in deditionem.*] Id est, *Ne cum se ipso, tanquam cum hoste, senatus populusque Romanus ageret; quinimo in fidem et deditionem suam acciperet.*

l *Per Saturam.*] Satura, lanx erat variiis frugum, pomorum et similium generibus plena: unde farcimen quoddam multis rebus refertum, et id genus alii cibi, saturæ nomine appellati sunt: deinde ad sermones, habitâ ratione, vel rerum varietatis et mixturæ, vel metrorum confusionis transit significatio. His positis, difficile non est scire quid sit *exquirere sententias per saturam*. Nimirum consul in Jugurthæ negotio, quasi in re facili et confectâ versatus est: (neque verò aliter opus fuisset, si ille deditionem veram fecisset:) sententiam suam pro rerum numero et ratione non divisit, sed multas res simul complexus, confusè aliorum sententias rogavit. Eo modo, nisi cum callidis, et iisdem cordatis, viris negotium expediendum sit, facile est quemvis irretire et decipere. Nostrates istud vocant, *faire un pot pourri d'une affaire.*

genti pondere, quæstori traduntur. Calpurnius Romam ad magistratus ^arogandos proficiscitur. In Numidiâ et exercitu nostro pax agitabatur. Postquam res in Africâ gestas, quoque modo actæ forent, fama divulgavit; Romæ per omnes locos, et conventus de facto consulis agitari. Apud plebem gravis invidia: patres solliciti erant; probarentne tantum flagitium, an ^bdecretum consulis subverterent, parum constabat. Ac maximè eos potentia Scauri, ^cquod is auctor et socius Bestiæ ferebatur, à vero bonoque impediēbat. At C. Memmius, cujus de libertate ingenii, et odio potentiæ nobilitatis, suprâ diximus; inter dubitationem et moras senatûs, concionibus populum ad vindicandum hortari: monere, ne remp. ne libertatem suam desererent; multa superba, crudelia facinora nobilitatis ostendere; prorsus intentus omni modo plebis animum accendebat. Sed quoniam eâ tempestate Romæ Memmii facundia clara pollensque fuit, decere existimavi unam, ex tam multis, orationem prescribere; ac potissimum ea dicam, quæ in concione, post reditum Bestiæ, hujuscemodi verbis disseruit.

“ Multa me dehortantur à vobis, Quirites, ne studium reipub. omnia superet: opes factionis, vestra patientia, jus nullum; ac maximè, quod ²innocentiæ plus periculi, quàm honoris est. Nam illa quidem piget dicere, ^chis annis xv. quàm ludibrio fueritis superbix paucorum; quàm fœdè, quamque inulti perierint vestri ^ddefensores; uti vobis animus ab ignaviâ, atque socordiâ corrup-

INTERPRETATIO.

Quia is discebatur esse auctor flagitii et socius Bestiæ, in eo admittendo.

² Multa me deterrent à vobis defendendis, Quirites, nisi affectus meus in rempublicam omni in-

pedimento major esset: opes factionis, vestra patientia, justitiæ contemptus me deterreret, ac præsertim quod plus periculi redundat in bonos et honestos, quàm honoris.

NOTÆ.

a Rogandos.] Quicquid alii dicant, omnino arbitror ita intelligendum esse hunc locum, ut Calpurnius Romam concesserit ad rogandum populum de consulibus et aliis magistratibus, in annum proximum circandis; Mortuo enim Scipione collegâ, nisi ipse adfuisset, interregem eâ gratiâ creari oportuisset; cum neque prætor, neque alius magistratus jus illud haberet. Fateor equidem, ut invidiam minueret, si quâ in se concitata esset, Calpurnium maturè in urbem concessisse; et enim animum meum inducere nequeo, per rogare magistratus intelligendum esse, Ro-

gar an satis illis placeret quod cum Jugurthâ esset factum.

b Decretum.] Quo in deditionem Jugurtham, certis conditionibus, acceperat.

c His.] Quibus, post Gracchorum mortem, nobilitas in plebem sævierat. Cæterum à Tiberii Gracchi obitu ad Calpurnii consulatum vicesimus tertius annus decurrebat: unde concludas, vel locum corruptum, vel annorum supputationem subtilem, et accuratam non esse.

d Defensores.] Quales Gracchi, Fulvius.

“tus sit: qui ne nunc quidem, ^aobnoxiiis inimicis, exsurgitis, atque
 “etiam nunc timetis eos, quibus vos decet terrori esse. Sed quam-
 “quam hæc talia sunt, tamen obviam ire ¹factionis potentiæ, ani-
 “mus subigit. Certè ego libertatem, quæ mihi à parente meo tra-
 “dita est, ²experiar: verum id frustrà, an ³ob rem faciam, in ves-
 “trâ manu situm est, Quirites. Neque ego vos hortor, quod sæpe
 “maiores vestri fecère, uti contra injurias armati, eatis. Nihil vi,
 “nihil ^bsecessione opus: necesse est, ^csuomet ^dipsi more præci-
 “pites eant. Occiso Ti. Graccho, quem ^eregnum parare aiebant,
 “in plebem Romanam ^fquæstiones graves habitæ sunt. Post C.
 “Gracchi, et M. Fulvii cædem, item ^gordinis vestri, multi morta-
 “les in carcere necati sunt. Utriusque cladis non ^hlex, verùm
 “ⁱlubido eorum, finem fecit. ^kSed sanè fuerit regni reparatio,
 “plebi jura sua restituere. ¹Quidquid sine sanguine civium ^mul-
 “cisci ⁿnequitur, jure factum sit. Superioribus annis taciti indig-
 “nabamini ærarium expilari, reges et populos ^oliberos paucis no-

INTERPRETATIO.

¹ Tamen animus me cogit re-
 sistere potentiæ factionis.

² Certè ego libertate uti, quæ
 mihi à parente meo tradita est,
 non desistam.

³ Verùm, in vestrà potestate si-
 tum est, idne frustrà experiar, an
 in vestrum commodum.

NOTÆ.

a Obnoxiiis.] Id est, In flagitio depre-
 hensis et sub potestate redactis. Gall.
 Sur qui vous avez si belle prise.

b Secessione.] In Catilinâ vidimus ter-
 quaterve plebem à patribus secessisse.

c Suomet.] Questionibus scilicet, quæ
 in eos habebantur, quomodo cas in plebem
 exerecunt.

d Ipsi.] Nobiles, qui in culpâ sunt de-
 prehensi.

e Regnum.] Memorat Plutarchus Pom-
 peium, priusquam T. Gracchus interfice-
 retur, se scire dixisse, huic diadema et
 purpureas vestes, tanquam Romæ regna-
 turo, allatas esse. Florus verò, eum re-
 fert, dum, manu caput tangens, plebem
 ad defensionem salutis suæ hortaretur,
 regnum sibi et diadema poscentis speciem
 præbuisse.

f Quæstiones.] Des informations et pro-
 cédures criminelles.

g Ordinis.] Plebeii scilicet: tres enim
 fuisse antea vidimus.

h Lex.] Non Porciam modò aliasve
 intelligit leges, quæ pro civium tergo
 sancitæ essent; sed jus omne et æquita-
 tem quam inter cives servare decet.
 Sensus est, usque in plebem nobiles sæ-

visse, dum sanguine ejus libidinem suam
 satiassent.

i Lubido.] Leur caprice.

k Sed.] Sensus paulò remotior est.
 Concedit adversariis, quod acerrimè con-
 tra ipsos retorqueat, idque cum amarâ
 ironiâ, quasi dicat, *verùm jam tempus non*
est de istis altercari; esto, quandoquidem
ita placet nobilitati, illis concedo male fe-
cisse Gracchos, eosque regiam auctoritatem
in civitatem reduxisse, quando plebi, quod
suum est, restitutum voluerunt.

l Quidquid.] Conclusio est, quam Mem-
 mius ex iis quæ adversariis concessit
 pro causâ suâ deducit: vult nimirum
 bene fecisse nobiles, qui commentitios
 regni reparatores interfecerint, ut potiori
 jure, plebi in flagitiossimos nobiles liceat
 inquirere.

m Ulcisci.] Passivè: quod facillè non
 est imitandum.

n Nequitur.] Antique.

o Liberos.] Cùm publicè sub imperii
 Romani ditione esse deberent, atque rei-
 publicæ tributâ pendere; aut si socii fuis-
 sent et liberi, ab ejusmodi paucorum
 tyrannide tuti agitare.

“bilibus vectigal pendere, penès eosdem et summam gloriam, et
 “maximas divitias esse: tamen hæc talia facinora impunè sus-
 “cepisse ^aparum habuere: itaque postremò leges, majestas ves-
 “tra, divina et humana omnia ^bhostibus tradita sunt. Neque eos,
 “qui ea fecêre, pudet, aut pœnitet; sed incedunt ¹per ora vestra
 “magnificè, sacerdotia, et consulatus, pars triumphos suos, os-
 “tentantes; perinde quasi ea ^chonori, non prædæ habeant. ²Servi
 “æri parati injusta imperia dominorum non perferunt; vos, Qui-
 “rites, imperiò nati æquo animo servitutem toleratis? At, qui
 “sunt hi, qui remp. occupavere? Homines sceleratissimi, cruentis
 “manibus immani avaritiâ, nocentissimi, iidemque superbissimi,
 “quibus fides, decus, pietas, postremò honesta, atque inhonesta
 “omnia quæstui sunt. ³Pars eorum, ^doccidisse tribunos pl. alii
 “quæstiones injustas, plerique eadem in vos fecisse, pro muni-
 “mento habent; ita, quàm quisque pessimè fecit, tam maximè
 “tutus est: ^emetum à scelere suo ad ignaviam vestram transtu-
 “lêre: quos omnes, eadem cupere, eadem odisse, ^feadem metuere
 “in unum ^gcoëgit. Sed hæc inter bonos amicitia, inter malos
 “factio est. Quod si vos tam libertatis curam haberetis, quàm
 “illi ad dominationem accensi sunt; profectò neque resp. ⁴sicuti
 “nunc, vastaretur; et beneficia vestra penès optimos, non auda-

INTERPRETATIO.

¹ *Ambulant magnificè in medio*
vestrùm.

² *Servi argento acquisiti non to-*
lerant injusta imperia dominorum.

³ *Eorum nonnullis præsidio est*

interfecisse tribunos plebis, aliis
vos quæstionibus injustis vexâsse,
plerisque eadem in vos fecisse.

⁴ *Neque respublica vastaretur,*
sicuti vastatur nunc.

NOTÆ.

a *Parum.*] Id est, non contenti fuerunt.
 b *Hostibus.*] De Jugurthâ etiam intel-
 ligit, cui certè P. Romani majestas pecu-
 niâ prodita fuerat.

c *Honori.*] Id est, Quasi honestè *partas*
dignitates propter honorem retinuissent,
non propter prædam. Gall. *Tout de même*
que s'ils regardoient les charges et les dig-
nités de la republique comme des recompen-
ses honorables de la vertu, et non comme
des moyens d'exercer leur brigandage.

d *Occidisse.*] Hi infinitivi vicem præ-
 stant accusativi casûs.

e *Metum.*] Ratio est superioris comma-
 tis ingeniosissima. Ideo, inquit, pessimus
 quisque tutissimus est, quia maximè me-
 titur, postquam à se scelesto metum ad
 ignavum transtulit.

f *Eadem.*] Ne scilicet, aliquando jus

suum populus repetat, eoque adversus no-
 centes utatur.

g *Coëgit.*] Potest his locus ita exponi,
 ut *coëgit* neutro passivi verbi vim habeat;
 sensusque idem fuerit ac si pro *coëgit*
convenit posuisset, nisi quod illud signifi-
 cantius et expressius est. Sed simplicius
 intelligi malim, voloque ut infinitivi isti
 pro nominativis sumantur verbi *coëgit*.
 Atque sententia istorum verborum ea ipsa
 erit quam in bello Catilinario Catilina ipse
 expressit, cum dixit, eadem velle et ea-
 dem nolle, firmam demum efficere amicitia-
 m. Nimirum intendit Memmius eâ
 causâ tam egregiè inter se congruere no-
 biles, et tam enixè uno conatu plebem op-
 primere, quòd omnes uno et eodem crim-
 ine teneantur, atque adeò eadem timeant,
 et odio persequantur.

“cissimos, forent. Majores vestri ^aparandi juris, et majestatis
 “constituendæ, gratiâ; bis per secessionem armati ^bAventinum
 “occupavere: vos pro libertate, quam ab illis accepistis, nonne
 “summâ ope nitemini? Atque eò vehementiùs, quo majus dede-
 “cus est, parta amittere, quàm omnino non paravisse! Dicit ali-
 “quis, quid igitur censes? Vindicandum in eos qui hosti prodidere
 “remp. non manu, neque vi: quod magis vos fecisse, quàm illis
 “accidisse, indignum est: verùm questionibus, et indicio ipsius
 “Jugurthæ, qui si ¹dedititius est profectò jussis vestris obediens
 “erit: sin ea contemnit, scilicet, æstimabitis, qualis illa pax, aut
 “deditio sit, ex quâ ad Jugurtham scelerum impunitas, ad paucos
 “potentes maximæ divitiæ, ^cin rempubl. damna, atque dedecora,
 “pervenerint. Nisi fortè nondum etiam vos dominationis eorum
 “satieta tenet, et ^dilla, quàm ^ehæc tempora, magis placent, cùm
 “regna, provinciæ, leges, jura, judicia, bella atque paces, postre-
 “mò divina et humana omnia penès paucos crant: vos autem,
 “hoc est, P. R. invicti ab hostibus, imperatores omnium gentium,
 “satis habebatis ²animam retinere. Nam servitutem quidem quis
 “vestrùm audebat recusare? Atque ego tametsi viro ^fflagitiosis-
 “simum existimo impunè injuriam accepisse; tamen, vos homi-
 “nibus sceleratissimis ignoscere, quoniam cives sunt, æquo ani-
 “mo paterer, ni misericordia in perniciem casura esset. Nam et
 “illis, quantum importunitatis habent, ³parum est, impunè male

INTERPRETATIO.

¹Qui, si revera deditionem fecit,
 et se populo Romano tradidit, pro-
 fectò vobis obtemperabit.

²Vos autem, cùm essetis Impe-
 ratores omnium gentium, contenti
 eratis vivere.

³Nam et illi, quanto est sua im-
 portunitas, pro nihilo ducunt quòd
 hactenus impunè deliquerunt; et
 deinceps multò plura patrabunt
 nisi illis malefaciendi licentia in
 posterum eripitur.

NOTÆ.

a Parandi.] Ut tribunos suos obtine-
 rent, qui sacrosanctâ suâ potestate plebem
 defenderent et tuerentur.

b Aventinum.] Alii Capitolium dicunt.

c In rempubl.] Omnino, nam regnum
 quod Masinissæ Romani tradiderunt ex-
 tinctis ejus legitimis hæredibus, jure ad
 ipsos redibat, neque verò sociorum et
 amicorum injurias sine indecore ultas
 relinquere poterant.

d Illa.] Quibus, post Gracchorum mor-
 tem, oppressi fuistis.

e Hæc.] Quibus jus vestrum potestis et
 asserere et vindicare.

f Flagitiosissimum.] Nobis, sub Christi
 disciplinâ institutis, nefas est acceptas in-
 jurias ulcisci: imò ostendit recta ratio

illi reipublicæ occidendum esse, in quâ
 privata vindicta toleratur. At verò ne-
 que illam auctor suadet. Scopus est di-
 cere, eos quibus pœnarum irrogandarum
 potestas data est, flagitiosissimè facere,
 cùm gratiâ, socordia, aut quâvis aliâ
 causâ, noxium aliquem impunitum re-
 linquunt. Verissimè et optimè, si quic-
 quam aliud: ignoscendo enim sit tan-
 dem, ut qui pessimi sunt incautos de so-
 lio deturbent, deinde quos viros bonos
 sciunt, prædas et victimas suas faciant.
 Stat publicum bonum legibus; leges tue-
 tur severitas; neque inter homines, ine-
 ptâ illâ facilitate, quam ostentant non-
 nulli rerum publicarum moderatores, ma-
 jus est malum.

“fecisse: nisi deinde faciendi licentia eripitur, et vobis æterna
 “sollicitudo remanebit, cū intelligetis aut serviendum esse, aut
 “¹per manus libertatem retinendam. Nam fidei quidem, aut con-
 “cordiæ quæ spes est? Dominari illi volunt, vos liberi esse: fa-
 “cere illi injurias, vos prohibere: postremò sociis vestris veluti
 “hostibus, ²hostibus pro sociis, utuntur. Potestne in tam diversis
 “mentibus pax, aut amicitia esse? Quare moneo, hortorque vos,
 “ne tantum scelus impunitum dimittatis. Non peculatus ærarii
 “factus est, neque per vim sociis ereptæ pecuniæ, quæ quamquam
 “gravia sunt, tamen consuetudine jam pro nihilo habentur. Hosti
 “accerrimo ³proditā senatūs auctoritas: proditum imperium
 “vestrum: ⁴domi ⁵militiæque resp. venalis fuit. Quæ nisi ⁶quæ-
 “sita erunt, nisi vindicatum in noxios, quid erit reliquum, nisi ut
 “illis, qui ea fecere, obedientes vivamus? Nam impunè quilibet
 “facere, id est ⁷regem esse. Neque ego vos, Quirites, hortor, uti
 “jam ⁸malitis cives vestros perperam, quàm rectè, fecisse: sed
 “ne, ignoscendo malis bonos perditum eat. Ad hoc, ⁹in rep.
 “multò præstat, beneficii, quàm maleficii, immemorem esse. Bo-
 “nus tantummodo segnior fit, ubi negligas: at malus improbius.
 “Ad hoc, si injuriæ non sint, haud sæpè auxilii egeas.”

INTERPRETATIO.

¹ Aut vi et armis libertatem esse conservandam.

NOTÆ.

a *Hostibus.*] Id factum in Jugurthæ negotio; fuit ille sceleratus; amicos habuit nobiles: Atherbal innocens vixit; ab omnibus derelictus fuit.

b *Proditā.*] Planissimè, quandoquidem Jugurthæ, contra senatūs mandatum, impunè licuerit Atherbalem persequi et trucidare; crimine à nobilibus pecuniā redempto.

c *Domī.*] Quando Romam legati venerunt.

d *Militiæque.*] Per Romam et Scaurum.

e *Quæsita.*] Si on n'en fait pas une bonne enquête.

f *Regem.*] In malam partem accipitur hoc in loco; neque quisquam post eorum expulsam dominationem, Romæ ejus dignitatis nomen assumere ausus est.

g *Malitis.*] Nonnulli conspiciuntur interdum ita malè sani homines, qui quasi venenata infecta essent, virus suum, quocumque non inveniunt, important: id unicè amant, quærunt, colligunt, generant, et ut apertè loquar, aliis crimina

affingunt, ut suis vivant. Ab iis maximè cavendum, cū præsertim aliquid in republicâ administrant: nam muneris obediendi speciem quasi jure, quoscumque lubet, sub togâ effocant; cūque leges in ipsorum sint arbitrio, iis sibi presidium dum parent, iisdem, aliis, quibus invigilant, perniciem machinantur. Ideo eos notavi quod obiter Memmii sceleratam gentem attingat, quamque, nisi in laqueos inciderit, nullus sub hypocrisis larvâ insidiantem, satis cognoverit.

h *In rep.*] Hoc est notatu dignissimum: cū enim in paradoxo non sine causâ recenseas, verissimum est tamen, et ex politicorum sinu depromptum. Neque verò aliud postulant, boni cives, quàm ne ullus malus sit in republicâ: quisque sibi postea abunde prospicit. At secus est inter privatos: illos enim decet oblivisci injuriarum, meminisse acceptorum beneficiorum; quin et ipsi, et omnes ultro benefacere debent.

Hæc, atque alia hujusmodi sæpè dicendo, C. Memmius populo Rom. persuadet, uti L. ^aCassius, qui tum prætor erat, ad Jugurtham mitteretur: eumque ^binterpositâ fide publicâ, Romam duceret, quò facilius indicio regis, Scauri, et reliquorum, quos pecuniæ captæ ^carcessebant, delicta patefierent. Dum hæc Romæ geruntur qui in Numidiâ relictî ab Bestiâ exercitui præerant, secuti morem imperatoris sui, plurima, et flagitiosissima facinora fecêre. Fuêre, qui auro corrupti, elephantos Jugurthæ traderent; alii ^eperfugas venderent; pars ex ^dpacatis prædas agebant. Tanta vis avaritiæ in animos eorum, veluti tabes, invaserat. At Cassius prætor, ²perlatâ ^erogatione à C. Memmio, ac percussâ omni nobilitate, ad Jugurtham proficiscitur; eique timido, et ex conscientîâ diffidenti rebus suis, persuadet, quoniam se populo R. dedidisset, ne vim, quàm misericordiam ejus, experiri mallet: privatim præterea fidem suam ^finterponit, quam ille non minoris, quàm publicam ducebat. Talis eâ tempestate fama de Cassio erat. Igitur Jugurtha, contra decus regium, cultu quàm maximè miserabili, Romam venit. At tametsi in ipso magna vis animi erat confirmatus ab omnibus, quorum potentiâ aut scelere cuncta ea gesserat, quæ suprâ memoravimus, C. Bæbium tribunum pleb. magnâ mercede parat, cujus ^gimpudentiâ contra ^hjus, et injurias omnes munitus foret. Ac C. Memmius advocatâ concione, quanquam regi infesta plebes erat, et pars in vincula duci jubebat; pars, ni socios sceleris aperiret, more majorum de hoste supplicium sumi; dignitati magis quàm iræ consulens, sedare motus, et animos eorum

INTERPRETATIO.

¹ *Ut delicta Scauri et reliquorum quodd ab Jugurthâ pecunias accepisse dicebant, facilius in lucem prodirent ejus declaratione.* | ² *At Cassius prætor proficiscitur ad Jugurtham, postquam C. Memmius à populo impetrâset quod rogaverat.*

NOTÆ.

a *Cassius.*] Hunc fuisse volunt virum maximæ severitatis; idque adeò postmodum ex autore cognoscetur.

b *Interpositâ.*] Id est, Jugurthæ pollicendo, quodd ipsi inviolato domum reverti liberum esset.

c *Perfugas.*] Maximum inde malum in rempublicam redundabat; non enim deinceps ausus fuisset quisquam ex Jugurthæ militibus ejus militiam abjurare, veritus ne pariter ad ipsum remitteretur.

d *Pacatis.*] Illi provincias Romanis subiectas, et socios compilabant.

e *Rogatione.*] Quâ à populo petiverat, ut quæreretur in eos qui pecuniâ rempublicam Jugurthæ prodidissent.

f *Interponit.*] Id est, Præter fidem publicam se fidei servandæ sponsorem constituit.

g *Impudentiâ.*] Pleniùs intelligetur postea tota res: interea sciendum est, quodd uno tribuno resistente, frustrâ erat, quicquid ab aliis tentaretur.

h *Jus.*] Id est, Ne timeret quicquid secundum leges, et ex æquo contra ipsum discerni posset.

mollire: postremò confirmare fidem publicam ^aper sese inviolatum fore. Post ubi silentium cœpit, producto Jugurthâ, verba facit: Romæ Numidiæque facinora ejus memorat: scelera in patrem, fratresque ostendit: ¹ quibus juvantibus, quibusque ministres ea egerit, quanquam intelligat populus R. tamen velle manifesta magis ex illo habere; si vera aperiret, in fide, et clementiâ populi R. magnam spem illi sitam; sin reticeat, non sociis saluti fore, sed se suasque spes corrupturum. Dein, ubi Memmius dicendi finem fecit, et Jugurtha respondere jussus est; C. Bæbius tribunus pleb. quem pecuniâ corruptum suprâ diximus, regem tacere ^bjubet: ac tametsi multitudo, quæ in concione aderat, vehementer accensa, terrebat cum clamore, vultu, sæpè impetu, atque aliis omnibus, quæ ira fieri amat: ^cvicit tamen impudentia. Ita populus, ludibrio habitus, ex concione discedit: Jugurthæ Bestiæque, et cæteris, quos illa quæstio exagitabat, animi augescunt. Erat eâ tempestate Romæ Numida quidam, nomine Massiva, Gulussæ filius, Masinissæ nepos: qui, quia, in dissensione regum, Jugurthæ adversus fuerat, deditâ Cirtâ, et Atherbale interfecto, profugus ex Africâ abierat. Huic Sp. Albinus, qui proximo annò post Bestiam cum Q. Minucio Rufo consulatum gerebat, persuadet, quoniam ex stirpe Masinissæ sit, Jugurtham ob scelera invidiâ cum ^dmetu urgeat, regnum Numidiæ ab senatu petat. Avidus consul belli gerendi, moveri, quàm ^esenescere, omnia malebat. Ipsi provincia Numidia, Minucio ^eMacedonia, evenerat. Quæ postquam Massiva agitare cœpit, neque Jugurthæ in amicis satis præsidii est; quòd eorum alium conscientia, alium mala fama, et timor animi impediabat; Bomilcari proximo, ac maximè fido sibi, imperat; ³pretio,

INTERPRETATIO.

¹ Dicit Memmius P. Romanum | gerendi malebat omnia turbari
quanquam is intelligat quibus ju- | quàm pacificari.
vantibus, quibusque ministris ea | ³ Imperat Bomilcari propinquo,
scelera Jugurtha patraverit; ta- | ac maximè fido sibi, ut quemadmo-
men velle ea ipsa magis ab ipso | dum confeceret multa pecuniâ et vi-
cognoscere. | nummi, sic quoque pretio quærat

² Consul maximè cupidus belli | percussores Massivæ.

NOTÆ.

a Per sese.] Id est, Quanquam omnes contrâ niterentur, id tamen, vel periculo mortis præstiturum.

b Jubet.] Jam patet quàm durum os fuerit istius Bæbii: nusquam par reperta est impudentia et audacia.

c Vicit.] Quia scilicet, populus nolebat, quos summâ vi paraverat sibi defensores, palam mactare.

d Metu.] Id est, Invidiâ et metu. Arbitror verò intelligendum esse de metu Romanæ plebis, ut aliquando etiam contra se ipsa ausurum Jugurtham credat scelera sua convertere.

e Macedonia.] Notissima Europæ regio, Philippi, ac deinde Alexandri magni imperii sedes, supra Græciam sita ad Septentrionem.

sicuti multa confecerat, insidiatores Massivæ paret, ac maximè occultè. Sin ^aid parùm procedat, quovis modo Numidam interficiat. Bomilcar maturè regis mandata exsequitur, et per homines, talis negotii artifices, itinera egressusque ejus postremò loca, atque tempora cuncta explorat: dein, ubi res postulabat, insidias tendit. Igitur unus ex eo numero, qui ad cædem parati erant, paulo ^binconsultiùs Massivam aggreditur, illum obtruncat, sed ipse deprehensus. Multis hortantibus, et in primis Albino consule, ^cindiciùm profitetur. Fit reus magis ^dex æquo bonoque, quàm ex jure gentium Bomilcar, comes ejus, qui Romam fide publicâ venerat. At Jugurtha, ^emanifestus tanti sceleris, ^fnon priùs omisit contra verum niti, quàm animadvertit, ^gsuper gratiam, atque pecuniam suam, invidiam facti esse. Igitur quanquam in priore ^hactione ex amicis quinquaginta ⁱvades dederat, regno magis, quàm vadibus consulens, clam in Numidiam Bomilcarem dimittit; veritus, ne reliquos popularis metus invaderet parendi sibi, si de illo supplicium sumptum foret: et ipse paucis diebus eòdem profectus est, ^kjussus à senatu Italiâ decedere. Sed postquam Româ egressus est, fertur, sæpè tacitus eò respiciens, postremò dixisse, urbem ^lvenalem, et maturè perituram, si emptorem invenerit. Interim Albinus, renovato bello, comeatum, stipendium, aliaque, quæ militibus usui forent, maturat in Africam portare; ac statim ipse profectus, ut ante ^mcomitia, quod tempus haud longè aberat, armis, aut deditione, aut quovis modo bellum conficeret. At contrà Jugurtha trahere omnia, et alias, deinde alias,

NOTÆ.

^a *Id parùm.*] Id est, non posse occultè Massivam interficere.

^b *Inconsultiùs.*] Scilicet intervenerunt aliqui dum scelus patraret; vel ille antè num satis omnia tuta essent, minùs circumspexerat.

^c *Indiciùm.*] Id est, *Declarat se, cujus consilio tantum facinus ausus esset, dicturum.*

^d *Ex æquo.*] Id est, magis habitâ ratione naturalis æquitatis, quàm juris gentium; quo ne quis cos, qui fide publicâ venerunt, attingat, sanctum est.

^e *Manifestus.*] Verisimile non est Jugurtham testibus, vel Bomilcaris indicio, convictum fuisse; at, ex re ipsâ, quæ evidens erat, pro manifesto habebatur.

^f *Non priùs.*] Id est, *Semper contra veritatem nixus est, donec supra gratiam et pecuniam, suam facti invidiam esse vidit.*

^g *Super gratiam.*] Intellige Jugurthæ amicos facti et sceleris ejus invidiam declinare nequivisse.

^h *Actione.*] Forensi, scilicet, cùm pri-

mum intenta est accusatio contrà ipsum in judicio.

ⁱ *Vades.*] Qui eum judicio sistere promiserant. Gall. *De les représenter en justice.* Scilicet, illi Romani fuerunt.

^k *Jussus.*] Vides itaque illi, quantumvis pessimo, servatam fidem. Interim Livius clam eum aufugisse dicit: non abs re sanè; nam ex æquo bonoque morte mul- tari poterat.

^l *Venalem.*] Vide mihi, quæso quid tandem de Româ pronunciat vir, quanquam nequissimus, certè tamen sagacissimus; venalem dicit: Romam magis contemnere non potuit. Plus est, quàm si scelestissimam aut perditissimam dixisset; nec majus esse potest hominum depravatorum et perditorum indicium, quàm justitiam et æquitatem, omnia denique auro rependere. Actum est de republicâ in quâ ea pestis grassatur.

^m *Comitia.*] Id est, *Antequam conventus fierent pro magistratum creatione.*

moræ causas facere: polliceri deditionem, ac deinde ^ametum simulare: ^binstanti cedere, et paulò post, ne sui diffiderent, instare: ita belli modò, modò pacis morâ, consulem ludificare. Ac fuère, qui tum Albinum haud ignarum ^cconsilii regis existimarent: neque ex tantâ ¹properantiâ tam facillè tractum bellum socordiâ magis quàm dolo crederent. Sed postquam, dilapso tempore, comitiorum dies adventabat, Albinus, Aulo fratre in castris proprætore relicto, Romam decessit. Eâ tempestate Romæ seditionibus tribunitiis atrociter resp. agitabatur. P. Lucullus, et L. Annius, tribuni pleb. resistentibus collegis, continuare magistratum nitebantur; quæ dissentio totius anni comitia impediēbat. Eâ morâ in spem adductus Aulus, quem proprætorem in castris relictum suprâ diximus, aut conficiendi belli, aut terrore exercitûs ²ab rege pecuniæ capiendæ, milites mense Januario ex hibernis in expeditionem evocat; magnisque itineribus, hieme asperâ, pervenit ad oppidum Suthul, ubi regis thesauri erant. Quod quamquam, et sævitiâ temporis, et opportunitate loci, neque capi, neque obsideri poterat; (nam circum murum situm in prærupti montis extremo planicies limosa hiemalibus aquis plaudem fecerat) tamen aut ^dsimulandi gratiâ, quò regi formidinem adderet, aut cupidine cæcus, ob thesauros, oppidi potiendi, vineas ^eagere, ^faggerem jacere, aliaque, quæ incepto usui forent, properare. At Jugurtha, cognitâ vanitate atque imperitiâ legati, subdolos ejus augere amentiam: missitare ^gsupplices legatos: ipse, quasi vitabundus, per saltuosa loca, et tramites exercitum ductare.

INTERPRETATIO.

¹ *Fuère qui non crederent, post tantum Albini properantiam bellum prolongatum fuisse magis socordiâ, quàm dolo.*

² *Aulus adductus eâ morâ in spem, aut conficiendi belli, aut pecuniæ ab rege accipiendæ, cum ipsi terrorem iniecisset suo exercitu, mense Januario evocat milites in expeditionem, ex locis in quibus hibernum tempus exigebant.*

NOTÆ.

a *Metum.*] Intellige, Albinum ad deditionem rationibus plurimis Jugurtham induxisse, Jugurthamque pollicitum esse, postea verò eundem recusasse, quasi timuisset ne erga se P. Romanus, contra quem Albinus ingerebat, scveritate magis quàm miseriordiâ uteretur.

b *Instanti.*] Consuli, scilicet, Albino. Tota ista ratio omnimodo ad Romanorum effugienda et eludenda arma apta erat.

c *Consilii.*] Id est, *Hæc omnia ex compacta fieri.*

d *Simulandi.*] Se, scilicet, in animo ejus urbis obsidionem habere. Fatuus

homo, quasi cum puerulo rem susceperet!

e *Agere.*] Id est, *urbem versùs promoveri.*

f *Aggerem.*] Terra est, quæ cum lignis et obviâ quaque materiâ, in montis modum congeritur; cujus in bello, vel ad propugnandum, vel ad oppugnandum usus multus est.

g *Supplices.*] Ut crederet Aulus eâ causâ timere et diffidere Jugurtham, quòd obsidione urbis Suthul cingeretur; atque adeò in eâ permaneret, cum ipse urbem Aulo sciret insuperabilem.

Denique Aulum spe pactionis perpulit, uti relicto Suthule, in abditas regiones sese, veluti cedentem, insequeretur: ita ^adelicta occultiora fuere. Interea per homines callidos, die noctuque exercitum ^btentabat: centuriones, ducesque ^cturmarum partim uti transfugerent, corrumpere: alii signo dato, locum uti desererent. Quæ postquam ex sententiâ instruxit, intempestâ nocte de improvviso multitudine Numidarum Auli castra circumvenit. Milites Romani, perculsi tumultu insolito, arma capere alii; alii se abdere; pars territos confirmare; trepidare: omnibus locis vis magna hostium: cælum nocte, atque nubibus obscuratum: periculum ^danceps: postremò fugere, an manere, tutius foret, in incerto erat. Sed ex eo numero, quos paulò antè corruptos diximus, ^ecohors una ^fLigurum, cum duabus turmis ^gThracum, et paucis gregariis militibus, transiére ad regem; et centurio ^hprimipili ⁱtertiæ legionis per ^kmunitiorem, quam, uti defenderet, acceperat, locum hostibus introeundi dedit: eaque Numidæ cuncti irrupere. Nostri scédâ fugâ, pleriquæ abjectis armis, proximum collem occupavere. Nox, atque præda castrorum, ^lhostes quò minùs victoriâ ^luterentur, remorata sunt. Dein Jugurtha postero die cum Aulo in colloquio verba facit: tametsi ipsum cum exer-

INTERPRETATIO.

^lNox, atque præda castrorum remorata sunt hostes, quo minùs victoriâ uterentur.

NOTÆ.

^a Delicta.] Auli cum Jugurthâ.

^b Tentabat.] Ut quoquomodo aliquid adversùs ipsum pararet.

^c Turmarum.] Turma in equitatu eandem rationem habet, quàm centuriâ in pediatu: nisi quòd triginta tantùm equibus constat.

^d Anceps.] Sive fugerent, sive manerent.

^e Cohors.] Ex manipulis tribus conficiebatur, in quibus singulis duæ erant centuriæ, quæ quidem primo 60 militum fuerunt, deinde, cum ipsâ legione, militum numero, per proportionem, adauctæ sunt.

^f Ligurum.] Hodie dicitur Liguria, *La côte de Gènes*: ab Alpibus olim, usque ad Macram flumen, et secundum aliquos, ad urbem Pisas porrigebatur.

^g Thracum.] Thracia supra mare Ægeum sita est, ad septentrionem. Hodie dicitur *Romanie*.

^h Primipili.] Primipilus centurio primipili, primus legionis centurio, præfectus legionis, rem unam et eandem significant.

ⁱ Tertiæ.] Legiones ab ordine temporis quo conscriptæ fuerant, deinde à loco, ab imperatoribus, &c. nomina sortitæ sunt, eo quo dicimus modo, *Le regiment de mon Seigneur le Dauphin; celui de Champagne, &c.*

^k Munitiorem.] Munitio dicitur quicquid ad hostium arcendos impetus comparatum est, qualis est agger, vallum, &c. Munitiois verò instituendæ partes, ut in singulos dividebantur, ita postquam peracta erat, à centurionibus hic aut illic curantibus, defendebatur.

^l Uterentur.] Priùs victoriâ uti, quàm frui, decet: adeoque præposterè, Jugurthini milites, qui antè Romanorum castra spoliant, quàm eos profligaverint.

citu fame ferroque clausum tenet, tamen se ¹memorem rerum humanarum, si secum fœdus faceret incolumes omnes ^asub jugum ^bmissurum; præterea, ut diebus decem Numidiâ decederet. Quæ gravia quanquam, et ^cflagitii plena erant, tamen, quia mortis metu nutabant, sicuti regi lubuerat, pax convenit. Sed ubi ea Romæ comperta sunt, metus atque mœror civitatem invasere: pars dolore pro ^dgloriâ imperii, pars ^einsolita rerum bellicarum timere libertati: Aulo omnes infesti, ac maximè qui bello sæpè præclari fuerant, quòd armatus ^fdedecore potiùs, quàm manu, salutem quæsiverit. Ob ea consul Albinus, ex delicto fratris invidiam, ac deinde periculum, timens; senatum de ^gfœdere consulebat; et tamen interim exercitui ^hsupplementum scribere; ab ⁱsociis et ^knomine Latino auxilia accersere; denique omnibus modis festinare: senatus ita, uti par fuerat, decernit: suo atque populi injussu nullum potuisse fœdus fieri. Consul impeditus à tribunis pl. ne quas paraverat copias secum portaret, paucis diebus in Africam proficiscitur. Nam omnis exercitus, uti ^lconvenerat, Numidiâ deductus in provinciâ hiemabat. Postquam eò venit, quanquam persequi Jugurtham, et mederi ^mfraternæ invidiæ animus ardebat; cognitis militibus, quos præter fugam ⁿsoluto im-

INTERPRETATIO.

¹ *Tamen se memorem vicissitudinis rerum humanarum, missurum omnes incolumes sub jugum, si Aulus secum fœdus faceret.*

NOTÆ.

a *Sub jugum.*] Eo modo ignominia causâ, victos hostes multabant. Duæ videlicet hastæ in terram mittebantur, ad quarum extremas et extantes partes tertia transversa colligabatur, sub quâ discincti et inermes transire vietum cogebantur: qui adeò sese domitos et subactos confitebantur.

b *Missurum.*] Infamiae notam pro beneficio Jugurthæ proponit, quia clausos hostes habebat. Pessimè vero sibi consulit: nam aut omnes ad unum occidere, aut prorsus intactos dimittere, debuit.

c *Flagitii.*] Flagitium, crimen est, quod dedecus et servilem turpitudinem conjunctam habet.

d *Gloriâ.*] Quâ, scilicet, eam omnibus nationibus meritò proculcandam esse videbant.

e *Insolita.*] Ita in magnis urbibus fieri solet: ad levissimam quæque trepidant, qui otio assueti, militiæ rudes sunt.

f *Dedecore.*] De jugo loquebantur, quod Aulus subierat.

g *Fœdere.*] Quod cum Jugurthæ frater inivcrat.

h *Supplementum.*] Id est, milites qui in occisorum locum substituerentur. Gall. *Des recrues.*

i *Sociis.*] Italicis, scilicet, qui ita absolute socii nonnunquam appellantur. A Latinis verò habitatione distinguuntur, cum Latii jure fruerentur.

k *Nomine Latino.*] Id est, iis hominibus qui jure Latii seu Latinitatis fruebantur: de quo adi, si lubet, jurisperitos; nam varias ejus mutationes persequi hic non est locus.

l *Convenerat.*] Jugurtham inter et Aulum.

m *Fraternæ.*] Id est, quæ in eam flagrabat.

n *Soluto.*] Cum vident milites ducibus suis, ipsorumque culpâ præsertim omnia malè cedere; solent illi imperium detrectare, et mandatâ contemnere.

perio, licentia, atque lascivia corruperat, ¹ex copiâ rerum statuit sibi nihil agitandum. Interea Romæ C. Mamilius Limetanus Tr. pleb. ²rogationem ad populum promulgat, uti quæreretur in eos quorum consilio Jugurtha ³senati decreta neglexisset; quique ab eo in legationibus, aut imperiis pecunias acceperant; qui elephantos, quique perfugas tradidissent; item, qui de pace, aut bello cum hostibus pactiones fecissent. Huic rogationi partim conscii sibi, alii ex partium invidiâ, pericula metuentes, quoniam apertè resistere non poterant, quin illa, et alia talia placere sibi faterentur; occultè per amicos, ac maximè per homines nominis Latini, et socios ⁴Italicos, impedimenta parabant. Sed plebes, incredibile memoratu est, quantum intenta fuerit, quantâque vi rogationem jussu, decreverit, voluerit, magis odio nobilitatis, cui mala illa parabantur, quàm curâ reip.; tanta ⁵libido in partibus erat. Igitur, cæteris metu percussis, M. Scaurus, quem legatum Bestiæ fuisse suprâ memoravimus, inter lætitiâ plebis, et ⁶suorum fugam, ⁷trepidâ etiam tum civitate, cum ex Mamilianâ rogatione tres ⁸quæsitores rogarentur, effecerat, ut ipse in eo numero crearetur. Sed, quæstione exercitâ asperè violenterque ex rumore, et libidine plebis, ⁹uti sæpè nobilitatem, sic eâ tempestate plebem, ex secundis rebus insolentia ceperat. Cæterum mos partium popularium, et senatûs factionum, ac deinde omnium malarum artium, paucis antè annis Romæ ortus est, otio atque abundantia earum rerum, quæ prima mortales ducunt. Nam ante Carthaginem deletam, populus, et senatus Rom. placidè modestèque inter se rempub. tractabant; neque gloriæ neque dominationis certamen ¹⁰inter cives erat: metus hostilis in bonis artibus civitatem retinebat. Sed ubi formido illa mentibus discessit, scilicet ea,

INTERPRETATIO.

¹ Cum ita se res haberent, statuit nihil sibi movendum.

² Limetanus populum interrogatum ipsi placeret, ut quæstio haberetur in eos, quorum consilio Jugurtha senatûs decreta contempsisset.

³ Sed quæstione habitâ asperè et violenter ex admurmurationibus et libidinis populi votis, insolentia ceperat plebem eâ tempestate propter prosperitatem, uti ceperat sæpè nobilitatem.

NOTÆ.

a *Senati.*] Pro senatûs; antiquè.

b *Italicos.*] Eosdem suprâ socios simpliciter vocavit.

c *Libido.*] Hic nihil aliud est, quàm effrænenum vincendi desiderium, cum odio.

d *Suorum.*] Nobilium, scilicet.

e *Trepidâ.*] Vidimus suprâ, ex Aulicasu, multos libertati timere. Itaque fa-

cilius fuit Scauro, cæteris lætitiâ aut metu turbatis, cogitata perficere.

f *Quæsitores.*] Qui in eos inquirerent, qui Jugurthæ faverant.

g *Inter cives.*] Qui rempublicam administrant isthuc diligenter animo agitant, ut inquietam hominis naturam contra hostes magis quàm contra cives converterent.

¹ quæ secundæ res amant, lascivia, atque superbia, incessère. Ita
² quod in adversis rebus optaverant, otium, postquam adepti sunt,
³ asperius, acerbiusque fuit. Namque cæpere ³ nobilitas dignita-
tem, populus libertatem in ^b lubidinem vertere; sibi quisque du-
cere, trahere, rapere. Ita omnia in ^c duas partes abstracta sunt;
resp. quæ ^d media fuerat, dilacerata. Cæterum nobilitas factione
magis pollebat: plebis vis ^e soluta, atque in multitudinem dispersa,
minùs poterat: paucorum arbitrio belli domique respubl. agitaba-
tur: penès eosdem ærarium, provinciæ, magistratus, gloriæ, tri-
umphique erant, populus militiâ atque inopiâ urgebatur; prædas
bellicas imperatores cum paucis diripiebant. Interea parentes,
aut parvi liberi militum, uti quisque potentiore confinis erat, sedi-
bus pellebantur. Ita cùm potentiâ, avaritiâ sine modo modestia-
que invadere, polluere, et vastare omnia; ⁴ nihil pensi, neque
sancti habere; quoad semet ipsa ^f præcipitavit. ⁵ Nam ubi pri-

INTERPRETATIO.

¹ Verum, ubi ille timor ex ani-| bilitas vertere dignitatem in lubi-
mis ejectus est, scilicet ea, quæ| dinem. Populus verò libertatem.
prosperitas gignit, lascivia nimi-| ⁴ Ita avaritia inextinguibilis et ef-
rum, atque superbia viguerunt. | frænata juncta potentie, invasit,
polluit, et vastavit omnia, nihil
curavit, neque sanctum habuit,
usque dum semet ipsa præcipita-
vit.

² Eo modo, otium, quod optave-
rant in rebus adversis, fuit gravius
et acerbius postquam adepti sunt.

³ Etenim cæperunt inter se, no-

NOTÆ.

a *Asperius.*] Sententia satis aperta est,
latitat tamen, quodammodo sub hac locu-
tione; non enim quod optamus otium, ve-
rùm ejus privatio, dura est.

b *Lubidinem.*] Frequentissimè utitur
eâ voce Sallustius, adeoque vim ejus
opus est perspicere. Voluntatem notat,
prout aliquo desiderio aut affectu, veri
boni pro tempore non æstimatâ ratione,
abripitur.

c *Duas.*] Hinc plebe, illinc stante no-
bilitate.

d *Media.*] Verè et acutè eum expressit
modum, quo respublicæ inteirent: civitas
enim et bonum publicum, cùm in consensu
et civium unione sit positum, non aliter
quàm laceratione et divisione perire pos-
test.

e *Soluta.*] Quomodo frangatur vis quæ
in multitudinem dispersa est, præsertim
cùm ex opinione hominum quæ tam va-
ria est, dependet, nullus est quem la-
teat; neque eâ causâ naturæ scrutatores
adire opus est, qui nos vim unitam ma-
jorem esse doceant. Verùm hinc maxi-

mum haurire possunt documentum re-
rum moderatores; cum præsertim hodie
regem videant, quem non magis aliâ
causâ veneratur orbis, quàm quod solus
regnat.

f *Præcipitavit.*] Aptissima metaphora,
nam quomodo tandem propriâ mole ruunt
quæ in altum nimis surrexerunt, ita planè
non avaritia, aut potentia tantum, sed ev-
ertitur id omne quod nimium est. Sapien-
ter itaque Horatius ad Licinium.

*Contrahe, vento nimium secundo,
Turgida vela.*

g *Nam.*] Quomodo isthuc? Virtus ita-
que fugienda est, cùm turbas et discordias
ciat. Imò, qui eam amant profigandi
et perdendi, si iis credatur prædonibus,
qui sub ejus larvâ, per fraudem et scelus
reipublicæ gubernacula surripuerunt. At
verò per accidens, et eorum prædonum,
non virtutis vitio, civitates commoventur:
neque vitandæ offensionis causâ, minus
illi, quanquam cautè, ut qui callidissimè
hominibus imponunt, de sede debent de-
turbari.

mum ex nobilitate reperti sunt, qui veram gloriam injustæ potentiae anteponerent; moveri civitas, et dissensio civilis, quasi ^apermixtio terræ, oriri cœpit. Nam postquam Tiberius, et C. Gracchus, quorum majores Punico, atque aliis bellis multum reipub. addiderant, vindicare plebem in libertatem, et paucorum scelera patefacere cœpère: nobilitas noxia, atque eo perculsa, modò per socios, et nomen Latinum, interdum per equites Romanos quos ^bspes societatis à plebe dimoverat, Gracchorum actionibus obviam ierat: et primò Tiberium, dein ^cpaucos post annos, eadem ^dingredientem Caium, Tribun. pl. alterum, alterum ^etriumvirum ^fcoloniis deducendis, cum M. Fulvio Flacco, ferro necaverat. Et sanè Gracchis cupidine victoriæ, haud satis animus ^gmoderatus fuit. ^hSed bono vinci satiùs est, quam malo more injuriam vin-

INTERPRETATIO.

¹ *Et nobilitas necaverat ferro* | *num plebis, unum ex triumviris*
primò Tiberium Gracchum, dein- | *qui colonias deducere debebant,*
de post paucos annos eadem mo- | *cum M. Fulvio Flacco.*
lientem Caium Gracchum, tribu-

NOTE.

^a *Permixtio terræ.*] Intellige, cum reliquis elementis. Expressè profectò rem ipsam hâc comparatione signavit: quemadmodum enim ex elementorum commixtione, non modo nulla pars ullius ab aliis discernitur, sed ampliùs inter se bellum intestinum gerunt; ita quando vasèrini latrones, boni et publicæ libertatis specie rempublicam oppresserunt, cæcus populus assertores et legitimos suos moderatores cùm dignoscere nescit, plerumque eos per discordiam suis insidiatoribus mactandos tradit.

^b *Spes.*] Senatum equites aliquando auctoritate suâ communicasse, vel ex Epitome Flori cognoscitur.

^c *Paucos.*] Undecim aut duodecim, ad summum.

^d *Ingentem.*] Populum defendere conatus, fratris agrarias leges asseruit, &c.

^e *Triumvirum.*] Mos erat tres, quinque, septemdecim viros, &c. eligere, qui iis agros dividerent, qui in colonias deducebantur.

^f *Coloniis.*] Colonia multitudo erat civium Romanorum, qui in alias sedes de-

ducebantur, quibusque agri publicè assignabantur.

^g *Moderatus.*] Nota, quæso, Sallustii iudicium: optimè de re maximâ, quin de re quæ quotidie millies in usu venit, sententiam dixit. Ea est enim cordis nostri fallacia, aut imbecillitas, ut etiam dum virtutem sectamur, nimio studio in vitium incurramus. Voluntas, quæ à primò ad bonum, boni specie ferebatur, ad malum sine sensu inclinat, dum paulatim ea boni species, pro variis circumstantiis, caligantibus oculis surripitur; deinde, quia in motu est, movetur, non quia bonum prosequitur. Istud indicat Sallustius, cùm cupidine victoriæ, nimios Gracchos fuisse dicit. Hæc cupido, hic animi motus rationem, quâ boni cives fuerant et dicebantur, ab eorum oculis avertit.

^h *Sed.*] Nunc de senatu Sallustius iudicium suum profert, qui ut ille ait, meliùs fuisset Gracchorum bono et æquitate vinci, quàm vincere injuriam. At verò generatim loquendo, non apertè sententiam suam dicere auctor voluit, ne, si partes nominatim reprehendisset, audaciter fecisse videretur.

cere. Igitur eâ victoriâ nobilitas ex lubricitate suâ ¹usa, mortales multos ferro aut fugâ exstinxit; plusque in reliquum sibi timoris, quàm ²potentiâ, addidit; quæ res plerumque magnas civitates pessum dedit, dum alteri alteros vincere quovis modo, et victos acerbius ulcisci volunt. Sed de studiis partium, et omnibus civitatis moribus, si singillatim, aut pro magnitudine ³parem disserere, tempus quàm res maturius deserat; quamobrem ad inceptum redeo. Post Auli fœdus, exercitûsque nostri fugam fœdam, ^bMetellus, et ^cSilanus consules designati, provincias inter se partiverant: Metelloque Numidia evenerat: acri viro, et quanquam adverso populi partibus, famâ tamen ^dæquabili, et inviolatâ. Is ubi primum magistratum ^eingressus est, ^falia omnia sibi cum collegâ ratus, ad bellum, quod gesturus erat, animum intendit. Igitur diffidens veteri exercitui, milites scribere, præsidia undique arcescere: arma, tela, equos, et cætera instrumenta militiæ parare: ad hoc commeatum afflatim, denique omnia, quæ in bello ^gvario, et rerum multarum egenti, usui esse solent. Cæterum ad ea petrandâ ³senatus auctoritate, socii, nomenque Latinum, et reges ultrò auxilia mittendo, postremò omnis civitas summo studio adnitebatur. Itaque, ⁴ex sententiâ omnibus rebus paratis compositisque, in Numidiam proficiscitur, magnâ spe civium; cùm propter artes bonas, tum maximè quòd adversum divitias invictum animum gerebat: et avaritiâ magistratuum ante id tempus in Numidiâ nostræ opes contusæ hostiumque auctæ erant. Sed ubi in Africam

INTERPRETATIO.

¹ Cùm igitur nobilitas usa esset eâ victoriâ secundum suam libidinem, perdidit multos homines ferro aut fugâ.

² Si cupiam disserere particulatim, aut secundum rei magnitudinem, de studiis partium et omnibus parvis moribus civitatis, tempus me citius quàm res deficiet.

³ Cæterum ad ea perficienda, senatûs adnitebatur auctoritate, socii, nomenque Latinum, et reges, mittendo suâ sponte auxilia: postremò omnis civitas summo studio ea promovebat.

⁴ Itaque omnibus rebus ad arbitrium paratis et compositis in Numidiam proficiscitur.

NOTÆ.

a *Potentia.*] Totum hunc locum excute quæso. Auctor enim, quanquam malus fuit, reconditissimos tamen politicorum arditus penetravit.

b *Metellus.*] Vir fuit virtutis eximie, quique unûs exilium maluit, quàm in Serturii, Gracchanas leges asserentis, verba, cum senatu jurare. Dictus est, Numidicus, à rebus bene in Numidiâ gestis.

c *Silanus.*] Non hic est de quo in Catilinâ.

d *Æquabili.*] Id est, quæ apud omnes eadem erat.

e *Ingressus.*] Non enim statim à nominatione et designatione, sed post confirmationem in secundis comitiis, magistratum inibant.

f *Alia.*] Hic est sensus: dicit Metellum, cùm collegam suum ad reliqua consulatûs munia secum pariter obligatum et intentum videret, ad id negotium, bellum scilicet, præcipuè, animum adjecisse, quod soli curandum erat.

g *Vario.*] Id est, *Ubi varia opus est obire ministeria*; quæ varia et plurima instrumenta requirunt.

venit, exercitus ei traditur a Sp. Albino proconsule, iners, imbellis, neque periculi, neque laboris patiens: linguâ, quàm manu, promptior: predador ex sociis, et ipse præda hostium: ^asine imperio, et modestiâ habitus. Ita imperatori novo plus ex malis moribus solitudinis, quàm ex copiâ militum auxilii, aut bonæ spei, accedebat. Statuit tamen Metellus, quanquam et ¹æstivorum tempus, comitiorum ^bmora imminuerat, et, expectatione eventûs, civium animos intentos putabat, non priùs bellum attingere, quàm majorum disciplinâ milites laborare coegisset. Nam Albinus, Auli fratris exercitûsque clade percussus, postquam decreverat non egredi provinciâ, quantum temporis æstivorum ^cin imperio fuit, plerumque milites in ^dstatis castris habebat: nisi cùm ^eodos, aut pabuli egestas, locum mutare subegerat. Sed neque more militari vigiliæ ducebantur. Utî cuique lubebat, ab signis aberat: ^flixæ permisti cum militibus die noctuque vagabantur: et ²palantes agros vastare, villas expugnare, pecoris, et mancipiorum prædas certas agere: eaque mutare cum mercatoribus vino advectitio, et aliis talibus: præterea, frumentum publicè datum vendere, ^gpanem in dies mercari: postremò, quæcunque dici, aut fingi queunt ignaviæ luxuriæque probra, in illo exercitu cuncta fuere, et alia ampliùs. Sed in eâ difficultate Metellum non minùs quam in rebus hostilibus, magnum et sapientem virum fuisse comperior: tanta temperantiâ inter ^hambitionem sævitiamque, moderatum. Namque edicto primo adjumenta ignaviæ ³sustulisse, ne quisquam in catris panem, aut quem alium cibum coctum venderet; ne lixæ exercitum sequerentur; ne miles gregarius in castris, neve ⁱin agmine servum, aut jumentum haberet: cæteris

INTERPRETATIO.

- | | |
|--|--|
| <p>¹ <i>Quamvis comitiorum retardatio tempus diminuerat, quo milites in castris æstivis agunt.</i></p> <p>² <i>Huc illuc divagantes agros vastabant, villas expugnabant,</i></p> | <p><i>agebant certatim prædas ex pecore et manicipiis.</i></p> <p>³ <i>Namque comperior Metellum sustulisse primo edicto adjumenta ignaviæ.</i></p> |
|--|--|

NOTE.

^a *Sine imperio.*] Id est, qui ductus fuerat ab imperatoribus, qui auctoritatem suam tueri nesciverant, aut noluerant: qui-que militibus omnia condonaverant.

^b *Mora.*] Per Tribunorum contentio-nem, sicuti antea vidimus.

^c *In imperio.*] Albinus, donec Metel-lus advenisset, exercitui præfuit.

^d *Statis.*] Id est, in quibus diu mane-bant, cùm militiæ more sæpius mutanda fuerint.

^e *Odos.*] Ex hominum et jumentorum sordibus.

^f *Lixæ.*] Ita vocantur servi qui exerci-tum sequuntur, et militibus vilissimam operam præstant, puta aquam portare, panem coquere, et id genus alia.

^g *Panem.*] Ipsi verò tenebantur panem suum coquere.

^h *Ambitionem.*] Hic per ambitionem, ratio et certus quidam agendi modus intel-liguntur, quo ad consequendam gra-tiam, minùs milite vexantur, nec nisi à volentibus ministeria requiruntur:

ⁱ *In agmine.*] Id est, dum iter facit ex-ercitus. Gall. *Durant la marche.*

^a arte modum statuisset: præterea, ^b transversis itineribus quotidie castra movere: juxta ac si hostes adessent, vallo atque fossa munire; ^c vigilias crebras ponere, et eas ipse cum legatis circumire: item in agmine in primis modò, modò in postremis, sæpè in medio adesse, ne quisquam ordine egrederetur: uti, ^d cum signis frequentes incederent, miles cibum, et arma portaret. Ita prohibendo è delictis magis quàm vindicando, exercitum brevì ^e confirmavit. Interea Jugurtha ubi, quæ Metellus agebat, ex nunciis accepit; simul de innocentia ejus certior Romæ factus, diffidere suis rebus, ac tum demum veram deditionem facere conatus est. Igitur legatos ad consulem cum suppliciis mittit, qui tantummodo ipsi, liberisque vitam peterent; alia omnia dederent populo Rom. Sed Metello jam antea experimentis cognitum erat, genus Numidarum infidum, ingenio mobili, novarum rerum avidum esse. Itaque legatos alium ab alio diversos aggreditur, ac paulatim tentando, postquam opportunos sibi cognovit, multa pollicendo persuadet, uti Jugurtham ^f maximè vivum, sin id parum procedat, necatum, sibi traderent: cæterum palam, quæ ex voluntate forent, regi nunciari jubet. Dein ipse paucis diebus intento atque infesto exercitu in Numidiam procedit: ubi, contra belli ^g faciem, tuguria plena hominum, pecora, cultoresque in agris erant: ex oppidis, et ^h mapalibus, præfecti regis obviam procedebant, parati frumentum dare, comæatum portare, postremò omnia, quæ imperarentur, facere. Neque Metellus idcirco minùs, sed pariter ac si hostes adessent, munito agmine incedere; latè explorare omnia, illa deditionis signa ostentui credere, et insidiis locum ⁱ tentare. Itaque ipse cum expeditis cohortibus, item funditorum et sagittariorum delecta manu, apud primos erat: in postremo C. Marius

INTERPRETATIO.

¹ *Brevi exercitum ad pristinam disciplinam revocavit.* id minùs prosperè eveniret, necatum.

² *Persuadet ut præsertim traderent sibi Jugurtham vivum, si verò* ³ *Contra id quod belli tempore conspici solet, tuguria erant plena hominum.*

NOTÆ.

a *Arte.*] Eà opus est omnino, eaque maxima in ejusmodi occasionibus. Quà verò in re sita sit, vix ullus dixerit: ita sunt, aut certè videntur, exigui momenti innumera quæ ad id concurrunt.

b *Transversis.*] Id est, non per vias stratas, sed per agros, sylvas, &c. ut iis omnibus, si usus veniret, assueti essent.

c *Vigilias.*] Gall. *Des sentinelles.* Sed tutius quàm sit hodie, plures enim milites nò in loco, collocabantur.

d *Cum signis.*] Ne scilicet, dispersis militibus, hostis interveniret: vel ipsi prædæ, aut fugæ, occasionem invenirent.

e *Mapalibus.*] Hic vici aut pagi, per mapalia sunt intelligendi.

f *Tentare.*] Omnino legendum arbitror tentari, à Jugurthâ scilicet, prout censuit Gronovius.

g *Marius.*] Qui fuerit, tametsi aliundè nesciremus, satis superque ex Sallustio post modum cognoscere.

legatus cum equitibus curabat: in utrumque latus equites auxiliarios tribunis legionum, et præfectis cohortium dispertiverat; uti cum ¹his permixti ^aVelites, quocumque accederent, equitatus hostium propulsarent. Nam in Jugurthâ tantus dolus, tantaque peritia locorum, et militiæ erat; ut, absens an præsens, pacem an bellum gerens, perniciosior esset, in incerto haberetur. Erat haud longè ab eo itinere, quo Metellus pergebat, oppidum Numidarum, nomine Vacca, forum rerum venalium totius regni maximè celebratum; ubi et incolere, et mercari consueverant Italici generis multi mortales. Huc consul, simul ^btentandi gratiâ, et, si paterentur opportunitates loci, ^cpræsidium imposuit: præterea imperavit frumentum, et alia, quæ bello usui forent, comportare: ratus id quod res monebant, frequentiam negotiatorum, et ^dcommeatum juvaturum exercitum, et jam paratis rebus munimentum fore. Inter hæc negotia Jugurtha impensiùs modò legatus supplices mittere, pacem orare, præter suam, liberorumque vitam, omnia Metello dedere. Quos item, uti priores, consul illectos ad prodicionem domum mittebat: regi pacem, quam postulabat, neque abnuere, neque pollicere; et inter eas moras ^epromissa legatorum expectare. Jugurtha ubi Metelli dicta cum factis composuit, ac suis se ^fartibus tentari animadvertit; quippe cui verbis pax nunciabatur, cæterum re bellum asperrimum erat, urbs maxima alienata, ager hostibus cognitus, ^ganimi popularium, tentati: coactus rerum necessitudine, statuit armis certare. Igitur, explorato hostium itinere, in spem victoriæ adductus ex opportunitate loci, quàm maximas potest, copias omnium generum parat, ac per trames occultos exercitum Metelli antevenit. Erat in eâ parte Numidiæ quam Atherbal in divisione possederat, flumen, oriens à meridie nomine Muthul; à quo aberat mons fermè millia passuum

INTERPRETATIO.

¹ *Ut Velites permixti cum equitibus propulsarent equitatus hostium quamcumque in partem accederent.* | *tentandi, et præsidium imponendi si opportunitates loci paterentur, deinde re cognita præsidium imposuit.*

² *Consul huc ivit, simul gratiâ*

NOTÆ.

^a *Velites.*] Levis erant armature milites, gladio jaculatoria, hastâ, parmâque, instructi.

^b *Tentandi.*] Id est, *Ut cognosceret, quid eo in loco fieri posset, quidve Jugurtha conaretur, an re et verbis idem esset.*

^c *Præsidium.*] Necesse fuit, ut sensus aperiretur, quod ellipticè à Sallustio dictum est, in interpretatione supplere.

^d *Commeatum.*] Certè *commeatu*; sicuti Ursino, mihi quoque placeret.

^e *Promissa.*] Itaque polliciti erant legati, se Jugurtham prodituros.

^f *Artibus.*] Dolis scilicet, quibus Aulam, aliosque in laqueos induxerat.

^g *Animi.*] Scilicet, non modò legatos, sed quosvis Metellus à Jugurthâ alienare quæsiuit.

xx. ^atractu pari, ^bvastus ab naturâ, et humano cultu: sed ex eo medio quasi collis oriebatur, in immensum pertinens, vestitus oleastro ac myrtetis, aliisque generibus arborum, quæ humi ^carido, atque arenoso gignuntur. ^dMedia autem planities deserta, penuriâ aquæ, præter fluminis propinqua loca. Ea consita arbutis, pecore, atque cultoribus frequentabantur. Igitur in eo colle, quem ^etransverso itinere porrectum docuimus, Jugurtha ^fextenuatâ suorum acie consedit: elephantis, et parti copiarum pedestrium Bomilcarem præfecit; eumque edocet, quæ ageret: ipse propior ^gmontem cum omni equitatu, et peditibus delectis suos collocat; dein singulas turmas, et manipulos circumiens monet, atque obtestatur, uti memores pristinae virtutis et victoriæ, sese, regnumque suum ab Romanorum avaritiâ defendant: cum his certamen fore, quos antea victos sub jugum miserint: ducem illis, non animum, mutatum: quæ ab imperatore ⁱdecuerint, omnia suis provisæ; locum superiorem; ^huti prudentes cum imperitis; ne pauciores cum pluribus, aut rudes cum bello melioribus, manum conscrerent. Proinde parati, intentique essent signo dato, Romanos invadere: illum diem aut omnes labores, et victorias confirmaturum, aut maximarum ærumnarum initium fore. Ad hoc viritum, uti quemque ob militare facinus pecuniâ, aut honore extulerat, commonefacere beneficii sui, et eum ipsum aliis ostentare: postremò, pro cujusque ingenio pollicendo, minitando, obtestando, alium alio modo excitare: cum interim Metellus, ignarus hostium, monte degrediens cum exercitu ⁱconspicatur: Primò dubuis, quid-

INTERPRETATIO.

ⁱ Jugurtha monet milites se providisse suis ea omnia quæ decuerint provideri ab imperatore.

NOTÆ.

a Tractu pari.] Id est, tantum habens longitudinis, quantum à fluvio distabat.

b Vastus.] Ubi nec arbores erant, nec frutices.

c Arido.] Id est, ariditate, nam humi, quod postea in adverbium abiit, hîc, more antiquo, pro Genitivo positum est.

d Media.] Hoc est, spatium quod collem inter et flumen porrigebatur.

e Transverso.] Intellige, iter colli subiectum fuisse, ita ut Jugurtha ejusque exercitus transeuntibus immineret.

f Extenuatâ.] Intellige agmen in longitudinem porrectum. *Les escadrons, ni les bataillons, n'avoient pas de profondeur.* Ita verò aciem instructam oportuit, ut in angustiis, hostium in longum productis ordinibus, pluribus ex locis invaderet.

g Montem.] Quâ scilicet, Metello transitus erat: atque hinc, vides eò insidias struxisse Jugurtham, ubi mons in collem desinebat.

h Uti.] Ne ita accipias, quasi omnia quæ sequuntur effecta sint ejus quod dixit, locum superiorem suis provisum. Quæcumque enumerat commoda, seorsim sumenda sunt, ita ut, quod à Jugurthâ prospectum fuerit, uti prudentes locorum cum imperitis, certarent, secundum sit. Ut sensus apertior esset, interpunctione mutavi.

i Conspicatur.] Passivè, quod rarum est. Ita Varro apud Priscianum, *Pau-pertas hæc non ita nutrita, ut nunc conspicatur.*

nam insolita facies ostenderet (nam inter virgulta equi, Numidæque con siderant, neque planè occultati humilitate arborum, et tamen ^aincerti quidnam esset, cùm naturâ loci, tum ^bdolo ipsi, atque signa militaria ^cobscurati) dein, brevî cognitis insidiis, paulisper agmen ¹constituit. Ibi ^dcommutatis ordinibus, in dextro latere, quod proximum hostis erat, triplicibus ^esubsidiis aciem instruxit; inter manipulos funditores, et sagittarios dispertit; equitatum omnem in ^fcornibus locat; at pauca pro tempore milites hortatus, aciem, sicut instruxerat, ^gtransversis principiis in planum deducit. Sed, ubi Numidas quietos, neque colle degredi animadvertit, veritus ex anni tempore, et inopiâ aquæ, ne siti conficeretur exercitus; Rutilium legatum cum expeditis cohortibus, et parte equitum, præmiserat ad flumen, uti locum castris antè caperet. Existimans hostes crebro impetu, et transversis præliis iter suum remoraturus, et, quoniam armis diffiderent, ^hlassitudinem et sitim militum tenturos. Dein ipse pro re, atque loco, ⁱsicuti monte descenderat, paulatim procedere: Marium post ^kprincipia habere, ipse cum sinistræ alæ equitibus esse, qui in agmine ^lprincipes facti erant. At Jugurtha, ubi extremum agmen Metelli ^mprimos suos prætergressum videt, præsidio quasi duum millium peditum montem occupat, quâ Metellus descenderat: ne fortè cedentibus adversariis receptui, ac post munimento, foret: dein, repentè signo dato, hostes invadit. Numidæ alii postremos cedere: pars à sinistrâ, ac dextrâ ⁿtentare: infensi adesse, atque

INTERPRETATIO.

¹ Deinde, intra breve tempus cognitis insidiis, paulisper exercitûs iter suppressit.

NOTÆ.

a Incerti.] Intellige, delitescentium Numidarum eam fuisse speciem, ut nesciretur hominesne essent, an trunci, aut aliquid simile.

b Dolo.] Eâ causâ pone arbores latitabant, ut incautus et imparatus Metelli exercitus illac transiret.

c Obscurati.] Græca constructio, pro Obscuratis signi militaribus, aut obscurata signa habentes. Sic sæpiissimè loquitur Horatius.

d Commutatis.] Gall. *Ayant changé l'ordonnance de l'aile droite.*

e Subsidiis.] Milites erant qui pone alios subsidentes, illis periclitantibus opem ferrent. Gall. *Des corps de reserve.*

f Cornibus.] *Sur les ailes de l'Infanterie.*

g Transversis.] Diffidens per hæc transversa incedo: interim ita me expedit,

Metellus collem cùm sequi nollet, ne Jugurthæ illic insidianti opportunus fieret: aciem in clypeum, seu ad sinistram, ut loquimur nos, declinare jussit, adeoque in obliquum iter inflexit. *Il fit marcher son avant-garde de travers, s'étant détourné sur la gauche.*

h Lassitudinem.] Id est, milites per lassitudinem et sitim.

i Sicuti.] Refertur ad Paulatim.

k Principia.] *Dans l'Arrière-garde.* In ultimo agmine.

l Principes.] Id est, primi, hoc in loco.

m Primos.] Non remotissimos intelligo, sed proximos, hoc est, eos qui primi transeuntibus occurrebant.

n Tentare.] Illi eminus missilibus lacebabant.

instare; omnibus locis Romanorum ordines conturbare; quorum etiam qui firmioribus animis obvii hostibus fuerant, ludificati ^a incerto proelio, ipsi ¹ modò enimus sauciabantur, neque contrà ferendi aut conserendi manum copia erat. Antè jam docti ab Jugurthâ equites, ubicumque Romanorum turma insequi cœperat, non confertim, neque in unum sese recipiebant; sed alius aliò quàm maximè diversi, ita numero ² priores, si a persequendo hostes deterrire nequiverant, disjectos ab tergo, aut lateribus circumveniebant: sin opportunior fugæ collis, quàm campi fuerant, eò verò consueti Numidarum equi facilè inter virgulta evadere: nostros asperitas, et insolentia loci retinebat: cæterum facies totius negotii varia, incerta, fœda, atque miserabilis: dispersi à suis, pars cedere, alii insequi; neque signa, neque ordines observare: ubi quemque periculum cœperat, ibi resistere, ac propulsare: arma, tela, equi, viri, hostes, cives permixti: nihil consilio neque imperio agi: fors omnia regere. Itaque multum diei processerat, cùm etiam tum eventus in incerto erat. Denique omnibus labore, et æstu languidis, Metellus, ubi videt Numidas minùs instare, paulatim milites in unum conducit: ordines restituit, et cohortes ^b legionarias quatuor adversum pedites hostium collocat. ^c Eorum magna pars superioribus locis fessa consederat. Simul ³ orare, hortari milites, ne deficerent, neu paterentur hostes fugientes vincere: neque illis castra esse, neque munimentum ullum, quò cedentes tenderent: in armis omnia sita. Sed nec Jugurtha quidem interea quietus erat circuire, hortari, renovare proelium, et ipse cum delectis tentare omnia: subvenire suis, hostibus dubiis instare, quos firmos cognoverat, eminus pugnando, ^d retinere. Eo modo duo imperatores, ^e summi viri, inter se certabant: ipsi pares cæterum opibus disparibus. Nam Metello virtus militum erat, locus adversus: Jugurthæ alia omnia, præter milites, opportuna. Denique Romani, ubi intelligunt neque sibi profugium esse, neque ab hoste copiam pugnandi fieri; (et jam diei vesper erat) ⁴ adverso

INTERPRETATIO.

¹ *Ipsi tantum eminus sauciabantur, et vulnerabantur.*

² *Ita, cum essent plures numero, si nequiverant deterrire hostes à persequendo, circumveniebant eos disjectos à tergo aut lateribus.*

³ *Simul Metellus orare, hortari milites, ne deficerent, neve paterentur hostes, qui fugiebant vincere.*

⁴ *Romani in adversum collem, sicuti præceptum erat, evadunt.*

NOTÆ.

^a *Incerto.]* Quia Numidæ non stabant, sed accedebant, et recedebant, *ils ne se batoient pas de pied ferme.*

^b *Legionarias.]* Ut distinguantur ab auxiliariis.

^c *Eorum.]* Numidarum.

^d *Retinere.]* Ne scilicet dubiis et cedentibus opem ferrent.

^e *Summi.]* Omnino summi, et à quibus plurima quisque discere queat.

colle, sicuti præceptum fuerat, evadunt. Amisso ^aloco Numidæ fusi, fugatique pauci interiøre: plerosque velocitas, et regio ^bhostibus ignara, tutata sunt. Interea Bomilcar, quem elephantis, et parti copiarum pedestrium præfectum ab Jugurthâ suprâ diximus, ubi eum Rutilius prætergressus est, paulatim suos in æquum locum deducit; ac, dum legatus ad flumen, quò præmissus erat, festinans pergit; ¹quietus, uti res postulabat, aciem exornat: neque remittit, quid ubique hostis ageret, explorare. Postquam Rutilium consedissee jam, et animo vacuum accepit, simulque ex Jugurthæ prælio clamorem augeri, veritus ne legatus cognitâ re, laborantibus suis auxilio foret, aciem, quam, diffidens virtuti militum, ²arte statuerat quò hostium ^citineri officeret, latius porrigit: eoque modo ad Rutili castra procedit. Romani ex improvviso pulveris vim magnam animadvertunt. Nam prospectum ager arbusus consitus prohibebat. Et primò rati humum aridam vento agitari: post, ubi æquabilem manere, et sicut acies movebatur, magis magisque appropinquare vident: cognitâ ^dre, properantes arma capiunt, ac pro castris, sicut imperabatur, consistunt. Dein, ubi propius ventum est, utrimque magno clamore concurrunt. Numidæ tantummodo ^eremorati, dum in elephantis auxilium putant, postquam eòs impeditos ramis arborum, atque ita disiectos circumveniri vident, fugam faciunt: ac plerique, abjectis armis, colliis, aut noctis, quæ jam aderat, auxilio integri abeunt. Elephantis quatuor capti, reliqui omnes numero ^fquadraginta interfecti. At Romani quamquam itinere, atque ^gopere castrorum et prælio fessi, lassique erant; tamen, quòd Metellus amplius opinione morabatur, instructi, ^hintentique obviâ procedunt. Nam dolus Numidarum nihil languidi, neque remissi patiebatur. Ac primò obscurâ nocte, postquam haud procul ⁱinter se erant, strepitu, veluti hostes adventarent alteri apud alteros formidinem simul, et tumultum facere: et penè imprudentiâ ^kadmissum facinus

INTERPRETATIO.

¹ *Et, dum Rutilius legatus properat ad flumen, qui præmissus erat; Bomilcar per otium aciem instruit, uti res postulabat.* | ² *Porrigit latius aciem, quam instruxerat densis ordinibus, diffidens virtuti militum.*

NOTÆ.

^a *Loco.*] Colle, scilicet.

^b *Hostibus.*] Romanis.

^c *Itineri.*] Si nimirum Metello auxilium adferre voluissent.

^d *Re.*] Exercitum, scilicet, adventare.

^e *Remorati.*] *Ille ne firent ferme que, &c.*

^f *Quadraginta.*] In quibusdam, triginta tantum numerantur.

^g *Opere.*] Scilicet castra munierant.

^h *Intentique.*] Hinc videas quales fuerint Romani.

ⁱ *Inter se.*] De Romanis loquitur, quorum alii cum Metello, alii cum Rutilio erant.

^k *Admissum.*] Ut, scilicet, Romani invicem pugnant.

miserabile, ni utrimque præmissi equites rem exploravissent. Igitur pro metu repente gaudium exortum: milites alius alium læti appellant: acta edocent, atque audiunt: sua quisque fortia facta ad cælum fert. Quippe res humanæ ita sese habent: in victoriâ vel ignavis gloriari licet: adversæ res etiam bonos ¹detrectant. Metellus in iisdem castris quatrinduo moratus, saucios cum curâ reficit: meritos in præliis more militiæ ^adonat: universos in concione laudat, atque agit gratias; hortatur, ad cætera quæ levia sunt, parem animum gerant; pro victoriâ satis jam pugnatum, reliquos labores pro prædâ fore. Tamen interim ^btransfugas, et alios opportunos, ²Jugurtha ubi gentium, aut quid agitaret, cum paucisne esset, an exercitum haberet, uti sese victus gereret, exploratum misit. At ille sese in loca saltuosa, et naturâ munita receperat; ibique cogebat exercitum numero hominum ampliorem, sed ^chabetem, infirmumque, agri ac pecoris magis, quàm belli, cultorem. Id eâ gratiâ eveniebat, quòd præter equites regiones nemo omnium Numidarum ex fugâ regem sequitur. Quò cujusque animus fert, eò discedunt. Neque id flagitium militæ ducitur: ^dita se mores habent. Igitur Metellus, ubi videt etiam ^etum regis animum ferocem esse: bellum renovari, quod nisi ex illius lubidine ^fgeri non posset: præterea ^giniquum certamen sibi cum hostibus: minore detrimento illos vinci quàm suos vincere: statuit non præliis, neque acie, sed alio more, bellum gerendum. Itaque in loca Numidiæ opulentissima pergit: agros vastat: multa castella, et oppida, temerè munita, aut sine præsidio, capit, incenditque: puberes interfici jubet: alia omnia militum prædam esse. Eâ formidine multi mortales Romanis dediti ^hobsides: frumentum, et alia, quæ usui forent, affatim præbita: ubicumque res postulabat,

INTERPRETATIO.

¹ *Res adversæ etiam bonorum* ageret, aut quid agitare, cum existimationem violent.

² *Tamen interim Metellus misit transfugas et alios opportunos exploratum, ubi gentium Jugurtha* paucisne esset, an exercitum haberet, quomodo se gereret postquam victus esset.

NOTÆ.

a *Donat.*] Coronis, armillis, hastis, et id genus aliis.

b *Transfugas.*] Valde ille sunt opportuni, quia maximè fideles esse coguntur: interim videndum ne iis dolis capiamur, quos in hostes parare videntur.

c *Hebetem.*] Hebes dicitur ejus obtusa est acies. Hic itaque exercitus intelligitur ad belli munia ineptus. *Des gens malagueris.*

d *Ita.*] Iis respondet qui pravam consuetudinem mirabuntur. Ejus nimirum

vis est tanta, ut pro alterâ lege sumatur.

e *Tum.*] Postquam profligatus fuisset.

f *Geri.*] Ille enim sylvis et desertis locis pelli non poterat.

g *Iniquum.*] Multis de causis tale erat; nam Jugurthæ loca perspecta; nisi opportuna essent, non pugnabat: victus, aciem instaurare poterat; &c. Hæc omnia Metello adversa erant.

h *Obsides.*] Ut, scilicet, de eorum fide certi essent.

præsidium impositum. Quæ negotia multò magis, quàm prælium malè pugnatum ab suis, regem terrebant. Quippe cujus spes omnis in fugâ sita erat, sequi cogebatur; et qui, sua loca defendere nequiverat, ¹ in alienis bellum gerere. Tamen ² ex inopiâ, quod optimum videbatur, consilium capit: exercitum plerumque in iisdem locis operiri jubet: ipse cum delectis equitibus Metellum sequitur nocturnis et aviis itineribus, ignoratus, Romanos palantes repente aggreditur. ³ Eorum plerique inermes cadunt, multi capiuntur: nemo omnium intactus profugit; et Numidiæ, priùs quàm ex castris subveniretur, sicuti jussi erant, in proximos colles discedunt. Interim Romæ gaudium ingens ortum, cognitis Metelli rebus: uti seque, et exercitum more majorum gereret; in adverso loco victor tamen virtute fuisset; hostium agro potiretur; Jugurtham magnificum ex Auli socordiâ, spem salutis in solitudine, aut fuga, ⁴ coegisset habere. Itaque senatus, ob ea feliciter acta, diis immortalibus supplicia decernere: civitas trepida antea, et sollicita de belli eventu, læta ⁵ agere: de Metello fama præclara esse. Igitur eò intentior ad victoriam niti: omnibus modis festinare: ⁶ cavere tamen necubi hosti ⁷ opportunus fieret: ⁸ meminisse post gloriam invidiam sequi. Ita, quo clarior, eo magis anxius erat: neque post insidias Jugurthæ effuso exercitu prædari; ubi frumento, aut pabulo opus erat, ⁹ cohortes cum omni equitatu præsidium agitabant: exercitus partim ipse, reliquos Marius ducebat: sed igni magis, quàm prædâ, ager vastabatur. Duobus locis haud longè inter se castra faciebant. Ubi vi opus erat, cuncti aderant: cæterùm, quò ¹⁰ fuga, atque formido, latius crescerent, diversi agebant. Eo tempore Jugurtha per colles sequi: tempus, aut

INTERPRETATIO.

¹ Quippe Jugurtha cujus spes *gisset Jugurtham gloriabundum*
omnis in fugâ sita erat, cogebatur *ex Auli socordiâ, habere spem sa-*
sequi hostem; et, qui sua loca de- *lutis in desertis et fugâ.*
fendere, nequiverat, cogebatur ⁴ *Urbs antea trepida et sollicita*
gerere bellum in alienis. *de belli eventu, in lætitiâ degebat.*

² Tamen, in afflictis rebus, capit ⁵ *Cavebat tamen ne alicubi oc-*
optimum consilium quod videbatur. *casionem præberet hosti opportunè*
³ *Cognito etiam quomodo coe-* *suos invadendi.*

NOTÆ.

a *In alienis.*] Iis, scilicet, quæ Metellus expugnaverat. Cogebatur autem Jugurtha Metellum sequi, ne ille postquam omnes urbes sub potestatem coegisset, ipso regno spoliatus inveniretur.

b *Eorum.*] Romanorum huc illuc prædæ et commeatuum causâ divagantium.

c *Cavere.*] Securitas enim mater est doloris.

d *Meminisse.*] Utinam viris magnis hæc eadem quæ Metello semper obversarentur; multos enim sua virtus perdidit, in invidiæ foveas incidentes, illam dum sequuntur.

e *Fnga.*] Maximi est mōmenti in bello, latè incolas terrere et fugare.

*locum pagnæ quærere : quâ venturum hostem audierat, pabulum et aquarum fontes, quorum penuriaerat, ^acorrumpere : modò se Metello, interdum Mario ostendere : postremos in agmine tentare, ac statim in colles regredi : rursus aliis, post aliis minitari : neque prœlium facere, neque otium pati : tantummodo hostem ab incepto ^bretinere. Romanus imperator ubi se dolis fatigari videt, neque ab hoste copiam pugnandi fieri : urbem magnam, et in eâ parte, quâ sita erat, arcem regni, nomine ^cZamam, statuit oppugnare : ratus id quod negotium poscebat, Jugurtham laborantibus suis auxilio venturum, ibique prœlium fore. At ille, quæ parabantur, à perfugis edoctus, ^dmagnis itineribus Metellum antevenit : oppidanos hortatur mœnia defendant, additis auxilio perfugis : quod genus ex copiis regis, quia fallere ^enequibant, firmissimum erat. Præterea pollicetur, in tempore semet cum exercitu affore. Ita compositis rebus, in loca quàm maximè occulta discedit ; ac paulò post cognoscit, Marium ^fex itinere frumentatum cum paucis cohortibus ^gSiccam missum : quod oppidum, primum omnium, post malam pugnam ab rege defecerat. Eò cum delectis equitibus noctu pergit, et jam egredientibus Romanis ^hin portâ pugnam facit : simul magnâ voce Siccenses hortatur, uti cohortes ab tergo circumveniant : fortunam illis præclari facinoris casum dare : si id fecerint, postea sese in regno, illos libertate, sine metu ætatem acturos : ac ni Marius signa ⁱinferre, atque evadere oppido ^jproperavisset, profectò cuncti, aut magna pars Siccensium fidem mutavissent : tantâ mobilitate sese Numidiæ gerunt. Sed milites Jugurthini paulisper ab rege sustentati, postquam majore vi hostes urgent, paucis amissis profugi discedunt. Marius ad Zamam pervenit. Id oppidum, in campo situm magis ^kopere, quàm naturâ

INTERPRETATIO.

ⁱ Et nisi Marius properavisset aut magna pars Siccensium fidem inferre signa in hostem, atque mutavissent. evadere oppidò profectò cuncti,

NOTÆ.

* Locum.] Opportunum, intellige.

a Corrumperè.] Veneno, scilicet.

b Retinere.] Ut tempus lucrifaceret, inorâque Metelli exercitum conficeret.

c Zamam.] A Carthagine quinque dierum itinere, versùs occidentem, dissitam eam fuisse volunt.

d Magnis.] Gall. dicimus, *A grandes journées.*

e Nequibant.] Non equidem, si verè transfugæ fuerint ; quia ab iis certò puniuntur quos deseruerunt, si in manus venerint, interim cautè cum his versandum.

f Ex itinere.] Gall. diceremus, *Qu'on*

avait détaché Marius pendant la marche.

g Siccam.] Vocatur et Sica Veneria, aut Venerea, item Veneria simpliciter. Propior est Carthaginem quàm Zamam.

h In portâ.] Siccæ urbis scilicet.

i Properavisset.] Numirum Marius injuriæ opportunus fuisset, si in urbe remanisset, ubi vel mulieres de fenestris prœlium facere potuissent : verùm, cùm oppidani rebellandi occasionem non haberent, in fide perstiterunt.

k Opere.] Gall. diceremus, *Elle étoit plus forte par les travaux qu'on y avoit faits, que par son asiette.*

munitum erat; nullius idoneæ rei egens; armis virisque opulentum. Igitur Metellus pro tempore atque loco paratis rebus, cuncta mœnia exercitu circumvenit: legatis imperat, ubi quisque curaret. Dein, signo dato, undique simul clamor ingens oritur, neque ea res Numidas terret: infensi intentique sine tumultu manent: prælium incipitur. Romani pro ingenio quisque, pars eminus ^a glande, aut lapidibus pugnare: ^b evadere alii, alii succedere, ac murum modò ^c suffodere, modò scalis aggredi, cupere prælium ^d manibus facere. Contra ea oppidani in proximos saxa volvere, sudes, pila, præterea pice et sulphure tædam ^e mistam, ardentia mittere. Sed ne illos quidem, qui procul manserant, timor animi satîs muniverat. Nam plerosquè jacula, ^f tormentis aut manu emissa, vulnerabant; parique periculo, sed ^g famâ impari, boni atque ignavi erant. Dum apud Zamam sic certatur, Jugurtha ex improvviso castra hostium cum magnâ manu invadit: remissis, qui in præsidio erant, et omnia magis, quàm prælium, expectantibus, ^h portam irrumpit. At nostri, repentino metu perculsi, sibi quisque pro moribus consulunt: alii fugere, alii arma capere: magna pars vulnerati, aut occisi. Cæterùm ex omni multitudine non ampliùs quadraginta memores ⁱ nominis Romani grege facto, locum cepere paulò, quàm alii, editiorem: neque inde maximâ vi depelli quiverunt: sed tela eminus missa remittere, pauci ^j in pluribus minùs frustrati: sin Numidæ propiùs accessissent, ibi verò virtutem ostendere, et eos maximâ vi cædere, fundere, atque fugare. Interim Metellus, cùm acerrimè rem gereret, clamorem et tumultum hostilem à tergo accepit: dein, converso equo, animadvertit fugam ad se verum fieri, quæ res indicabat popularis esse. Igitur equitatum omnem ad castra properè mittit, ac statim C. Marium cum cohortibus sociorum; eumque lacrimans, per amicitiam, perque rempublic. obsecrat, ne quam contumeliam remanere in exercitu victore, neve hostes inultos abire sinat. Ille brevi mandata effi-

INTERPRETATIO.

¹ Cupiebant cominus pugnare, | ² Mittebant præterea tædas pice
et manus conserere. | et sulphure obductas.

NOTÆ.

a *Glande.*] Plumbum erat in glandis modum effectum, quod fundis jaciebatur.

b *Evadere.*] Scilicet, qui labore fessi, aut ab hostibus vulnerati sunt, secedunt; alii in eorum locum succedunt.

c *Suffodere.*] Ut eum dejicerent et diruerent.

d *Tormentis.*] Machinæ erant, quibus, magnâ vi, lapides, et id genus, in hostem ruebant.

e *Famâ.*] Videlicet, non ii laudantur, qui in latibulis, vel fugientes inhonesta vulnera accipiunt.

f *Portam.*] Castrorum, scilicet, alteram; nam quatuor erant.

g *Nominis.*] Id est, *Gloria nominis Romani.*

h *In pluribus.*] Id est, *Cùm pauci Romani in plures Numidas tela mitterent, singulis jactibus aliquem attingebant.*

cit. At Jugurtha ^amunimento castrorum impeditus, cum alii supervallum præcipitarentur, alii in ^bangustiis ipsi sibi ^cproperantes officerent, multis amissis in loca munita sese recipit. Metellus, infecto negotio, postquam nox aderat, in castra cum exercitu reverteritur. ^dIgitur postero die, priùs quàm ad oppugnandum egrederetur, equitatum omnem in eà parte, quâ regis adventus erat, ^epro castris agitare jubet: portas, et proxima loca tribunis dispergit: dein ipse pergit ad oppidum, atque, uti superiore die, murum aggreditur. Interim Jugurtha ex occulto repente nostros invadit. Qui in primo locati fuerant, paulisper terrii perturbantur: reliqui citò subveniunt. Neque diutiùs Numidæ resistere quivissent, ne pedites cum equitibus permixti magnam cladem in congressu facerent: quibus illi freti, non ut equestri prælio solet, sequi, dein cedere; sed ^fadversis equis concurrere, implicare, ac perturbare aciem: ita, expeditis peditibus suis, hostis, ^gpenè victos dare. Eodem tempore apud Zamam magnâ vi certabatur. Ubi quisque legatus, aut tribunus curabat, eò acerrimè niti, neque alius in alio magis quàm in sese, spem habere: pariterque oppidani agere, oppugnare, aut parare omnibus locis: avidiùs alteri alteros sauciare, quam semet tegere. Clamor permixtus, hortatione, lætitiâ, gemitu: item strepitus armorum, ad cælum ferri: tela utrimque volare. Sed illi, qui mœnia defensabant, ubi hostes paululum modò pugnam remiserant; intenti prælium equestre prospectabant. Eos, uti quæque Jugurthæ res erant, lætos modò, modò pavidos animadverteres: ac, sicuti audiri à suis, aut cerni possent: monere alii, alii hortari, aut manu significare, aut ^hniti corporibus: huc et illuc, quasi ⁱvitabundi, aut jacentes tela, agitare. Quod ubi Mario cognitum est, (nam is in eà parte curabat) consulto leniùs agere, ac diffidentiam rei simulare: pati Numidas sine tumultu, regis prælium visere. Ita, illis studio suorum

INTERPRETATIO.

¹ *Jubet omnem equitatem manere ante castra, in eà parte, quâ rex adventare poterat.*

² *In hanc et illam partem movebant corpus, quasi vitare, aut jacere, tela debuissent.*

NOTÆ.

^a *Munimento.*] Vallo, fossâ, &c.

^b *Angustiis.*] Portarum, scilicet.

^c *Properantes.*] Ita evenit: dum multi in locis angustis sese invicem pulsant et premunt, vix unus et alter egreditur.

^d *Adversis.*] Non illi, ut solet, circumactis, (*en caracolant*) sed rectâ in hostem concitatis equis, pugnant, ut scilicet, introrumperent et pervaderent.

^e *Penè.*] Certè difficile erat Romanis, simul Numidis peditibus et equitibus resistere, postquam sua acies turbata esset.

^f *Niti.*] Sic solemus, quando quempiam videmus laborantem, qui res nostras tuetur: eo ferè modo membra et nervi nostri moventur, ac si res ipsas nosmet exqueremur.

¹ adstrictis, repentè magnâ vi murum aggreditur; et jam scalis
² egressi milites propè summa ceperant, cum oppidani concurrunt;
 lapides, ignem, alia prætereà tela ingerunt. Nostri primò resis-
 tere: dein, ubi unæ, atque alteræ scalæ comminutæ, qui superste-
 terant afflicti sunt; cæteri, quo quisque modo potuère, pauci in-
 tegri, magna pars confecti vulneribus, abeunt. Deinde utrimque
 prælium nox diremit. Metellus postquam videt frustrâ inceptum,
 neque oppidum capi, neque Jugurtham, nisi ex insidiis, aut ³ suo
 loco pugnam facere; et jam æstatem exactam esse, ab Zamâ dis-
 cedit: et in iis urbibus, quæ ad sese defecerant, satisque munitæ
 loco, aut mœnibus erant, præsidia imponit. Cæterum exercitum
 in provinciam, quæ proxima est Numidiæ, hiemandi, gratiâ col-
 locat. Neque id tempus ex ^a aliorum more quieti, aut luxuriæ con-
 cedit; sed, quoniam armis bellum parum procedebat, insidias
 regi per amicos tendere, et eorum ^b perfidia pro armis uti parat.
 Igitur Bomilcarem, qui Romæ cum Jugurthâ fuerat, et inde clam,
^c vadibus datis, de Massivæ nece iudicium fugerat; quod ^d ei per
 maximam amicitiam maxima copia fallendi erat, multis pollicita-
 tionibus aggreditur; ac primò efficit, ut ad se colloquendi gratiâ
 occultus veniat: deiu fide datâ, si Jugurtham vivum, aut neca-
 tum sibi tradidisset; fore, ut ille senatûs impunitatem, et ^e sua
 omnia concederet. Facile Numidæ persuadet, cum ingenio infido,
 tum metuenti, ne, si pax cum Romanis fieret, ipse per ^e condi-
 tiones ad supplicium traderetur. Is ubi primum opportunum
 fuit, Jugurtham anxium, ac miserantem fortunas suas accedit:

INTERPRETATIO.

¹ Ita dum illi anxie occupati erant, affectu quo tenebantur erga suos, repentè magnâ vi Murum aggreditur.

² Et milites, qui cum scalis adveniant, jam ferrè ad murorum cacumen pervenerant.

³ Postquam Metellus videt illud, quod inceperat, frustrâ inceptum fuisse; neque oppidum capi, neque Jugurtham pugnare nisi ex

insidiis, aut loco ipsi opportuno, et jam æstatem exactam esse; Zamâ discedit; et in iis urbibus imponit præsidia, quæ in suam fidem venerant, et loco, aut mœnibus satis munitæ erant.

⁴ Quia Jugurtham fallere facili-
 limè Bomilcar poterat, ex maximâ amicitia, eum Metellus multis pol-
 licitationibus aggreditur.

NOTÆ.

a Aliorum.] Imperatorum scilicet, Auli puta.

b Perfidia.] Videant proditores num satis nomen placeat; etiam apud illos qui eâ utuntur, eorum ars perfidia vocatur: imò illis sunt detestabiles et execrandi, quando quidem seipsos, et fidem, ante omnia vendunt.

c Vadibus.] Ideò istud addidit, ne cui mirum videatur, quod effugere ille potuerit.

d Sua.] Id est, quæcumque bona Bomilcar possidebat.

e Conditiones.] Id est, Ne inter alias pacis conditiones hæc quoque esset, ut Bomilcar ad supplicium à Jugurthâ traderetur.

monet, atque lacrimans obtestatur, ut aliquando sibi liberisque, et genti Numidarum optimè merenti, provideat: omnibus praeliis sese victos; agrum vastatum: multos mortales captos, aut occisos: regni opes comminutas esse: satis sæpe jam et virtutem militum, et fortunam tentatam: ^a caveat, ne, illo cunctante, Numidæ sibi consulant. His atque talibus aliis ad deditionem regis animum impellit. Mittuntur ad imperatorem legati, qui Jugurtham imperata facturum dicerent, ac ^b sine ullâ pactione sese, regnumque suum in illius fidem tradere. Metellus properè cunctos senatorii ordinis ex hibernis accersiri jubet: eorum, atque aliorum, quos idoneos ducebat, consilium habet. Ita more majorum, ex consilii decreto, per legatos Jugurthæ imperat, argenti ^c pondo ducenta millia; elephantos omnes; equorum, et armorum aliquantum. Quæ postquam sine morâ facta sunt, jubet perfugas omnes victos adduci. Eorum magna pars, uti jussum erat, adducti, pauci, cum primum deditio cœpit, ad Regem Bocchum in Mauritaniam abierant. Igitur Jugurtha, ubi armis, virisque, et pecuniâ spoliatus est: cum ipse ad ^d imperandum ^e Tisidium vocaretur, rursus cœpit ^f flectere animum suum, et ex malâ conscientiâ digna timere. Denique, multis diebus per dubitationem consumptis, cum modò tædio rerum adversarum omnia bello potiora duceret; interdum secum ipse reputaret, quàm gravis casus in servitium ex regno foret: multis magnisque ^g præsidiis nequicquam perditis, de integro bellum sumit. Et Romæ senatus, de provinciis consultis, Numidiam Metello decreverat. Per idem tempus ^h Uticæ fortè C. Mario, per hostias diis supplicanti, magna, atque mirabilia portendi haruspex dixerat: proindè, quæ animo agitabat, fretus diis ageret: fortunam quam sæpissimè experiretur; cuncta prospera eventura. At illum jam antea consulatûs ingens cupido exagitabat, ad quem capiundum, ⁱ præter vetustatem familiæ, alia omnia abundè erant: industria, probitas, militiæ magna scientia, animus ⁱ belli ingens, domi modicus, lubricitatis et divitiarum victor, tan-

INTERPRETATIO.

ⁱ *Omnia erant abundè, si excipias vetustatem familiæ.*

NOTÆ.

^a *Caveat.*] Vides ab improbo proditore, ne cavere quidem potuisse omnium perfidiorum perfidiosissimum; illumque, aliterum, de more, eum quem avertere videbatur, siccam in pectus defixisse.

^b *Sine ullâ.*] Illud est quod dicimus. *A discretion.*

^c *Pondo.*] Quod Gallicè dicimus *un marc d'argent*, octo tantum continet uncias, pondo duodecim.

^d *Imperandum.*] Passivè, Id est, ut im-

peraretur; ita loquutos esse veteres probat Servius in Virgilium.

^e *Tisidium.*] Inter Carthaginem et Uticam sitam fuisse volunt.

^f *Flectere.*] Id est, pedem referre, et ab institutâ deditione animum revocare.

^g *Præsidiis.*] Argentis, videlicet, Elephantis, Armis, Equis, &c.

^h *Uticæ.*] Jam satis nota, non longè à Carthagine, versus occidentem.

ⁱ *Belli.*] Adverbialiter, sicut *domi*.

tummòdo gloriæ avidus. Sed is natus, omnem pueritiam ^aArpini altus, ubi primùm ætas militiæ patiens fuit, stipendiis faciundis, non Græcâ facundiâ, neque urbanis ^bmunditiis sese exercuit: ita inter artes bonas ¹integrum ingenium brevi adolevit. Ergo ubi primùm tribunatum militarem à populo petit, plerisque faciem ejus ignorantibus, facilè ²notus, per omnes tribus declaratur. Deinde ab eo magistratu, alium post alium sibi peperit: semperque in potestatibus eo modo agitabat, ut ampliore, quàm gerebat, dignus haberetur. Tamen is ³ad id locorum talis vir, (nam postea ambitione præceps datus est) consulatum appetere non audebat. Etiam tum alios magistratus plebes, consulatum nobilitas inter se ^cper manus tradebat. Novus nemo tam clarus neque tam egregiis factis erat, quin is indignus illo honore, et quasi pollutus haberetur. Igitur, ubi Marius haruspiciis dicta eòdem intendere videt, quò cupido animi hortabatur; ab Metello ^dpetendi gratiâ missionem rogat: cui quamquam virtus, gloria, atque alia optanda bonis ^esuperabant, tamen inerat contemptor animus, et superbia, ^ecommune nobilitatis malum. Itaque primùm commotus insolitâ re, mirari ejus consilium, et quasi per amicitiam monere, ne tam ^fprava inciperet, neu super fortunam animum gereret: *non omnia omnibus cupienda esse*: debere illi res suas satis placere: postremò

INTERPRETATIO.

¹ Ita ingenium incorruptum brevi adolevit inter artes bonas.

² Ergò, ubi primùm petit tribunatum militum à populo, quamquam plerique ignorarent faciem ejus, cognitus tamen virtute bellicâ, declaratur facilè tribunus per omnes tribus.

³ Tamen vir ille, ad id usque

tempus adèd clarus, (nam postea ambitione planè corruptus est) non audebat appetere consulatum.

^d Cui, (quamvis virtutem, gloriam, atque alia, quæ boni desiderare debent, affatim haberet,) tamen inerat animus contemptor, et superbia, quæ sunt vitium commune nobilitatis.

NOTÆ.

a Arpini.] Arpinium urbs fuit Hirpinorum in Samnitibus, ad Lirim fluvium, patria etiam Ciceronis.

b Munditiis.] Galanterie, Politeses.

c Per manus.] Proverbialis locutio, Gall. dicimus, *de main en main*. Patres quasi ex compacto successivè consulatum administrabant, mutasque sibi ad eum obtinendum operas invicem præbebant.

d Petendi.] Consulatum, scilicet. Dixit Metello se ideo missionem rogare, ut ad petendum consulatum Romam proficisceretur.

e Commune.] Eâ re præceps pleraque ruit nobilitas; vixque aliter inter homines

evenire potest. Itaque caveant qui verè nobiles, aut boni cives esse volunt.

f Prava.] Loquitur de petitione consulatûs. Quis verò, cui modò virile ingenium sit, tantam injuriam tolerare queat; ut non ii virtutis laudibus et præmiis, fruantur, qui virtute ornati sunt, sed qui ejus qualiacumque à majoribus insignia habuerunt? Necessariò intereundum est illi reipublicæ, in quâ virtuti sua merces detrahitur; atque illi nobiles soli et deserti tandem vivere coguntur, qui aditum, per quem patres sui, qui mortui sunt, eos ad gloriam evexêre, aliis occludunt.

caveret id petere à populo Rom. quod illi jure negaretur. Postquam hæc, atque alia talia dixit, neque animus Marii flectitur; respondit, ubi primùm potuisset per negotia publica, ^afacturum sese, quæ peteret. Ac postea sæpius eadem postulanti fertur dixisse, ne festinaret abire: satis maturè illum cum filio suo consulatum petiturum. Is eo tempore ^bcontubernio patris ibidem militabat, annos natus circiter xx. quæ res Marium cum ^cpro honore, quem affectabat, ^dtum contra Metellum, vehementer accenderat. Ita cupidine, atque irâ, pessimis consultoribus grassari: neque facto ullo, neque dicto abstinere, quod modò ^eambitiosum foret: milites, quibus in hibernis præerat, ^flaxiore imperio, quàm antea, habere: apud negotiatores, quorum magna multitudo Uticæ erat, ^gcriminosè simul et ^hmagnificè de bello loqui: dimidia pars exercitûs sibi permetteretur, paucis diebus Jugurtham in catenis habiturum: ab imperatore consultò ⁱtrahi, quòd homo ⁱinanis, et superbiæ regiæ, imperio nimis gauderet. Quæ omnia illis eò ^kfirmiora videbantur, quòd diuturnitate belli res familiares corrumperant, et ^lanimo cupienti nihil satis festinatur. Erat præterea in exercitu nostro Numida quidam, nomine Gauda, Manastabalis filius, Masinissæ nepos, quem Micipsa testamento hæredem ^msecundum scripserat; morbis confectus, et ob eam causam mente

INTERPRETATIO.

¹ Marius hæc dicebat, *Dimidia triâ ab imperatore Metello prolon-*
pars exercitûs sibi permetteretur, gari, quia ille homo inanis, et ple-
paucis diebus se habiturum Jugur-
tham in catenis; bellum de indus-
perio gauderet.

NOTÆ.

^a *Facturum.*] Loquitur de Marii missionem.

^b *Contubernio.*] Contubernium. Gall. diceremus, *une tente*. Figuratè verò, hoc in loco, significat, Metello filium admodum adolescentem tunc temporis sub patre militiam didicisse.

^c *Pro honore.*] Intellige, eò vehementius Marium honorem concupivisse, quod obices objicerentur.

^d *Tum.*] Nota vim istius voculæ, quæ post *cum* significationem augeat: quamquam enim hic propè idem est animi motus ac superior; nam fieri nequit, ut quis bonum aliquod summo cum studio persequatur; quin idem, si possit, omnia impedimenta removeat; attamen maximus est animi impetus contra id quod primò ob stare videtur. Atque hinc, qui volet, multa documenta petere poterit.

^e *Ambitiosum.*] Id est, quod ad favorem et benevolentium captandum comparatum esset. Aliter alibi sumitur.

^f *Laxiore.*] Non omnia à militibus ex militari disciplinâ exigebat.

^g *Criminosè.*] Contrà Metellum, scilicet: quòd aperte postea dicitur.

^h *Magnificè.*] Pro se, prout explicat proximis verbis.

ⁱ *Inanis.*] Gall. dicimus, *un homme vain*. Is est qui speciem ostentat earum rerum, quarum corpus non habet.

^k *Firmiora.*] Id est, *Veritati magis consentanea, et firmius probata*.

^l *Animo.*] Dicit negotiatorum impatentiam et desiderium causam fuisse partim, ut ii crederent bellum revera à Metello protractum fuisse.

^m *Secundum.*] Id est, *Qui hæreditatem adiret, si absque omni hærede filii more-rentur*.

paululùm ^aimminuta. Cui Metellus petenti, more regum, uti sellam ¹juxta poneret, item postea ^bcustodiæ causâ turmam equitum Romanorum, utrumque negaverat: ²honorem, quòd eorum modò foret, quos populus R. reges appellavisset: præsidium, quòd contumeliosum in ^ceos foret, si equites Romani, satellites Numidæ traderentur. Hunc Marius anxium aggreditur, atque hortatur uti contumeliarum in imperatorem ^dcum suo auxilio pœnas petat: hominem ob morbos animo parum valido ³secundâ oratione extollit: ⁴illum regem, virum ingentem, Masinissæ nepotem esse: si Jugurtha captus, aut occisus foret, imperium Numidiæ sine morâ habiturum: id adeò maturè posse evenire, si ipse consul ad id bellum missus foret. Itaque et illum, et equites Romanos, milites, et negotiatores, alios ^eipse, plerosque pacis spes impellit, uti Romanam ad suos necessarios asperè in Metellum de bello scribant; Marium imperatorem poscant. Sic ^filli à multis mortalibus honestissimâ suffragatione consulatus petebatur. Simul eâ tempestate plebes, nobilitate fusa per legem ^gManiliam, novos extollebat. Ita Mario cuncta procedere. Interim Jugurtha, postquam, omissâ deditioe, bellum incipit, cum magnâ curâ parare omnia, festinare, cogere exercitum: civitates, quæ ab se defecerant, formidine, aut ostentando præmia ⁶affectare: communire suos locos: arma, tela, aliaque, quæ spe pacis amiserat, reficere, aut commercari: ⁷servitia Romanorum allicere, et eos ipsos, qui in præ-

INTERPRETATIO.

<p>¹Cui Gaudæ petenti, uti poneret sellam juxta Metellum, sicuti reges ponere consueverant, item petenti postea turmam equitum Romanorum, custodiæ causâ, Metellus utrumque negaverat.</p> <p>²Metellus negaverat honorem quòd is honor esset tantum eorum, quos P. Romanus appellavisset reges: præsidium negaverat, quod id contumeliosum esset in equites Romanos, si ii traderentur,</p>	<p>ut essent satellites Numidiæ.</p> <p>³Inflatoratione favente hominem qui animo erat imbecilli ex morbis.</p> <p>⁴Marius Gaudæ dicit, Illum esse regem, &c.</p> <p>⁵Sic consulatus petebatur illi (Mario) à multis mortalibus honestissimâ suffragandi ratione.</p> <p>⁶Conabatur recipere formidine, aut ostentando præmia, civitates quæ ab se defecerant.</p> <p>⁷Allicebat servos Romanorum.</p>
--	---

NOTÆ.

<p>a Imminuta.] Idem est quod dicit postea fuisse cum animo parum valido. Gall. cinimus, Un imbecille.</p> <p>b Custodiæ.] Pour se garder.</p> <p>c Eos.] Romanos. Sed substantivo præpositum est pronomen, ut major sit indignitas, quòd propius equites Numidæ conjunguntur.</p> <p>d Cum suo auxilio.] Videtur Sallustius de industriâ incultum Marii stilum ce-</p>	<p>pissee. Hoc vero dicebat Gaudæ, Niteretur auxilio quod ipsi præstaret, dum injurias cum Metello expostularet.</p> <p>e Ipse.] Auctoritate et favore, quo apud ipsos valebat.</p> <p>f Honestissimâ.] Omnino: siquidem non ipse petere, sed ipsi magistratus ultrò conferri videbatur.</p> <p>g Maniliam.] De quâ suprà.</p>
---	--

sidiis, erant, pecuniâ tentare: prorsus nihil intactum, neque quietum pati: cuncta agitare. Igitur Vaccenses, quo Metellus initio, Jugurtha ¹ pacificante, præsidium imposuerat; fatigati regis supplicii, neque antea ² voluntate alienati, principes civitatis inter se conjurant: (nam vulgus uti plerumque solet, et maximè Numidarum ingenio mobili, seditiosum, atque ³ discordiosum, erat cupidum novarum rerum, quieti et otio adversum) dein, compositis inter se rebus, in diem tertium ⁴ constituunt, quod is festus celebratusque per omnem Africam ludum et lasciviam magis quàm formidinem, ostentabat. Sed ubi tempus fuit, centuriones, tribunosque militares, et ipsum præfectum oppidi L. Turpilium Silanum, alius alium domos suas invitant; eos omnes, præter Turpilium, inter epulas obtruncant: postea milites palantes, inermes, quippe in ⁵ tali die, ac sine imperio, aggrediuntur. Idem plebes facit, pars edocti ab nobilitate, alii ⁶ studio talium rerum incitati, quis, acta, consiliumque ignorantibus, tumultus ipse, et res novæ satîs placebant. Romani milites, improvise metu, incerti ignarique quid potissimum facerent; ⁷ trepidare ad arcem oppidi, ubi signa, et scuta erant: præsidium hostium, portæ antè clausæ fugam prohibebant; ad hoc mulieres, puerique ⁸ pro tectis ædificiorum saxa, et alia, quæ locus præbebat, certatim mittere. Ita neque caveri ⁹ anceps malum neque à fortissimis ¹⁰ infirmissimo generi resisti posse: juxta boni, malique, strenui, et imbelles, inulti obtruncati. In eâ tantâ asperitate, sævissimis Numidis, et oppido undique clauso, Turpilius præfectus unus ex omnibus Italicis profugit intactus: id misericordiæ hospitii, an pactione, an casu ita evenerit, parum comperimus; ¹¹ nisi, quia illi in tanto malo

INTERPRETATIO.

- ¹ *Dum Jugurtha paci studeret.* saxa et alia, quæ locus præbebat.
² *Romani festinantur et tumultuosè accurrunt ad arcem oppidi.* ⁴ *Sed videtur improbus et intestabilis, quia in tanto male, ille pluris fecit turpem vitam, quàm famam inviolatam.*
³ *Mulieres et pueri, stantes pro tectis ædificiorum mittebant certatim, et quasi per æmulationem,*

NOTÆ.

a *Voluntate.*] Gall. *d'Inclination.* In-
viti Metello parebant.

b *Discordiosum.*] Vox Sallustio peculi-
aris, nisi fortè ex veteribus desumpta est.

c *Constituunt.*] Gall. *Ils marquerent le
jour de l'exécution.* Diem assignant; quo
præsidiarios milites jugularent.

d *Tali.*] Quo se jucunditati dabant.

e *Studio.*] Quia cædem et mutationes
amabant. Cæterum ex hoc loco videant
rerum publicarum moderatores, quanti

sapientis illius sententia æstimanda sit,
qui principiis obstandum esse voluit.—
Principiis et principibus occurrendum est,
nam postquam latè grassata est seditio,
frustrà furenti multitudini ea fræna inji-
cias, quibus paucos regere nesciveris.

f *Anceps.*] Seu pugnare, seu fugere
mallent.

g *Infirmissimo.*] Mulieribus, scilicet, et
pueris.

turpis vita integrâ famâ potior fuit, improbus ^aintestabilisque videtur. Metellus, postquam de rebus. Vaccæ actis comperit, ^bpaulisper, mæstus è conspectu abit: dein, ubi ira, et ægritudo permixta sunt, cum maximâ curâ ultum ire injurias festinat. Legionem, cum quâ hiemabat, et quàm plurimos potest Numidas equites pariter cum occasu solis expeditos educit; et ^cposterâ die circiter horam ^dtertiam, pervenit in quamdam planitiem, locis paulò superioribus circumventam. Ibi milites fessos itineris magnitudine, et jam abnuentes omnia, docet oppidum Vaccam non ampliùs mille passuum abesse: decere illos reliquum laborem æquo animo pati, dum pro civibus suis, viris fortissimis, atque miserrimis, pœnas caperent. Præterea ^eprædam benignè ostentat. Sic animis eorum arrectis, equites in ¹primo latere, pedites quàm arctissimè ire, et signa occultare jubet. Vaccenses ubi animadvertère ad se versum exercitum pergere, primò, uti res erat, Metellum esse rati, portas clausère; dein ubi neque agros vastari, et eos, qui primi aderant, Numidas equites vident, ²rursus Jugurtham arbitrati, cum magno gaudio obvii procedunt. Equites peditesque, repentè signo dato, alii vulgum ^feffusum oppido cædere: alii ad portas festinare: pars turres capere: ira, atque spes prædæ, ampliùs, quàm lassitudo, posse. Ita Vaccenses biduum modò ex perfidiâ lætati: civitas magna, et opulens, ^gpœnæ cuncta, aut prædæ fuit. Turpilium, quem præfectum oppidi unum ex omnibus profugisse suprâ ostendimus, jussus à Metello causam dicere; postquam sese parum expurgat, condemnatus, verberatusque, capite pœnas

INTERPRETATIO.

¹ *Jubet equites esse in primâ et* *tham esse, procedunt illi obviâ*
maximè conspicuâ parte agminis. *cum magno gaudio.*

² *Ex adverso arbitrati Jugur-*

NOTÆ.

a *Intestabilis.*] Is est qui neque testimonium dicere, neque testamentum facere; neque, ut nonnulli putant, testamentum quicquam consequi potest. Sed pro homine nefario sumitur et execrando.

b *Paulisper.*] Id est, *Postquam aliquantulum, audito nuncio in eodem loco, mæstus permansisset, posterâ abivit.*

c *Posterâ.*] Vide nomen *dies* in feminino genere, etiam cum tempus certum denotat; contra quam nonnulli tradunt.

d *Tertiam.*] Nobis nona esset matutini: nam Romanis, abortu solis ad occasum, duodecim semper horæ numerabantur, quæ ideò breviores, quandoque proliores erant. Sed notandum est, quòd, si tempus, magis quàm numerandi ratio spectetur, hæc tertia hora, pro vario locorum

situ tempestatibus, sexta, septima, nona, aut circiter esse poterit.

e *Prædam.*] Promittit se urbem relicturum direptioni. *Qu'il metroit la ville au pillage.*

f *Effusum.*] Populus urbe egressus erat, ut obviam Jugurthæ procederet.

g *Pœnæ.*] Interfecerunt, aut corruerunt ea omnia quæ ad suum usum non fuerunt accommodata.

h *Nâm.*] Interpretes miror, qui propè omnes ideò graviùs hunc Turpilium punitum esse volunt, quòd is tantum ex Latio civis esset; quia scilicet, ut illi arbitrantur, si Romanus fuisset, eum Lex Porcia et Valeria à securi liberassent. Constat verò non modò non in castris, ut in urbe legem Porciam Romanos cives ab impe-

solvit. ^hNam is civis ex Latio erat. Per idem tempus Bomilcar, cujus impulsu Jugurtha deditionem quam ^ametu deseruit, inceperat; suspectusque regi et ipse eum suspiciens, novas res cupere: ad perniciem ejus dolum quærere: diu noctuque fatigare animum: denique, omnia tentando, socium sibi adjungit Nabdalsam, hominem nobilem, magnis opibus clarum, acceptumque popularibus suis: qui plerumque ^bseorsim ab rege exercitum ductare, et omnes res exsequi solitus erat; quæ Jugurthæ fesso, aut majoribus adstricto, superaverant; ex quo illi gloria, opesque inventæ. Igitur utriusque consilio dies insidiis statuitur; cætera, uti res posceret, ^cex tempore parari placuit. Nabdalsa ad exercitum profectus, quem ⁱinter hiberna Romanorum jussus habebat, ne ager ultis hostibus vastaretur. Is postquam, magnitudine facinoris percussus, ad tempus non venit, ^dmetusque rem impediēbat; Bomilcar simul cupidinibus incepta patrandi, et ^etimore socii anxius, ne, omisso veteri consilio, ^fnovum quæreret; literas ad eum per homines fideles mittit: in quis mollitiem, socordiamque viri accusare; ^gtestari deos, per quos juravisset; monere, ne præmia

INTERPRETATIO.

^h *Nabdalsa profectus est ad exercitum, quem habebat, ex mandato Jugurthæ, prope ea loca in* quibus Romani hibernum tempus transigebant.

NOTÆ.

ratorum virgis et securibus vindicasse; sed insuper gravius in cives Romanos, quam socios animadversum fuisse, prout illud ex Livii libro 30 probatur. Cæterum Plutarchus in Mario tradit, compertum esse postea, hunc Turpilium injustè damnatum fuisse; intactus enim ideò à Vaccensibus dimissus est, quòd modestè humaniterque sese in eos gessisset.

a *Metu.*] Videlicet timuit Jugurtha, ne, si absolutè et sine ullà pactione deditus esset, Romani ipsum quoque morte mularent.

b *Seorsim.*] Intellige Jugurtham, Metelli exemplo, suas quoque copias in duas partes divisisse, quarum alteri Nabdalsam præfecerat.

c *Ex tempore.*] Scilicet non omnia possunt provideri: plurima ex occasione pendent, quæ melius quam hominum consilia res ipsa expedit. Itaque satis fuit duobus perduellibus de re ipsà convenire, cætera invicem ad socii prudentiam remittentibus.

d *Metusque.*] Nimirum Nabdalsa ejusmodi criminibus non erat assuetus, prout

Bomilcar; expavit itaque ad incepti facinoris maturiorem cogitationem.

e *Timore.*] Ne ita intelligas, quasi Bomilcar Nabdalsæ timorem cognovisset; aut, quod idem est, eò quòd Nabdalsa timeret, ipse anxius esset: verum credendum est Bomilcarem animo fugisse perturbato, quòd, ne à Nabdalsâ Jugurthæ traderetur, maximè reformidaret.

f *Novum.*] Ab inceptâ prodicione desisteret, atque Jugurthæ Bomilcaris insidias detegeret.

g *Testari.*] Rem miram! Deos quoque testari hominem improbum, in re improbâ! Imò, quamquam dictu horrendum est, inter eos homines qui se maximè Christianos dici volunt, nonnulli conspiciuntur, qui, ut maximè sunt improbi, ita anxie operam dant ut non dæmonum turbam, sed verum Deum, scelerum suorum, non testem modò, sed participem et vindicem habeant. Quæ genera sacrilega, cum propter frequentiam jam non liceat admirari, utinam principibus aliquando atrocissimis pœnis liceat et libeat profligare.

Metelli in ^apestem suam converteret: Jugurthæ ^bexitium adesse: cæterum, ^csuâne, an Metelli virtute periret, id modò agitari: proinde reputaret cum animo suo, præmia an cruciatum mallet. Sed cùm hæ literæ allatæ, fortè Nabdalsa, exercito corpore fessus, in lecto quiescebat: ubi, cognitis Bomilcaris verbis, primò cura, dein, ut ægrum animum solet, somnus cepit. Erat ei Numida quidam negotiorum curator fidus, acceptusque, et omnium consiliorum, nisi ^dnovissimi, particeps. Qui postquam allatas literas audivit, ex consuetudine ratus operà aut ingenio suo opus esse, in tabernaculum introit; dormiente illo, epistolam, super caput in pulvino temerè positam, simit, ac perleget; dein properè, cognitis insidiis, ad regem pergit. Nabdalsa, pòst paulò experrectus, ubi neque epistolam reperit, et rem omnem, ut acta erat, ex ^eperfugis cognovit, promò ^findicem persequi conatus: postquàm id frustrà fuit, Jugurtham placandi gratià accedit: ¹quæ ipse paravisset, perfidià clientis sui, facere præventum: lacrimans obtestatur per amicitiam, perque sua autèa fideliter acta, ne super tali scelere suspectum sese haberet. Ad ea rex aliter, atque animo gerebat, placidè respondit. Bomilcare, aliisque multis, quos socios insidiarum cognoverat, interfectis, ^giram oppresserat, ne quâ ex eo negotio seditio oriretur. Neque post id locorum Jugurthæ dies, aut nox ulla quieta fuit: neque loco, neque mortali cuiquam, aut ^htempori satis credere: cives, hostesque juxtâ metuere: circumspectare omnia, et omni strepitu pavescere: alio, at-

INTERPRETATIO.

¹Dicit Jugurthæ, se præventum perfidià clientis sui, facere quæ ipse paravisset.

NOTÆ.

a *Pestem.*] Scilicet Metellus irrisus à Nabdalsâ, si is minùs promissa servasset, injuriam, datâ occasione, ultus esset.

b *Exitium.*] Excusatio est facinoris, quasi dicat, *Quandoquidem necessariò Jugurthæ pereundum est, satiùs est eum perire solum, nosque amicos saltem in ejus morte salutem nostram invenire.* Quàm verò vana et futilis sit excusatio, nihil attinet dicere.

c *Suâne.*] Bomilcaris, nempe, et Nabdalsæ.

d *Novissimi.*] Proditionis, scilicet, Jugurthæ.

e *Perfugis.*] Eos fuisse arbitror quibus corporis custodiam crediderat, quibusque

utabatur, quia minùs fallere audent; atque illi Numidam tabernaculo egredientem et festinantem viderant. Vel fortè nonnulli transfugæ tunc advenerunt, qui interrogati, num in quendam ita et ita et ornatum incidissent, rem omnem aperuerunt.

f *Indicem.*] Clientem suum, quem eâ causâ discessisse credebat, ut Jugurthæ conspirationem suam manifestam faceret.

g *Iram.*] Simulavit Jugurtha se Nabdalsæ fidem habere, ne, in eum talem si pariter sæviret ut in Bomilcarem, seditio aliqua fieret.

h *Tempori.*] Id est, *Dies, noctes, omni denique tempore metuebat.*

que alio loco sæpè contra decus regionum noctu requiescere: interdum somno excitus arreptis armis tumultum facere: ita formidine, quasi vecordiâ, exagitari. Igitur Metellus, ubi de casu Bomilcaris, et indicio patefacto ex perfugis cognovit, rursus, tamquam ad integrum bellum, cuncta parat, festinatque: Marium fatigantem de ^aprofectione, simul et invisum, et offensum, sibi parum idoneum ratus, domum dimittit. Et Romæ plebes, literis, quæ de Metello ac Mario missæ erant, cognititis, ^bvolentia de ambobus acceperant. Imperatori nobilitas, quæ antea decori fuerat ^cinvidiæ esse: at illi alteri ^dgeneris humilitas favorem addiderat: cæterum in utroque magis studia partium, quàm bona, aut mala sua, ^emoderata. Præterea ^fseditiosi magistratus vulgum exagitare: Metellum omnibus concionibus ^gcapitis arcessere: Marii virtutem in majus celebrare. Denique plebes sic accensa, ut opifices, agrestesque omnes, quorum res, ^hfidesque in manibus sitæ erant, relictis operibus ⁱfrequentarent Marium, et sua necessaria post illius honorem ducerent. Ita perculsa nobilitate, post multas tempestates novo homini consulatus mandatur; et postea populus à Tr. pl. Manlio Mantino rogatus, quem vellet cum Jugurthâ bellum gerere, frequens Marium jussit. Sed senatus paulò antè Me-

NOTÆ.

a *Profectione.*] De quâ supra; avebat enim Romam proficisci, consulatum petiturus.

b *Volentia.*] Quandoquidem hæc vox eadem, eodem sensu, ab ipso Sallustio, 4. historiarum, reperitur, dubium non est quia ita scripserit. Posita verò est pro *Grata* aut *Placentia*. Nimirum plebs lætabatur, quòd, per literas, quæ ex Marii mente scriptæ erant, occasio data esset aliquem ex suis promovendi, nobilitatem deprimentis.

c *Invidiæ.*] Quia tunc plebes plùs poterat, cui nobilitatis dominatio invisa erat.

d *Generis.*] Marius humili loco quia natus erat, ideo à plebe magis amabatur.

e *Moderata.*] Id est, non tam ex opinione virtutis, aut socordiæ, seu Metelli, seu Marii, plebs aut nobilitas Metelli, vel Mario, favebat aut nocebat; quàm quia, suos promoveri, alios deprimeri, singulorum animo penitus insederat. Istud verò cuius sit momenti nemo non videt; ut mirari subeat, quomodo tam diu res publica Romana cum hac peste stare potuerit. Causa morbi, superbia, tum populorum, tum magistratuum. Sed, quando ita nati sumus omnes, ut ne quidem ad summum bonum ullo modo cogi sustineamus, ne-

que id unquam ipse deus cogitet; hoc decet in primis, qui rectores et moderatores sunt, sapientiâ stupidam multitudinem prævertere, ut duci se, quòd cæca amat non cogi, quòd libera detestatur, semper cognoscat. Optimè Terentius in quodam prologo de iis amicis quos maximè commendare volebat,

Quorum, inquit, operâ in bello, in otio, in negotio.

Suo quisque tempore usu' est SINE SUPERBIA.

f *Seditiosi.*] Tribuni, scilicet, qui ad seditionem et discordiam tantum creati fuisse videntur.

g *Capitis.*] Id est, *Earum rerum reum facere, et ad populum accusare, ex quibus libertas, dignitas, civitas, vita etiam quandoque amittitur.*

h *Fidesque.*] Hic posita est pro fructu quem quis præcipue ex agro suo decerpit, qui fideliter cum fructum producit, cuique ille fidet. Eodem planè modo loquitur Hor. Od. 16. 1. 3. Gall. dicimus, *Dont tout le bien et tout le revenu consistoit dans le travail de leurs mains.*

i *Frequentarent.*] Non quòd cum eo essent; ad domum ejus obambulabant, eum sequebantur, &c.

tello Numidiam decreverat. ^a Ea res frustra fuit. Eodem tempore Jugurtha, amissis amicis, quorum plerosque ipse necaverat; cæteri formidine, pars ad Romanos, alii ad regem Bocchum profugerant: cùm neque bellum geri sine administris posset, et novorum fidem, in tantâ perfidia veterum, experiri periculosum duceret, varius incertusque agitabatur; neque illi res, neque consilium, aut quisquam hominum satîs placebat: itinera, præfectosque in dies mutare: modò adversum hostes, interdum in solitudines pergere: sæpè in fugâ, at post paulò in armis spem habere: dubitaret virtuti popularium an fidei minùs crederet? Ita, quocumque ¹ intenderat, res adversæ erant. Sed inter eas moras repentè se Metellus cum exercitu ostendit. Numidæ ab Jugurthâ pro tempore parati, instructique sunt: dein prælium incipitur. Quâ in parte rex pugnæ affuit, ibi aliquandiù certatum: cæteri omnes ejus milites primo congressu pulsî, fugatique: Romani signorum, et armorum, at aliquanto numero hostium potiti. Nam fermè Numidas in omnibus præliis magis pedes quàm armata tuta sunt. Eâ fugâ Jugurtha impensius modò rebus suis diffidens, cum perfugis, et parte equitatûs, in solitudines, dein ^b Thalam pervenit; in oppidum magnum, et opulentum: ubi plerique thesauri, filiorumque ejus multus pueritiæ ^c cultus erat. Quæ postquam Metello comperta sunt, quamquam inter Thalam flumenque proximum, in spatio milium quinquaginta, loco arida, atque vasta cognoverat, tamen se patrandi belli, si ejus oppidi potitus foret, omnes asperitates supervadere, ac ^d naturam etiam vincere aggreditur. Igitur omnia jumenta sarcinis levare jubet, nisi frumento dierum x. cæterùm ^e utris modò, et alia aquæ idonea portari. Prætereà conquirat ex agris quàm plurimùm potest domiti pecoris: eoque imponit vasa cujusque modi, sed pleraque lignea, collecta ex tuguriis Numidarum. Ad hoc finitimis imperat, qui se post regis fugam Metello dederant, quàm plurimùm quisque aquæ portaret: diem, locumque, ubi præstò forent, prædicat. Ipse ex flumine, quam proximam aquam oppido esse suprâ diximus, jumenta onerat. Eo modo instructus ad Thalam proficiscitur. Dein ubi ad loci ventum, quò Numidis præceperat; et castra posita, munita-

INTERPRETATIO.

¹ Itaque quòcumque animum converterat, res adversæ erant.

NOTÆ.

^a Ea.] Quòd, nimirum, senatus Metello Numidiam decreverat.

^b Thalam.] Satîs constat Africæ propriæ urbem fuisse: Situs præcisè non cognoscitur.

^c Cultus.] Id est, Quicquid ad educationem et recreationem pertinet.

^d Naturam.] De ariditate loci præcipuè intelligitur.

^e Utris.] Uter pellis est quâ continentur liquores.

que sunt; tanta repente cælo missa vis aquæ dicitur, ut ea modò exercitui satis supèrque foret. Præterea comineatûs spe amplior, quia Numidæ, sicuti plerique in novâ deditione, officia ^aintenderant. Cæterum milites, religione, pluviâ magis usi, eaque res multum animis eorum addidit. Nam rati sese diis immortalibus curæ esse: dein posterâ die, contrâ opinionem Jugurthæ, ad Thalam perveniunt. Oppidani, qui se locorum asperitate munitos crediderant, magnâ atque insolita re perculsi, nihilo segniùs bellum parare: idem nostri facere. Sed rex, nihil jam Metello ^binfectum credens, quippe qui omnia arma, tela, loca, tempora, denique naturam ipsam, cæteris imperitantem, industriâ vicerat, cum liberis, et magnâ parte pecuniæ ex oppido noctu profugit: neque postea in ullo loco ampliùs unâ die, aut unâ nocte moratus; simulabat sese negotii gratiâ properare: cæterum proditionem timebat, quam vitare posse celeritate putabat. Nam talia consilia per otium et ex opportunitate ^ccapi. At Metellus ubi oppidanos prælio intentos, simul oppidum et operibus, et loco munitum videt, vallo fossâque mœnia circumvenit. Dein jubet locis ^eex copiâ maximè idoneis vineas ^dagere, ^fsuperque eas aggerem jacere; et ^esuper aggerem impositis turribus opus administros tutari. Contrâ hæc oppidani festinare, parare; prorsus ab utrisque nihil reliquum fieri. Denique Romani, multo ante labore præliisque fatigati, post dies quadraginta, quàm eò ventum erat, oppido modò potiti: præda omnis à perfugis corrupta. Hi postquam murum ^farietibus feriri, resque suis afflictas vident, aurum, argentumque, et alia, quæ prima ducuntur, domum regiam comportant; ibi vino et epulis onerati, illaque, et domum, et semet igni corrumpunt; et quas victi ab hostibus pœnas metuerant, eas ipsi volentes pependêre. Sed pariter cum captâ Thalâ legati, ex oppido Lepti, ad Metellum venerant; orantes uti præsidium, perfectumque eò mitte-

INTERPRETATIO.

¹ Nam Jugurtha sciebat talia consilia capi per otium et ex opportunitate. ² Deinde jubet vineas promoveri in locis maximè idoneis ex copiâ.

NOTÆ.

a Intenderant.] Ils en avoient fait plus qu'on de leur en avoit demandé. Supra modum, uti in novo imperio solet, officiosi fuerant.

b Infectum.] Id est, Quod à Metello fieri non posset, verum illud Infectum cum formam induat præteriti, maximam vim habet.

c Ex copiâ.] Non dicit absolute, loca fuisse maximè idonea: sed vineas actas

in locis, pro ratione situs et regionibus, maximè idoneis.

d Superque.] Pro ultra positum arbitrator: ita ut pone vineas latentes administri, terram et alia propius muros jacerent, ad constituendum aggerem. Aliter alii, quibus non assentior.

e Super.] Jam super vulgato sensu positum est.

f Arietibus.] Aries machina fuit ad subruendos muros.

ret: Hamilcarem quendam, hominem nobilem, factiosum, novis rebus studere: adversum quem neque imperia magistratuum, neque leges valerent: ni id festinaret, in summo periculo suam salutem, ^a illorum socios, fore. Nam Leptitani, jam inde à principio belli Jugurthini, ad Bestiam consulem, et postea Romam miserant amicitiam, societatemque rogatum. Dein, ubi ea impetrata, semper boni, fidelesque mansêre: et cuncta à Bestiâ, Albino, Metelloque imperata navi fecerant. Itaque ab Imperatore facili, quæ petebant, adepti. Emissæ eò cohortes Ligurum quatuor, et C. Annius præfectus. Id oppidum ab ^b Sidoniis conditum est, quos accepimus profugos, ob discordias civiles, navibus in eos locos venisse: cæterum ¹ situm inter duas Syrtes, quibus nomen ex ^c re inditum. Nam duo sunt ^d sinus propè in ^e extremâ Africâ, impares magnitudine, pari natura: quorum proxima terræ ² præalta sunt, cætera, uti sors tulit, alta: alia in tempestate vadosa. Nam ubi mare magnum esse, et sævire ventis cœpit, limum, arenamque, et saxa ingentia fluctus trahunt; ita facies locorum cum ventis simul mutatur. Syrtes ab tractu nominatæ. Ejus civitatis lingua modò ³ conversa connubio Numidarum. Legum, cultûsque pleraque Sidonica: quæ eò facilius retinebant, quòd præcul ab imperio ^f regis ætatem agebant. ⁴ Inter illos, et frequentem Numidiam inculti vastique loci erant.

Sed quoniam in has regiones per Leptitanorum negotia venimus, non ⁵ indignum videtur, egregium, atque memorabile facinus duorum Carthaginiensium memorare: eam rem nos locus admonuit. Quâ tempestate Carthaginienses pleræque Africæ imperitabant. Cyrenenses quoque magni atque opulenti fuêre. Ager

INTERPRETATIO.

¹ Cæterum oppidum positum est | mutata per connubia Numidarum.
inter duas Syrtes.

² Quorum proxima loca terræ | ⁴ Inter illos, et hominibus frequentatam Numidiam loci inculti
sunt maximè profunda.

³ Ejus civitatis lingua tantum | vastique erant.

NOTÆ.

a *Illorum.*] Romanorum.

b *Sidoniis.*] Sidon urbs fuit Pæstinae antiquissima, plurimarum coloniarum mater; quanquam Tyro nonnulli Leptim adscribunt. Sed notandum, quod de illis urbibus, propter vicinatem, et similitudinem, etiam ipsius Christi unum et idem fuit judicium.

c *Re.*] Tractu scilicet, ut dicetur postmodum ab ipso Sallustio. At Græca est

originatio; nam *τοπος* Græcorum est *Trabo* Latinorum.

d *Sinus.*] Gall. *Des golfes*. Ita vocatur mare, cum alicubi litora curvat, et terras intrat.

e *Extremâ.*] Versus orientem, et secundum veterem Geographiam.

f *Regis.*] Quicumque tandem iis imperitaverit, sive Masinissa, Micipsa, aut quis alius fuerit.

g *Indignum.*] Gall. *Hors de propos*.

in medio arenosus ^aunâ specie: neque flumen, neque mons erat, qui fines eorum discerneret: ^bquæ res eos in magno diuturnoque bello inter se habuit. Postquam utrimque legiones, item classes sæpè fusæ, fugatæque; et alteri alteros aliquantùm attriverant, veriti ne mox victos, victoresque defessos alius aggrediretur, per inducias ^csponsionem faciunt, uti certo die legati domo profiscerentur; quo in loco inter se obvii fuissent, is communis utriusque populi finis haberetur. Igitur duo fratres Carthagine missi, quibus nomen Philænis erat, maturavêre iter pergere: Cyrenenses tardius ⁱêre. Id socordiâne, an casu acciderit, parùm cognovi. Cæterùm solet in locis illis tempestas haud secùs, atque in mari, retinere. Nam, ubi per loca æqualia, et ²nuda gignentium, ventus co-ortus arenam humo excitavit, ea magnâ vi agitata, ora, oculosque implere; ita prospectu impedito, morari iter. Postquam Cyrenenses aliquantò ^dposteriores se esse vident, et ob rem corruptam, domi pœnas metuunt; ³criminari Carthaginienses ante tempus domo digressos: conturbare rem: denique omnia malle, quàm victi abire. Sed cùm ^ePœni aliam conditionem tantummodo æquam peterent, ^fGræci ^goptionem Carthaginensium faciunt; uti vel illi, ^hquos fines populo suo peterent, ibi vivi obruerentur; vel eâdem conditione sese, quem in locum vellent, processuros. Philæni, conditione probatâ, seque, vitamque suam reip. condonavêre; ita vivi obruti. Carthaginienses in eo loco Philænis

INTERPRETATIO.

¹ Cyrenenses lentiore gradu processerunt.

² Cum ventus obortus excitavit humo arenam per loca plana et plantis omnibus destituta, ea arena agitata magnâ vi implet ora et oculos.

³ Postquam Cyrenenses vident se esse aliquantò posteriores, et timent ne domi puniantur ob rem perditam; cæperunt criminari et accusare Carthaginienses, quasi domo digressi essent ante tempus.

NOTÆ.

a Unâ.] Locus erat, ubi neque mons, neque flumen, prout dicit auctor, conspiciebatur: ubi denique facies una et eadem. Gall. *Une rase campagne.*

b Quæ res.] Quòd, scilicet, fines nulli essent. Quæ vero, inquires, litibus materia? Multiplex nascitur vel ex solâ jurisdictione, quia locus fuit viatoribus frequentatus: libidini verò quid intactum esse potest?

c Sponsionem faciunt.] Id est, conveniunt, et consenserunt. Gall. *Ils convinèrent.*

d Posteriores.] Intellege eos ad medium campum non pervenisse, Philænosque plùs quàm dimidiam partem itineris emensos

fuisse; atque adeò magnum agri partem civibus diligentia suâ lucrificasse.

e Pœni.] Carthaginienses, Pœni dicti, quasi Phœni, à Phœnicibus, unde originem ducebant.

f Græci.] Cyrenenses, quos antea Græcâ esse origine vidimus.

g Optionem.] *Ils leur donnerent le choix.* Ita loquitur Terentius alicubi in fabularum prologis, cùm dicit, *Vestrum judicium fecit, pro, Vobis judicandum reliquit.*

h Quos.] Hunc nota loquendi modum: sensus est apertissimus; sed phrasis extra ordinem constructionis.

fratribus aras consecravêre, aliique illis domi honores instituti. Nunc ad rem redeo.

Jugurtha postquam, amissâ Thalâ, nihil satîs firmum contrâ Metellum putat, per magnas ^a solitudines cum paucis profectus, pervenit ad Gætulos, genus hominum ferum, incultumque, et eo tempore ignarum nominis Romani. Eorum multitudinem in unum cogit; ac paulatim consuefacit ^b ordines habere, signa sequi, imperium observare, item alia militaria facere. Præterea regis Bocchi ¹ proximos magnis muneribus, et majoribus promissis ad studium sui perducit: quis adjutoribus regem aggressus, impellit, ut adversum Romanos bellum suscipiat. Id eâ gratiâ facilius, proniusque fuit, quòd Bocchus initio hujusce belli legatos Romam miserat, fœdus, et amicitiam petitum. Quam rem opportunissimam incepto ^c belli ^d pauci impediverant, cæci avaritiâ, quîs omnia honesta, atque inhonesta vendere mos erat. Etiam antea Jugurthæ filia Boccho nupserat. Verùm ea necessitudo apud Numidas, Maurosque levis ducitur; quòd singuli pro opibus, quisque quàm plurimas uxores, denas alii, alii plures habeant; sed reges eo ampliùs. Ita ^e animus multitudine distrahitur: ^f nullam pro ^g sociâ obtinet: pariter omnes viles sunt. Igitur in locum ambobus placitum exercitus conveniunt. Ibi, fide datâ et acceptâ, Jugurthâ Bocchi animum oratione accendit: Romanos injustos, profundâ avaritiâ, communes omnium hostes esse: ^h eandem illos causam belli cum Boccho habere, quàm secum, et cum aliis gentibus: lubidinem imperitandi, quîs omnia regna adversa sint: ² tum sese, paulò antè Carthaginienses, item regum ⁱ Persen: ^k post uti quisque opulentissimus videatur, ita Romanis

INTERPRETATIO.

¹ Adducit ad sui studium familiares et amicos regis Bocchi magnis muneribus, et majoribus promissis. esse tum hostem Romanis. Carthaginienses fuisse hostes paulò antè, item regem Persen; post, ita quemvis iis hostem fore, uti quisque videatur opulentissimus.

² Dicit Boccho, sese Jugurtham quemque videatur opulentissimus.

NOTÆ.

^a Solitudines.] Des déserts.

^b Ordines habere.] A garder leurs rangs.

^c Belli.] Contra Jugurtham, scilicet, quia Bocchus vicinus erat.

^d Pauci.] Nobiles Romani.

^e Animus.] L'affection.

^f Nullam.] Mallem nulla.

^g Sociâ.] Matrona et matrefamilias, ut apud Romanos.

^h Eandem.] Cupit Jugurtha, Bocchum intelligere, ipsi, perinde ac sibi, aliis regibus Romanos hostes esse, quantumvis

bellum non indixissent: quandoquidem unâ et eâdem libidine in omnes successivè insurgerent.

ⁱ Persen.] Rex fuit Macedoniæ quem Paulus Æmilius debellavit, et in triumphum duxit.

^k Post.] In quibusdam codicibus vox ista cum præcedente, nullâ interpositâ virgulâ, colligitur; unde error in Chronologiam inducitur; si quidem Perses antè, non post Carthaginienses, devictus est.

hostem fore : His, atque aliis talibus dictis, ad Cirtam oppidum iter constituunt ; quod ibi Q. Metellus prædam captivosque et impedimenta locaverat. Ita Jugurtha ratus, aut, captâ urbe, ^a operæ pretium fore ; aut si Romanus auxilio suis venisset, prælio sese certaturos. Nam callidus id modò festinabat, Bocchi ^b pacem imminuere ; ne, moras agitando, aliud quàm bellum, mallet. Imperator postquam de regem societate, cognovit, non temerè, neque, uti sæpè, jam victo Jugurthâ, consueverat, omnibus locis pugnandi copiam facit : cæterum haud procul ab Cirtâ castris munitis, reges opperitur : meliùs esse ratus, cognitis Mauris, quoniam is novus hostis accesserat, ex commodo pugnam facere. Interim Româ per literas fit certior, Mario provinciam Numidiam datam. ^c Nam consulem factum antè acceperat. Quibus rebus supra bonum atque honestum percussus, neque lacrymas tenere, neque moderari linguam, vir egregius in aliis artibus, nimis molliter ægritudinem pati. Quam rem alii in ^e superbiam vertebant : alii bonum ingenium contumeliâ accensum esse : multi, quòd jam parta victoria ex manibus eriperetur : nobis satis cognitum, illum magis honore Marii, quàm injuriâ suâ, ex-cruciatum : neque tam anxie laturum fuisse, si ademptâ provinciâ alii, quàm Mario, traderetur. Igitur eo dolore impeditus, et quia stultitiæ videbatur ^d alienam rem periculo suo curare, legatos ad Bocchum mittit, postulatum, ne sine causâ hostis populi Rom. fieret : habere eum magnam copiam societatis, amicitiaque conjungendæ, quæ potior bello esset : quanquam opibus suis confideret, tamen non debere incerta pro certis mutare : omne bellum sumi facilè, cæterum ægerrimè desinere : non in ejusdem potestate initium ejus, et finem esse : incipere cuivis etiam ignavo licere : deponi, cum victores velint : proinde sibi, regnoque suo consuleret : neu florentes res suas cum Jugurthæ perditis ^e misceret. Ad ea rex satis placidè verba facit : sese pacem cupere, sed Jugurthæ fortunarum misereri : si eadem illi ^f copia fieret, omnia conventura. Rursus imperator, contra postulata Bocchi, nuncios mittit. Ille probare partim, alia abnuere. Eo modo, sæpè ab utroque missis remissisque nunciis, tempus procedere, et ^g ex Metelli voluntate bellum intactum trahi. At Marius, uti

NOTE.

^a *Operæ pretium.*] Gall. *Que re seroit un coup d'importance, et qui en vaudroit bien la peine.*

^b *Pacem.*] Id est, *In eum locum et statum Bocchum adducere, ut amplius non posset de pace cum Romanis inveniendâ cogitare.*

^c *Superbiam.*] Eam fuisse ex futilibus, quos addit aliorum conjecturis, satis patet.

^d *Alienam.*] Gloriam, scilicet, et triumphum Marii.

^e *Misceret.*] Vide an non ab istis Romanis prudentiam nullo tuo periculo querere possis.

^f *Copia.*] Id est, *Si fœdus cum Jugurthâ quoque sanciretur.* Paulò obscurius expressit : sed auctor noster quæ leviora sunt expedit, et ad eventum festinat.

^g *Ex Metelli.*] Illud est quod suprâ dixit, Stultitiæ videri rem alienam periculo suo curare.

suprà diximus, cupientissimâ plebe consul factus, postquam ei provinciam Numidiam populus ^a jussit, antea jam infestus nobilitati, tum verò ^b multus, atque ferox instare: singulos modò, modò universos lædere: dictitare, sese consulatum ex victis illis ¹ spolia cepisse: alia prætereà magnifica pro se, et illis dolentia: interim, quæ bello opus erant, prima habere: postulare legionibus supplementum: auxilia à populis, et regibus, sociisque arcescere: prætereà ex Latio fortissimum quemque, plerosque ^c militiâ, paucos ^d famâ cognitos accire: et ^e ambiendo cogere homines ^f emeritis stipendiis secum proficisci. Neque illi senatus, quamquam adversus erat, de ullo negotio negare audebat: cæterum supplementum etiam lætus decreverat: quia neque plebi militia ^g volenti putabatur, et Marius aut ^h belli usum, aut studia vulgi amissurus. Sed ea res frustrâ sperata: tanta libido cum Mario eundi plerosque invaserat. ² Sese quisque prædâ locupletum fore, victorem domum rediturum. Alia hujuscemodi animis trahabant; et eos non paulum oratione suâ Marius ³ arrexerat. Nam postquam, omnibus, quæ postulaverat, decretis, milites scribere vult; hortandi causâ, simul et nobilitatem, uti consueverat, exagitandi, concionem populi advocavit; deinde hoc modo disseruit:

“Scio ego, Quirites, plerosque non iisdem artibus imperium à vobis petere, et postquam adepti sunt, gerere: primò industrios, “supplices, ⁴ modicos esse: dein per ignaviam, et superbiam ætatem agere; sed mihi contrâ videtur. Nam quò universa resp.

INTERPRETATIO.

- | | |
|---|---|
| <p>¹ <i>Marius dictitabat sese cepisse consulatum, tanquam spolia, ex illis victis.</i></p> <p>² <i>Quisque credebat sese fore locupletem prædâ, et rediturum</i></p> | <p><i>victorem domum; alia hujusmodi animis volvebant.</i></p> <p>³ <i>Et Marius non parum eos in spem erexerat oratione suâ.</i></p> <p>⁴ <i>Scio eos primò esse laboriosos, supplices, moderatos.</i></p> |
|---|---|

NOTÆ.

- | | |
|---|---|
| <p>a <i>Jussit.</i>] Populus jubet, senatus discernit.</p> <p>b <i>Multus.</i>] Id est, acer et in exagitanda nobilitate assiduus.</p> <p>c <i>Militiâ.</i>] Id est, rei militaris peritia. Gall. <i>Par ce qu'il avoit vu de leur expérience au metier de la guerre.</i></p> <p>d <i>Famâ.</i>] Nota, non dicit Marium famæ credidisse, et paucos accivisse, qui eâ tantum clari essent. Benè sanè, nam, ut habet, poeta, fama.</p> <p>e <i>Ambiando.</i>] Quia ad bellum, nisi in tumultu, legibus non cobeantur.</p> | <p>f <i>Emeritis.</i>] Qui militant, stipendia merentur: unde emeriti et veterani illi dicuntur, qui stipendia impleverunt, atque id omne tempus militiæ dederunt, quod legibus constitutum est.</p> <p>g <i>Volenti.</i>] Phrasis est ex veteri latinitate: id est, plerique credebant militiam populo minùs placere.</p> <p>h <i>Belli usum.</i>] Nobiles arbitrabantur, vel Marium infeliciter bellum sine supplementis administraturum, vel, ea si invito populo scriberet, ejus gratiam amissurum. Sed vide mihi, quæso, quantum periculum ex superbiâ, deinde discordiâ, reipublice immineat.</p> |
|---|---|

“pluris est quàm consulatus, aut prætura, ¹ eo majore curâ illam
 “administrari, quàm hæc peti debere. Neque me fallit, quantum,
 “cum maximo beneficio vestro, negotii sustineam. Bellum pa-
 “rare, simul et ærario parcere: cogere ad militiam ² eos quos
 “nolis offendere: domi forisque omnia curare: et ea agere inter
 “invidos, ³ occurrentes, factiosos, ⁴ opinione, Quirites, asperius
 “est. Ad hoc, alii si deliquere, vetus nobilitas, majorum facta
 “fortia, cognatorum et affinium opes, multæ ⁵ clientelæ, omnia
 “hæc præsidio adsunt: mihi spes omnes in memet sitæ, quas
 “necesse est et virtute, et innocentia tutari: nam ⁶ alia infirma
 “sunt. ⁷ Et illud intelligo, Quirites, ⁸ omnium ora in me ⁹ con-
 “versa esse: æquos, bonosque favere: quippe benefacta mea reip.
 “procedunt: nobilitatem ¹⁰ locum invadendi quærere. Quò mihi
 “acrius adnitendum est, uti neque vos ¹¹ capiamini, et illi frustrâ
 “sint. Ita ad hoc ætatis à pueritiâ fui, ut omnes labores, peri-
 “cula consueta habeam. Quæ antea vestra beneficia gratuitò fa-
 “ciebam, ea uti, accepta ¹² mercede, deseram, non est consilium,
 “Quirites. Illis difficile est in potestatibus ¹³ temperare, qui per
 “ambitionem sese probos simulavere, mihi, qui omnem ætatem
 “in optimis artibus egi, bene facere jam ex consuetudine ¹⁴ in
 “naturam vertit. Bellum me gerere cum Jugurthâ jussistis:
 “quam rem nobilitas ægerrimè tulit. Quæso, reputate cum ani-
 “mis vestris, num id mutari melius sit: si quem ex illo ¹⁵ globo no-
 “bilitatis ad hoc, aut aliud tale, negotium mittatis: hominem ve-

INTERPRETATIO.

¹ Nam mihi videtur, quò, uni-
 versa respublica pluris est quàm
 prætura aut consulatus; illam de-
 bere administrari eo majore curâ
 peti.

² Intelligo nobilitatem quærere
 occasionem sibi vindicandi domi-
 nationem.

³ Quapropter mihi vehementius
 adnitendum est, uti neque vos in
 fraudem incidatis, et illi frustrâ
 sint.

⁴ Difficile est illis modestè sese
 gerere in potestatibus, qui se pro-
 bos simulaverunt, dum amibant.

NOTÆ.

a Eos.] Eos populo ipse loquitur, apud
 quem orationem habebat, in quâ plurima
 sunt certè, quæ non sine causâ quivis me-
 moriæ mandet.

b Occurrentes.] De nobilibus agit, qui
 novorum hominum conatibus semper re-
 sistebant.

c Opinione.] Gall. C'est une chose plus
 fâcheuse qu'on ne pense.

d Clientelæ.] Ita vocantur civitates, seu
 multitudines hominum quæ alicui potenti
 adhærent, ejusque patrocinio utuntur.

e Alia.] Dicit se neque cognatos, ne-
 que clientelas, neque id genus alia ha-
 bere: sed solâ virtute niti.

f Et.] Gall. dicemus, Je sais d'autre
 part. Particularum vim antea omnia cog-
 noscere debet, quisquis alicujus linguæ
 accuratam notitiam habere cupit.

g Omnium.] Vestrûm, scilicet, qui ex
 plebe estis.

h Conversa.] Id est, qui omnia bonâ à
 me expectatis.

i Mercede.] Consulatu, videlicet, et in
 eum exercitum imperio, qui in Numidiâ
 est.

k In naturam.] Istud maximè homines
 ad virtutis habitum inflammare debet.

l Globo.] Istud est valdè invidiosum.

“teris prosapiæ, aut multarum ^aimagineum, et ^bnullius, stipendii:
 “scilicet ut in tantâ re ignarus omnium trepidet, festinet: ¹sumat
 “aliquem ex populo monitorem officii sui. Ita plerumque evenit,
 “utî, quem vos imperare jussistis, is sibi imperatorem alium quæ-
 “rat. ²At ego sciò, Quirites, qui, postquam consules facti sunt,
 “acta majorum, et Græcorum militaria præcepta legere cæpe-
 “rint: homines ^cpræposterî! ³^dNam gerere, quam fieri, tempore
 “posterius, re, atque usu prius, est. Comparete nunc, Quirites,
 “cum illorum superbiâ me hominem novum. Quæ illi audire, et
 “legere solent, eorum partem vidi, alia egomet gessi. Quæ illi
 “literis, ea ego militando, didici. Nunc vos exestimate, facta, an
 “dicta pluris sint. Contemnunt novitatem meam, ego illorum ig-
 “naviam. Mihi fortuna, illis probra objectantur. Quamquam ego
 “naturam unam, et communem omnium existimo; sed fortissi-
 “mum quemque ^egenerosissimum esse. Ac si jam ex patribus
 “Albini, aut Bestiæ, quæri posset, mene, an illos, ex se gigni ma-
 “luerint; quid responsuros creditis, nisi, sese liberos quàm opti-
 “mos voluisse? Quòd si jure despiciunt me, ^ffaciant idem majo-
 “ribus suis; quibus, utî, mihi, ex virtute nobilitas cæpit. Invident
 “honori meo: ergo ^ginvideant labori, innocentiae, periculis etiam
 “meis: quoniam per hæc illum cepi. Verùm homines corrupti
 “superbiâ ita ætatem agunt, quasi honores vestros contemnant:
 “ita hos petunt, quasi honestè vixerint. Næ illi falsi sunt qui di-
 “versissimas res pariter expectant, ignaviæ voluptatem, et ^hpræ-
 “mia virtutis. Atque etiam cùm apud vos, aut in senatu, verba

INTERPRETATIO.

¹Sumat aliquem ex populo, qui
 de officio suo admoneat.

²At ego quosdam cognosco, Qui-
 rites, qui postquam consules facti

sunt, cæperint legere acta majo-
 rum, &c.

³Nam gerere imperium est prius
 re et experientiâ, quàm fieri impe-
 rator quod est tempore posterius.

NOTÆ.

a *Imaginum.*] Antea vidimus moris fu-
 isse, majorum imagines habere. Per ima-
 gines verò, veterem prosapiam intelligit,
 quam deridet.

b *Nullius.*] Id est, qui nunquam fuit in
 exercitu.

c *Præposterî.*] Ita vocantur qui, quod
 primum est, ultimum: quod ultimum, pri-
 mum exequuntur.

d *Nam gerere.*] Sensus est, ni fallor, vi-
 ro opus esse antè bonas artes, quæ ad im-
 perium aliquod gerendum requiruntur, de-
 dicisse et exercuisse, quàm publico suffra-
 gio illud administret, aut ad id promovea-
 tur.

e *Generosissimum.*] Perinde est ac si dix-
 isset, virtute veram nobilitatem comparari.

f *Faciant.*] Id est, Majores quoque suos
 despiciant.

g *Invideant.*] Nobilitatis carpit ignavi-
 am, quasi dicat, Cur non pariter illi sese
 objectant periculis? Cur non laborant? &c.

h *Præmia.*] Attende, quæso, ad Marii
 scopum: virtuti sicut et ignaviæ, delicias
 suas esse dicit; sed quæ illius sunt ita ab
 his differre, ut nullius simul utriusque pos-
 sit commoditatibus et oblectamentis gau-
 dere. At enim voluptatis nomine, sicuti
 infames et obtusas notavit socioordiae dulcedi-
 nes; ita verò præmii appellatione hon-
 estas et viriles virtutis illecebras insignit.
 Utinam omnibus hæc nota esset differen-
 tia! Qui volet, eâ causâ Cebetis tabulam
 vidcat.

“faciunt, plerâque oratione majores suos extollunt: eorum fortia
 “facta memorando clariores sese putant; quod contrâ est. Nam
 “quanto vita illorum præclarius, tantò horum socordia flagitio-
 “sior. Et profectò ita se res habet, majorum gloria posteris lu-
 “men est; neque bona, neque mala eorum in occulto patitur.
 “Hujusce rei ego inopiam patior, Quirites. Verùm id, quod mul-
 “tò præclarius est, meamet facta mihi dicere licet. Nunc videte,
 “quàm iniqui sint. Quod ex alienâ virtute sibi arrogant, id mihi
 “ex meâ non concedunt. ^aScilicet quia imagines non habeo, et
 “quia mihi nova nobilitas est: ^bquam certè peperisse melius est,
 “quàm acceptam corrupisse. Equidem ego non ignoro, si jam
 “mihi respondere velint, abundè illis facundam, et compositam
 “orationem fore. Sed in maximo vestros beneficio, cùm omni-
 “bus locis me, vosque maledictis lacerent; non placuit reticere,
 “ne quis ^cmodestiam in conscientiam duceret. Nam me quidem
 “^dex animi sententiâ nulla oratio lædere potest. Quippe ^evera,
 “necesse est bene prædicet: falsam vita, moresque mei ^esupe-
 “rant. Sed quoniam vestra consilia accusantur, ^fqui mihi sum-
 “mum honorem, et maximum negotium imposuistis; etiam at-
 “que etiam reputate, num id ^gpœnitendum sit. Non possum,
 “^hfidei causâ, imagines, neque triumphos, aut consulatus majorum
 “meorum ostentare; at, si res postulet, hastas, vexillum, ⁱpha-
 “leras, alia dona militaria; prætercâ cicatrices ^kadverso corpore.
 “Hæ sunt meæ imagines, hæc nobilitas, non hereditate relicta,
 “ut illa illis; sed quæ ego plurimis meis laboribus, et periculis

INTERPRETATIO.

¹ Nam si oratio vera est, necesse est bene de me prædicet; vila
 verò, et mores mei saperant falsam orationem.

NOTÆ.

a Scilicet.] Sæpius de imaginibus lo-
 quitur, qui nobiles quantum inde fovebant
 superbiam, tantam illis indidem conciliat
 invidiam.

b Quam.] Vis quædam latet et aculeus
 sub istâ brevi, et festinante, Marii respon-
 sione, quam omnes non sentiunt.

c Modestiam.] Id est, ne quis, si omninò
 tocuissem, idèò me non respondere crede-
 ret, quod conscientia aliquid exprobraret.

d Ex animi.] Id est, quo modo virtute
 mentem et animum composuit.

e Superant.] Beatus est certè, qui, cons-
 cius recti, infractus et intactus famæ
 mendacia verè et ex animo ridere potest.
 Famæ approbatio maximum est bonum,
 sed plerumque fortunæ donum; quoque

adèò, ut ejus omnia, neque nimis quærere,
 neque nimis contemnere, sed quale est
 ferre decet.

f Qui.] Constructio est extraordinaria,
 refertur enim relativum ad rem intellectam
 non ad nomen.

g Pœnitendum.] Id est, mutandum.
 Metonymia est.

h Fidei causâ.] Id est, et vobis ea pro-
 bem, quæ de me prædico.

i Phaleras.] Phaleræquamquam sæpius
 pro ornamentis equorum veniunt, sunt ta-
 men etiam virorum nobilium, et virtute bel-
 licâ conspicuum insignia.

k Adverso.] Id est, quæ, dum ego stre-
 nues hostes ferirem, vulneratum me esse
 indicant.

“quæsi. Non sunt ^acomposita verba mea. Parùm id facio.
 “Ipsa se virtus satìs ostendit: illis artificio opus est, uti turpia
 “facta oratione tegant. Neque literas Græcas didici: parùm pla-
 “cebat eas discere, quippe quæ ad virtutem ^bdoctoribus nihil
 “profuerunt. At illa multò optima reip. doctus sum; hostes ferire,
 “præsidia ^cagitare, nihil metuere, nisi turpem famam; hiemem,
 “et æstatem juxta pati; humi requiescere; eodem tempore ino-
 “piam, et laborem tolerare. ^dHis ego præceptis milites hortabor.
 “Neque illos ^earctè colam, me opulenter; neque gloriam meam
 “^flaborem illorum faciam. Hoc est utilè, hoc ^gcivile imperium.
 “Namque, cùm tutè per molliem agas, exercitum supplicio co-
 “gere, hoc est ^hdominum non imperatorem esse. Hæc, atque
 “talìa majores vestri faciundo, seque, remque publicam celebra-
 “vère. ⁱQuis nobilitas freta, ipsa dissimilis moribus, nos illorum
 “emulos contemnit; et omnes honores, non ex merito, sed quasi
 “^jdebitos, à vobis repetit. Cæterùm homines superbissimi procul
 “errant. Majores eorum omnia, quæ ^klicebat, illis reliquere; di-
 “vitiis, imagines, memoriam sui præclaram. Virtutem non reli-
 “quere; neque poterant. Ea sola neque datur dono, neque acci-
 “pitur. Sordidum me, et incultis moribus aiunt, quia parùm scitè
 “convivium exorno, neque histrionem ullum, neque ^lpluris pretii
 “coquum, quam ^mvillicum, habeo. Quæ mihi lubet confiteri, Qui-
 “rites. Nam et ex parente meo, et ex aliis ⁿsanctis viris, ita ac-
 “cepi, munditias ^omulieribus, viris ^plaborem convenire; omnibus
 “bonis oportere plus gloriæ, quàm divitiarum esse; arma, non

INTERPRETATIO.

¹Neque mihi gloriam parabo
 ex labore ipsorum.

²Majores eorum reliquerunt il-
 lis omnia quæ potuerunt.

NOTÆ.

a *Composita.*] Prout dicunt nobiles, sci-
 licet. Nam oratio tota est ad eos insec-
 tandos.

b *Doctoribus.*] Græci enim a Romanis
 victi sunt.

c *Agitare.*] *Savoir faire une bonne gar-
 de, ou, commander à une garnison.*

d *His.*] Sunt illi optimi præceptores
 qui rebus et exemplis docent, non qui
 vanà et futili suà loquacitate, quicquid re-
 fugiunt ipsi, aliis imperant.

e *Arctè.*] Id est, *Militibus ea minùs præ-
 bendo quæ ad vitam necessaria sunt, sicuti
 factum ab aliis imperatoribus.*

f *Civile.*] Id est, *honestum, quodque li-
 beros homines deceat.*

g *Dominum.*] Refertur vox ista ad ser-
 vum; quasi dicat alios imperatores tyran-
 norum more, militibus, tanquam servis
 imperitasse.

h *Quis.*] Majoribus, scilicet.

i *Debitos.*] Supple, *quoquo modo illi vix-
 erint.*

k *Pluris.*] Scilicet illis dominis, undi-
 que coqui conquirendi sunt, quibus egre-
 giè palatum sapiat. Non illud dicit
 Marius adversus nobiles, sed intelligi-
 tur.

l *Villicum.*] Servius erat qui aliis in
 villa præerat.

m *Sanctis.*] Sanctus is dicitur, qui quod
 sancitum est servat, qui secundum leges
 vivit. Non idem est quem nos *Saint* di-
 cimus.

n *Mulieribus.*] Id est, *effæminatis*, si
 Marium nobiles acriùs vellicasse cre-
 das.

o *Laborem.*] Si in tempora aut eos ho-
 mines incedissemus, quantà suavitas in
 vità esset?

“supplectilem, decori esse. Quin ergo, quod juvat, quod carum
 “æstimant, id semper faciant: ament, potent: ubi adolescentiam
 “habuêre, ibi senectutem agant, in conviviis, dediti ventri, et
 “turpissimæ parti corporis; sudorem, pulverem, et alia talia re-
 “linquant nobis, quibus illa epulis jucundiora sunt. Verùm non
 “ita est: Nam, ubi se flagitiis dedecoravêre turpissimi viri, bo-
 “norum præmia ereptum eunt. Ita ^ainjustissimè luxuria et igna-
 “via, pessimæ artes, illis, qui coluêre eas, nihil ¹officiunt, reip.
 “innoxia cladi sunt. Nunc, quoniam illis, ^bquantùm mores mei,
 “non illorum flagitia poscebant, respondi: pauca de rep. loquar.
 “Primum omnium de Numidiâ bonum habetote animum, Quiri-
 “tes. Nam quæ ad hoc tempus Jugurtham tutata sunt, omnia re-
 “movistis; ^cavaritiam, imperitiam, superbiam. Dein exercitus
 “ibi est locorum sciens, sed mehercule magis strenuus, quàm fe-
 “lix. Nam magna pars ejus avaritiâ, aut temeritate ducum, at-
 “trita est. Quamobrem vos, ^dquibus militaris ætas est, adnitimini
 “mecum, et capessite remp. neque quenquam ex ^ecalamitate alio-
 “rum, aut imperatorum superbiâ, metus ceperit. Egomet in ag-
 “mine, in prælio consultor idem, et socius periculi vobiscum
 “adereo; meque, vosque in omnibus rebus juxta geram. Et pro-
 “fecto, diis juvantibus, omnia ²matura sunt, victoria, præda, laus:
 “quæ si dubia, aut procul essent, tamen omnes bonos reip. subve-
 “nire decet. Etenim nemo ignaviâ immortalis factus; neque quis-
 “quam parens liberis, ut æterni forent, optavit; magis, uti boni,
 “honestique, vitam exigerent. Plura dicerem, Quirites, si timidus
 “virtutem verba adderent. Nam strenuis abundè dictum puto.”

Hujuscemodi oratione habitâ, Marius, postquam plebis animos
 arrectos videt, properè commeatu, stipendio, armis, aliisque uti-
 libus naves onerat; cum his A. Manlium legatum proficisci jubet.
 Ipse interea milites scribere, non more majorum, neque ex

INTERPRETATIO.

¹ *Eo modo, per maximam injus-* | *coluerunt: sunt detrimenta et rui-*
titiam, luxuria et ignavia pessi- | *næ reipublicæ innoxia.*
mæ artes nihil nocent illis, qui eas | ² *Omnia sunt prona et facilia.*

NOTÆ.

a *Injustissimè.*] Istud diligenter obser-
 vandum est, nam luxuria et ignavia, quan-
 do in republicâ coeunt, illi necessariò pes-
 tem important.

b *Quantùm.*] Ita verò quisque magis
 quid se dignum sit, quàm quid in alios
 fieri possit, consulere debet; eademque
 operâ sæpissimè luctum, semper verò
 magnam curam, magnumque laborem, si-
 bi demserit.

c *Avaritiam.*] Bestiam, Aulum, et Me-
 tellum ordine carpit; deinde sibi, quam-
 quam indirectè, laudem maximam tribuit.

d *Quibus.*] Antea vidimus populi volun-
 tatem ad militiam non inclinam fuisse.

e *Calamitate.*] Causam removet, quâ
 militiam populus detrectabat, dum spem
 injicit, non, ipso imperante, futurum, ut
 quisquam inopiâ commeatum, aut ducis
 injuriâ pereat.

^aclassibus: sed uti cujusque lubido erat, ^bcapite censos plerosque. Id factum alii inopiâ ^cbonorum alii per ambitionem consulis, memorabant; quòd ab eo genere celebratus, auctusque erat; et homini potentiam quærenti egentissimus quisque opportunissimus; cui neque sua curæ, (quippe quæ nulla sunt) et ^domnia cum pretio honesta videnter. Igitur Marius cum aliquantò majore numero, quam decretum erat, in Africam profectus, paucis diebus Uticam advehitur. Exercitus ei traditur à P. Rutilio legato. Nam Metellus conspectum Marii fugerat, ^ene videret, ea, quæ audita animus tolerare nequiverat. Sed consul, expletis, ^elegionibus, cohortibusque auxiliariis, in agrum fertilem, et prædâ onustum proficiscitur. Omnia ibi capta militibus donat: dein castella, et oppida naturâ et viris parùm munita aggreditur: prælia multa, cæterùm alia levia ²aliis locis facere. Interim novi milites sine metu pugnae adesse: videre fugientes capi aut occidi; fortissimum quemque tutissimum: armis libertatem, patriam, parentesque, et alia omnia tegi; gloriam, atque divitias quæri. Sic brevi spatio novi veteresque ^fcoaluère, et virtus omnium æqualis facta. At reges ubide adventu Marii cognoverunt, diversi in locos difficiles abeunt. Ita Jugurthæ placuerat, speranti, mox effusos hostes invadi posse; Romanos, sicuti plerosque remoto metu, laxiùs, licentiùsque futuros. Metellus interea Romam profectus, contrà spem suam lætissimis animis excipitur: plebi, patribusque postquam ^ginvidia decesserat, juxtâ carus. Sed Marius impigrè, prudenterque suorum, et hostium res pariter attendere; cognoscere quid boni utrisque, aut contrà esset; explorare itinera regum: consilia, et insidias eorum antevenire: nihil apud se remissum, neque apud alios

INTERPRETATIO.

¹ Ne videret ea, quæ animus nequiverat tolerare, cum ab ipso audita fuerant.

² Fecit Multa prælia, cæterùm alia levia, diversis locis.

NOTÆ.

a *Classibus.*] Servius Tullius, qui primus census instituit, pro ejus ratione universum populum in classes et centurias descripsit et divisit. Classes quinque fuerunt: pro majoris, aut minoris, census æstimatione; nullâ habitâ ferè ratione multitudinis, quæ ab omnibus oneribus, et militari operâ, immunis erat: quamquam numero quinque reliquas classes æquaret.

b *Capite censos.*] Ita vocabantur, quorum census nullus erat, seu multitudo illa, de quâ modò, quæ sextam classem faciebant; sed vix in numerum relatam, ut, vel ex hoc Sallustii loco, cernere licet.

c *Bonorum.*] Id est, eorum hominum qui aliquo in numero fuissent.

d *Omnia cum pretio.*] Id est, omnia quæ cum lucro conjuncta sunt.

e *Legionibus.*] Romanorum, scilicet: sed illud vox ipsa exprimit.

f *Coaluère.*] Id est, unum et ejusdem naturæ corpus facti sunt.

g *Invidia.*] Quia, scilicet imperio spoliatus fuerat. Videant verò illi, quorsum evadat superbia, qui sine virtute magnificè per omnium ora ambulant. Metellum summum virum, auctoritate senatûs innoxium, omnibus gratum, de gloriæ summo fastigio dejicit; usque adeò invidiosum et ruinosum est, quod nimium est.

tutum, pati. Itaque Gætulos, et Jugurtham, ¹ex sociis nostris prædas agentes, sæpè aggressus in itinere fuderat; ipsumque regem haud procul ab oppido Cirtâ, armis exuerat. Quæ postquam gloriosa modò, neque belli, ²patrandi cognovit; statuit urbes, quæ viris, aut loco pro hostibus, et adversum se opportunissimæ erant, singulas circumvenire: ita Jugurtham aut præsiidiis nudatum, si ea pateretur, aut prælio certaturum. Nam Bocchus nuncios sæpè ad eum miserat, velle populi Rom. amicitiam, ne quid ab se hostile timeret. Id simulaveritne, quò improvisus gravior accederet; an mobilitate ingenii, ³pacem atque bellum mutare solitus; parum exploratum est. Sed consul, uti statuerat, oppida, castellaque munita adire: partim vi, alia metu, aut præmia ostentando, ⁴averetere ab hostibus. Ac primò ⁵mediocria gerebat, existimans Jugurtham ob suos tutandos in manus venturum. Sed ubi illum procul abesse, et aliis negotiis intentum accepit, majora et magis aspera aggredi tempus visum est. Erat inter ingentes solitudines oppidum magnum, atque valens, nomine Capsa; cujus conditor Hercules Libys memorabatur. Ejus cives apud Jugurtham immunes, ⁶levi imperio, et ob ea fidelissimi habebantur: muniti adversum hostes non mœnibus modò, et armis atque viris, verùm etiam multò magis locorum asperitate. Nam præter oppido propinqua, alia omnia vasta, inculta, egentia aquæ, infesta serpentibus: quarum vis, sicut omnium ferarum, inopiâ cibi acrior: ad hoc, natura serpentium ⁷ipsa perniciosa, siti magis, quàm aliâ re, accenditur. Ejus potiundi Marius maxima cupido invaserat, cum propter usum belli, tum quia res aspera videbatur: et Metellus oppidum Thalam magnâ gloriâ ceperat, haud dissimiliter situm munitumque; nisi quòd apud Thalam non longè à mœnibus aliquot fontes erant, Capsenses unâ modo, atque eâ in-

INTERPRETATIO.

¹ Aggressus Gætulos et Jugurtham in itinere, qui prædas agebant de sociis nostris, sæpè eos fuderat.

² Quæ, postquam Marius videt esse tantum gloriosa, neque ad bellum finiendum spectare, statuit

singulas urbes circumvenire, quæ viris, aut loco, erant opportunissimæ hostibus, et sibi adversæ.

³ Parum cognitum est, an id si-

mulaverit, ut accederet gravior, cum de improvviso accederet; an quia solitus erat, ex mobilitate et levitate ingenii, mutare pacem atque bellum, et modò hoc, modò illum, sequi.

⁴ Hostibus adimebat, et ab iis alienabat oppida et castella.

⁵ Præterea natura serpentium per se perniciosa, accenditur magis siti quàm re aliâ.

NOTÆ.

a Mediocria.] Non statim difficilia aggressus est ne fortè difficultatibus circumventus à Jugurthâ opprimeretur.

b Levi.] Quibus gravia non imperabantur.

tra oppidum ^ajugi aquâ, ^bcætera pluvîâ utebantur. Id ibique, et in omni ¹Africa, quæ procul à mari incultius agebant, eò facilius tolerabatur; quia Numidæ plerumque lacte, et ferinâ carne vescebantur, et neque salem, neque alia gulæ ^cirritamenta, quærebant. Cibus illis adversum famem, et sitim non lubidini neque luxuriæ, erat. Igitur consul, omnibus exploratis, credo diis fretus, (nam contrâ tantas difficultates consilio satîs providere non poterat: quippe etiam frumenti inopiâ tentabatur, quòd Numidæ pabulo pecoris magis, quàm ^darvo student; et, quodcumque natum fuerat, jussu regis, in loca munita contulerant: ager autem aridus, et frugum vacuus eâ tempestate, nam æstatis extremum erat) tamen pro rei copiâ satîs providentur exornat: pecus omne, quod superioribus diebus præda fuerat, equitibus auxiliariis ^eagendum attribuit: A. Manlium legatum cum cohortibus expeditis ad oppidum ^fLaris, ubi stipendium et commeatum locaverat, ire jubet: dicitque se ²prædabundum post paucos dies eòdem venturum. Sic incepto suo occultato, pergit ad flumen Tanaim. Cæterum in itinere quotidie pecus exercitui per centurias, item turmas æqualiter distribuerat; et ex coriis utres uti fierent, curabat: simul et inopiam frumenti ^glenire, et ignaris omnibus, parare, quæ ^hmox usui forent: denique sexto die, cum ad flumen ventum est, maxima vis utrius effecta. Ibi castris levi munimento positus, milites cibum capere; atque, uti simul cum occasu solis egrederentur, paratos esse jubet: omnibus sarcinis abjectis, aquâ modò seque, et jumenta onerare. Dein, postquam tempus visum, castris egreditur: noctemque totam ³itinere facto consedit. Idem proximâ facit. Dein tertiâ multò ante lucis adventum pervenit in locum tumulosum, ab Capsâ non amplius duum millium intervallo: ibique, quam occultissimè potest, cum omnibus copiis, opperitur. Sed ubi dies cæpit, et Numidæ, nihil hostile metuentes, multi

INTERPRETATIO.

¹ *Atque inopia tolerabatur facilius, et ibi, et inter omnes Afros, qui procul à mari incultius vivebant; quia Numidæ plerumque lacte et carne ferinâ vescebantur.*

² *Et dicit se inter prædandum eò venturum post paucos dies.*

³ *Et castra posuit, postquam per totam noctem iter fecisset.*

NOTÆ.

^a *Jugi.]* Quæ indefinenter scaturiebat et fluebat.

^b *Cætera.]* Adverbialiter positum: quoad cætera.

^c *Irritamenta.]* Ita vocantur aromata, et quæcumque palatum vellicant.

^d *Arvo.]* Id est, agriculturæ.

^e *Agendum.]* Afin qu'ils les touchassent devant eux.

^f *Laris.]* In Genitivo, nam in loquutos fuisse aliquando, compertum est. Cæterum in quibusdam codicibus invenitur *Larim*.

^g *Lenire.]* Pecora mactando simul inopiam frumenti leniebat, et coria quibus utres fierent, parabat.

^h *Mox.]* Ad aquam continendam.

oppido egressi, repentè omnem equitatum, et cum his velocissimos pedites cursu tendere ad Capsam, et portas obsidere jubet: deinde ipse intentus properè sequi, neque milites prædari sinere. Quæ postquam oppidani cognovère, res ^atrepidæ, metus ingens, malum improvisum, ad hoc pars civium extrâ mœnia in hostium potestate, coëgère, uti deditionem facerent. Cæterùm oppidum incensum, Numidæ puberes interfecti, alii omnes venundati, præda militibus divisa. Id facinus ^bcontrà jus belli non avaritiâ, neque scelere consulis, admissum; ^csed quia locus Jugurthæ opportunus, nobis aditu difficilis; genus hominum mobile, infidum, antè neque beneficio, neque metu coërcitum. Postquam tantam rem Marius sine ullo suorum incommodo patravit, magnus, et clarus antea, major, atque clarior haberi cœpit. Omnia non benè consulta ^din virtutem trahebantur. Milites ^emodesto imperio habiti, simul et locupletes, ad cælum ferre: Numidæ magis, quàm mortalem, timere: postremò socii, atque hostes credere, illi aut mentem divinam esse aut deorum nutu cuncta portendi. Sed consul, ubi ea res benè evenit, ad alia oppida pergit. Pauca, repugnantibus Numidis, capit. Plura, ^edeserta propter Capsensium miserias, igni corrumpit. Luctu, atque cæde omnia complentur. Denique multis locis potitus, ac plerisque exercitu incruento, alium rem aggreditur, non eâdem asperitate, ²quâ Capsensium, cæterùm haud secus difficilem. Namque haud longè à flumine Muluchâ, quod Jugurthæ, Bocchique regnum disjungebat, erat inter cæteram planitiem mons saxeus, mediocri ^fcastello, satis patens, immensum editus, uno perangusto aditu relicto: nam

INTERPRETATIO.

¹ *Milites liberaliter tractati, si- dem asperitate septam, quâ fuerat mul et locupletes, Marius ad cæ- res Capsensium, cæterùm, non lum ferebant. minus difficilem.*

² *Aggreditur aliam rem, non ea-*

NOTÆ.

a *Trepidæ.*] Quomodo, calamitatibus derepentè ingruentibus evenire solet: per tumultum omnia cum simul aguntur, eâ festinatione nihil promovetur.

b *Contra jus.*] Jus hoc in loco rigidè non est exponendum, sed auctoris sensu, pro eo quod vulgò faciebant Romani, ut supplicibus et dedititiis parcerent. Alias, si per jus planè id omne intelligas, contra quod nemo facere audeat; scelus profectò fuerit à Mario patratum, cùm Capsa incensa est. Verùm Capsenses, cùm satis constet dedititios sine ullâ pactione fuisse: Mario, pro ille summo et absoluto belli jure, licuit, de suis sedibus deturbare, vendere, &c.

c *Sed.*] Hinc vides Sallustium jus belli ex eo quod victori bonum et commodum, hosti perniciosum et exitiosum est constituere.

d *In virtutem.*] Ita evenit inter homines: sapientes vulgò creduntur, quibus fortuna favet; desipientes quibus restat. Nimirum pauci cùm sapiant, omnes tamen loquantur; sed maximè plebs garrula, eventus, stultorum magister, sibi omnia vendicat. Hinc, quâ cautione publica negotia suscipiat, videbit qui sibi bene cupiet.

e *Deserta.*] Scilicet, calamitatis famâ, quæ Capsenses potriverat; latè omnes suis domibus expulerat.

f *Castello.*] Florus urbem fuisse dicit.

¹omnia naturâ, velut opere atque consulto, præceps. Quem locum Marius, quòd ibi regis thesauri erant, summâ vi capere intendit: sed ea res fortè, quàm consilio, meliùs gesta. Nam castello virorum, atque armorum satis magna vis, frumenti, et fons aquæ: aggeribus, turribusque, et aliis machinationibus locus importunus. Iter ²castellanorum angustum admodum, utrimque præcisum. Vineæ cum ingenti periculo frustrâ agebantur. Nam cùm eæ paulò processerant, igni, aut lapidibus corrumpebantur. Milites neque ³pro opere consistere, propter iniquitatem loci; neque inter vineas ⁴sine periculo administrare: optimus quisque cadere, aut sauciari: cæteris metus augeri. At Marius, multis diebus, et laboribus consumptis, anxius ⁴trahere cum animo suo, omitteretne inceptum, quoniam frustrâ erat, an fortunam ⁵opperiretur, quâ sæpè prosperè usus fuerat. ⁵Quæ cùm multos dies, noctesque æstuans agitarat; fortè quidam ⁶Ligus, ex cohortibus auxiliariis, miles gregarius, castris aquatum egressus, haud procul ab latere castelli, quod adversum præliantibus erat, animadvertit inter saxa repentes cochleas; quarum cùm unam, atque alteram, dein plures peteret, studio legundi paulatim prope ad summum montis egressus est. Ubi postquam solitudinem intellexit, more humanæ cupidinis ignara visundi, animum vertit. Et fortè in eo loco grandis ilex coaluerat inter saxa, paululùm modò ⁴prona, dein flexa, atque aucta in altitudinem, quo cuncta gignentium natura fert: cujus ramis modò, modò eminentibus, saxis, nisus Ligus, castelli planitiem ⁶perscribit; quòd cuncti Numidæ

INTERPRETATIO.

¹ Nam ibi per omnia loca natura erat præceps quasi opere, atque de industriâ.

² Iter eorum hominum qui castellum incolebant erat admodum angustum, et ex utroque latere abruptum.

³ Milites neque poterant consistere ad opus faciendum, propter iniquitatem loci.

⁴ At Marius, multis diebus et laboribus consumptis, maximè sollicitus cum labore animo suo vol-

vebat, desereretne quod inceperat, quoniam non procedebat, an expectaret fortunam.

⁵ Quæ cùm per multos dies, et noctes Marius voveret, cùm animi maximâ fluctuatione et agitatione, fortè quidam Ligus, miles gregarius ex cohortibus auxiliariis, qui castris egressus erat ad petendam aquam, animadvertit cochleas repentes inter saxa, non procul ab latere castelli, quod oppositum erat lateri, ubi prælium erat.

NOTÆ.

a Sine periculo.] Quia vineæ igne et lapidibus subuebantur.

b Opperriretur.] Non possunt istud non mirari, qui fortunæ aurum non senserunt.

c Ligus.] Qui erat ex Liguria. Un Genis.

d Prona.] Intellige arborem primò ex saxo nascentem non potuisse statim in

altum assurgere, sed paululùm versùs ima montis inflexam fuisse, prout illud in locis declivibus conspicatur; deinde sese erexisse, usumque scalæ præbuisse, ut saxum scanderetur.

e Perscribit.] Il reconnut bien la place. Il en prit le plan.

intenti prælantibus aderant. Exploratis omnibus, quæ mox usui fore ducebat, eodem regreditur; non temerè, ut ascenderat, sed tentans omnia, et circumspiciens. Itaque Marium properè adit, acta edocet, hortatur; ab eâ parte, quâ ipse descenderat, castellum tentet: pollicetur sese itineris periculique ducem. Marius cum Ligure promissa ejus cognitum ¹ ex præsentibus misit: quorum, ^a uti cujusque ingenium erat, ita rem difficilem, aut facilem, nunciavêre. Consulis animus tamen paululùm arrectus. Itaque ex copiâ tubicinum, et cornicinum, quinque numero quàm velocissimos delegit; et cum his, ^b præsidio qui forent, quatuor centuriones: omnesque Liguri parere jubet, et ^c ei negotio proximum diem constituit. Sed ubi ex præcepto tempus visum, paratis, compositisque omnibus, ad locum pergit. Cæterùm illi, qui centuriis præerant, prædocti ab ^d duce, arma, ornatumque mutaverant, capite, atque pedibus nudis, uti ^e prospectus, nisusque per saxa faciliùs foret, super terga gladii, et scuta; verùm ea Numidica, ex coriis, ^f ponderis gratiâ, simul et ^g offensa quò leniùs streperent. Igitur prægrediens Ligus, saxa, et si quæ vetustate radices eminebant, laqueis vinciebat, quibus allevati milites facilius adscenderent: interdum timidos insolentiâ itineris levare manu: ubi paulò asperior adscensus erat, singulos præ se inermos mittere: dein ipse cum illorum armis sequi: quæ ^h dubia nisui videbantur, potissimùm tentare; ac sæpius eadem adscendens, ac descendens, dein statim ⁱ digrediens, cæteris audaciam addere. Igitur diu, multùmque fatigati, tandem in castellum perveniunt; desertum ab eâ parte, quòd omnes, sicut aliis diebus, adversum hostes aderant. Marius, ubi ex nunciis, quæ Ligus egerat, cognovit, quamquam toto die intentos prælio Numidas habuerat, tum

INTERPRETATIO.

¹ *Marius misit quosdam ex præsentibus cum Ligure, ad cognoscendum promissa ejus.*

NOTÆ.

^a *Uti cujusque.*] Istud diligenter notandum, ut cuique, non secundum id quod ejus verba sonant, sed indolis et ingenii factâ æstimatione, fidem habeamus: quod nisi sit, sæpius in fraudem, et errorem, non magis alienâ quàm nostrâ culpâ incidemus.

^b *Præsidio.*] Id est, qui rem ipsam exquerentur et tuerentur; quippe centurio suos quisque milites habuit.

^c *Ei negotio.*] Non dicit auctor quodnam illud sit; verùm de castelli expugnatione sermonem esse satis intelligitur.

^d *Duce.*] *Ligure*, scilicet.

^e *Prospectus.*] Enimvero illis, si ullo modo caput oblevatum habuissent, viam in ascendendo videre, vel despicere, non licuisset; virgultis et radicibus impliciti fuissent.

^f *Ponderis.*] Id est, ut leviora essent.

^g *Offensa.*] Ferrum enim, quod in umbone scutorum Romanorum erat, sonum reddidisset, si ea ad saxum alisa essent.

^h *Dubia nisui.*] Id est, quòd in accensu inferre pedem satis tutum non videbatur; cùm saxum solutum erat, aut labens, &c.

ⁱ *Digrediens.*] Ille, ut ita dicam, ludi-bundus et saltabundus per ea loca, quòd aliis animum adderet, incedebat.

verò cohortatus milites, et ipse extrà vineas egressus, ^a testudine actâ succedere, et simul hostem ^b tormentis sagittariisque, et funditoribus eminùs terrere. At Numidæ, sæpè antea vineis Romanorum subversis, item incensis, non castelli mœnibus sese tuebantur; sed ¹ pro muro dies, noctesque agitare: maledicere Romanis; ac Mario vecordiam objectare; militibus nostris Jugurthæ servitium minari; secundis rebus feroces esse. Interim, Romanis omnibus hostibusque prælio intentis, magnâ vi utrimque, pro gloriâ atque imperio, his, ^c illis pro salute certantibus, repente à tergo ^d signa canere: ac primò mulieres, et pueri, qui visum processerant, fugere; deinde, uti quisque muro proximus erat; postremò cuncti armati, inermesque. Quòd ubi accidit, eò acriùs Romani instare, fundere, ac plerosque tantummodo sauciare; dein super occisorum corpora vadere, avidi gloriæ, ^e certantes murum petere; neque quemquam omnium prædâ morari. Sic fortè correcta Marii ^f temeritas gloriam ex culpâ invenit. Cæterum, dum ea res geritur, L. Sulla quæstor cum magno equitatu in castra venit; ^g quod, ut ex Latio, et à sociis cogeret, Romæ relictus erat. Sed quoniam nos tanti viri res admonuit, idoneum visum est de naturâ, cultuque ejus paucis dicere. Neque enim alio loco de Sullæ rebus dicturi sumus, et L. ^h Sisenna optimè et diligentissimè omnium, qui eas rex dixere, ² persecutus, parùm mihi ⁱ libero ore locutus videtur. Igitur Sulla gentis patriciæ ^k nobilis fuit, familiâ propè jam extinctâ majorum ignaviâ; literis Græcis, atque Latinis ³ juxta, atque doctissimè eruditus; animo ingenti;

INTERPRETATIO.

- | | |
|---|---|
| ¹ <i>Sed permanebant dies et noctes ante muros.</i> | <i>videtur mihi locutus parùm libero ore.</i> |
| ² <i>Et L. Sisenna, qui persecutus est historiam optimè et diligentissimè omnium qui eas res dixere,</i> | ³ <i>Eruditus erat doctissimè et pariter literis Græcis atque Latinis.</i> |

NOTÆ.

- | | |
|--|--|
| a <i>Testudine.</i>] Machina erat, quâ ad arce-
ndos ictus utebatur, quæque pro multi-
plici usu diversè connectebatur. | f <i>Temeritas.</i>] Cùm arcem, ut videbatur,
inexpugnabilem appetisset. |
| b <i>Tormentis.</i>] Machinæ fuerunt, quibus
vi summâ lapides, et alia missilia jaciebant. | g <i>Quod.</i>] Intellige Syllam tunc, non
maturiùs advenisse, quòd Romæ ad cogen-
dum equitatem relictus fuisset. Fortè le-
gendum <i>Quem.</i> |
| c <i>Illis.</i>] Hinc videre licet, pronomen
<i>hic, hæc, hoc</i> , non semper ad proximum
referri, sed quandoque poni pro <i>alius</i> ,
<i>alia</i> , <i>aliud</i> , &c. | h <i>Sisenna.</i>] Historicus fuit ex gente Cor-
neliâ, ut testatur Festus, qui bellum civile
Syllanum edidit: Ciceronis judicio me-
lior quàm qui ante ipsum Latine historiam
scripserant: attamen distans à perfectò. |
| d <i>Signa.</i>] Antea vidimus adeò corni-
cines, et tubicines missos, ut, scilicet, ter-
rorem augerent. | i <i>Libero.</i>] Quia Syllæ vitia noluit, aut
non ausus est describere. |
| e <i>Certantes.</i>] Illud est quod, Gall. dici-
mus, <i>A qui sera la premier.</i> | k <i>Nobilis.</i>] Multi nobiles erant, qui con-
tinuò patricii non erant. |

eupidus voluptatum, sed gloriæ cupidior: otio luxurioso esse: tamen ab negotiis nunquam voluptas remorata, nisi quòd ^ade uxore potuit honestiùs consuli: facundus, callidus, et ^bamicitiâ facilis: ^cad simulanda negotia altitudo ingenii incredibilis: multarum rerum, ac maximè pecuniæ largitor: atque illi felicissimo omnium ante ^dcivilem victoriam, nunquam ^esuper industriam fortuna fuit; multique dubitavêre, fortior, an felicior esset. Nam, postea quæ fecerit, incertum habeo, ^epudeat magis, an pigeat disserere. Igitur Sulla, uti suprâ dictum est, postquam in Africam, atque in castra Marii cum equitatu venit; rudis antea et ignarus belli, solertissimus omnium in paucis tempestatibus factus est. Ad hoc milites benignè appellare: multis rogantibus, ^faliis per se ipse dare, beneficia invitus accipere; sed ea properantiùs, quàm æs mutuum ^greddere. ^hIpse ab nullo repetere: magis id laborare, ut illi quàm plurimi deberent; joca atque seria cum humillimis agere. In operibus, in agmine, atque ad vigilias, multus adesse; neque interim, quod ⁱambitio prava solet, consulis, aut cujusquam boni famam lædere: tantummodo neque consilio, neque manu, priore et alium pati; plerosque antevenire. Quibus rebus, et artibus brevi

INTERPRETATIO.

^a *Atque fortuna nunquam fuit illi major industriâ, quamquam omnium felicissimus fuerit ante victoriam civilem.*

NOTÆ.

a *De uxore.*] Istud fortè ad cò dixit, quod Valerium in theatro lascivè nimis blandientem sibi uxorem duxit. Vide Plutarchum.

b *Amicitia facilis.*] Id est, qui sibi aliorum benevolentiam facili conciliabat, eisque benignum sese pari lubentiâ præbebat. Gall. *Il savoit gagner le cœur des gens, et se communiquoit facilement.*

c *Ad simulanda negotia.*] Viro politico necesse est in primis, negotiis eam faciem effingere posse, quâ voluntatem aliorum inflectat, et ad scopum suum perducatur. Vim eam Syllæ innatam fuisse testatur Sallust. Gall. diceremus, *Il savoit donner aux choses le tour qu'il vouloit, les représenter sous telle face qu'il lui plaisoit.* Vel, si eam putes accersitam explicationem, intellige, Syllam ingenio fuisse tam acri, tamque expromptam habuisse memoriam, ut ^ggestu et habitu, aut colloquio et congressu, quodcumque libuisset hominibus persuadere potuerit.

d *Civilem.*] Istud addidit quia postquam

Sylla, mortuo Mario, rerum potitus est, Romam et Italiam, omnibus modis, civium sanguine eruentavit.

e *Pudeat.*] Id est, *Respublica quàmvis ad exitium perducta fuerit, non tamen ejus major fuit clades, quàm Syllæ recordia.*

f *Aliis.*] Istud, quòd suprâ dixit, explicat, Syllam amicitia facilem fuisse.

g *Reddere.*] Quantò pluris est homo, quàm pecunia, tantò accuratiùs ejus opera, gratia, aut amicitia, cum amplificatione compensanda.

h *Ipse ab nullo.*] Nisi istud adsit, beneficium non est, sed mercimonium: quantumvis enim ingrati animi vitium intollerabile fuerit, nihilominus tamen qui benefacit, quid manus dextra agat, necire debet sinistra, ut sapientissimè monuit ipse Christus Jesus, ne veriùs amicis onus imponamus, quàm beneficium colloquamus.

i *Ambitio prava.*] Nam bona est etiam cum quis sine cujusdam detrimento bonæ, famæ studet.

Mario, militibusque, carissimus factus. At Jugurtha postquam oppidum Capsam, aliosque locos munitos, et sibi utiles, simul et magnam pecuniam amiserat, ad Bocchum nuncios mittit, quàm primùm in Numidiam copias adduceret: prælii faciendi tempus adesse. ¹Quem ubi cunctari accepit, dubium belli atque pacis rationes trahere: rursus, ut antea, proximos ejus donis corrumpit; ipsique ^aMauro pollicetur Numidiæ tertiam partem, si aut Romani Africâ expulsi, aut, ^bintegrîs suis finibus, bellum compositum foret. Eo præmio illectus Bocchus cum magnâ multitudine Jugurtham accedit. Ita, amborum exercitu conjuncto, Mariam jam in hiberna proficiscentem, vix decimâ parte ^cdie reliquâ, invadunt: rati noctem, quæ jam aderat, victis sibi munimento fore; et si vicissent, nullo impedimento, quia locorum scientes erant: contrâ Romanis utrumque casum in tenebris difficiliorem fore. Igitur ^dsimul consul ex multis de hostium adventu cognovit, et ipsi hostes aderant; et prius quàm exercitus aut instrui, aut sarcinas colligere, denique, antè quàm signum, aut imperium ullum accipere quivit, equites Mauri, atque Gætuli, non acie, neque ullo more prælii, sed catervatim, uti quosque fors conglobaverat, in nostros incurrunt. Qui omnes trepidi improviso metu, attamen virtutis memores, aut arma capiebant, aut capientes alios ab hostibus defensabant: pars equos ascendere, obviâ hostibus ire; pugna latrocinio magis, quàm prælio similis fieri; sine signis, sine ordinibus, equites pedites permixti, cædere alios, alios obtruncare; multos ²contrâ adversos acerrimè pugnantes ab tergo circumvenire; neque virtus, neque arma satis tegere; quòd hostes numero plures, et undique circumfusi erant: denique Romani ^eveteres, novique; et ^fob ea, scientes belli; si quos locus aut casus con-

INTERPRETATIO.

¹ Quem ubi accepit moras nec- tere, dum dubius anxie perpende- bat rationes quæ pro bello aut pace faciebant.	² Circumveniebant multos ab tergo, dum illi pugnarent acerr- imè contra hostes adversos.
---	---

NOTÆ.

^a Mauro.] Boccho scilicet.

^b Integrîs.] Hoc est, Si nulla pars regni
 à Romanis detraheretur.

^c Die.] Procul dubio casus est genitivi,
 quandoquidem Plautus et Virgilius ita locu-
 ti sunt; atque hunc ipsum locum, citat Ges-
 tius qui *die* in patrio casu à Sallustio posi-
 tum esse dicit, aliorumque argutiolas eâ
 de re contemnît.

^d Simul.] Dicit, tunc tantùm Mariam
 de hostium adventu cognovisse, cùm ipsi
 adessent.

^e Veteres.] Non sunt veterani, prout
 quidam existimavit; verùm ii, de quibus
 mentio facta est superiùs qui sub Metello
 militaverant; quique, cum novis quos
 Marius adduxit, in unum corpus coalu-
 erant.

^f Ob ea.] Id est, Romani veteres et novi,
 idèd scientes belli, quod hi cum illis, usu,
 Numidarum more assuetis, permixti essent,
 et in unum corpus coaluissent, orbes facie-
 bant, si quos locus aut casus conjunxerat.

junxerat, orbes ^afacere: atque ita ab omnibus partibus simul tecti, et instructi, hostium vim sustentabant. Neque in eo tamque aspero negotio Marius territus, aut magis, quam antea, demisso animo fuit. Sed cum turmâ suâ, quam ex fortissimis magis, quàm familiarissimis paraverat, vagari passim: ac modò laborantibus suis succurrere; modò hostes, ubi confertissimi obstiterant, invadere: manu ^bconsulere militibus, quoniam imperitare conturbatis omnibus non poterat. ^cJamque dies consumptus erat, cùm tamen barbari nihil remittere: atque uti reges præceperant, noctem pro se rati, acriùs instare. Tum Marius ex copiâ rerum consilium trahit, atque uti suis receptui locus esset, colles duos propinquos inter se occupat. Quorum in uno, ¹castris parùm amplo, fons aquæ magnus erat; alter usui opportunus, quia magnâ parte editus, et præceps, pauca munimenta ^degebat. Cæterum apud aquam Sullum cum equitibus noctem agitare jubet. Ipse milites dispersos paulatim, neque minùs hostibus conturbatis, in unum contrahit: dein cunctos ^epleno gradu in collem subducit. Ità reges, loci difficultate coacti, prælio deterrentur; neque tamen suos longiùs abire sinunt, sed utroque colle multitudine circumdato effusi consedere. Dein, crebris ignibus factis, plerumque noctis barbari more suo lætari, exsultare, strepere vocibus; et ipsi duces feroces, quòd non fugère, ac ²pro victoribus agere. Sed ea cuncta Romanis ex tenebris, et editoribus locis facilia visu, magnoque ^fhortamento erant. Plurimùm verò Marius imperitiâ hostium confirmatus, ^gquam maximum silentium haberi jubet; ne signa quidem, uti per vigilias solebant, canere: dein, ubi lux adventabat, defessis jam hostibus, ac paulò antè somno captis, de improvviso ^hvectigalis, item cohortium, turmarum, le-

INTERPRETATIO.

¹ *Quorum, in uno parum amplo* | ² *Et ipsi duces gerebant sese fe-*
ad castra ponenda, erat fons mag- | rociter, et quasi victores fuissent,
nus aquæ. | quia non fugerant.

NOTÆ.

a *Orbes.*] Quid intelligat, per orbes, res ipsa satis superque indicat. Illi, scilicet in circulum sese componebant, ut eos ex omni parte adversos hostes invenirent, neque à tergo circumvenirentur.

b *Consulere.*] Intellige Marium huc illic cursando, et quò ille cumque ivisset hostes profligando aliquatenus suos juvisse, eorumque ordines restituisse.

c *Jamque dies consumptus erat.*] Versus heroici hæc verba constituunt bonam partem, quod procul dubio, auctori, per incognitantiâ excidit.

d *Egebat.*] Alii habent *quarebat*, nonnulli *gerebat*. Malim retinere *egebat*, nec me movet quòd accusativum post se ha-

beat; nam ejusmodi antiquitatis phrasibus gaudet Sallustius.

e *Pleno.*] Id est, tantum illi non auferunt; si modò Romanorum gloriam Sallustius assentatiuncula non est aucupatus. *Marius les fit retirer à grand pas.*

f *Hortamento.*] Quia hostes cùm securos et exultantes viderent, confidebant insuper eos defessos et sopitos fore, cùm prelium instauraretur.

g *Quam maximum.*] *Il commanda que l'on fit le moins de bruit que l'on pourroit.*

h *Vectigalis.*] Eorum conjicio fuisse tubicines qui superveniebant, et extraordinarii Romanis aderant.

gionum, tubicines simul omnes signa canere; milites clamorem tollere, atque ^aportis erumpere. ^bMauri, atque ^cGætuli ignoto atque horribili sonitu repentè exciti, neque fugere, neque arma capere, neque omniinò facere, aut providere quidquam poterant. Ita cunctos strepitu, clamore, nullo subveniente, nostris instantibus, tumultu, terrore, formidinc, ^dquasi vecordia ceperat: denique omnes fusi, fugatique: arma, et signa militaria pleraque capta; pluresque co prælio, quàm omnibus superioribus, interempti. Nam somno, et metu insolito impedita fuga. Dein Marius, uti cæperat, in hiberna proficiscitur; quæ, propter commeatum, in oppidis maritimis agere decreverat: neque tamen victoriâ secors, aut insolens factus, sed pariter, atque in conspectu hostium, ^equadrato agmine incedere. Sulla cum equitatu ^fapud dextimos, in sinistrâ parte A. Manlius cum funditoribus et sagittariis, præterea cohortes Ligurum curabat: primos, et extremos cum expeditis manipulis tribunos locaverat. Perfugæ, regionum scientissimi, hostium iter explorabant. Simul consul, ^gquasi nullo imposito, omnia providere; apud omnes adesse; laudare, increpare incientes. Ipse armatus, intentusque, item milites ^hcogebat; ⁱneque secus, atque iter faceret, castra munire; excubitu, in portâ, cohortis ex legionibus; pro castris, equites auxilarios, mittere; præterea alios super vallum in munimentis locare; vigilias ipse circuire, non tam diffidentiâ ^jfuturi, quæ imperavisset, quàm uti militibus, exæquatus cum imperatore labos volentibus esset. Et sanè Marius illoque aliisque temporibus Jugurthini belli, ^kpudore magis, quàm ^lmalo, exercitum coercerebat, ^mquod multi per ambitionem fieri aiebant: pars quòd à pueritiâ consuetam duritiam,

INTERPRETATIO.

¹ *Sylla erat cum equitatu in dextrâ parte.*

² *Simul consul providebat omnia, quasi neminem suo loco curare jussisset.*

³ *Non tam diffidens futura esse ea quæ imperavisset, quàm ut labor exæquatus militibus cum imperatore, illis placeret.*

NOTÆ.

a *Portis.*] Castorum, scilicet.
b *Mauri.*] Quibus Bocchus imperitabat.
c *Gætuli.*] Quos ordines servare Jugurtha instituerat.

d *Quasi.*] Vox ista cum *vecordiâ* jungi debet, ut conjunctim eam vesaniam et dementiam significat, quâ ii affliguntur, qui nimio metu correpti sunt. Idem prope modum præstat quod illud quod vocant, *Une terreur panique.*

e *Quadrato.*] Ut, quacumque hostis ingrueret, parati essent.

f *Cogebat.*] *Pudore*, scilicet, cùm imperatorem suum intentum animadverterent.

g *Neque secus.*] Dicit Marium, cùm in itinere semper paratissimus fuisset, eodem modo in castris se gessisse. Locus obscurus est, nisi advertas.

h *Pudore.*] Intellige Marium tantum laborem cepisse, ut, illo ita intento, neminem otiosi non puduisset.

i *Malo.*] *Pænâ aut supplicio.*

k *Quod.*] Quòd, nimirum, sibi laborem cum multis communem faciebat.

et alia, quæ cæteri miseras vocant, voluptati habuisset. ^aNisi tamen resp. pariter, ac, sævissimo imperio, benè atque decorè gesta. Igitur quarto denique die, haud longè ab oppido Cirtà simul undique ^bspeculatores citi sese ostendunt; quā re hostis adesse intelligitur. Sed quia diversi redeuntes, alius ab aliā parte, atque omnes idem significabant; consul, incertus quonam modo aciem instrueret, nullo ordine commutato, adversum omnia paratus ibidem opperitur. Igitur Jugurtham spes frustrata, qui copias in quatuor partes distribuerat, ratus ex omnibus ^cæquè alios ab tergo hostibus venturos. Interim Sulla, quem primum hostes attigerant, cohortatus suos, turmatim, et quàm maximè confertis equis, ipse aliique Mauros invadunt; cæteri in loco manentes, ab jaculis eminus emissis corpora tegere; et ¹si qui in manus venerant, obtruncare. Dum eo modo equites præliantur, Bocchus cum pedibus, quos Volux filius ejus adduxerat, neque in priore pugna, ²in itinere morati, adfuerant, postremam Romanorum aciem invadunt. Tum Marius apud primos agebat, quòd ibi Jugurtha cum plurimis erat. Dein ^dNumida, cognito Bocchi adventu, clam cum paucis ^ead pedites convertit; ibi Latine (nam apud Numan-tiam loqui didicerat) exclamat, nostros frustrâ pugnare; paulò antè Marium suâ manu interfectum; simul gladium sanguine oblitum ostendere, quem in pugna, satis impigre occiso pedite nostro, cruentaverat. Quod ubi milites acceperè, magis atrocitate rei, quàm fide nuncii, terrentur; simulque barbari animos tollere, et in percussos Romanos acriùs incedere. Jamque paulùm à fugâ aberat, cùm Sulla, profligatis iis, quos adversum ierat, rediens, ab latere Mauris incurrit. Bocchus statim avertitur. At Jugurtha, dum sustentare suos, et propè jam adeptam victoriam retinere cupit, circumventus ab equitibus dextrâ, sinistrâ, omnibus occisis, solus inter tela hostium vitabundus erumpit. Atque interim Marius, ^ffugatis equitibus, accurrit auxilio suis, quos pelli jam acce-

INTERPRETATIO.

¹ *Et si qui Mauri in Romano-
rum manus venerant, eos obtrun-
cabant.*

² *Neque in priore pugna adfue-
rant, quod in itinere morati es-
sent.*

NOTÆ.

a Nisi.] Positum est pro *sed*; aut *ve-
rùm ut sæpè alibi*. Gall. diceremus. *Avec
tout cela*, aut. *Qui qu'il en soit*.

b Speculatores.] Perfugas fuisse supra
dixit.

c Æquè.] Id est, *Indiscriminatum ex
quadruplici agmine alterum à tergo hostes
invasurum, cum tamen nesciret Jugurtha
cuinam istud obtingeret*. Gall. *Que les uns,
ou les autres indifferement, pourroient pren-
dre en queue l'armée des Romains*.

d Numida.] Jugurtha, procul dubio, ut
mirum videatur hoc in loco hæsisse viros
doctos.

e Ad pedites.] Romanos scilicet atque
eos arbitror contra quos Bocchus pugnabat,
qui in postremâ acie locati fuerant, quod
patebat attendenti.

f Fugatis.] Eos fuisse arbitror, qui cum
Jugurthâ fuerant, à quibus se ipse sub-
duxerat, ut stratagemate adversus Roma-
nos pedites uteretur.

perat. Denique hostes jam undique fusi. Tum spectaculum horribile in campis patentibus: sequi, fugere; occidi, capi; equi, atque viri afflicti: ac multi, vulneribus acceptis, neque fugere posse, neque quietem pati; ^aniti modò, ac statim concidere: postremò omnia, quà visus erat, constrata telis, armis, cadaveribus, et inter ea humus infecta sanguine. Postea loci consul, haud dubiè jam victor, pervenit in oppidum Cirtam, quò initio profectus ¹intenderat. Eò post diem quintum, quàm ^biterum barbari malè pugnaverant, legati à Boccho veniunt, qui regis verbis à Mario petivère, duos quàm fidissimos ad eum mitteret; velle de suo, et de populi R. commodo cum iis disserere. Ille statim L. Sullam, et A. Manlium ire jubet; qui ^cquamquam acciti ibant, tamen placuit verba apud regem facere; ingenium aut adversum uti flecterent, aut cupidum pacis vehementiùs accenderent. Itaque Sulla, cujus ^dfacundiæ, non ætati, à Manlio, concessum, pauca verba hujusce-modi locutus:

“Rex Bocche, magna lætitia nobis est, cùm te talem virum dii
“monuere ut aliquando pacem, quàm bellum, malles; neu te op-
“timum cum pessimo omnium Jugurthà miscendo commaculares,
“simul nobis demeres acerbam necessitudinem, pariter te erran-
“tem, et illum sceleratissimum, persequi. Ad hoc, populo R. jam
“²à principio inopi, meliùs visum, amicos, quàm servos, quærere;
“tutiusque rati, volentibus, quàm coactis ^eimperitare. Tibi verò
“nulla opportunior amicitia nostrâ; primùm quod procul absumus,
“in quo ^foffensæ minimum, gratia par, ac si propè adessemus:
“dein quòd ³parentes abundè habemus, amicorum neque nobis,

INTERPRETATIO.

¹ Quò consilium fuerat pervenire initio cum discesserat.	modum inops erat et egenus, quærere amicos quàm servos.
² Præterea melius visum populo Romano, jam à principio, cùm ad-	³ Deinde quia habemus abundè homines qui nobis parent.

NOTÆ.

a Niti.] Ils tâchoient de se relever.	stabilis arbitratos esse Romanos illud, quod liberalitate et amicitia adjungitur, quàm vi quod fit et superbia. Nostris verò hominibus, plerisque ne quidem isthuc odorari licet sed superbiæ suæ omnia proculcanda à diis ipsis tradita est arbitrantur. Literis Græcis et Latinis nihil opus est: satis fuit, ut primi essent omnium rerum, superbia eos omnia contemnere docuerit. Itaque ergo amantur; à gnathonibus scilicet, non elegantibus et cordatis viris.
b Iterum.] De hac postremâ pugna loquitur; priorem superiùs vidimus, quando Romani in colles evaserunt, deinde hostes profligaverunt.	
c Quamquam.] Hoc dicit, quia non eorum fuit, qui acciti erant, antè loqui, quàm quid exponeret barbarus cognitum, habuissent.	
d Facundiæ.] An ob rem, necne, postea cognosces.	
e Imperitare.] Hinc vides imperii nomen, quanquam sæpius dominium notat, honestum quoque esse; graviusque et	
f Offensæ.] Id est, tibi non possumus nocere.	

"neque cuiquàm omnium, satis fuit. Atque ^ahoc utinam à principio tibi placuisset; profectò ex P. R. ad hoc tempus multò ^bplura bona accepisses, ^bquàm mala perpressus es. Sed quoniam ^chumanarum rerum fortuna pleraque regit, cui scilicet, placuit ^cet vim, et gratiam nostram ^cexperiri, nunc, quando per illam licet, festina atque, uti cæpisti, perge. Multa, atque opportuna ^dhabes, quò faciliùs errata officiis superes. Postremò hoc in peccatus tuum demitte, nunquam populum Rom. beneficiis victum esse. ^eNam, bello quid valeat, tutè scis."

Ad ea Bocchus placidè, et benignè simul, pauca pro delicto suo verba facit; se non hostili animo, sed ob regnum tutandum arma cepisse. Nam Numidiæ partem, unde Jugurtham ^dexpulerat, jure belli suam factum: eam vastari à Mario pati nequivisse: præterea missis antea Romam legatis ^erepulsum ab amicitia. Cæterum vetera omittere, ac tum, si per Marium liceret, legatos ad senatum missurum. Dein, ^fcopiâ factâ, animus barbari ab amicis ^fflexus, quos Jugurtha, cognita legatione Sullæ, et Manlii metuens id quod parabatur, donis corruerat. Marius interea, exercitu in hibernaculis composito, cum expeditis cohortibus, et parte equitatus, proficiscitur in loca sola obsessum turrin regiam, quò Jugurtha perfugas omnes ^gpræsidium imposuerat. Tum rursus Bocchus, seu reputando quæ sibi duobus præliis evenerant, seu admonitus ab aliis amicis, quos incorruptos Jugurtha reliquerat, ex omni copiâ ^hnecessariorum quinque delegit, quorum et fides cognita, et ingenia validissima erant. Eos ad Marium, ac dein, si placeat, Romam legatos ire jubet; agendarum rerum, et quocunque modo belli componendi, ⁱlicentiam ipsis permittit. Illi maturè ad hiberna Romanorum proficiscuntur; dein à Gætulis

INTERPRETATIO.

^a Præterea dixit se repulsum ab amicitia, cum antea misisset legatos Romam. | metuens id quod parabatur, postquam cognovisset legationem Sullæ et Manlii.

^b Deinde, occasione datâ, animus barbari flexus est ab amicis, quos Jugurtha corruerat donis, | ^c Delegit quinque ex omni numero amicorum.

NOTÆ.

a Hoc.] Pacem cum Romanis habere.

b Quàm mala perpressus es.] Quamquam contrâ fidem eorum codicum, quos videre contigit, confideret tamen esses, delevi, es reposui, ne ridiculè Sylla locutus esse videatur; neque scio, quomodo hunc locum intellexerint qui cum intactum præterierunt.

c Experiri.] Id est, quæ voluit experientis vim, et gratiam nostram cognoscere.

d Expulerat.] Hinc patet, nisi fortè

vanissimus homo delictum mendacio excuset, Bocchum cum Jugurthâ bellum gessisse.

e Flexus.] Tametsi Bocchus homo fuit maximè inanis, optimè tamen reges docebit, quales amicos à se propellere debeant.

f Præsidium.] Imposuerat perfugas præsidium, id est, præsidium ex perfugis constituerat. Hoc loquendi genus Grammatici Appositionem vocant.

g Licentiam.] Ils étoient plénipotentiaires.

latronibus in itinere circumventi, spoliatique pavidi, ^asine decore ad Sullam perfugiunt; quem consul, in expeditionem proficiscens, pro prætore reliquerat. Eos ille non pro ^bvanis hostibus, uti meriti erant, sed accuratè et liberaliter habuit. Quà re barbari, et famam Romanorum avaritiæ falsam, et Sullam ob munificentiam in sese amicum rati. Nam etiam tum ^clargitio multis ignota erat: munificus nemo putabatur, nisi pariter volens: dona omnia in benignitate habebantur. Igitur quæstori mandata Bocchi patefaciunt, simul ab eo petunt, uti fautor, consultorque sibi adsit; copias, fidem, magnitudinem regis sui, et alia, quæ aut utilia, aut ^dbenevolentia esse credebant, oratione extollunt: dein, ^eSullâ omnia pollicito, docti, quo modo apud Marium, item apud senatum verba facerent, circiter dies XL. ibidem opperiantur. Marius postquam infecto negotio, ^fquo intenderet, Cirtam redit; de adventu legatorum certior factus, illosque, et Sullam venire jubet, itemque L. ^gBellicum prætorem Uticâ, præterea omnes undique senatorii ordinis; quibuscum mandata Bocchi cognoscit, ^hin quibus, legatis potestas eundi Romam fit: ⁱab consule interea induciæ postulabantur. Ea Sullæ, et plerisque placuere: pauci fero-

INTERPRETATIO.

¹ Deinde, postquam Sylla illis omni promisisset, docti quomodo apud Marium, item apud senatum verba facerent, expectant ibidem circiter dies 40.

² Postquam Mariam redit Cirtam, negotio infecto, ad quod perficiendum profectus erat.

NOTÆ.

a *Sine decore.*] Id est, absque dignitatis suæ insignibus; imò habitu deteriore quàm solent homines vulgares, quia spoliati fuerant.

b *Vanis.*] Id est, mendacibus, levibus, et inconstantibus.

c *Largitio.*] Intellige paucis eorum hominum artem cognitam fuisse, qui turpissimè ut gallinaceum emendicent, ovum magnificè largiuntur; aliorumque ex imperitiâ rem suam faciunt, eorum gratiam præsertim aucupando, eosque corrumpendo.

d *Benevolentia.*] Id est, ut volunt, quæ benevolentiam et amicitiam studium declararent. Alii codices habent *benevolentia*. Sed neutrum placet: verùm exponendam esse crediderim hanc vocem *benevolentia* eo modo, quo antea Sallustium *volentia* usurpassè vidimus; ut *benevolentia* sicut et *utilia* ad Romanos referatur; atque Bocchi legatos, ut Romanos sibi demerentur, Syllæ omnia quæ aut illis utilia,

aut jucunda, seu benevolentia essent, exposuisse intelligamus. Durior fortè aliis videbitur expositio, sed cò ducit sensus, ut patebit attendenti.

e *Bellicum.*] Catilinæ avunculum dicit Asconius.

f *In quibus.*] Glareanus hæc verba delet, deinde aliquid mutat ex fide codicum; quamquam, ut ille ait, non ex omnibus omnia, sed ex singulis tamen aliquid ad plenam lectionem eruendam, decerpserit. Ego verò nihil mutem, sed ita intelligo. Inter alia Bocchi mandata, hoc unum fuisse, ut legati sui Romam proficiscerentur, quod Sylla eis concessisset: sed elleptica est oratio, cujus pars prior ex posteriore facile intelligitur.

g *Ab consule.*] Ne ita intelligas, quasi consul Marius inducias petiverit; sed potius Bocchus, ipsiusque legati. A Boccho postulabantur induciæ, quas consul concederet.

ciùs decerunt: scilicet ignari humanarum rerum, quæ fluxæ, et mobiles semper in adversa ^amutant. Cæterùm Mauri, impetratis omnibus, tres Romam profecti sunt cum Cn. Octavio Rufone, qui ^bquæstor stipendium in Africam portaverat; duo ad regem redeunt. Ex his Bocchus cùm cætera, tum maximè benignitatem, et ^cstudium Sullæ, accepit. Romæque legatis ejus, postquam errâsse regem, et Jugurthæ scelere lapsum, ^{1d}deprecati sunt, amicitiam et fœdus petentibus hoc modo respondetur:

“S. P. Q. R. beneficii et injuriæ memor esse solet. Cæterùm “Boccho, quoniam pœnitet, delicti gratiam facit: fœdus et amicitia dabuntur, cùm meruerit.”

Quibus rebus cognitis, Bocchus per literas à Mario petivit, uti Sullam ad se mitteret; cujus arbitrato communibus negotiis consuleretur. Is missus cum præsidio equitum, atque peditum, funditorum ^eBalearium: prætereà ière segittarii, et cohors ^fPæligna cum ^gvelitaribus armis, itineris properandi causâ: neque his ²secus atque aliis armis, adversus tela hostium, quòd ea levia sunt, muniti. Sed in itinere, quinto denique die, Volux, filius Bocchi, repentè in campis patentibus cum mille non ampliùs equitibus sese ostendit; qui temerè et effusè euntes, Sullæ aliisque omnibus et numerum ampliorem ³vero, et hostilem metum, efficiebant. Igitur se quisque expedire; arma, atque tela tentare, ^hintendere: timor aliquantus, sed spes amplior; quippe victoribus, et adver-

INTERPRETATIO.

¹ *Et respondetur hoc modo legatis ejus Bocchi, qui orabant fœdus et amicitiam postquam dixissent regem suum errâsse, ipsique veniunt petiissent, quòd scelere Jugurthæ lapsus essent.*

² *Neque erant minùs muniti his armis quàm aliis, adversus tela*

hostium, quòd ea levia sunt.

³ *Qui equites euntes temerè, et alii ab aliis dispersi, faciebant ut numerus amphior videretur Sullæ et aliis omnibus, quàm revera esset, et ut eos reformidarent tantum hostes.*

NOTE.

a *Mutant.*] Eleganter, si Gellio credimus, pro *mutantur*, quod est in aliis codicibus.

b *Quæstor.*] Non Marii, nam Sylla is erat; sed hic in Africâ quæstor fuit, vel fortè ex urbanis unus.

c *Studium.*] Illud est de quo suprâ: dixit enim Sallustius egregiè legatos à Syllâ acceptos fuisse.

d *Deprecati.*] Ita loquitur Cicero, Orat. 2. contra Rullum, *Si quid deliquero, inquit, nullæ sunt imagines, quæ me à vobis deprecantur.* Ità et alibi.

e *Balearium.*] Alii, *funditorumque Balearium.* Baleares verò duæ sunt insulæ, hodie *Majorca* et *Minorca* dictæ, in mari Mediterraneo, è regione Hispaniæ, cujus olim incolæ peritissimi fuerunt funditores.

f *Pæligna.*] Pæligni populi fuerunt Italiæ inter Appenninos montes, magis ad mare superum, inter Campaniam et Hetruriam ad Septentrionem.

g *Velitaribus.*] Gladium, hastam, et parmam fuisse testatur Polybius.

h *Intendere.*] Id est, *quilibet intentus et paratus erat.*

sum eos, quos sæpè vicerant. Interim equites, exploratum præmissi, rem, ut erat, quietam nunciant. Volux adveniens quæstorem ¹appellat; se à parte Boccho ²obviam illis simul, et præsidio, missum. Dein eum proximum diem, sine metu, conjuncti eunt. Post, ubi castra locata, ut diei vesper erat, repente ³Maurus, incerto vultu, pavens, ad Sullam accurrit; dicitque sibi ex speculatoribus cognitum Jugurtham haud procul abesse: simul, uti noctu clàm secum profugerat, rogat atque hortatur. Ille animo feroci negat se toties fusum Numidam pertimescere; virtuti suorum satis ⁴credere; etiam si certa ⁵pestis adesset, mansurum potius, quàm proditis quos ducebat, turpi fugâ incertæ, ac forsitan pòst paulò morbo interituræ, vitæ parceret. Cæterùm ab eodem monitus uti noctu proficiscerentur, consilium approbat: ac statim milites cœnatos esse in castris, ignesque quàm ⁶creberrimos fieri, dein ⁷primâ vigiliâ silentio egredi, jubet. Jamque nocturno itinere fessis omnibus, Sulla pariter cum ortu solis castra metabatur; cùm equites Mauri nunciant, Jugurtham, circiter duùm millium intervallo, ante eos consedissee. Quod postquam auditum est, tum verò ingens metus nostros invadit; credere se proditos à Voluce, et insidiis circumventos. Ac fuère qui dicerent ⁸manu vindicandum, neque apud illum tantum scelus inultum reliquendum. At Sulla, quamquam eadem existimabat, tamen ab injuriâ Maurum prohibet; suos hortatur, uti fortem animum gererent; sæpè antè paucis strenuis adversus multitudinem benè pugnatum: quantò sibi in prælio, minùs pepercissent, tantò, tutiores fore; nec decere quemquam, qui manus armaverit, ab inermis pedibus auxilium petere; et in maximo omnium metu nudum et ⁹cæcum corpus ad hostes vertere. Dein Volucem, quoniam ¹⁰hostilia faceret, ¹¹Jovem maximum obtestatus, uti sceleris atque perfidiæ

INTERPRETATIO.

¹ Volux adveniens appellat, et ad colloquium vocat Syllam quæstorem. *tius, quàm proditis iis, quos ducebat, parceret, turpi et flagitiosâ fugâ, vitæ incertæ, ac forsitan*

² Dicit, se satis confidere virtuti suorum. *pòst paulò morbo interituræ.*

³ Dicit, quanquam certum exitium sibi adesset, se mansurum potius. *⁴ Postquam Jovem maximum maximo cum affectu precatus esset, ut testis adesset sceleris.*

NOTÆ.

a Obviam.] Honoris causâ.

b Maurus.] Molux.

c Creberrimos.] Ut exercitum numero ampliorem, ibique pernoctaturum, Jugurtha crederet.

d Primâ.] Nox in quatuor vigilias, easque trium horarum singulas, Romanis divisa erat.

e Manu.] Hoc est, Volucem esse interficiendum.

f Cæcum.] Scilicet, cæcum et inerme corpus hostibus obvertunt, qui fugiunt. Cæterùm digna est tali viro Syllæ oratio.

g Hostilia.] Credebant enim monitu ejus cuncta gerere Jugurtham, sed Jugurthæ monitore nihil opus fuit.

Bocchi testis adesset, castris abire jubet. Ille lacrimans orare, ne ea crederet; nihil ^adolo factum, ac magis calliditate Jugurthæ, cui videlicet speculanti iter suum cognitum esset. Cæterum, quoniam neque ingentem multitudinem haberet; et spes, opesque ejus ex patre suo penderent, ¹credere illum nihil palam ausurum, cum ipse filius testis adesset. Quare optimum factum ^bvideri, per media ejus castra palam transire: sese, vel, præmissis vel ibidem relictis Mauris, solum cum Sullâ iturum. Ea res, uti in tali negotio, probata: ac statim profecti, quia de improvviso accesserant, ^cdubio atque hæsitante Jugurthâ, incolumes transeunt. Dein paucis diebus, quò ire intenderant, perventum est. Ibi cum Boccho Numida quidam, Aspar nomine, multum, et familiariter agebat; præmissus ab Jugurthâ, postquam Sullam acitum audierat, ²orator, et subdolè speculatum Bocchi consilia. ³Præterea Dabar, Massugradæ filius, ex gente Masinissæ, cæterum metereo genere impar, (nam pater ejus ex concubinâ ortus erat) ^eMauro ob ingenii multa bona carus, acceptusque, quem Bocchus fidem esse Romanis multis antea tempestatibus expertus, illicò ad Sullam nunciatum mittit, paratum sese facere, quæ populus Rom. vellet; colloquio diem, locum, tempus ipse deligeret; consulta sese omnia cum illo ^fintegra habere; neu Jugurthæ legatum pertimesceret, ^gquò res communis licentiùs gereretur: ^hnam ab insidiis ejus aliter caveri nequivisse. Sed ego comperior, Bocchum magis

INTERPRETATIO.

¹ Cæterum Volux dicebat quoniam Aspar, agebat multum et familiariter cum Boccho, præmissus ab Jugurthâ, ut legationem obiret, et subdolè specularetur consilia Bocchi, postquam audierat ab eo Syllam advocatum fuisse.

² Ibi Numidia quidam, nomine erat.

NOTÆ.

a Dolo.] Suo, scilicet, aut patris.

b Videri.] Verba sunt Volucis.

c Dubio.] Non enim datum est spatium cogitandi, utrum utilius foret; vel magnanimitatis stimulo concitatum Romanos virtute delinire, vel infestum eosdem persequi.

d Præterea.] Non fuerat hic a Jugurthâ missus.

e Mauro.] Boccho.

f Integra.] Id est, se, quicquid invicem statuissent, approbaturum. Gall. Qu'il tiendrait, pour bien fait.

g Quo.] Supple, Accitum fuisse Asparem. Hoc, dicebat Bocchus, ne à se Sylla prodicionem metueret, quod Jugurthæ le-

gatum videret, vel cum ipso ad concilium vocaretur; eò videlicet accitum eum fuisse, ut faciliùs quæ vellent, et tutiùs, exquerentur.

h Nam.] Dicit, ab Jugurthæ insidiis non potuisse caveri, nisi ille spe pacis illectus, ab iis deterritus fuisset. Cæterum, nisi quia faciundum fuit, haud scio an satis cautè Romani cum ejusmodi perfidio res suas communicaverint. Qui enim alium decipit, quamobrem nobis quoque dolos non paret, rationem habere debemus. Benè successit Romanis at certè orbis terrarum magistris eventus non satis idoneus fuit magister.

Punicâ ^a fide, quàm ^b ob ea, quæ prædicabat, simul Romanos, et Numidam spe pacis attinuisse; multumque cum animo suo volvere solitum, Jugurtham Romanis, an illi Sullam, traderet: ^c lubidinem adversum nos, metum pro nobis suasisse. Igitur Sulla respondit, pauca se coram Aspare locuturum; cætera occultè, nullo, aut quàm paucissimis præsentibus: simul edocet quæ sibi ^d responderentur. Postquam, sicuti voluerant, congressi; dicit se missum à consule venisse quæsitum ab eo, pacem, an bellum agiturus foret. Tum rex, uti ^e præceptum fuerat, post diem decimum redire jubet, ac nihil etiam nunc decrevisse, sed ^f illo die responsurum. Dein ambo in castra sua digressi. Sed ubi plerumque noctis processit, Sulla à Boccho occultè arcessitur; ab utroque tantummodo fidi interpretes adhibentur. Prætereà Dabar internuncius, sanctus vir, ^g ex sententiâ ambobus jurat; ac statim rex sic incipit:

“Nunquam ego ratus sum fore, uti rex maximus in hâc terrâ, “et omnium, quos novi, opulentissimus, privato homini gratiam “deberem. Et hercle, Sulla, ante te cognitum multis orantibus, “aliis ultrò, egomet opem tuli, nullius indigni. ^h Id imminutum, “quod cæteri dolere solent, ego lætor. Fuerit mihi ⁱ pretium, “eguisse aliquando tuæ amicitiae; quæ apud animum meum nihil “carius habeo. ^k Id adeò experiri licet; arma, viros, pecuniam, “postremò, quidquid animo lubet, sume, utere; et quoad vives, “nunquam tibi redditam ^l gratiam putaveris; semper apud me “integra erit: denique nihil me sciente frustrâ voles. Nam, ut “ego existimo, regem armis, quàm munificentia vinci, minùs “^m flagitiosum. Cæterum de rep. vestrà, cujus curator huc missus “es, paucis accipe. “Bellum ego populo Rom. neque feci, neque “factum unquam volui: fines meos adversum armatos armis tu- “tatus sum. ⁿ Id omitto: quando vobis ita placet, gerite, uti vul-

INTERPRETATIO.

¹ Id bellum desero.

NOTÆ.

a Fide] Id est, fraude; utraque enim pro eadem in proverbium abiit. Bocchus eâ gratiâ Romanorum simul et Jugurthæ legatos acciverat, ut ex commodo suo de utrisque consuleret.

b Ob ea.] Ut, scilicet, Jugurthæ doli præcaverentur.

c Lubidinem.] Odio cum habebat Romanos.

d Responderentur.] A Boccho, scilicet, quando coram Aspare Jugurthæ legato colloquerentur.

e Præceptum.] A Sylla per Debarem.

f Illo.] Qui, scilicet, post decimum illuc cecisset.

g Ex sententiâ.] Sc, scilicet, fideliter concredata servaturum.

h Imminutum.] Quia nunc ope alienâ indigeo.

i Pretium.] Gall. Il me sera avantageux. Mihi lucro vertetur.

k Id.] An, scilicet, amicitia tua mihi cara sit.

l Gratiam.] Sylla Bocchi legatos optime acceperat, illisque quæcumque ad ejus commodum spectabant, providerat.

m Flagitiosum.] Hinc videre licet flagitium magis peccatum notare quod infamiam adfert.

n Bellum.] In aliis codicibus ita legitur; Bellum pop. Romano nunquam paravi, neque factum volui.

“tis, cum Jugurthâ bellum. Ego flumen Mulucham, quod inter
 “me et Micipsam fuit, non egrediar, neque id intrare Jugurtham
 “sinam. Prætereà, ^asi quid meque vobisque dignum petiveris,
 “haud repulsus abibis.”

Ad ea Sulla pro se breviter et ^bmodicè, de pace, et de communibus rebus multis, disseruit. Denique regi patefacit; ¹quod polliceatur, senatum et populum Rom. quoniam armis ampliùs valuissent, non in gratiâ habituros: faciundum aliquid, quod illorum magis quàm suâ, retulisse videretur: id adèò in promptu esse, quoniam ²copiam Jugurthæ haberet; quem si Romanis tradidisset, fore ut illi plurimum deberetur: amicitiam, fœdus, Numidiæ partem, quam nunc ^cpeteret, tunc ultrò adventuram. Rex primum negitare; ³cognitionem, affinitatem, prætereà fœdus intervenisse; ad hoc metuere, ne ^dfluxâ fide usus popularium animos averteret: quîs et Jugurtha carus, et Romani invisi erant. Denique sæpius fatigatus, leniter, et ex voluntate Sullæ, omnia se facturum promittit. Cæterùm ad simulandam pacem, cujus Numidia, defessus bello, avidissimus ⁴quæ utilia visa, constituunt. Ita, composito dolo, digrediuntur. Et rex postero die Asparem, Jugurthæ legatum, appellat: dicitque sibi per Dabarem ex Sullâ cognitum, posse conditionibus bellum componi: quamobrem regis sui sententiam exquireret. Ille lætus in castra Jugurthæ proficiscitur. Dein ab illo cuncta edoctus, properato itinere, post diem octavum redit ad Bocchum; et ei nunciat, Jugurtham cupere omnia, quæ imperarentur, facere; sed Mario parum fidere: sæpè antea, cum imperatoribus Romanis pacem conventam, frustrâ fuisse. Cæterùm Bocchus, si ^eambobus consultum, et ratum pacem vellet, daret operam, ut unâ ab omnibus, quasi de pace, in colloquium veniretur, ibique sibi Sullam traderet: cùm talem vi-

INTERPRETATIO.

¹ Denique patefecit regi, senatum et pop. Romanum non pro gratiâ accepturos illud quod polliceatur quoniam armis ampliùs voluissent.

² Quoniam Jugurtham in potestate haberet.

³ Bocchus causabatur cognationem affinitatem: prætereà dicebat fœdus cum Jugurthâ intervénisse.

⁴ Cæterùm constituunt quæ visa sunt utilia ad simulandam pacem cujus Jugurtha, defessus bello, erat avidissimus.

NOTÆ.

a Si quid.] Absque hac exceptione, quæ minùs urbana est relique aptissimè cohærebant.

b Modicè.] Multo officio Syllam Bocchus prosecutus erat, ideòque Sallustius ad ea Syllam cum modestiâ respondisse dicit.

c Peteret.] Non satis cognoscitur bel-

lone, an pacto, Numidiæ partem aliquam Bocchus obtinuerit; an verò totum istud sit de spe intelligendum, quam Jugurtha, si finibus integris fœdus cum Romanis pangeretur, Boccho maximam fecerat.

d Fluxa.] Ergò Jugurtham, quocum fœdus inivisse eum, neminem latebat.

e Ambobus.] Boccho et Jugurthæ.

rum in potestate habuisset, tum fore uti jussu S. P. Q. R. fœdus fieret; neque hominem nobilem, non suâ ignaviâ, sed ob rempub. in hostium potestate relictum iri. Hæc Maurus secum ipse diù volvens, tandem promisit. Cæterum ^adolo, an ^bverè cunctatus, parum comperimus. Sed plerumque ^cregiæ voluntates, uti vehementes, sic mobiles, sæpè ipsæ sibi adversæ. Postea tempore et loco constituto, in colloquium ¹uti de pace veniretur; Bocchus Sullam modò, modò Jugurthæ legatum appellare; benignè habere; idem ambobus polliceri. Illi pariter læti, ac spei bonæ pleni esse. Sed nocte eâ, quæ proxima fuit ante diem colloquio decretum, Maurus adhibitis amicis, ac statim ^dimmutatâ voluntate, remotis cæteris, dicitur secum ipse, ^emultum agitavisse: ²vultu, colore, ac motu corporis pariter atque animo varius: ^fquæ scilicet, tacente ipso, occulta pectoris, oris immutatione patefecisse. Tamen postremò Sullam accersi jubet, et ex illius sententiâ Numidæ insidias tendit. Deinde ubi dies advenit, et ei nunciatum est, Jugurtham haud procul abesse; cum paucis amicis, et ^gquæstore nostro, quasi obviis, honoris causâ, ³procedit in tumultum facilimum visu insidiantibus. Eodè Numida cum plerisque necessariis suis inermis, uti dictum erat, accedit: ac statim signo dato, undique simul ex insidiis invaditur. Cæteri obtruncati, Jugurtha Sullæ vinctus traditur, et ab eo ad Marium ^hdeductus. ⁱPer idem tempus adversum ^kGallos ab ducibus nostris

INTERPRETATIO.

¹ Postea loco et tempore constituto, Bocchus appellebat modò Syllam, modò legatum Jugurthæ, ut veniretur in colloquium de pace. ea, quæ, scilicet occulta pectoris, dicitur, ipso tacente, patefecisse oris immutatione.

² Ipse Bocchus vultu, colore ac motu corporis, pariter atque animo, varius, dicitur multum agitavisse quem facile insidiantes prospicere poterant.

NOTÆ.

a Dolo.] Ut magis crederet Jugurtha, optimâ fide Bocchum cum ipso agere; cum rem ipsam diù ab illo antè agitaram videret, quàm polliceretur.

b Verè.] Id est, cum Numidæ tradere Syllam Bocchus statuisset.

c Regiæ.] Rem ipsam verissimè expressit Sallust. Videant itaque et sibi caveant, quibus omnia ex voto successerunt. Periculum est maximum ne voluntas omnia cum impetu pervadere assueta, sæpius cum dolore, eadè relegere cogatur.

d Immutatâ.] Id est, Dimissis omnibus.

e Multum.] Alii habent multa.

f Quæ.] Scilicet ex ejus incerto vultu, et oris immutatione, animi fluctuatio et

dubitatio cognita est: nesciebat enim an Jugurthæ Syllam, vel Syllæ Jugurtham, tradere melius esset.

g Quæstore.] Syllâ.

h Deductus.] Florus ex Livio, in carcere necatum Jugurtham fuisse; alii fame contabuisse volunt.

i Per idem.] Istud ad Jugurthæ historiam non facit, sed additum est, ut cognosceretur, quamobrem contra leges Mario ab-senti consulatus mandatus fuisset.

k Gallos.] Alii magis istud Germanis adscribunt: optimè verò et verissimè noster auctor qui Gallis, propter Helvetios scilicet, qui tum, cum Cimbris, belli adversus Romanos concitatoribus, ter ipsos profligaverunt.

Q. Cepione, et M. Manlio malè pugnatum. Quo metu Italia omnis contremuerat. ¹ Illique et usque ad nostram memoriam Romani sic habuère, alia omnia virtuti suæ prona esse; cum Gallis pro salute, ^a non pro gloriâ certari. Sed postquam bellum in Numidiâ confectum, et Jugurtham Romam vinctum adduci, nuntiatum est; Marius consul ^b absens factus est, et ei decreta provincia Gallia: isque ^c Kalendis Januar. magnâ gloriâ consul triumphavit. Ex eâ tempestate spes, atque opes civitatis in illo sitæ erant.

INTERPRETATIO.

¹ *Et Romani, qui illis temporibus vivebant, et usque ad nostram memoriam, sic animo reputaverunt; alia omnia suæ virtuti prona esse et facilia, at cum Gallis pro salute certari, non pro gloriâ.*

NOTÆ.

<p>^a <i>Non pro gloriâ.</i>] Quandoquidem de gloriâ cum Gallis non ausi sunt contendere, qui orbis terrarum Domini reliquorum populorum honorem proculcaverant.</p>	<p>Illa, Deo adjuvante, nunquam peribit. ^b <i>Absens.</i>] Contrâ morem. ^c <i>Kalendis.</i>] Quo tempore consules magistratum inibant.</p>
--	--

FINIS BELLII JUGURTHINI.

C. SALLUSTII CRISPI

HISTORIARUM FRAGMENTA.

LIBER I.

RES populi R. M. ^a Lepido, Q. ^b Catulo Coss. ac deinde militiæ et domi gestas ^c composui. *Donatus et Pomp. Messalinus.*

^d Cato Romani generis disertissimus multa paucis absolvit. *Serv. et Acron.*

^e Fannius verè. *Victorinus.*

Nos in tantâ ^f doctissimorum hominum copiâ. *Serv.*

Neque me diversa pars in civilibus armis movit à vero. *Arsianus.*

NOTÆ.

^a *Lepido.*] Hic est, qui, cùm proscriptos à Syllâ revocare studeret, bellum civile movit, quod penè citiùs oppressum est quàm inciperet.

^b *Catulo.*] Hic incensum capitolium, anno ab urbe conditâ 684, restitutum dedicavit.

^c *Composui.*] Donatus sub initium Æneidos hîc historiam Sallustium cæpisse scribit, et Messalinus hanc vocat Sallustianam periodum. Undè conijcere licet auctorem nostrum, qui se, ab initio belli Catilinarii, res gestas P. Rom. carptim scripturum esse dicit, in eo non perstitisse; sed postquam de bello scripsisset, quod Catilina aliquot annis à Lepidi et Catuli consulatu excitavit; atque eo quod multò antè eundem consulatum P. Rom. adversus Jugurtham gesserat: ad historiam unâ serie, non interruptè posteris transmittendam animum adjecisse. Vi-

detur itaque de Sertorio et Pompeio, item de Mithridate, Tigrane et Lucullo, præcipuè, et iis quæ ab his à Lepidi consulatu ad bellum Catilinarium usque, acta sunt, mentionem fecisse. Quæ verò ex ejus fragmentis hinc inde dissipata, collecta sunt; in tantâ caligine, vix quisquam in locum suum et ordinem possit restituere, neque certè tanti esse judicamus.

^d *Cato.*] Censorinus est.

^e *Fannius.*] Duo fuerunt, quorum Cicerò meminit in Bruto.

^f *Doctissimorum.*] De Cælio, Rutilio, Pictore, Quadrigario, Antiæte, Sisenna, Venonio, præcipius ante Sallustium historicis, intelligi volunt; quibus adde Catonem historicum eximium, ex quo multa sumpsisse auctorem nostrum ci etiam exprobratum est.

Nobis ^a crimæ dissensiones vitio humani ingenii evenêre: quod, inquit, atque ^b indomitum, semper in certamine libertatis, aut gloriæ, aut dominationis agit. *Prisc.*

Nam à primordio urbis ad bellum ^c Persi Macedonicum. *Idem.*

Res Romana plurimùm imperio valuit, Ser. Sulpitio et M. Marcello Coss. omni ^d Galliâ cis ^e Rhenum, atque inter mare ^f nostrum, atque Oceanum, nisi quæ à paludibus invia fuit, perdomitâ. ^g Optimis autem moribus, et maximâ concordia egit populus Rom. inter secundum atque postremum bellum Carthaginense. *Victorinus et Augustinus.*

At discordia, et avaritia, atque ambitio, et cætera secundis rebus oriri ^h sueta mala, post Carthaginis excidium maximè aucta sunt. Nam injuriæ validiorum, et ob eas discessio plebis à patribus, aliæque dissensiones domi fuere jam inde à principio: neque amplius, quàm regibus exactis, dum metus à ⁱ Tarquinio et bellum grave cum ^k Etruriâ positum est, æquo et modesto jure agitatum: dein, servili imperio patres plebem exercere; de vitâ atque ^l tergo regio more consulere; agro pellere; et, cæteris expertibus, soli in imperio agere. Quibus sævitiis, et maximè fœnoris onere oppressa plebes, cùm assiduis bellis tributum simul et militiam toleraret, armata montem ^m sacrum, atque Aventinum, insedit: tumque ⁿ Trib. pl. et alia sibi jura paravit. Discordiarum et certaminis utrimque finis fuit secundum bellum Punicum. *Augustinus.*

INTERPRETATIO.

¹ *Neque amplius Romæ agitata bellum grave positum est cum tum est æquo et modesto jure, Etruriâ, postquam reges pulsati es- quàm dum metus à Tarquinio, et sent.*

NOTÆ.

a *Primæ.*] De seditionibus videtur agere, quæ ob fœneratorum potentiam præcipuè atque potentiorum superbiam, ortæ sunt. Cæterum locutus fuerit de primis omnino Romanorum divisionibus, an non, nostrâ parum interest: illud est maximum, quod nobis verum discordiarum, nostrarum fontem ostendit quem obstruet qui volet et poterit.

b *Indomitum.*] Id est, quod domari non potest.

c *Persi.*] A nominativo Perseus: aliâs Perses dicitur, quem regno Macedoniæ Romani spoliaverunt.

d *Galliâ.*] Hinc patet, quod et alii abundè probaverunt, Germaniam veteribus sub Galliâ comprehensam fuisse.

e *Rhenum.*] Rhenus notissimus hodie Germaniæ fluvius.

f *Nostrum.*] Mediterraneum.

g *Optimis.*] Hoc illud est quod dixit in Jugurthâ, senatum et P. Romanum placidè inter se, modestèque rempublicam tractasse.

h *Sueta.*] Ab iis itaque sibi cavendum esse intelligant qui favente utuntur fortunâ.

i *Tarquinio.*] Superbo, scilicet, regum Romanorum postremo, qui unâ cum filiis adversus Romanos bellum movit, eos manu in regnum reducente Etruscorum rege Porsenâ.

k *Etruria.*] Italiæ regio ad Urbis Occidum. Hodiè *Toscane.*

l *Tergo.*] Quia verberibus in damnatos sæviebant.

m *Sacrum.*] *Capitolium.*

n *Trib.*] Per quos a potentiorum injuriâ tuta agitantur.

Postquam, remoto metu Punico, simultates exercere vacuum fuit; plurimæ turbæ, seditiones, et ad postremum bella civilia orta sunt: dum pauci potentes, quorum ^a in gratiâ plerique concesserant, ^b sub honesto patrum, aut plebis nomine dominationes affectabant; bonique et mali cives appellati, non ob merita in rempublicam, omnibus pariter corruptis, sed uti quisque locupletissimus, et injuriâ validior, ^c quia præsentia defendebat, pro bono ducebatur. ^d Ex quo tempore majorum mores, non paulatim, ut antea, sed torrentis modo, ^e præcipitati: abeo juvenus luxu atque avaritiâ corrupta est, uti meritò dicatur, genitos esse, qui neque ipsi habere possent res familiares, neque alios pati.

Aul. Gellius et Augustinus.

^f Igitur venditis proscriptorum bonis, aut dilargitis. *Aul. Gellius.*

Id bellum excitabat ^g metus Pompeii victoris ^h Heimpsalem in regnum restituentis. *Idem.*

Maximèque ferocia regis ⁱ Mithridatis in tempore bellaturi. *Donatus et Arusianus.*

Quin lenones et vinarii, laniique, quorum prætereà vulgus in dies usum habet, pretio ^k compositi. *Carisius.*

Genus armis ferox, et servitii insolitum. *Arusianus.*

M. Æmilii Lepidi Cos. ad P. R. Oratio contra Sullam.

Clementia, et probitas vestra, Quirites, quibus ^l per cæteras gentas maximi, et clari estis, plurimum timoris mihi faciunt adversus ^l tyrannidem L. Sullæ; ne aut ipsi, nefanda quæ æstimatis, ea parum credendo de aliis, circumveniamini: præsertim cum

INTERPRETATIO.

Quibus maximi estis inter cæteras gentes.

NOTÆ.

^a *In gratiâ.]* Arusianus à Sallustio dictum notat *concedere in gratiâ.* Augustinus qui fragmentum hoc totum conservavit, *in gratiam concesserunt*, scriptum reliquit.

^b *Sub honesto.]* Patres pro dignitate senatûs, tribuni pro libertate plebis cum contendere videbantur, quisque pro gloriâ suâ certabat.

^c *Quia præsentia.]* Hinc discere possunt qui reipublicæ student commoditatibus, quanto cum molimine, quantâque prudentiâ, ex prædonum manibus ea sit retrahenda.

^d *Ex quo tempore.]* Hæc cum præcedentibus unâ serie non refert Augustinus.

^e *Præcipitati.]* Hunc locum diligenter excusisse non pœnitebit eos, qui ad reipublicæ sedent gubernacula.

^f *Igitur.]* De Syllâ hoc loco sermonem

esse quando non probaret Augustinus, res ipsa satis declararet.

^g *Metus.]* Gellius Pompeii metum explicat, non quòd ille metueret, sed quòd metueretur.

^h *Hiempsalem.]* Huic Numidiam cum Gætulis Pompeius tradidit, cujus filium Jubam Cæsar profligavit.

ⁱ *Mithridatis.]* Rex fuit Ponti Mithridates, Romanorum acerrimus hostis, usque adeò veneno assuetus, ut eo tandem malè tentatum spiritum, ferro coactus sit expellere.

^k *Compositi.]* Nonius exponit *redempti.*

^l *Tyrannidem.]* Dictaturam ante Lepidi consulatum deposuisse Syllam, non est dubium: adeoque de ejus dominatione hic agitur, quatenus eam per satellites, posito nomine tantum, exercebat.

illi spes omnis in scelere atque perfidiâ sit, ^a neque se aliter tutum putet, quàm si pejor atque intestabilior ^b metu vestro fuerit; ¹ quò captivis libertatis curam miseria eximat: aut si provideritis, in tutandis periculis magis, quàm in ulciscendo, ² teneamini. Satellites, quidem ejus homines maximi nominis, ^c non minùs optimis majorum exemplis, nequeo satùs mirari, dominationis in vos, servitium suum ^d mercedem dant; et utrumque per injuriam malunt, quàm optimo jure liberè agere: præclara ^e Brutorum atque Æmiliorum et ^f Lutatiorum proles, geniti ad ea, quæ majores virtute peperère, subvertenda. Nam quid à ^g Pyrrho, Hannibale, ^h Philippoque et ⁱ Antiocho defensum est aliud, quàm libertas, et suæ cuique sedes: neu cui, nisi legibus, pareremus? quæ cuncta sævus iste ^k Romulus, quasi ab externis rapta, tenet: non tot exercituum clade, neque ^l consulis, et aliorum principum, quos fortuna belli consumpserat, satiatus; sed tum crudelior, cùm plerosque secundæ res miserationem ex irâ vertunt. Quin solus omnium, post memoriam hominum, supplicia in ^m post futuros composuit, quis prius injuria quàm vita certa esset: pravissimèque per sceleris immanitatem adhuc tutus fuerit; dum vos, metu gravioris serviti, à repetendâ libertate terremini. Agendum atque obviam eundem est, Quirites, ut spolia vestra penes illum sint: non prolatandum, neque votis paranda auxilia: nisi fortè speratis, per tedium jam, aut pudorem tyrannidis, esse eum per scelus occupata ⁿ periculosius dimissurum. At ille eò processit, uti nihil glorio-

INTERPRETATIO.

¹ *Ut miseria adimat vobis captivis curam libertatis.* | *attenti sitis ad vos à periculis liberandos quam ad injurias ulciscendas.*

² *Aut, si provideritis, magis* | *cendas.*

NOTÆ.

a *Neque.*] Igitur, vel principiis obstantum; vel semet et maturè, cui ea lubet arripere, tradenda sunt reipublicæ gubernacula.

b *Metu.*] *Quam vobis incusserit Sylla*, scilicet, ne, si parum tyrannus esset, aut vos aliquid auderetis, ipsum acerbissimè puniretis.

c *Non minùs.*] Id est, qui, præter nomen, exempli insuper optima à suis maioribus habuerunt.

d *Mercedem dant.*] Id est, *Illi, ut vobis inperent, servi fiunt.*

e *Brutorum.*] Hujus præsertim meminit, quia tyrannorum hostis fuit acerrimus, quique Tarquinium Superbum expulit, ejusque filium planè quasi ad inferos usque persecutus est.

f *Lutatiorum.*] A Lutatia Catulo, ipse Lepidus, bellum civile movens, retrò pulsus est.

g *Pyrrho.*] Id est, *adversus ipsum.* Fuit autem Pyrrhus rex Epirotarum.

h *Philippoque.*] Rex fuit Macedoniæ.

i *Antiocho.*] Rex fuit Syriæ, quem luxuria suâ debellatum, nullo negotio P. Rom. superavit.

k *Romulus.*] De Syllâ invidiosè loquitur.

l *Consulis.*] Videtur de Marii filio loqui.

m *Post futuros.*] Hoc dicit, quia proscriptorum liberos Sylla à republicâ submovit, eosque pretendorum honorum jure privavit.

n *Periculosius.*] Nullus itaque injustè dominetur, qui se pessimum fieri metuit.

sum, nisi tutum, et omnia ^a retinendæ dominationis honesta, existimet. Itaque illi quies, et otium cum libertate, quæ multi probi potius, quam laborem cum honoribus, capessebant, nulla sunt. Hâc tempestate serviendum, aut imperitandum: habendus metus est, aut faciendus, Quirites. Nam quid ultra? Quæve humana superant, aut divina impolluta sunt? Populus Romanus, paulò antè gentium moderator, exutus imperio, gloriâ, jure, agitandi inops, despectusque, ne ^b servilia quidem alimenta reliqua habet. Sociorum et Latii magna vis, civitate pro multis et egregiis factis, à vobis datâ, per unum prohibentur; et plebis innoxiae patrias sedes occupavere pauci satellites, mercedem scelerum; leges, judicia, ærarium, provinciæ, reges, penès unum: denique necis civium, et ^c vitæ licentia. Simul humanas hostias vidistis, et sepulchra infecta sanguine civili. Estne viris reliqui aliud, quam solvere injuriam, aut mori per virtutem? Quoniam quidem unum omnibus finem naturâ, vel ferro, cæptis statuit; neque quisquam ^d extremam necessitatem, nihil ausus, nisi muliebri ingenio, expectat. Verùm ego seditiosus, uti Sulla ait, quia præmia barbarum ^e queror; et bellum cupiens, quia jura pacis repeto. Scilicet, quia non aliter salvi, satisque tuti, in imperio eritis; nisi Vettius Picens, ^f scriba Cornelius, aliena, benè parata, prodegerint: nisi approbaveritis omnes proscriptiones innoxiorum, ^g ob divitias; cruciatus virorum illustrium; vastam urbem fugâ et cædibus; bona civium miserorum, quasi ^h Cimbricam prædam, venum, aut dono datam. At objectat mihi possessiones ex bonis

NOTÆ.

^a *Retinendæ.*] Id est, ad retinendum, Subintelligitur, *causâ*.

^b *Servilia.*] Quinorum frumenti modiorum fuisse ea in singulos menses ex Donato, ad Terentii Phormionem discimus. Cæterum hinc licet conjicere, aliquid in frumenti distributione à Syllâ mutatum fuisse.

^c *Vitæ licentia.*] Nemo enim, illo invito, nec bona, nec patriam, nec vitam retinere poterat, ut testatur Cicero.

^d *Extremam.*] *Mortem*.

^e *Queror.*] Gronovius legendum esse putat *quæro*; at pace tanti viri mihi mutandum censeo; quin sensum meliorem magisque ex Lepidi ingenio, *queror* videtur efficere. Intendit enim Syllæ criminationes eo modo proponere, ut per se diluantur: quod quidem in posteriori perspicuum est cum dicit, *Et bellum cupiens, quia jura pacis repeto*. Si in prior, pro *qui*, legas *quia*, nam sæpè eam vim obtinet, res erit clarissima. Lege modò, et videbis: perinde enim est ac si dice-

ret, *Ineptè Sylla me seditiosum vocat, cum in eo sim, ut querar, quòd præmia antehac in seditiosos collata fuerint*.

^f *Scriba.*] Ita vocati sunt qui in tabulas rationes publicas referunt. Quorum quidem oratio honestus erat, quod eorum hominum fidei tabulæ publicæ, periculaque magistratuum committuntur, ut ait Cicero: at officium mercenarium, nec magni testimonii aut pretii: si Alex. Neapolitano, aliisque unde et istud colligi potest, fides est adhibenda. Hic verò Cornelius et Vettius ex eo numero fuerunt, qui malo publico creverant, satellites Syllæ tyrannidis et crudelitatis, atque adeò maximè exosi, ut vel ex hoc loco apparet.

^g *Ob divitias.*] Dicit divitias causam fuisse, ut innoxii quoque proscriberentur.

^h *Cimbricam.*] Cimbri populi fuerunt Germaniæ, supra Sexones, ad Septentrionem, in peninsula ab ipsis Cimbrica dicta, quos ab extremis Galliæ profugos, cum Theutonibus et Tigurinis, Marius novissimè conciderat.

proscriptorum, quod quidem scelerum illius vel maximum est, non me, neque quemquam omnium satis tutum fuisse, si rectè, ^a faceremus. Atque illa quæ tum formidine mercatus sum, pretio soluto, ^b jure, dominis tamen restituo; neque pati consilium est, ullam ex civibus prædam esse. Satis illa fuerint, quæ, rabie contractâ toleravimus; manus conserentes inter se Romanos exercitus, et arma ab externis in nosmet versa. Scelerum et contumeliarum omnium finis sit. Quorum adeò Sullam non pœnitet, ut et facta ^c in gloriâ numeret, et, si liceat, avidiùs fecerit. Neque jam, quid existimetis de illo, sed quantum vos audeatis, vereor; ne, alius alium principem expectantes, antè capiamini, non opibus ejus, quæ fuitiles et corruptæ sunt; sed vestrâ socordiâ, quam captum ire licet; et ^d quàm audeat tam videri felicem. Nam præter satellites commaculatos, quis eadem vult? Aut quis non omnia mutata præter victoriam? ^e Scilicet milites, quorum sanguine, Tarrulæ, Scyrroque, pessimis servorum, divitiæ partæ sunt. An, quibus prælatus in magistratibus capiundis Fusidius, ^f ancilla turpis, honorum omnium dehonestamentum? Itaque maximam mihi fiduciam parit victor exercitus, cui per tot vulnera et labores, nihil præter ^g tyrannum quæsitum est. ^h Nisi fortè tribuniciam potestatem eversum profecti sunt per arma, conditam à majoribus suis ⁱ utique jura et judicia sibimet extorquerent: egregiâ scilicet mercede, cùm ^k relegati in paludes et silvas, contumeliam atque invidiam ^l suam, præmia penès paucos

INTERPRETATIO.

^l Cùm intelligerent, postquam tantum esse pro se, præmia verò relegati essent in paludes et silvas, penès paucos.
vam, contumeliam atque invidiam

NOTÆ.

^a *Faceremus.*] Pro fecissimus: ita ut Terentius, sæpè.

^b *Jure.*] Suivant les formes de justice.

^c *In gloriâ.*] Videtur ad id respicere quod Plutarchus, palam in foro Syllam dixisse, testatur, cùm publicum præsidium à se dimisisset. Sese omnium à se gestarum rerum paratum esse rationem reddere.

^d *Quàm audeat.*] Hic aliquid deesse putant, deinde quodlibet mutant et addunt. Difficile non est, neque ea res agitur. At sensus nullus est; nullus sit: nam malim equidem ego scire me aliquid perdidicisse, quàm pro eo aliquid per imperitiam sumere, et gestare. At verò videamus, annon sensus aliquis ex istis verbis possit erui. Hæc ipsâ perio-

do dixit Lepidus, Vereor quantum vos audeatis. Potuerit et dicere, Vereor quàm Sylla audeat, et quàm audeat videri felicem: atque istud egregiè quadrabit, cùm omnes à felicitate sciant Syllam cognominatum fuisse.

^e *Scilicet milites.*] Ironia est.

^f *Ancilla.*] Per maximum contemptum ita loquitur.

^g *Tyrannum.*] Syllam, scilicet.

^h *Nisi.*] Ironica dubitatio.

ⁱ *Utique.*] Respondet ironicæ dubitationi, vel, si mavis, ejus continuatio, quod magis probò.

^k *Relegati.*] Ita, per contemptum, loquitur de agris, quos suis militibus Sylla dividebat; quamquam eò divites colonos multos effecerat.

intelligerent. Quare igitur tanto agmine atque animis ^a incedit? Quia secundæ res mirè sunt vitiis ^b obtentui, ^c quibus labefactatis, quàm formidatus ante est, tam contemnetur: nisi fortè ^d specie concordiæ et pacis, quæ sceleri et parricidio suo nomina indidit. Neque aliter populo Romano esse belli finem ait, nisi maneat expulsa agris plebes, præda civilis acerbissima, jus, judiciumque omnium rerum, penès se, quod populi Romani fuit. Quæ, si vobis, pax, et concordia ¹ intelliguntur, maxima turbamenta reip. atque exitia ^e probate; annuite legibus impositis; accipite otium cum servitio; et tradite exemplum posteris ad populum Romanum suimet sanguinis ^f cæde circumveniendum. Mihi, quamquam per hoc summum imperium satis ² quæsitum erat nomini majorum, dignitati, atque etiam præsidio; tamen non fuit consilium ^g privatas opes facere; potiorque visa est periculosa libertas quiceto servitio. Quæ si probatis, adeste Quirites, et, benè juvantibus diis, M. Æmilium ^h Consulem, ducem et autorem sequimini ad recipiendam libertatem.

Tunc verò et ⁱ posci: dum cæteri ejusdem causà ducem senatùs rati, maximo gaudio bellum irritare. *Nonius, irritare, provocare.*

^k Curionem ^l quæsit, ut adolescentior, et populi suffragiis ^m in-

INTERPRETATIO.

¹ *Quæ, si pro pace et concordia veniunt apud animum vestrum, probate igitur maxima turbamenta atque exitia reipublicæ.* | *hoc summum imperium, et consulatum, nomini et gloriæ majorum meorum, dignitati atque etiam præsidio.*

² *Quamvis satis consulerem, per-*

NOTÆ.

a *Incedit.*] Id est, *Qui fit igitur, ut tam magnificè per ora nostra Sylla ambulet, cum jam omnes ejus dominationis pigeat?* Per opus verò fuit sibi istud Lepidus à parte populi objiceret, ut ejus postea timor dissolveretur.

b *Obtentui.*] Id est, *mirè vitia tegunt, faciuntque ut quid splendidum videantur.*

c *Quibus.*] *Rebus secundus, scilicet.*

d *Specie.*] Hic corruptam esse scripturam, ut sentit clarissimus Douza, nullus dubito: correctionem quam modestissimè conjecturam dicit, non possum non amplecti, tùm, propemodum nihil mutet. Pro specie reposuit, *spes est*: atque conjecturam, ex loco planè simili, in hac ipsa oratione, confirmat, ubi dixit Lepidus, *Nisi fortè speratis per tadium jam aut pudorem tyrannidis, &c.*

e *Probate.*] Efficacissima est ista agendi ratio, cum quis adversario, quod ipsum maximè urgeat, concedit.

f *Cæde.*] *Mercede* reponendum esse contendit Douza. *Cædes* equidem sanguinis, duriter sonet, sed nolim tamen ex durâ oratione eam extrudere.

g *Privatus.*] Id est, *mihi soli prospicere, vel me solum tutum, et felicem agere.*

h *Consulem.*] *Illam ipsum, scilicet.*

i *Posci.*] Videtur deesse nomen proprium ducis, quòd ex his reliquiis, licet corruptis, concinnandum est, legendumque: *Tum V—posci, cum cæteri ejusdem causà ducem se nactos rati, &c.* Verba sunt Ursini.

k *Curionem.*] Consul fuit anno, à Lepidi consulatu, altero.

l *Quæsit.*] A Verbo, *Quæso*, ex quo *Quæso et Quæsumus* tantum manserunt.

m *Integer.*] Id est, *qui neque ad id tempus honores petiverat, neque ambiverat; cuique populus nondum suffragatus erat.* Atque hinc licet conjicere hunc Lepido scse præpositum studuisse.

teger, ætati concederet ^a Mamerci. *Priscianus, lib. x.*

Philippus, qui ætate et consilio cæteros anteibat. *Servius, lib. ii.*

Oratio L. Philippi contra Lepidum.

Maximè vellem, P. C. remp. quietam esse; aut in periculis à promptissimo quoque defendi: denique prava incepta consultoribus noxæ esse. Sed contrà, seditionibus omnia turbata sunt, et ab iis, quos prohibere magis decebat. Postremò, quæ pessimi et stultissimi decrevère, ea bonis et sapientibus facienda sunt. Nam bellum, atque arma, quamquam vobis invisæ, tamen, quia Lepido placent, sumenda sunt. Nisi fortè cui pacem ¹ præstare, et bellum pati, consilium est. Pro dii boni, ^b qui hanc urbem, omisâ curâ, adhuc regitis; M. Æmilius omnium flagitiosorum postremus, qui, preior an ignavior sit, deliberari non potest: exercitum opprimendæ libertatis habet, et se è contempto metuendum effecit: vos mussantes, et ² retractantes verbis, et vatium carminibus, pacem optatis magis quàm defenditis; neque intelligitis mollitiâ decretorum vobis dignitatem, illi metem detrahi. Atque id ^c jure; quoniam ex rapinis consulatum, ob seditionem provinciam cum exercitu adeptus est. Quid ille ob benefacta cepisset, cujus sceleribus tanta præmia tribuistis? ^d At scilicet, ii, qui ad postremum usque, legatos, pacem, concordiam, et alia hujusmodi decreverunt, gratiam ab eo peperère. Imò despecti et indigni rep. habiti, prædæ loco æstimantur; quippe ^e metu pacem repetentes, quo habitam amiserant. Equidem à principio cùm Etruriam conjurare, proscriptos accersiri, largitionibus rempub. ^f lacerari videbam; maturandum putabam, et Catuli consilia cum pacis secutus sum. Cæterum illi, qui gentis Æmiliæ benefacta

INTERPRETATIO.

¹ Nisi fortè alicui mens est pacem dare, et bellum pati. | mini verbis et carminibus vatium, optatis magis pacem, quàm eam

² Vos dum tacetis, vel relucta- | defenditis.

NOTÆ.

^a Mamerci.] Lepidus intelligitur, illud enim fuit prænomen Æmiliorum. Sed notandum duos continenter et annis subsequentibus consules factos fuisse.

^b Qui.] Istud qui, non ad deos refertur, sed ad homines, senatores scilicet, quos Philippus appellabat. Quasi diceret, *An non istud stupendum, vos, qui hanc urbem regitis, non providisse, ne Lepidus, &c.*

^c Jure.] Id est, id vobis promerito accidit.

^d At scilicet.] Amara ironia, quâ adversarios seu repugnantes inducit, sibi, quos illos maximè urgeat, objectantes.

^e Metu.] Certè eorum mirè expressit et irrisit insaniam, qui per socordiam, rempublicam administrant.

^f Lacerari.] Id est, in partes et factiones dividi.

^a extollebant, et ignoscendo populi Romani magnitudinem ¹ auxisse; nusquam etiam tum Lepidum progressum aiebant: cum ^b privata arma opprimendæ libertatis, cepisset, sibi quisque opes aut patrocinia ^c quærendo, consilium publicum corruerunt. At tum erat Lepidus latro cum ^d calonibus, et paucis ^e sicariis; quorum nemo non diurnâ mercede vitam ^f mutaverit; nunc est proconsul cum imperio, non ^g empto; sed dato à vobis cum legatis adhuc ^h jure parentibus: et ad eum concurrere homines omnium ordinum corruptissimi; flagrantes inopiâ et cupidinibus; scelerum conscientia exagitati; quibus quies, in seditionibus, in pace, turbæ sunt: hi tumultum ex tumultu, bellum ex bello, serunt. ⁱ Saturnini olim, post ^k Sulpicii, dein Marii, ¹ Damasippique, nunc Lepidi, satellites. Præterea Etruria, atque omnes ^m reliquæ belli arrectæ; Hispaniæ armis sollicitatæ; Mithridates in latere vestigalium nostrorum, quibus adhuc sustentamur, diem bello circumspicit: quin, præter idoneum ducem, nihil abest ad subvertendum imperium. ⁿ Quod ego vos oro, atque obsecro, P. C. ut animadvertatis, neu patiamini licentiam scelerum, quasi rabiem, ad ² integros contactu procedere. Nam ubi malos præmia sequuntur, haud faciliè quisquam gratuitù bonus est. An expectatis

INTERPRETATIO.

¹ Cæterum illi, qui gentis Emiliæ benefacta extollebant: et dicebant magnitudinem P. R. crevisse ignoscendo; nusquam adhuc videbant Lepidum progressum. ² Neve patiamini licentiam scelerum quasi rabiem procedere contactu ad eos qui non sunt corrupti.

NOTÆ.

a Extollebant.] Ut, scilicet, senatum ad misericordiam, erga Lepidum faciliùs adducerent.

b Privata.] Id est, Sine senatûs auctoritate.

c Quærendo.] Rem istam Catonis verbis ita proferas. Sibi quisque consilium capiendo, eo factus est impetus in vacuum rempublicam.

d Calonibus.] Servi sunt militum. Des Goujats.

e Sicariis.] Gall. dicunt, Des Assassins: des Coupe-jarrets.

f Mutaverit.] Hoc dicit per maximum eorum nebulonum contemptum; ut vilissimos fuisse intelligatur, qui vitam suam pro alimentorum pretio condonare non dubitarent.

g Empto.] Prout antea, quamdiu Lepidus pecuniâ suâ conductis sicariis stipatus incedebat.

h Jure.] Scilicet imperatori suo parere tenentur Legati.

i Saturnini.] Hic Gracchanas leges afferens, seditionem antè aliquod tempus moverat.

k Sulpicii.] His tribunus plebis, annitente Mario, legem tulit, ut exules revocarentur, et ut ipse Marius adversus Mithridatem dux crearetur: proscriptus deinde à Syllâ, à servo proditus, retractus et occisus est. Servum verò quod attinet, ob indicium manumissus, sed statim, ob scelus erga dominum de saxo Tarpeio dejectus, simul ejusdem facti præmium et pœnam consequutus est.

l Damasippique.] Hic Prætor fuit, nullâ virtute præditus, qui ex Marii voluntate, Syllani nominis defensores crudelissimè mactavit.

m Reliquiæ.] De iis loquitur qui à Marii parte steterant.

n Quod.] Propter quod.

dum, exercitu ^a rursus admoto, ferro, atque flammâ urbem invadat? Quod multò propius est ab eo, quo agitat, statu, quàm ^b ex pace et concordia ad arma civilia: quæ ille adversum divina et humana omnia cepit, non pro suâ, aut quorum simulat injuriâ, sed legum ac libertatis subvertendæ. Angitur enim, ac laceratur animi cupidine, et ^c noxarum metu, expers concilii, inquires; ^d hæc atque illa tentans, ^e metuit otium, odit bellum, luxu atque licentiâ carendum videt, utque interim abutitur vestrâ socordia. Neque mihi satis consilii, metum, an ignaviam, an dementia eam appellem; qui videmini ^f intenta mala, quasi fulmen, optare se quisque ne attingat, sed prohibere ne conari quidem. Et quæso considerate quàm conversa rerum natura sit. Antea ^g malum publicum, occultè; auxilia palàm instruebantur, et eo boni malos facilè anteibant; nunc pax et concordia disturbantur palàm, defenduntur occultè. Quibus ^h illa placent, in armis sunt; vos in metu. Quid expectatis? Nisi fortè pudet, aut piget rectè

INTERPRETATIO.

¹ *Qui videmini optare quisque, ne objecta mala, quasi fulmen, attingant se; sed ne quidem conari prohibere.*

NOTÆ.

a *Rursus.*] Istud contra historiæ fidem esse contendit Douza, atque ex eo præsertim, quòd nullibi, Lepidum ante postremam expeditionem, et pugnam cum Catulo commissam, ad Romæ mœnia exercitum admovisse: multò minus, urbem ferro et flammâ invasisse, legatur. At certè, quod cum tanti viri bonâ veniâ dictum sit, non videtur, probare Douza quod intendit; non enim licet quæ rhetoricè à Philippo adversus Lepidum dicta sunt, statim ad historiæ rigorem exigere; quasi revera ille voluerit dicere, Lepidum ferro et flamma Urbem invasisse: vel, si id maximè, non ideo tamen locum hunc corrigere opus fuerit, cum potuerit orator, quod à nefariis satellitibus antea patratum esset, ipsi Lepido, quanquam novo eorum duci, tribuere. Nihil tamen eâ de re historia. Quid inde? Fortè res atrox non fuit, vix fortè erupit; adeoque ab historicis neglectam fuisse possumus suspicari. Verùm quis opus est rationes congerere, cum ex hæc ipsâ oratione, cuius cum aliquâ attentione legenti, Lepidum antè aliquid turbasse, quàm cum Catulo pugnaret, satis superque probetur.

b *Ex pace.*] Haud dubiè mendosam

esse scripturam hanc idem Douza arbitratur, quam juxta cum ignarissimis, se intelligere, dicit; adeoque totum locum interpolandum censet: Cæteri tacent. Fortè sensus aliquis ex hæc paraphrasi eruatur: perinde enim mihi videtur, ac si dixisset Philippus: *Nam jam prolatare tempus est, ut factum antea; cum Lepidus contemnendus magis quàm profligandus videbatur, quamdiu cum paucis sicariis nihil amplius quam civitatem aliquo modo poterat commovere; nunc ille in eo non versatur; cives ad arma compellere non studet, cum per vos exercitum habeat; et citius eveniet, ut ille ferro et flammâ urbem invadat, quàm ut cives ad arma capienda sollicitet.*

c *Noxarum.*] Optimè; nam penam commitem habet culpa.

d *Hæc atque illa.*] Id est, *Omnia, etiam diversissima.*

e *Metuit.*] Lepidum insanum miserumque facit, cum ita fluctuantem et incertum fingit.

f *Malum.*] Id est, *si quis contra leges et senatus auctoritatem aliquid auderet, clam illum parabat, &c.*

g *Illâ.*] *Omnia perturbare.*

facere. An Lepidi ^a mandata animos movent? Qui placere ait, sua cuique reddi, et aliena tenet; belli jura rescindi, cum ipse armis cogat; civitatem confirmari, qui ^b adeptam negat; concordiae gratiâ plebi tribuniciam potestatem restitui, ex quâ omnes discordiae accensæ. ^c Pessime omnium, atque impudentissime, tibine egestas civium, et luctus curæ sunt; cui nihil est domi, nisi armis partum, aut per injuriam? Alterum consulatum petis, ^d quasi primum reddideris; bello concordiam quæris, quo parta disturbatur; nostri proditor, ^e istis infidus, hostis omnium bonorum. ^f Ut te neque hominum, neque deorum pudet, quos perfidiâ aut perjurio violasti! Qui, quando talis es, maneat in sententiâ, et retineas arma, te hortor: neu prolatandis seditionibus inquires ipse, nos in sollicitudine retineas. Neque te provinciæ neque leges, neque dii penates civem patiuntur. Perge, quâ cœpisti; ut quàm maturimè merita invenias. Vos autem, P. C. quosque cunctando remp. intutam patiemini, et verbis arma ^g tentabitis? Delectus adversum vos habiti; pecuniæ publicæ, et privatim, extortæ; præsidia deducta atque imposita; ex lubricine leges imperantur, cum interim vos ^h legatos et decreta paratis. Et quantò mehercule, avidiùs pacem petieritis, tantò bellum acrius erit, cum intelliget se metu magis, quàm æquo et bono sustentatum. Nam qui turbas, et cædem civium odisse ⁱ ait, et ob id, armato Lepido, vos inermes retinet; ¹ quæ victis toleranda

INTERPRETATIO.

¹ *Nam quicumque dicit se odisse turbas et cædem civium, et ided retinet vos inermes, dum Lepidus est armatus; ille potius censet ut patiamini ea quæ sunt toleranda victis, cum ea possitis aliis infligere.*

NOTÆ.

^a *Mandata.*] Invidiosè de inceptis Lepidi agit, ut eos qui ipsi auscultabant, quasi ejus servi obsequentes fuissent, acerbè vulneret.

^b *Adeptam.*] Confidenter pro adeptam reposui. Ita enim sensus postulat, mirorque quomodo alii præterierint.

^c *Pessimè.*] Lepidum tanquam præsentem et quidem ad persuadendum modo maximè efficaci Philippus alloquitur.

^d *Quasi primum.*] Rhetorico artificio Lepido objicit, quod se adhuc pro consule gereret; cum ex consulatu, exercitui præesset.

^e *Istis.*] *Iis*, scilicet, qui Lepido fidem habebant.

^f *Ut te.*] Cum Syllæ acta, multum retinente, pleraque nobilitate, Lepidus rescinderet; sacramento, ne patriæ bellum

inferret, cum ipsi concreditus est exercitus, à senatu adactus est. Jam illi illud objicitur.

^g *Tentabitis.*] Id est, conabimini verbis armorum vim repellere. Vix majus aliud malum in republicâ quàm cum ejus haberi in manus infirmas inciderunt; eò enim fit, ut, qui bonum et honestum turpi lucro anteponunt, paucorum sceleratorum dolis et crudelitati objiciantur. Pessimi sunt hæc in partè, quos nostri *bonos homines* vocant: quanquam illorum quisque eam laudem salutationibus et presentationibus aucupetur.

^h *Legatos.*] Qui Lepidi ferociam mulceant, cum potius eà re magis augeatur.

ⁱ *Ait.*] Quidem, quem nominare prohibet viri de bonis literis bene meriti, elegantia, lectionem receptam esse fateatur; sed secum et cum Sallustianâ ele-

sunt, ea, cùm facere possitis, patiamini potiùs censet. ¹ Ita illi à vobis pacem, vobis ab illo bellum, ^a suadet. Hæc si placent; si tanta torpedo animos oppressit, ut obliti scelerum ^b Cinnæ, cujus in urbem reditu, decus, atque ordines omnes interierunt; nihilo minùs vos, atque conjuges, et liberos, Lepido permissuri sitis: quid opus decretis? Quid auxilio Catuli? Quin is et alii boni remp. frustrà curant. Agite, uti lubet: parate vobis Cethegi, atque alia proditorum ^c patrocina, qui rapinas et incendia instaurare cupiunt; et rursum adversum deos penates manus armare. Sin libertas et bella magis placent, docernite digna nomine, et augete ^d ingenium viris fortibus. Adest novus exercitus, et, ad hoc, ^e coloniæ veterum militum; nobilitas omnis, duces optimi; fortuna meliores sequitur. Jam ^f illa, quæ secordiâ nostrâ collecta sunt dilabentur. Quare ita censeo: quoniam Lepidus exercitum ^g privato consilio, paratum cum pessimis, et hostibus

INTERPRETATIO.

¹ Ita ille suadendo inducit pacem Lepido à vobis, vobis verò bellum ab illo.

NOTÆ.

gantiâ pugnare contendit: numeri rationem in verbis illis tribus, *ait, retinet, censet*, perperam à sciolis inversam, et locum, vel suo periculo, castigandum esse, fidenter pronunciat: deinde à nato nemine usque ad hoc animadversum demiratur illud, sine quo sibi alii quomodo satis fecerint, nescit: denique magnificè sese effert, quòd primus pro *ait, aiunt*; pro *retinet, retinent*, &c. legendum esse intellexerit. Fundamentum istius applausus est, quòd ille putavit pronomem *qui* non posse nisi ad Lepidum ferri; quod, quia ridiculum visum est, ideò, in aliorum hæret stupiditate, ipsomet stupidus scilicet. Ipse ego omnium fortè stupidissimus: ne id quidem mirabor, (quanquam res mihi usque adeò aperta videtur) ut supervacaneum habeam quicquam addere interpretationi. Ita enim evenit, ut vel ea, quæ oculis et manibus attractamus et comprimimus, cùm curâ investigemus, nec videamus. Hæc ideò annotavi, quia, cæteris plorare jussis, sibi tam bellè assentari, eosque, qui non vident tametsi oculorum aciem maximè intendunt, vituperare, aut contemnere, injuriam visum est.

a *Suadet.*] De quovis loquitur, qui pro Lepido in senatu verba faceret.

b *Cinnæ.*] Hic ab Octavio Româ pulsus: postea, ei abrogato consulato, cum

exercitu ad urbem venit, et Romanos com-
meatu interclusit; deinde cum Romam intrasset, consule Octavio, plurimisque aliis, ejus jussu, interemptus multa sævitie exempla exhibuit.

c *Patrocina.*] Id est, *Homines qui in Lepidi gratiam, quos vellent, possent deducere.*

d *Ingenium.*] Ille idem, qui tam graviter superiùs hallucinatus est, optimè pro *ingenium, imperium*, videtur reposuisse. Ita verò illud exponit, *Augete imperium, id est rempublicam vestram viri fortibus.* Non probo. Per *Imperium* supremam potestatem intelligo, quæ extrâ ordinem muniti erant, quibus, more Romano, *Ne quid respublica detrimenti caperent*, dicebatur: atque hanc nostram interpretationem in primis confirmat, quòd solemnibus istis verbis orationem suam Philippus concludit.

e *Coloniæ.*] Fortè de Syllanis militibus intelligit, quos per Hetruriam, pulsus incolis, qui adversus ipsum steterant, Sylla diviserat.

f *Illa.*] Loquitur de iis omnibus quæ Lepidus contrâ rempublicam paraverat.

g *Privato.*] Ille quidem cum imperio erat, atque eo à senatu dato, ut suprâ dixit Philippus; sed privato consilio exercitum auxerat, et ad urbem ducebat.

reip. contra hujus ordinis auctoritatem ad urbem ducit; ut Appius Claudius ^a interrex cum Q. Catulo proconsule, et cæteris quibus imperium est, urbi præsidio sint: operamque dent, ne quid resp. detrimenti capiat.

Ut Lepidus, et Catulus, decretis exercitibus maturimè proficiscerentur. *Carisius l. iii.*

M. Lepido cum omnibus copiis Italiâ pulso, segnior neque minus gravis, sed multiplex cura patres exercebat. *Servius, Marius, Victorinus in Ciceronem.*

Obviam ire, et commori ^b hostibus. *Arusianus, Messus.*

Lepidus pœnitens consilii. *Caris l. iii.*

Sic verò quasi formidine attonitus, neque animo, neque auribus aut linguâ competere. *Nonius: Competere, rei cujusque meminisse, aut constanter valere.*

Prudens omnium, quæ senatus censuerat. *Arusianus.*

Magnis operibus ^c profectus, oppidum cepit, per L. Catilinam legatum. *Festus.*

Domitium proconsulem ex citeriori Hispaniâ cum omnibus copiis, quas paraverat, arcessivit. *Prisc. l. x. Arcessivit, inquit, et laccessivit.*

Sanctus aliter, et ingenio validus. *Caris l. i. Aliter pro Aliis.*

Gens rarò egressa fines suos. *Serv. ad lib. xi. Æneid. Arusian. Messus.*

Nisi cum ira belli desenuisset. *Prisc. l. x.*

Maturaverunt exercitum ^d Dyrrachium cogere. *Arusian. Mess.*

Illò profectus, vicos, castellaque incendre, et, fugâ cultorum deserta, igni vastare: neque elato, aut securo esse animo, metu gentis ad ^e furta belli peridoneæ. *Non. Serv. ad xi. Æneidos.*

Liberis ejus avunculus erat. *Donatus ad Phormionem Terentii.*

Nihil ob tantum mercedem sibi abnuituros. *Arusianus, Messus.*

Insanum aliter suâ sententiâ, atque aliarum mulierum. *Caris. l. i. Aliter pro alias.*

Solis viis. *Donatus Phorm. act. v. scen. viii.*

Jussu Metelli cornicines occanuerunt. *Priscianus, lib. x. Serv. ii. Georg. Virg. Dion. lib. i. cap. iv.*

Nexuit Catenæ mōdo. *Prisc. l. x.*

NOTÆ.

^a *Interrex.*] Ita vocabatur qui medius inter duos reges, imperium habebat, donec priore mortuo, alius sufficeretur. Origo fuit à morte Romuli: munus verò post exactos reges, præcipuè comitiorum causâ et ad quinque dies tantum, duravit, idemque quod consulum.

^b *Hostibus.*] Id est, cum ipsis.

^c *Profectus.*] Alii, *profectis*, alii *operibus confectis*, legunt. Locus corruptus, ni fallor.

^d *Dyrrachium.*] Urbs est Macedoniæ, ad mare Adriaticum, aliter Epidamnus dicta. Hodie *Durazzo*.

^e *Furta.*] *Les stratagemes.*

Doctus militiam. *Arusian. Messus.*

Neque se recipere, aut instruere prælio quivèrè. *Prisc. l. x.*

Equi sine rectore exterriti, aut saucii consternantur. *Idem. l. iv.*

Occupatusque collis editissimus apud ^a Hilerdam, et cum multâ operâ circumdatâ. *Prisc. l. v.*

At indè nullâ munitionis, aut requie morâ, processit ad oppidum, *Prisc. l. xviii. requie pro requiei.*

Agreste. *Caris l. i.*

Ardebat omnis Hispania citerior, *M. Fabius Victor, de invent. Cic. l. i.*

^b Et pondere validam urbem multos dies ^c restantem pugnando vicit. *Non.*

Itaque ^d Sertorius, levi præsidio relicto in Mauritaniâ, nactus obscuram noctem, æstu secundo, furtivâque celeritate, vitare prælium in transgressu conatus est. *A. Gellius l. x. c. 26, Non. Marcel.*

Transgressos omnes recipit mons Ballera, præceptu à Lusitanis. *Idem, ibidem.*

Earum aliæ paululùm progressæ, nimio simul et incerto onere cùm pavor corpora agitaverat, deprimebantur. *Idem.*

Locum editiorem, quàm victoribus decebat, capit. *Serv. ad. viii. Æneidos, Arusian. Messus.*

Et mox ^e Fufidius adveniens cum legionibus, postquam tantas asperitates, haud facilem pugnantibus vadum, cuncta hosti, quàm suis opportuniora videt. *Nonius.*

Cùm Sertorius neque erumperet, tam levi copiâ navibus fugam maturabat. *Serv. Fuldanus, Messus.*

Itineris eorum Metellus per litteras gnarus. *Arusianus.*

Itaque Servilius ^f ægrotum ^g Tarenti collegam prior transgressus, iter vertit ad Corycum urbem incultam; pastusque nemore, in quo crocum gignitur. *Prisc. Non.*

NOTÆ.

^a *Hilerdam.*] Hilerda, seu Herda, ut alii scribere malunt, urbis est Tearaconensis Hispaniæ, hodie *Lerida* dicta.

^b *Et pondere.*] Pro his vocibus in quibusdam Nonii Manuscript. Digonem se reperisse testantur viri docti, unde Vizonem legendum esse conjecit Putschius. Probo, ut ille ait, duce, qui in voce ZO, se nullum nomen hæc syllaba terminatum reperisse testatur, nisi unum barbaræ civitatis, lectum in Sallustio Vizo, Vizonis.

^c *Restantem.*] Id est, *resistantem.*

^d *Sertorius.*] Vir fuit summæ, sed ca-

lamitosæ, virtutis; cui, a Syllâ proscrip-
to, cum Hispaniam armasset, res Romana
uno imperatore resistere non potuit; qui-
que non prius bello, quam suorum, scelere
extinctus est.

^e *Fufidius.*] Lipsius *Aufidius*, et de bello Sertoriano accipit, ex Plutarcho.

^f *Ægrotum.*] Potius est ut Sallustium scripsisse credam, *ægrotu collegâ*, idque de Lipsianâ sententiâ, inquit Douza.

^g *Tarenti.*] Tarentus urbs est Calabriae à Phalanto Lacone condita.

Ad ^a Olympum atque Phaselida. *Prisc.*

Apud ^b Corycum. *Idem.*

Apud ^c Læte oppidum, cui nomen oblivionis condiderat. *Idem.*

Serv. ad i. Æneidos.

Repulsus à Læte oppido. *Idem. Prisc.*

Apud ^d Mutinam. *Idem.*

Apud ^e Præneste locatus. *Idem.*

Medio diei. *Messus.*

Quietam à bellis civitatem. *Idem.*

Militiæ peritus. *Idem.*

Sertorius portis turbam morantibus, et nullo, ut in terrore solet, generis aut imperii discrimine, per calorum corpora ^f ad medium quasi deinsuper adstantium manibus in murum attollitur.

Nonius Serv.

Neque detrusus aliquotiens terretur. *Prisc. l. xv.*

Dubitavit aciei pars. *Idem.*

Quos inter maximè. *Caris.*

Idem fecère Octavius et Q. Cæpio sine gravi cujusquam expectatione, neque sanè ambitu publicè. *Serv. ad. l. iv. Æneid. Ambire significat et rogare. Sallustius in Jugurthâ: Quos ego audio ambire fatigare vos singulos. Dicebatur et ambio illum, pro rogo. Sallustius, in i. Idem fecère, &c.*

Cùm aræ et alia diis sacrata, supplicium sanguine fœdarentur. *Id.*

Postremò ipsos colonos per miserias et incerta humani generis orare. *Idem ad aliud xi. Æneidos.*

— per eversæ genitor fumantia Trojæ.

Excidia obtestor.

Ea paucis quibus peritia et verum ingenium est abnuentibus. *Id.*

^g Perpenna tam paucis profectum, verum est æstimandum. *Id. ad. xii. Æneidos.*

NOTÆ.

a *Olympum atque Phaselida.*] Urbes hodie Italiæ adscribitur, vocaturque *Moderena*.

quas, deterbatis latronibus qui illuc prædas suas pyratikas comportabant, P. Servilius evertit.

b *Corycum.*] Plinio Mons est, et antrum, et oppidum Ciliciæ. Mons seu promontorium ab aliis, Strabone puta, propter optimum crocum celebratur; ab aliis oppidum. Est item Corycus Cretæ promontorium.

c *Læte.*] Urbs est Macedoniæ non longè à Thermaico sinu, ad Septentrionem.

d *Mutinam.*] Galliæ togatæ oppidum:

hodie Italiæ adscribitur, vocaturque *Moderena*.

e *Præneste.*] Urbs Latii, non longè à Româ.

f *Ad medium.*] Quid hîc sibi velit auctor, difficile non est conjicere, Sertorium, scilicet, calorum humeris sublatum, in muros ab iis, qui super stabant, receptum fuisse, cùm olim alti non amplius essent, quàm ad arcendum impetum.

g *Perpenna.*] Non crediderim hoc loco de illo sermonem esse qui Aristonicum vicit: sed de eo de quo postea, qui Sertorium in convivio trucidavit.

LIBER II.

SARDINIA ^a in Africo mari facie vestigii humani, in orientem, quàm in occidentem latior prominet. *A Gellius, lib. xiii. Non. Faciem totius corporis formam, ὡροσωπον, id est, os, posuit antiquitas prudens; et ab aspectu species, et à fingendo figura, ita à facturâ corporis facies. Sallust. l. ii. Sardinia, &c. Isidorus.*

Indè ^b Ichnusa appellata. *Solinus.*

Dubium an Insula sit, quod ^c Euri atque ^d Austri superjactis fluctibus circumlavit. *Nonius lavit, pro lavat.*

Nam Sullam consulem de reditu ejus legem ferentem ex composito trib. pl. C. Herennius prohibuerat. *Notat A. Gel. x. c. xx. Sallustium proprietatis in verbis retinentissimum consuetudini concessisse, et privilegium, quod de Cn. Pompeii Magni patris reditu ferebatur, legem appellâsse.*

Nam procul et diversis ex regionibus. *Carisius, Asper, procul, inquit, est è loco.*

Obviàm fuère. *Carisius, ibidem. Asper, aut, vetustè obviàm fuère; adverbio, quàm nomine, ut maluit.*

Urbe, patriâque extorres. *Messus.*

Genus militum suetum à pueritiâ latrociniis. *Idem.*

Inter læva mœnium, et dextrum flumen ^e Turiam, quod ^f Valentiam parvo intervallo præterfluit. *Prisc. l. v. et vi. Turiam dixit, qui accusativus generis masculini est, non neutri.*

In fiducia, quàm argumentis, purgatiores dimittuntur. *Donat. Phor. act. i. sc. iii. et Hecyr. act. iv. sc. iv. Nonius. Fiducia est audacia. Servius.*

NOTÆ.

^a *Sardinia.*] Mediterranei maris insula. Douza hoc fragmentum ex Insidoro augere conatur.

^b *Ichnusa.*] Id est, *Sardinia*; à vestigii similitudine Græcâ etymologiâ sic nuncupata.

^c *Euri.*] Euris ventus est spirans ob ortu æquinoctiali. Subsolanus quoque dicitur.

^d *Austri.*] Ventus a meridic, qui et Notus, nomine à Græcis mutuato, vocatur.

^e *Turiam.*] Turia rivus est Hispaniæ Tarraconensis, qui non est cum Durio flumine confundendus, cùm ille in mare Mediterraneum, hoc verò in oceanum devolvatur.

^f *Valentiam.*] Urbs est Hispaniæ Tarraconensis.

Antequam regressus Sertorius instrueret pugnae suos. *Arusianus.*

Ipsi animi atrox. *Idem.*

Copiis integra. *Idem.*

Eodem anno in Macedonia C. Curio, principio veris cum exercitu profectus in ^a Dardaniam, quibus potuit modis dictas pecunias coëgit. *Nonius, dicere, est promittere.*

Post, ubi fiduciâ nimius. *Arusianus.*

Sed ipsi ferunt taurum ex grege, quem propè litora regebat ^b Corsa nomine Ligus mulier. *Prisc. l. vi.*

^c Nam quædam Corsa nomine, Ligus mulier, cum taurum ex grege, quem propè litora regebat, transnatare, solitum, atque per intervalla, corpore ^d aucto remeare videret; cupiens scire incognita sibi pabula, taurum à cæteris degredientem usque ad insulam navigio prosecuta est. Cujus regressu insulae fertilitatem cognoscentes Ligures, ratibus eò profecti sunt, eamque nomine mulieris auctoris et ducis appellaverunt. *Isidorus, l. xiv. c. vi.*

Ne illa tauro parata sint. *Donatus, act. iv. sc. ii. Andriæ.*

^e Dædalum ex Sicilia profectum, cum ^f Minois fugeret iram, atque opes. *Prisc. l. vi. Servius.*

Quem ex Mauritania rex Leptasta prodicionis insimulatum cum custodibus miserat. *Prisc. l. i.*

Quos adversum multi ex ^g Bithyniâ volentes occurrere, ^h falsum filium arguituri. *Prisc. l. x.*

Ut actione desisteret. *Messus.*

Vespera. *Caris. l. xii.*

Argentum mutuum arcessivit. *Prisc. l. x.*

Eam deditionem senatus, per nuncios Orestis cognitam, approbat. *Prisc. l. vi.*

Nisi quâ flumen Lurda ⁱ Tauro monte defluens. *Idem, ibidem.*

NOTÆ.

a *Dardaniam.*] Regio est supra Macedonia, ad septentrionem.

b *Corsa.*] De Corsicæ insulae exordio agitur.

c *Nam.*] Et istud fragmentum ex eodem Isidoro studet augere Douza. Sed nihil certi video.

d *Aucto.*] Quia, scilicet, luxuriante herba aggregè pastus erat.

e *Dædalum.*] Faber fuit Atheniensis ingeniosissimus, idemque insignis mathematicus, qui omnium primis vela et antennis navi aptasse dicitur; unde ejus alarum nata est fabula. De Labyrintho verò, quem Minoi in Cretâ insula construxit, nihil opus est loqui, cum ejus

irremeabiles vias fama apud omnes vulgaverit.

f *Minois.*] Minos rex fuit Cretæ, quem ob insignem justitiam, judicem apud inferos poëtæ fabulati sunt.

g *Bithyniâ.*] Asiæ minoris regio, ad septentrionem.

h *Falsum.*] Optimè de Nusâ Nicomedis filio hîc agi, suspicatus est Douza. Vide eâ de re epistolam Mithridatis ad Arsacem.

i *Tauro.*] Mons est Taurus omnium nobilissimus et maximus, qui universam Asiam in duas partes dividit, quarum altera quæ ad septentrionem spectat, Asia intra Taurum; altera quæ meridiem, Asia extra Taurum dicitur.

Frugum, pabulique lætus ager. *Arusianus Serv. l. i. Æneid.*

Neque virgines nuptum à parentibus mittebantur, sed ipsæ belli promptissimos delegebant. *Messus.*

Modestus ad omnia alia, nisi ad dominationem. *Donatus Phor. act. i. sc. l. 1.*

Noctu, diuque stationes, et vigilias tentare. *Caris. l. ii.*

At ^a Lucullum regis curâ machinata fames brevî fatigabant. Multique commeatus interierant insidiis latronum. *Prisc. l. vii. et Nonius.*

Namque primum ^b Jasonem novo itinere maris ^c Ætææ hospitis domum violâsse. *Prisc. l. viii.*

^d Tartessum Hispaniæ civitatem, quam nunc Tyrîi, mutato nomine, ^e Gaddir habent. *Prisc. l. v.*

Neque subsidiis, ubi soluerat, compositis. *Prisc. l. x. Soluerat autem est solitus fuerat.*

Neque inermes ex prælio viros quemquam agnoturum. *Idem. ibid.*

Eâ continentiâ vir gravis, et nullâ arte cuiquam inferior. *Arusian. Non. in Gravis.*

Omnes qui circum sunt, ^f præminent altitudine millium passuum duorum. *Arusian.*

Et Pœni ferunt adversus A. N. C. M. *Donatus.*

Quia corpore, et linguâ percitum, et inquietem, nomine histri-
onis vix sanî, Barbuleium appellabant. *Prisc. l. vi.*

Audaciter. *Idem. l. xv.*

Ibi Fimbrianâ seditione, qui regi per obsequelam orationis, et maximè odium Sullæ, graves, carique erant. *Nonius: Obsequium neut. genere, obsequela fœm.*

Mœnibus deturbat. *Non deturbare.*

E muris canes sportis demittebant. *Idem.*

Ad hoc rumoribus adversa in pravitatem; secunda in casum: fortunam in temeritatem declinando, corrumpebant. *Idem.*

At Metellus in ulteriorem Hispaniam post annum regressus,

NOTÆ.

^a *Lucullum.*] Consul fuit Lucullus, vir clarissimus, et ditissimus, qui bellum adversus Mithridatem feliciter gessit; deinde privatus factus, in ædificiis, convectibus et apparatus, profusæ adeo fuit luxuriæ, ut Xerxes togatus vocaretur.

^b *Jasonem.*] Dux fuit Argonautarum, nulli poëtarum non decantatus.

^c *Ætææ.*] Ætæs, vel Ætæa, rex fuit Colchorum, Medææ pater.

^d *Tartessum.*] Tartessus opulentissima fuit civitas inter duo Bætis, vel, prout hodie dicitur, *Gaudalquivær* fl. ostia.

^e *Gaddir.*] Per errorem Tartessi nomen Gaddibus, et Gadium seu *Gaddir* Tartesso tributum esse docet in *Geographiâ sacrâ* vir incomparabilis Bochartus.

^f *Præminent.*] Lipsius legit, *præminet*, ut de monte quodam reliquis editiore, intelligatur.

magnâ gloriâ concurrentium undique virile et muliebre ^asecus, per vias ac tecta omnium visebatur: cū quæstor C. Urbinus, aliique cognitâ voluntate, eum ad cœnam invitaverant; ultra Romanorum, et mortalium etiam morem curabant; exornatis ædibus per ^baulæa et insignia, scenisque ad ostentationem histrionem fabricatis: simul ^ccroco sparsa humus, et alia, in modum templi celeberrimi. Præterea cū sedenti ^dtransenna demissum Victorie simulacrum cum machinato strepitu tonitruum coronam capiti imponebat: tum venienti, thure quasi Deo supplicabatur. Toga ^epicta plerumque ^famiculo erat ei accumbenti: epulæ quæsitissimæ; neque per omnem modò provinciam, sed trans maria, ex Mauritania volucrum, et ferarum incognita antea plura genera. Quibus rebus, aliquantam partem gloriæ dempserat, maximè apud veteres et sanctos viros, superba illa, gravia, indigna R. imperio existimantes. *Macrob. Sat. l. iii. c. 13. Nonius et Sicipater, l. i.*

Ruuntque pars magna suismet, aut proximorum telis, cæteri vice pecorum obruncabantur. *Nonius.*

Occurrere duci, et prælium accendere, adeò ut Metello in ^gsagum, Hurtuleio in brachium, tela venirent. *Idem.*

^hAvidisque itâ, promptisque ducibus, uti Metellus ictu ⁱtragulæ sauciaretur. *Idem.*

Sed Metellus in vulnere. *Don. act. v. sc. 1. 1. And.*

Primò incidit fortè per noctem in ^krenunculo piscantis. *Non.*

Ad hoc pauca piraticæ adjungit ^lactuaria naviga. *Idem in Piratica navicula.*

Omnia ^msacrata corpora in ratem imposuisse. *Arusianus.*

NOTÆ.

a *Secus.*] Id est, *sextus*: atque ita veteres locutos esse multis et benè persequitur Carrio.

b *Aulæa.*] Gall. *Des tapisseries.*

c *Croco.*] Eum in odoribus habebant, et ideo aquâ diluebant; unde ab Apuleio, *odorus*, à Senecâ *odoratus imber* dicitur. Optimus ex Ciliciâ mittebatur; hinc Martialis.

d *Cilices nimbis hinc maduere suis.*

e *Transenna.*] Servius extensum funem, Nonius fenestram, interpretatur.

f *Picta.*] Intelligendum vel de palmatâ, quam merebantur ii qui de hostibus palmas reportabant, quod victorias cum palmis intextas haberet, ut placet Isidoro: vel potiùs de togâ ab Etruscis sumptâ, purpurei coloris, auro distinctâ, a triumphantibus geri solitâ.

g *Amiculo.*] Id est, *loco simplicis togæ*; nam ea quoque amiculi nomine intelligitur.

g *Sagum.*] Vestimentum erat militare à Gallis mutuatum.

h *Avidisque.*] Douza hîc de pugnâ agi credit, in Saguntinis campis à Sertorio commissâ, id quâ Metellus à Sertorio sauciatus est.

i *Tragulæ.*] Genus est teli, similitudine hastæ.

k *Renunculo.*] Carrio hanc vocem pro navigio piscatorio Gellium accipere dicit, sed in Gelli codicibus, renunculus Lenunculus reponi volunt. Lenunculus certè scribitur, et pro eo navigii genus est: at sine manuscriptorum auctoritate non ausim vocem aliquam extra Latinam linguam eliminare.

l *Actuaria.*] Naves erant veloces ad impetus, et recursus, flexusque capiendos, aptæ.

m *Sacrata.*] Morti et diis Manibus devota.

Suos equites hortatus vado transmittit. *Idem.*

Ictu eorum qui in flumine ruebant, necabantur. *Don. Adolph. act. iii. sc. 2.*

Circumventi dextrâ, unde ferrum erat, saxa aut quid tale capiti affligebant. *Arusianus.*

Sed Metellus in ulteriore provinciâ. *Don. ad Phorm. act. i. sc. 4.*

Immane quantum animi exarsere. *Non nomen positum pro Adverbio.*

^a At illi quibus res incognita erat, ivere cuncti ad portas, incognita tendere. *Serv. F. Ursini.*

Murum ab angulo dextri lateris ad paludem haud procul remotam duxit. *Serv. Fuldanus.*

LIBER III.

EXAUDIRIQUE SONUS ^b Bacchanaliorum. *Marc. l. i. c. 4. Saturn. Non.*

Diversa, uti solet rebus perditis, capessunt, namque alii fiducia gnaritatis locorum in occultam fugam sparsi; alii ^c globis eruptionem tentavere. *Prisc. l. x. Non.*

Unus constitit in agro ^d Lucano, gnarus loci, nomine ^e Publipor. *Idem. l. vi. Probis Catholicis.*

Malè jam assuetum ad omnes ^f vis controversiarum. *Prisc. l. vi.*

Conjuracione claudit. *Idem. l. x.*

Quasi par in oppido festinatio, et ingens terror erat, ne ex latere nova munimenta ^g madore infirmarentur; nam mœnia oppidi stagnabant, redundantibus cloacis adverso æstu maris. *Non. in Mador.*

NOTÆ.

^a At illi.] In Servio Danielis, qui Fulda-
no præstantior est, hoc fragmentum ita le-
gitur, *At illi quibus aderant ruere cuncti
ad portus incondita tenere*: ex quo corrup-
tè in illo altero *ivere* pro *ruere* positum
esse, mihi quidem, clarum videtur.

^b Bacchanaliorum.] *Bacchi Festorum.*

^c Globis.] Vide supra.

^d Lucano.] Lucani populi fuerunt Italiæ
ad mare Tyrrhenum, Picentinis et Brutiis

contermimi, in extremâ propemodum Ita-
liâ ab Ortu.

^e Publipor.] Id est, *Publii puer, seu
servus*. Mirum ni hoc in loco, de quo-
piam ex Spartaci commilitonibus sermo
est.

^f Vis.] Numero plurali: ita quoque ex-
tulisse veteres ait Priscianus, atque ita lo-
quutus est Lucretius.

^g Madore.] Id est, *humiditate*.

Equis et armis decoribus cultus. *Prisc. l. vi.*

Dedecores, inultique ^a terga ab hostibus cædebantur. *Idem.*

Contrà ille ^b calvi ratus quærebat num somnio thesaurus portenderetur. *Idem. l. viii. Non in Calvitur.*

^c Parte consumptâ, reliqua cadaverum ad diuturnitatem usus fallerent. *Prisc. l. x.*

Epistola Cn. Pompeii ad Senatum.

^d Si adversus vos, patriamque et deos ^e penates, tot labores et pericula suscepissem, quotiens à primâ adolescentiâ ductu meo scelestissimi hostes fusi, et vobis salus quæsita est: nihil ampliùs in absentem me statuissetis, quàm adhuc agitis, P. C. quem ^f contrà ætatem projectum ad bellum sævissimum, cum exercitu optimè merito, quantum est in vobis, fame, miserrimâ omnium morte, confecistis. Hâc in spe populus R. liberos suos ad bellum misit? Hæc sunt præmia pro vulneribus, et totiens ob remp. fuso sanguine? Fessus scribendo, mittendoque legatos, omnes opes et spes privatas meas consumpsi: cùm interim à vobis per triennium vix annus sumptus datus est. Per deos immortales utrum censetis, me ^g vicem ærarii præstare, an exercitum sine frumento et stipendio habere posse? Equidem fateor me ad hoc bellum majore studio quàm consilio, profectum; quippe qui nomine modò Imperii à vobis accepto, diebus quadraginta exercitum paravi; hostesque, ^h in cervicibus jam Italiæ agentes, ab Alpibus in Hispaniam summovi. Per eas iter aliud atque Hannibal, nobis opportuniùs patefecit. Recepi Galliam, ⁱ Pyrenæum, ^k Laletaniam, ^l Ilergetum; et primum impetum Sertorii victoris, novis quidem militibus, et multò paucioribus sustinui; hiememque in castris inter sævissimos hostes, non per oppida, neque ^m ex ambitione meâ, egi. Quid dein prælia, aut expeditiones hibernas, oppida

NOTÆ.

a *Terga.*] Græcismus: Id est, secundum terga, vel per terga.

b *Calvi.*] Id est, Decipi.

c *Parte.*] Douza de Calaguritanis à Pompeio obsessis intelligit, cui cibi inopiâ uxores natosque ad usum nefariæ dapis verterunt; et cadaverum reliquias salierunt, ut testatur Val. Max. Undè idem Douza concludit malè hoc fragmentum ante Pompeii epistolam collocatum esse, quod quidem nullus credo non confitebitur.

d *Si.*] Scripta fuit hæc epistola pro habendo stipendio. Fiduciæ plena est; undè Pompeium juvenum magnificio et incorrupto animo fuisse, concludere licet.

e *Penates.*] Dei sunt domestici, maxime nostri, quasi penes nos nati.

f *Contrà ætatem.*] Quia ne quidem, eo tempore, 30 annos natus erat.

g *Vicem ærarii.*] Id est, Me debere belli sumptus ex proprio censu tolerare: sed acrius expressit.

h *In cervicibus.*] Id est, qui non longè ab Italiâ erant, eamque urgebant.

i *Pyrenæum.*] Pyrenæi vocantur montes qui Hispaniam à Galliâ dividunt.

k *Laletaniam.*] Regio est Hispaniæ, quæ postea Gotholonia, hodie Catalogne dicitur.

l *Ilergetum.*] Alii legunt *Indigetes*: suntque cum iis, quos Livius *Ilercaones* vocat, Tarraconensis Hispaniæ populi.

m *Ex ambitione.*] Id est, ad serviendum ambitioni et commoditatibus meis.

excisa, aut recepta enumerem? Quando res plùs valent quàm verba. Castra hostium apud ^a Sucronem capta, et prælum apud flumen ^b Durium, et dux hostium C. Herennius cum urbe Valentiâ, et exercitu deleti, satis clara vobis sunt: pro quib, ô grati patres, egestatem, et famem redditis. Itaque meo, et hostium exercitui, par conditio est. Namque stipendium neutri datur; victor uterque in Italiam venire potest. Quod ego vos moneo, quæsoque ut animadvertatis; neu cogatis necessitatibus privatim mihi consulere. Hispaniam citeriorem, quæ non ab hostibus tenetur, nos aut Sertorius ad internecionem vastavimus, præter maritimas civitates, quæ ^c ultro nobis sumptui, onerique. Gallia, superiore anno, Metelli exercitum stipendio, frumentoque aluit; et nunc ^d malis fructibus ipsa vix agitat. Ego non rem familiarem modò, verùm eteam ^e fidem, consumpsi. Reliqui vos estis, qui nisi subvenitis, invito et prædicente me, exercitus hinc, et cum eo omne bellum Hispaniæ, in Italiam transgreditur.

Namque his, præter solita vitiosis magistratibus, cùm per omnem provinciam in sæcunditate biennii proximi gravè pretium fructibus esset. *Non. Grave multum.*

Hi saltibus occupatis ^f tum externorum agros invasère frumentique, ex inopiâ gravi, satias facta. *Idem. Satias pro satietas.*

Neque jam sustineri poterat immensum aucto mari, et vento gliscenti. *Idem. Gliscit, est congelascit, colligitur, ignescit, crescit.*

Ac tum maximè, uti solet extremis in rebus, sibi quisque carissimum domi recordari, cunctique omnium ordinum extrema munia sequi. *Idem. Munia, Officia.*

Et fortè in navigando cohors una, grandi ^g faselo victa, cæteris deerravit, marique placido à duobus prædonum ^h myoparonibus circumventa. *Idem, in voce Faselus, et Myoparo.*

Eum, atque Metrophanem senatus magnâ industriâ perquirebat, cùm per tot ⁱ scaphas, quas ad ostia cum paucis fidis percunctatum, miserant. *Idem, et Carisius, l. i.*

NOTÆ.

^a *Sucronem.*] Sucro Hispaniæ Tarracensis urbs est et fluvius.

^b *Durium.*] Durius fluvius est Hispaniæ, qui Lusitaniam terminat à Meridie.

^c *Ultro.*] Id est, quæ, dum in nostros usus servandus judicamus, nobis sunt oneri.

^d *Malis.*] Propter anni et tempestatis infæcunditatem. Gall. dicimus, *La mauvaïse année: La mauvaïse saison.*

^e *Fidem.*] Indicat se undique ab amicis, à quibus jam non ampliùs ausit petere, mutuam pecuniam pro republica sumpsisse.

^f *Tum externorum.*] Lipsius ingeniosè pro *tum externorum, Termestinatorum* reposuit: sunt enim illi citerioris Hispaniæ populi.

^g *Faselo.*] Navigii genus est, quod velis et remis agi potest.

^h *Myoparonibus.*] Myoparo navis est piratica, ex duabus dissimilibus formata.

ⁱ *Scaphas.*] Scaphæ sunt naviculæ quæ onerariis imponuntur, aut iis alligantur, ut per eas nautæ loca vadosa subeant. Gall. *Un esquif.*

Duos quàm maximos utres levi tabulæ subjecit, quâ super omni corpore quietus, invicem tractu pedis quasi gubernator existeret; eâ inter molem, atque insulam mari, vitabundus classem hostium, ad ^a oppidum pervenit. *Idem.*

Nam qui ¹ enare conati fuerant, icti sæpè ferramentis navium, aut vulnerati à suis, aut afflicti ^b alveis undarum vi, ^c multato fœdè corpore, postremò tamen periêre. *Idem, et Arusianus Messus.*

Nam tertia tunc erat, et sublima nebula cælum obscurabat. *Non.* Illum nautis ^d forum. *Idem.*

Oratio ^e Macri Licinii tribuni plebis ad plebem.

Si, Quirites, parum existimaretis, quid inter jus à majoribus relictum vobis, et hoc à Sullâ paratum, ^fservitium interesset: multis mihi disserendum fuisset, docendumque, quas ob injurias, et quotiens à patribus armata plebes, secessisset: utique vindices paravisset omnis juris sui tribunos pleb. Nunc hortari modò reliquum est, et ^g ire primùm viâ, quâ capessundam arbitror libertatem. Neque me præterit quantas opes nobilitatis solus, impotens, ^h inani specie magistratûs pellere dominatione incipiam; quantòque tutiùs factio noxiorum agat, quàm soli innocentes. Sed præter spem bonam ² ex vobis; quæ metum vicit, statui certaminis adversa, pro libertate potiora esse forti viro, quàm omninò non certavisse. Quamquam omnes alii creati pro jure vestro ⁱ vim cunctam, et imperia sua gratiâ, aut spe, aut præmiis in

INTERPRETATIO.

¹ Qui tentaverant natando aquâ induxi, ea quæ possunt esse adversa in certamine quod pro libertate incipitur, esse potiora forti viro quàm omnino non certasse.

² Sed præter spem bonam quam concepì ex vobis, quæ metum meum superavit; in animum neum

NOTÆ.

^a Oppidum.] Cyzicum scilicet. Videtur enim de Luculli stratagemate hic agi, qui ut re suspensum nuntium ad Cyzicenos misit, qui adventare se eos doceret; quâ de re vide Florum, lib. 3. cap. 5.

^b Alveis.] Id est, Carinis, aut imis navium partibus.

^c Multato.] Fortè mulcato. Gall. Froissè.

^d Forum.] Antiquè; usitatus est enim numerus pluralis fori pro navium tabulatis, per quæ nautæ feruntur. Gall. Le Tillac.

^e Macri Licinii.] Sequutus sum eorum correctionem, qui pro Lepido Licinium posuerunt; eò præsertim inductus quòd Lepidi Æmiliæ gentis cognomen fuerit,

quæ Patricia, cuique aditus ad tribunatum non fuit. Oratio difficilis est, utpote, incitata, concisa, ex pectore denique veri et maximè politici Romani extorta.

^f Servitium.] Hoc dicit quia tribunatûs jura et potestatem imminuerat, et tantum non penitus sustulerat Sylla.

^g Ire primùm.] Necessarium est omnino, ut qui aliis viam ostendit, ipse eam primus calcet. Neque aliud magis ineptum videtur quàm aliis onus imponere, quod tute digitulo attingere nolis.

^h Inani.] Dixi antea tribunis à Syllâ inane nomen relictum esse.

ⁱ Vim.] De tribunitâ potestatè loquitur, quâ non ad populi subsidium sed ad potentiorum gratiam promerendam, ple- rumque tribuni abutebantur.

vos convertère; meliusque habent, mercede delinquere, quàm gratis rectè facere. Itaque omnes concessere jam in paucorum dominationem, qui ^a per militare nomen, ærarium, exercitus, regna, provincias occupavère, et ^b arcem habent ex spoliis vestris: cùm interim, more pecorum, ^c vos multitudo singulis ^d habendos, fruendosque præbetis; exuti omnibus, quæ majores reliquère; ^e nisi quia vosmet ipsi per suffragia, uti præsidēs olim, nunc ^f dominos destinatis. Itaque concessère ^g illuc omnes; et mox, si vestra receperitis, ad vos redibunt plerique. ^h Raris enim animus ad ea quæ placent defendenda. Cætera ⁱ validiorum sunt. ^j An dubium habetis ne officere quid vobis uno animo pergentibus possit, quos languidos socordesque pertinuère? ^k Nisi fortè C. Cotta ex ^l factione mediâ consul, aliter quàm metu jura ^m quædam tribunis pleb. restituit; ⁿ et

INTERPRETATIO.

¹ *Paucis enim ex vobis animus est ad ea defendenda et tuenda, quæ vobis placent; cæteri stant à partibus validorum.*

² *An veremini ne aliquid possit vobis nocere, quando uno animo idem optabitis et efficietis; vobis, inquam, quos languidos et socordes pauci nobiles maxime reformidaverunt.*

NOTÆ.

^a *Per militare nomen.*] Id est, quia dicuntur imperatores; specie enim obeundi muneris quodlibet efficiunt.

^b *Arcem habent.*] Id est, tuti sunt quia vos spoliaverunt.

^c *Vos multitudo.*] Appositio est, quam vocant; id est, vos multi estis.

^d *Habendos.*] Vim vocis, quicquid in eâ invidiosum est tum demum intelliges, quando cogitabis quomodo brutis, quæ in nostrâ sunt potestate, utamur et abutamur. Nihil magis ad commovendos animos efficax esse potuit.

^e *Nisi.*] Excepit ironicè quòd ipsos maxime mordeat et percellat.

^f *Dominos.*] Dominus respectum habet ad servum; adeoque quod gravissimum erât, Romanis his tribunis noster objecit; quò scilicet sibi catenas nectere.

^g *Illuc.*] In paucorum partes.

^h *Validiorum.*] Paucorum nobilium.

ⁱ *Nisi fortè.*] Eâ ironicè internectit, quibus quod intendit maximâ conficiatur.

^k *Factione.*] Postquam scilicet, republica per Syllam ejusque satellites, tota in paucorum manus devenisset.

^l *Quædam.*] Legum ferendarum, censionis habendæ jure tribunos Sylla privaverat: prohibuerat ne ad eos provocaretur, sanxerat insuper ut ne tribuno aditus paterat ad alium magistratum. Posterius istud, altero à Syllæ obitu anno, C. Aurelius Cotta consul abrogavit: reliqua Pompeius post aliquot annos, in primo consulatu restituit, quod etiam Sallustius suprâ admonuit.

^m *Et quamquam.*] Locus maxime difficilis, mihi quidem, nam alii præterierunt. In eo autem posita videtur difficultas, quòd eo quo cæperat modo sententiam suam Macer non absolvit. Interrogativè initio proposuerat, cùm dixit, *An dubium habetis, &c.* Jam simpliciter rem ipsam concludit. Semotis itaque omnibus figuris, et iis quibus vir acer vibrantem orationem munivit, paucis sensum istius periodi, et scopum auctoris ita comprehendere, quasi populum hoc modo alloquutus esset: *Nemo poterit vobis nocere, quando omnes in unum conspirabitis, cùm vos paucos nobiles pertimaerint, factorumque et tyrannidis suæ invidiam reformidaverint; vel eo ipso tempore, quo unicum hominem pro vobis locuti ausum, perdidierint; et prius*

^a quamquam L. ^b Sicinius primus de potestate trib. loqui ausus, ^c mussantibus vobis circumventus erat; tamen prius illi invidiam metuere, quam vos injuriæ pertæsum est. Quod ego nequo satis mirari, Quirites. Nam spem frustrâ fuisse intellexistis. Sullâ mortuo, qui scelestum imposuerat servitium, finem mali credebatis. Ortus est longè sævior Catulus. ^d Tumultus intercessit Bruto, et Æmilio Mamercio Coss. dein C. ^e Curio ad exitium usque insontis tribuni dominatus est. Lucullus superiore anno quantis animis ierit in L. ^f Quinctium, vidistis; quantæ denique ^g nunc mihi turbæ concitantur! ^h quæ profectò incassam egerentur, ⁱ si prius quam vos serviendi finem, illi dominationis facturi erant: præsertim cùm his civilibus armis ^k dicta alia, sed certatum ^l utrimque de dominatione in vobis sit. Itaque cætera ^m ex licentia, aut odio, aut avaritiâ,

NOTÆ.

quàm vos eorum injuriæ, et vestri servitii, tæduisset. Ut verò istius hominis mentem propius assequaris, et aculeos, quibus illo populum perstrinxit, non sentias modò, sed videas; hæreas, si placet, in iis quæ postea leviter attingam.

a *Quamquam.*] Argumentum est quod vocant à minore ad majus: est quaci dicat, *Nobiles vos timuerunt, etiam cùm ille unicuſ vester defensor oppressus esset, qui, utpote in maximâ servitute, loqui ausus erat: ergo maximè metuent, quando vos omnes jura vestra repetere videbunt.*

b *Sicinius.*] Ita legendum ex vet. codice, et Asconio, &c. Fuit his tribunus plebis.

c *Mussantibus.*] Non potuit alio verbo melius eorum hominum exprimi socordia; qui cùm reipublicæ damna et sentiunt et vident, alios tempeſtati obijciunt, ipsi latitant, itaque suum commodum vel in ipsâ peste quærunt. Nebulones profectò in solas terras deportandi, cùm sibi tantum, in commune nolint consulere. Verùm ad rem. Ideò addidit vocem istam auctor noster, ut obviam iret populi tacitæ objectioni; diceret enim, *Oppressi sunt antehac qui nobis consulerunt: unum tribunal nostrum ne quidem audire nobiles sustinuerunt: frustra itaque nos aliquid audebimus.* Respondet Macer, *Mussantibus, tacentibus et latitantibus vobis oppressus est vester ille tribunus: quod, in posterum ne fiat, in manu vestrà est.*

d *Tumultus.*] De quo vidimus, cujus auctor Lepidus.

e *Curio.*] Hic consul fuit post Lepidum, anno altero.

f *Quinctium.* Hic quoque Syllæ acta rescindere aggressus est.

g *Nunc.*] Hinc clarissimè tempus, quo habita est hæc concio, cognoscitur: Lucullo, scilicet, et Varo Consulibus: quo anno Spartacus Gladiator plusquam servile, sed grave bellum, adversus Romanos movit: decennio ante Catilinæ conjurationem.

h *Quæ profectò.*] De turbis loquitur et omni molimine, quo pauci plebem opprimere festinabant.

i *Si prius.*] Sensus est, si verba ex orationis texturâ abstrahas: *Frustrâ speratis nobiles vobis quicquam de servitio vestro remissuros, nisi vosmet ipsi jugum excusseritis; quandoquidem illi in eo sunt toti, ut vobis majus onus imponant, quantumvis illis usque et usque obsequentes fueritis.*

k *Dicta alia.*] Id est, aliud prætexterunt.

l *Utrunque.*] Cave ita intelligas, quasi hinc pauci nobiles, illinc steterint tribuni, aut quicumque jura populi reposcebant: sed intelligendum est, omnes qui rempublicam agitarunt, quicumque tandem illi fuerint, id unum quæsisvisse, ut populo servitium imponerent, et ipsi dominarentur.

m *Ex licentiâ.*] Deploratus est reipublicæ status, quando cuivis, quia et alii impunè faciunt, malè facere licet.

¹ in tempus ^a arsêre. ^b Permansit una res modò, quæ, utrimque ^c quæsita est, et erepta in posterum; vis tribunitia, telum à majoribus ^d libertati paratum, quod ego vos moneo, quæsoque ut animadvertatis, neu nomina rerum ^e ad ignaviam mutantes, otium pro servitio appelletis; ^f quo jam ipso frui, ^g si vera et honesta ^h flagitium superaverit, non est ⁱ conditio: ^k fuisset, si omnino quiessetis. Nunc animum advertite, et, nisi viceritis, quoniam omnis injuria ^l gravitate tutior est, arctiùs habebunt. Quid censes igitur? Aliquis vestrùm subjecerit. Primùm omnium omittendum morem hunc quem agitis, ^m impigræ linguæ, animi ignavi, non ultrà concionis locum memores libertatis.

INTERPRETATIO.

¹ Itaque cætera maximo cum affectu quæsita sunt, secundum licentiam aut odium, aut avaritiam, pro aliquo tempore.

NOTÆ.

a *Arsêre.*] Id est, quamquam durissima, tamen præterierunt.

b *Permansit.*] Id est, unum remansit semper quod rixæ perpetuæ ansem dedit.

c *Quæsita.*] Hoc dicit, Syllam, Catulum, Curionem, Lucullum, singulos denique, per ea tempora, pacis et boni publici specie, civiles discordias movisse; cùm illud modò quæsivissent, quâ ratione, plebi ademptâ tribunitiâ potestate, et tribunis defensoribus, eâ placidâ arbitrium uterentur. Jocus est itaque verborum, in re maximè seriâ, cùm dicit; remansisse et quæsitum esse id ipsum quod ereptum est.

d *Libertati.*] Antea vidimus, quod à patribus opprimeretur, secessisse plebem, eoque defensores sibi parâsse tribunos.

e *Ad ignaviam.*] Id est, ut secediæ vestre honestis nominibus patrocinemini.

f *Quo.*] Hic est sensus. Si per maximum flagitium, cum quo nunc agitis statum, cùm durum sit servitium, otium appellare libet: ne eo quidem jam frui licebit, cùm vestros dominos, paucos nobiles, scilicet, eorum detractando imperium, per tribunos jugum quod imposuerant exequere conati, in vos irritaveritis.

g *Si vera.*] Id est, si per flagitium, omnino servitio vestro otii nomen imponere vultis.

h *Flagitium.*] Flagitium dicit, nomina rerum commutare; et servitium otium appellare. Maximum est certè, quandoqui-

dem per nomina res quoque, quoad nos, mutantur. Undè Cato, in suâ illâ adversus Catilinam admirabili oratione. *Quia, bona aliena largiri, liberalitas, malarum rerum audacia, fortitudo vocatur, eò res publica in extremo sita est.* Quàm pestiferum, quàmque penetrabile adolescentium præsertim animis illo scelere, vocabulorum dico permutatione, virus instilletur: dici non potest.

i *Conditio.*] Terminus est juris: hic verò idem valet quod *status*, *locus*, aut aliquid simile. *Non est conditio*, id est: *Non licet.*

k *Fuisset.*] Conditio scilicet.

l *Gravitate.*] Omnino: nosque illud maximè, ut principiis obstemus admonet; neque cuiquam malum intentemus, neque à quoquam, quando licet, intentatum admittamus. Rixa enim rixam, dolus dolum trahit: neque finis ullus esse potest certaminum, donec dissidentium alter, aut sapienter, quod rarum est, litibus desistat; aut per vim ab altero frangatur et opprimatur.

m *Impigræ.*] Populus sic est, Gerro, Iners, &c. Sed ab earum rerum, quas tractamus cognitione, omnis nostra actio initium sumit, atque in eâ fundamentum habet sapientia politica. Ideò dico, ne quis, quod pronum est, ex ingenio suo cæteros metiatur.

¹ *a* Dein, ne vos ad ^b virilia illa vocem, quò tribunos plebei mandando patricium magistratum, ^c libera ab auctoribus patriciis suffragia majores vestri paravêre: ^d quamvis Quirites, in vobis sit uti, ^e quæ jussa nunc pro aliis toleratis, pro vobis agere aut non agere certè possitis. ^f Jovem aut alium quem deum consultorem expectatis? Magna illa consulum imperia et patrum decreta, ^g vos exsequendo rata efficitis, Quirites; ultroque licentiam in vos auctum atque adjutum properatis. ^h Neque ego vos ultum injurias hortor; magis uti requiem capiat: neque discordias, ut ⁱ illi criminantur; sed earum finem volens, jure gentium ^k res repeto: et, si pertinaciter retinebunt, non arma, neque secessionem, ^l tantummodo ne ampliùs sanguinem vestrum præbeat censeo. Gerant, habeantque suo modo imperia, quærant triumphos; Mithridatem, Sertorium, et reliquas exulum persequantur cum ^m imaginibus suis. Absit periculum et labos, quibus nulla pars fructus

INTERPRETATIO.

¹ *a* Dein, Postquam de ineptâ *lia, quo* (quâ re) *majores vestri* *vestrâ* ratione in mentem venit, *paraverunt sibi suffragia libera* vosque admonui, ut immutato *ab auctoribus patriciis mandando,* more, tardi sitis ad loquendum, *eo ipso tempore quo decretis suis* prompti ad agendum: *ne nolite et* *vocem et impellam vos ad illi viri-* *magistratum patricium.*

NOTÆ.

a *Dein.*] Opus fuit, ut sensus apertus esset, paulò fusiùs interpretationem institueret.

b *Virilia.*] Loquitur de populi à patribus secessionem.

c *Libera.*] Antèa vidimus frustrâ fuisse patres, qui Metello provinciam Numidiam decreverant, eùm postea eandem populus Mario jusserit.

d *Quamvis.*] Id unum studet hic noster tribunus, ut plebem commoveat; at perplexâ suâ oratione, quod cupit magis divinandum relinquit, quàm apertè exponit. Prohibet, ut quid sit agendum indieit; fugam simulat, ut pugnæ locum inveniat.

e *Quæ jussa.*] Bellum intellige, sanguinem suum profundere, &c. ad quæ populus adigebatur. Sensus verò totius periodi hic esse videtur, *Nolo vos ad arma impellere, quamquam vobis liberum est videre, an vos qui pro aliorum tyrannide tantos labores toleratis; eosdem pro vobis, et vestra libertate, sumere velitis.*

f *Jovem.*] Satis superque plebem arrexerat, adcoque nunc ipsam agitat.

Nam ideo istud paratum est: quasi dicat: *Me indignabundi tanquam in re desperatâ, quid ego sentiam interrogatis, atque Jovis oraculo opus habere videmini? Ridiculi, annon res ipsa clarissima est, et cuique nota?*

g *Vos.*] Populum dicit, per militare obsequium imperatores suos magnos facere, sine quo inane nomen tantum obtinerent.

h *Neque ego.*] Imò id unum revera studebat.

i *Illi.*] *Pauci nobiles.*

k *Res.*] Potestatem tribunitiam, et Jura; ut postea per suffragia sua, quem vellet populus rebus præficeret.

l *Tantummodo.*] At illud *tantummodo* omnia secum trahit, et potentioribus sanguinem vimque omnem adimit.

m *Imaginibus.*] Utinam verò hodie Maecius aliquis exoriretur, qui inertis et impudenti nobilitati non istud modò ingereret, sed eò, vanissimos homines, de quibus tantum verba facio, ad parentum virtutes compelleret.

est; ^a nisi fortè repentinà istà frumentarià ^b lege munia vestra pensantur. Quà tamen quinis modiis ^c libertatem omnium aestimavère, qui profectò ^d non ampliùs possunt alimentis carceris. Namque ut illis exiguitate mors ^e prohibetur, senescunt vires: si neque absolvit curà familiari ^f tam parva res, et ignavisimi quique tenuissimà spe ^f frustrantur: quæ tamen quamvis ampla, quoniam ^g servitii pretium ostentaretur, cujus torpedinis erat decipi, et vestrarum rerum ultrò ^h injurià gratiam debere? ⁱ Namque alio modo, neque valent in universos, neque conabuntur. ^k Cavendus tamen dolus est. ^l Itaque simul comparant

INTERPRETATIO.

^l *Quà tamen lege aestimaverunt qui profectò non ampliùs possunt libertatem omnium quinis modiis, prodesse quàm alimenta carceris.*

NOTÆ.

^a *Nisi forte.*] Jam sæpius ejusmodi, quibus isti gaudent, vidimus ironias: populum vero, nisi libertatem suam vindicet, pro vilibus mancipiis habet; quibus demensum suum si præbeatur, quivis facile ad nutum uti possit.

^b *Lege.*] Hinc, latam fuisse aliquam, pro fumento id populum distribuendo, clarum est.

^c *Libertatem omnium.*] Nihil fingi poterat magis invidiosum; quinque enim modios, singulis mensibus pro demenso servis metiebantur. Neque verò res ipsa modò, sed voces ipsæ invidiam faciunt; dixit enim *omnium* libertatem *carcere* alimentis aestimam.

^d *Prohibetur.*] Intellige tantum, id est, non ampliùs possunt hæc alimenta quàm mortem prohibere.

^e *Tam parva res.*] Dicit quinque modios familiæ alendæ non satis esse.

^f *Frustrantur.*] Dicuntur. Istud verò maximo artificio intextum est: non enim modò plebem, lege frumentariâ, à patribus in fraudem illectam esse dicit, sed assentando etiam per vocem maxime contumeliosam, quando dicit *ignavissimos frustrari*, quasi scilicet arbitraretur paucissimos in eum dolum incidisse, plebem eandem ex illo patrum laqueo retinuit. Non est certè minimi momenti, ad impellendum homines ad virtutem, illis ingenitam esse simulare: eo modo impunè licet ea vitia, quæ illi defenderent, insectari.

^g *Servitii pretium.*] De quinque modis agit, atque indicat, libertatem quâ à nobilibus plebii intercludebantur, nullo posse pretio compensari.

^h *Injuriâ.*] Perinde est ac si diceret, Fru-

mentum quod vobis isti pollicentur, vestrum est; illud in vos pro servitio vestro, quasi mancipia essetis, distribuunt. An usque adeò ignavi eritis, ut sponte contumeliam tantum pro gratiâ insuper accipiat?

ⁱ *Namque.*] Rationem reddit, quomobrem, per maximam socordiam, frumentum, servitutis pretium, non oporteat à patribus accipere; quia, scilicet, illi per id tantum plebi jugum imponere conentur.

^k *Cavendus.*] Nobiles dixit aliter quàm per populi socordiam imperium retinere ne quidem conari; de eo nunc quodammodo aliquid excipit, populumque ut caveat dolos admonet.

^l *Itaque.*] Sensus pendet; hic tamen, ut neque alibi, nihil muto, prout fecerunt alii ad libitum per totam hunc orationem; quia, scilicet, me nescire malim dicere, quam quidlibet somnare. Quis igitur sensus? Dicam quod videtur. In unum studuit hic tribunus noster, ut populum erigeret, atque eò impelleret et tribunitiæ potestatis omnia jura revocaret. Durum verò videbatur? Quòd Pompeium omnes metuerent, neque metum augere opus fuit. Ille igitur arte tractat populum, (quod postinodum magis patebit) et obiter illud in quo hærerè posset, attingit: imò de isto Pompeii metu, quasi in eo patrum dolus positus esset, agit. Dico igitur, ex hominis ingenio, cujus mens est involvere et obscurare, vocem *itaque* esse exponendam, ejusque vim, per respectum ad scopum magis quàm ad orationem, esse intelligendam. Puta, si voles, transitionem esse, vel proximè ad hanc sententiam referri, *patres vobis parant dolos; itaque, &c.* hæc enim propositio in illà alterà includitur, *Cavendus tamen dolus est.*

^adelenimenta, et differunt vos in adventum Cn. Pompeii; quem ipsum ubi pertimuere ^bsublatum in cervices suas, mox dempto metu lacerant. Neque eos pudet vindices, ^cuti, ferunt libertatis, tot viros sine ^duno, aut ^eremittere injuriam non audere, aut ^fjus non posse defendere. Mihi quidem satis spectatum est, Pompeium tantæ gloriæ adolescentem malle principem ^gvolentibus vobis esse; quàm illis dominationis socium, ^hauctoremque in primis fore tribuniæ potestatis. Verùm, Quirites, antea singuli cives in pluribus, non in uno cuncti ⁱpræsidia habebatis; neque mortaliū quisquam dare, aut eripere, talia unus poterat. Itaque verborum satis dictum est. Neque enim ¹ignorantes res claudit. Verùm occupavit vos nescio quæ torpedo, quia neque ^kgloriā movemini, neque ^lflagitio; cunctaque præsenti ignaviā mutastis: abundè libertatem rati, quia ^mtergis abstinetur, et huc ire licet atque illuc, ⁿmunere ditium dominorum. ^oAtque hæc eadem non fiunt agrestibus; sed ^pcæduntur inter potentium inimicitias, donoque dantur in provincias magistratibus. Ita pugnantur, et

INTERPRETATIO.

¹ *Neque enim res frustat vos ignaros.*

NOTÆ.

^a *Delenimenta.*] Illud est quod propriè dicunt *des adoucessemens*; sed magis politicè, *des biais, ménagemens*.

^b *Sublatum.*] *Ferunt*, supple, aut aliquid simile. Impetum verò auget orationis hæc ellipsis, atque adeo metuentium sed maximè dissimulantium, applausus audire videor.

^c *Uti se ferunt.*] Id est, prout volunt haberi.

^d *Uno.*] Pompeio.

^e *Remittere injuriam.*] Id est, Plebi jus suum, et tribuniæ potestati suam auctoritatem reddere.

^f *Jus non posse defendere.*] Id est, non posse plebi cordatè resistere; vel, eidem, omnem auctoritatem penès senatum esse, non posse apertè declarare.

^g *Volentibus.*] Quando, scilicet, liberis omnium suffragiis, vobis licebit, per tribunos vestros, ipsum Pompeium rebus præficere.

^h *Auctoremque.*] Ipse Pompeius tribu-

nitiam potestatem postea restituit, eundemque restitutæ poenituit.

ⁱ *Præsidia.*] Innuit regiam dignitatem aut tyrannidem induci.

^k *Gloriâ.*] Vestrâ, scil.

^l *Flagitio.*] Inimicorum nobilium.

^m *Tergis.*] Id est, quia domini vestri in nos, ut in domestica mancipia, verberibus non sæviunt.

ⁿ *Munere.*] Munus hoc maximè est invidiosum; supponit enim, penès eosdem esse dominos istas ambulationes prohibere: atque etiam invidiam auget vos *ditium*, quâ dominorum felicitatem ob oculos ponit.

^o *Atque.*] Arbitror istud sibi objecisse tribunum nostrum, ex parte eorum, qui cum extra urbem ageret, jus tamen habebant suffragii.

^p *Cæduntur.*] Responsio est, quæ maximè illos exasperare possit, ad quos dirigitur oratio; quasi cum stomacho diceret, *Suntne, illi multò feliciores qui cæduntur?* &c.

vincitur à paucis: plebes, quodcunque accidit, pro victâ est; et in dies magis erit: si quidem majore curâ dominationem illi retinuerint, quàm vos repeteritis libertatem.

Postquam egressus augustias. *Messus.*

Ad Cyzicum perrexit firmatus animi. *Ex eodem.*

Ut sustinere corpora plerique nequeunt, ^a fessi, arma sua quisque stantes incumberent. *Idem et Servius.*

Ac statim fugitivi, contrà præceptum ducis, rapere ad stuprum virgines, matronasque. *Nonius.*

Quibus à Sertorio triplices insidiæ per idoneos saltus positæ erant: ^b prima, quæ fonte venientes exciperet. *Servius.*

Ingens ipse virium atque animi. *Arusianus.*

Locum nullum nisi in quo armati institissent. *Idem.*

At Oppius postquam orans nihil proficiebat; timidè veste tecum pugionem expedire conatus, à Cottâ, Vulcioque impeditur. *Non. Pugnæ est brevis gladius.*

Castrisque collatis, pugna tamen ingenio loci prohibebatur. *Idem.*

Sed Pompeius à primâ adolescentiâ, sermone fautorum, similem fore se credens Alexandro regi, facta consultaque ejus quidem æmulus erat. *Nonius.*

Dubius consilii. *Arusian.*

Post reditum eorum, quibus senatus belli Lepidani gratiam fecerat. *Idem.*

Quod ubi frustrâ tentatum est, socordiùs ire milites occæpère, non ^c aptis armis, ut in principio, et laxiore agmine. *Non.*

Atque eum Curio laudatum, accensumque præmiorum spe, quibus cum optavisset, ire jubet. *Idem.*

Eodem tempore Lentulus duplici acie locum editum multo sanguine suorum defensus, postquam ex sarcinis ^d paludamenta adstare et delectæ cohortes intelligi cæpère. *Idem.*

Si nihil ante adventum suum inter plebem et patres convenisset, coram se daturum operam. *Prisc. l. xiv.*

Fine inguinum ingrediuntur mare. *Arusian.*

NOTE.

^a Fessi.] Hanc vocem ex interpretatione additam fuisse Douza contendit; totumque fragmentum ex Frontone ita constituit; *Ut sustinere corpora nequeunt, arma sua quisque instans incumberet.*

^b Prima.] Nunc insidiæ usurpantur tantum numero plurali.

^c Aptis.] Id est, aptatis et ad usum expeditis.

^d Paludamenta.] Paludamentum vestis est militaris et imperatoria, plerumque coccinea: quanquam etiam militibus tribuitur.

M. ^a Antonius perdendæ pecuniæ genitus vacuusque curis, nisi instantibus. *Idem.*

Muros successerant. *Idem.*

Saxaque ingentia, et ^b axe vinctæ trabes per pronum incitabantur, axibusque eminebant in modum ^c ericii militaris ^d veruta binûm pedum. *Non. Servius.*

Octavium mitum, et captum pedibus. *Arusian.*

^e Igitur discubuere Sertorius inferior in medio, super eum L. ^f Fabius Hispaniensis senator ex proscriptis: in summo Antonius, et infra scriba Sertorii Versius; et alter scriba Mæcenas in imo, medius inter Tarquitium et dominum Perpennam. *Non. Serv.*

Quarum unum epistolam forte cum servo nacti prædatores Valeriani ^g scorpione in castra misere. *Non.*

LIBER IV.

At Cn. Lentûlus patriciæ gentis, collega ejus, cui cognomen tum Clodiano fuit, per incertum stolidior an vanior, legem de pecuniâ, quam Sulla emptoribus bonorum remiserat, exigendâ, promulgavit. *A. Gellius, l. xviii. c. iv.*

Omnes, quibus ætas senecto corpore, animus militaris erat. *Prisc. l. ix. et. x.*

NOTÆ.

^a *Antonius.*] Hic pater fuit triumviri, qui re adversus Cretenses malè gestâ, morbo interiit. Homo fuit nullius virtutis, qui Cottæ consulis et Cethegi gratiâ, oræ maritimæ curationem nactus, Siciliam et Provincias omnes depopulatus est.

^b *Axe.*] Turnebus legit. *Axe vincti orbis.*

^c *Ericii.*] Ericius machina est bellica, verutis, seu majoribus clavis, undique horrida.

^d *Veruta.*] Verutum spiculi seu jaculi species est; vel etiam quod vulgò ensis laminam vocant. *La lame d'un épée.*

^e *Igitur.*] Ut fragmentum istud intelligatur, sciendum est, quod optimè enarrat doctissimus Salmasius, tres fuisse lectulos quibus accubebant veteres, cum cibum sumerent; summus, scilicet, medius, et imus. Dominus convivii in

primo loco tertii, seu imi lecti accubabat: locus honestissimus ultimus erat secundi, sive medii lecti, quòd convivii dominum continuerat, ut docet Plutarchus. His benè intellectis, nulla superest in hoc fragmento difficultas. Sertorius honoratissimum locum occupaverat, cui proximus erat in eodem lecto, medio scilicet, Fabius Hispaniensis. In summo lecto erant Antonius et Versius, duo tantum; sicut in medio lecto. In tertio verò et imo, superior erat dominus convivii Perpenna, scriba Mæcenas deinde, et Tarquitius ultimus.

^f *Fabius.*] Hujus plurimam mentionem esse in numismatibus, quanquam nulla sit in libris veteribus, testatur Carrio.

^g *Scorpione.*] Scorpio species erat ballistæ, sed minor quàm Vegetius *Manuballistam* dicit vocari.

Dein lenita jam irā, postero die liberalibus verbis permulcti sunt. *Idem. l. ix.*

Implicitæ rates ministeria prohibebant. *Idem, ibid.*

Igitur legiones pridie in monte positas arcessivit. *Idem. l. x.*

Anxius animi, atque incertus. *Arusian.*

Magnam exorsus orationem. *Idem.*

Impotens, et nimius animi est. *Idem.*

^a Amisumque ^b assideri sine præliis audiebat. *Prisc. l. viii. Obsideo et assideo activa sunt, faciunt enim assideor et obsideor.*

Qui quidem mos, uti tabes, in urbem conjectus. *Festus.*

Castella ^c custodias thesaurorum in deditionem acciperentur. *Serv. Caris. l. i.*

Reliqua cadavera salita. *Diomedes, l. i. c. iv.*

Epistola Regis Mithridatis scripta ad Regem Arsacem.

REX MITHRIDATES REGI ^d ARSACI. S. Omnes, qui secundis rebus suis ad belli societatem orantur, considerare debent, liceatne tum pacem agere. Dein quod quæritur, satisne pium, tutum, gloriosum, an indecorum sit. Tibi perpetuā pace frui liceret, nisi hostes ^e opportuni, et scelestissimi. Egregia fama, si Romanos opprresseris, futura est. ^f Neque petere audeam societatem; et frustra mala mea cum tuis bonis misceri sperem. Atque ea, quæ te morari posse videntur, ^g ira in Tigranem recentis belli, et meæ res parum prosperæ, si vera æstimare voles, maximè hortabuntur. Ille enim obnoxius, qualem tu voles, societatem accipet; mihi fortuna, multis rebus ereptis, usum dedit bene suadendi; et, quod florentibus optabile est, ego ^h non validissimus præbeo exemplum, quo rectiùs tua componas. Namque Romanis, cum nationibus, populis, regibus cunctis, una et ea vetus

NOTÆ.

^a Amisumque.] Amisus Galatiæ oppidum.

^b Assideri.] Pro obsideri.

^c Custodias.] Pro custodiæ, genitivus antiquus.

^d Arsaci.] Arsaces rex fuit Persarum, aut Parthorum, nam confunduntur apud antiquos auctores.

^e Opportuni.] Hic aliquid decesse arbitratr Douza, neque orationem cohærere. Eò verò recurrere ego non necesse habeo, quanquam enim non ita statim sensus videatur apertus, bonus est tamen; nam Arsaci rationem reddit Mithridates, quomobrem ille bellum adversus Romanos movere debeat: quia scilicet, hostes habeat

opportunos, quosque eum liceat, debeat profligare.

^f Neque.] Hic obscurior videtur sententia, neque tamen ideò quicquam mutare ausim; nam voculam frustra si ex posteriore periodi membro huc retrahas, optinè hæc omnia cohærebunt. *Nollem, inquit, frustra, et nullo tuo commodo per societatem quam à te peto, bello pacem tuam minuire.*

^g Ira.] Hinc Arsacem cum Tigrahe bellum gessisse conjicias.

^h Non validissimus.] Quò spectet hæc oratio, primâ fronte non apparet, patebit postea: vult enim, per avaritiam et invidiam, bellum potentissimis indicere Romanis, ut eorum divitias expilent, &c.

causa bellandi est, cupido profunda imperii et divitiarum; qua primum cum rege Macedonum Philippo bellum sumpsere. Dum à Carthaginensibus premebantur, amicitiam simulantes, ei subvenientem Antiochum, concessione Asiæ, per dolum avertère: ac mox ^a à Philippo, Antiochus omni cis Taurum agro, ^b decem millibus talentorum spoliatus est. Persen deinde Philippi filium, post multa et varia certamina, apud ^c Samothracas deos acceptum in fidem, callidi, et repertoires perfidiæ, quia pacto vitam dederant, ^d insomniis occidere. ^e Eumenem, cujus amicitiam gloriosè ostendant, initio providere Antiocho, pacis mercedem; post, ^f Attalum custodem agri captivi sumptibus et contumeliis ex rege miserrimum servorum effecere; simulatoque impio testamento, ^g filium ejus Aristonicum, quia patrium regnum petiverat, hostium more per Bithyniam, ^h Nicomede mortuo, diripuerunt, cum filius Nusæ, quam reginam appellaverant, genitus haud dubiè esset. Nam quid ego me appellem? Quem disjunctum undique regnis, et ⁱ tetrarchiis ab imperio eorum; quia fama erat, divitem, neque servitutum esse, per Nicomedem bello laceraverunt; sceleris eorum haud ignarum, et ea, quæ accidere, testatum antea, ^k Cretenses solos omnium liberos eâ tempestate, et regem ^l Ptolemæum. Atque ego ultus injurias Nicomedem Bithynia expuli; Asiamque ^m spoliū regis Antiochi recepi; et Græciæ dempsi grave ⁿ servitium. Incepta mea postremus servorum ^o Archelaus, exercitu prodito, impedivit; illique, quos ig-

NOTÆ.

^a *Philippo.*] Cave ita intelligas, quasi annitentibus Romanis, Antiochum Philippus spoliaverit; nam hæc oratio ambigua est: verum id puta, quod historia testatur, Antiochum post Philippum à Romanis debellatum, regni parte etiam multatum fuisse.

^b *Decem.*] Livius et Appianus quindecim dicunt.

^c *Samothracas.*] Samos, vel Samothrace, insula est maris Ægei, ad prospectum Thraciæ, versus Orientem. Hunc verò locum explicabit Florus, cujus verba refero: *Absens ergo* (de Perse loquitur) *vicitus fugit in maria insulamque Samothracem, fretus celebri religione, quasi templum et aræ possent defendere quem nec montes sui, nec arma, potuissent.*

^d *Insomniis.*] Probatur istud ex Diodoro, qui cum somno, à custodibus quos offenderat, cum in carcere, Romæ detineretur, prohibuit fuisse refert.

^e *Eumenem.*] Rex fuit Pergami in Asiâ.
^f *Attalum.*] Hic Pergami rex fuit ultimus.

^g *Filium.*] Alii aliter; Florus regii sanguinis ferocem juvenem dicit, Justinus filium Eumenis.

^h *Nicomede.*] Populum Romanum fecerat hæredem.

ⁱ *Tetrarchiis.*] Tetrarcha quarta est pars regni, aut cujuspiam Provinciæ.

^k *Cretenses.*] Creta, hodie *Candie*, Mediterranei insula notissima, unde Cretenses.

^l *Ptolemæum.*] Rex fuit Ægypti.

^m *Spoliū.*] Id est, eam Asiæ partem quæ Antiochus à Romanis spoliatus fuerat.

ⁿ *Servitium.*] Quo premebatur à Romanis.

^o *Archelaus.*] Unus fuit ex Mithridatis ducibus, quem ingenti instructum exercitu parvâ manu Sylla apud Chæroneam cecidit.

navia aut ^a prava calliditas, uti ^b meis laboribus tuti essent, armis ¹ abstinuit, acerbissimas pœnas solvunt. Ptolemæus pretio diem belli ² prolatat. Cretenses impugnati semel jam, neque finem ^c nisi excidio habituri. Equidem cùm mihi, ob ^d ipsorum interna mala, dilata prœlia magis quàm pacem datam, intelligerem, abnuente Tigrane, qui mea dicta serò probat, te remoto procul, omnibus ^e aliis obnoxiiis, rursus tamen bellum cœpi; Marcumque Cottam Romanum ducem apud ^f Chalcedona terrâ fudi; mari exui classe pulcherrimâ. Apud ^g Cyzicum magno cum exercitu in obsidione moranti frumentum defuit, nullo ^h circumadnitente; simul hiems mari prohibebat. Ita, ⁱ sine vi hostium, regredi coactus in patrium regnum, naufragiis apud ^j Param, et ^k Heracleam, militum optimos cum classibus amisi. Restituto deinde apud ^l Cabira exercitu, et variis inter me atque Lucullum prœliis, inopia rursus ambos incessit. Illi suberat regnum ^m Ariobarzanis bello intactum; ego vastatis circùm omnibus locis, in ⁿ Armeniam concessi; secutique Romani, non me, sed morem suum, omnia regna subvertendi; quia multitudinem artis locis pugnâ

INTERPRETATIO.

¹ Et illi quos ignavi aut prava calliditas avertit ab armis, ut tuti essent meis laboribus, solvunt pœnas acerbissimas.

² Ptolemæus profert diem belli argento.

³ Frumentum mihi defuit, cùm nullus circum me adjuvaret, dum eo commorarer magno cum exercitu, in obsidione, apud Cyzicum.

NOTÆ.

a *Prava calliditas.*] De iis loquitur qui ipsum, quamdiu opes suas adversus Romanos contereret, quieti cernerent, aut eo etiam augeretur. Prava est profectò ea calliditas; nam ille qui potentior est, postquam hunc aut illum bello minorem oppressit, victoriâ utens, alios majore etiam impetu invadit.

b *Ut meis laboribus.*] Aliis regibus à Romanis nihil fuisse metuendum innuit, ipsum si levissimis auxiliis adjuvissent.

c *Nisi.*] Isthuc confirmat Florus: Romanos enim fatetur, solâ nobilem insulam vincendi cupiditate, bellum Creticum fecisse.

d *Ipsorum.*] *Romanorum:* Nam bellum Mithridaticum illis temporibus gestum est, quibus respublica civilibus armis, maximè per Marium, Syllam, Sertorium, aliosque, conflictabantur.

e *Aliis obnoxiiis.*] Id est, sese Romanorum, imperio submittentibus.

f *Chalcedona.*] Chalcedon, vel, ut alii scribunt, Chalcedone, urbs est Asiatica ad Bosphorum Thraciæ.

g *Cyzicum.*] Cyzicus urbs est et insula, vel, ut aliis placet, peninsula ad Propontidem.

h *Sine vi.*] Non istud dicunt Romanæ historiæ scriptores: imo Plutarchus Lucullum testatur, non sine Mithridatis magnâ clade, Cyzico eum depulisse.

i *Param.*] Locus maritimus circâ Hellespontum, aut Euxinum mare.

k *Heracleam.*] Urbs est Bithyniæ ad Pontum Euxinum.

l *Cabira.*] Inferioris Asiæ oppidum Stephano. Plutarchus alicubi circa Mysiam collocat.

m *Ariobarzanis.*] Rex fuit Cappadociæ. n *Armeniam.*] Armenia notissima est Asiæ regio, inter Cappadociam et mare Caspium: cujus pars hodie dicitur *Turcomanie*.

prohibuere, imprudentiam Tigranidis, pro victoriâ ostendant. Nunc quæso considera, nobis oppressis utrum firmiorum te ad resistendum, an finem belli futurum putes? scio quidem tibi magnas opes, virorum, armorum, et auri esse; et, eâ re à nobis ad societatem, ab illis ad prædam peteris. Cæterum consilium est Tigranidis, ^a regno integro, meis militibus belli prudentibus, procul ab domo, parvo labore, per nostra corpora bellum conficere; quando neque vincere, neque vinci, sine tuo periculo possumus. An ignores, Romanos, postquam ad occidentem pergentibus finem ^b oceanus fecit, arma huc convertisse; neque quicquam à ^c principio nisi raptum habere, domum, ^d conjuges, agros, imperium; convenas, olim sine patriâ, sine parentibus, pesti conditos orbis terrarum; Quibus non humana ulla, neque divina obstant, quin socios, amicos, procul juxtâque sitos, inopes potentesque trahant, excidantque: omiaque ^e non serva, et maximè regna, hostilia ducant. ^f Namque pauci libertatem, pars magna justos dominos volunt; nos suspecti sumus æmuli, et in tempore vindices affuturi. Tu verò, cui ^g Seleucia maxima urbium, regnumque Persidis inclitis divitiis est, quid ab illis, nisi dolum in præsens, et postea bellum expectas? Romani in omnes arma habent, acerrima in eos quibus victis spolia maxima sunt: audendo et fallendo; et bella ex bellis serendo, magni facti. Per hunc morem extinguant omnia, aut ^h occident; ⁱ quod difficile non est, si tu ^k Mesopotamia, nos Armeniâ circumgredimur exercitum sine frumento, sine auxiliis: ^l fortuna aut nostris vitiis adhuc incolumes; teque illa fama sequetur, auxilio profectum magnis regibus, latrones gentium oppressisse. Quod uti facias moneo, hortorque, ne malis perniciem nostra ^m unum imperium prolatare quàm societate victor fieri.

NOTÆ.

a *Regno.*] Intelligo de regno Arsacis.

b *Oceanus.*] De Atlantico intellige, quo terminatur Hispania.

c *A principio.*] Romam primò latronum receptaculum magis quàm urbem fuisse neminem latet.

d *Conjuges.*] Illi enim per dolum, simulatis ludis equestribus, Sabinas rapuerunt.

e *Non serva.*] Id est, quæ ab ipsis servitute non essent oppressa.

f *Namque.*] Aliter et magis ex nostro stylo ita scribas: Cum enim pauci inter homines statu populari gaudeant, sed regiam dominationem querant, nos suspecti sumus æmuli, &c.

g *Seleucia.*] Hæc est, procul dubio, quæ non semel apud scriptores antiquos cum Babylone confunditur: quòd ejus

opes exhausterit, in proximo sita, ad ripam Tigridis.

h *Occident.*] *Ipsi peribunt.*

i *Quod difficile.*] De Romano excidio loquitur, quod semper quæsitivus Mithridates.

k *Mesopotamia.*] Asiæ regio inter Tigrim et Euphratem; hodie *Diarbech*.

l *Fortuna.*] Istud parenthesi includendum, quòd per dolorem effert Mithridates, qui sæpius Romanorum ruinam animo præsumperat.

m *Unum.*] Alii legunt, *tuum imperium*: alii *tua*: vetus verò editio optimè, ut videtur, *tuam* (ruinam scilicet, aut perniciem) *prolatare*, id est, *differe*. Si tamen *unum imperium* retineas, *prolatare* pro *ampliare*, positum erit.

Curio ^a Vulcanaliorum die ibidem moratus. *Nonius de mulatâ declinatione. Caris. l. i.*

Scalas pares mœnium altitudine. *Arusian.*

Dissidere inter se cœpère, neque ^b in medium consultare. *Idem.*

Multisque suspicionibus volentia plebi facturus videbatur. *Nonius. Volentia, quæ plebs vellet.*

Suspectusque fuit, incertum verò an per negligentiam, societatem prædaram cum latronibus composuisse. *Id. Componere, conjungere.*

Collegam minorem, et sui cultorem exspectans. *Arusian.*

Quàm maximis itineribus, per regnum Ariobarzanis, contendit ad flumen ^c Euphratem; quâ in parte Cappadocia ab Armeniâ disjungitur. Et quamquam ad id naves ^d codicariæ occultò per hiemem fabricate aderant. *Nonius. Codicariæ naves quæ in flumen usui esse possunt.*

Qui prætergrediebantur equites cataphracti, ^e ferreâ omni specie. *Idem.*

Cùm interim, lumine, etiam tum incerto, duæ Galliæ mulieres conventum vitantes ad ^f menstrua solvenda montem ascendunt. *Idem.*

^g Pluteosque rescindit, ac munitiones demolitur; locoque summo potitur: *Idem. Demoliri est diruere.*

Exercitum dimisit ut primùm Alpes digressus est. *Arusian.*

Tetrarchas, regesque territos animi firmavit. *Idem.*

Simul eos, et cunctos jam inclinatos luxitate loci, plures cohortes atque omnes, ut in secundâ re, pariter acrè invadunt. *Nonius.*

Hi locorum perignari, soliti nectere ex viminibus vasa agrestia, ibi tum, quòd inopia scutorum fuerat, ad eam artem se quisque in formam parmæ equestris armabat. *Nonius. Parma est scutum breve.*

De precore coria recens detracta; quasi glutino adolecebant. *Carisius, l. i. Servius.*

Avidior modò properandi factus. *Arusian.*

Concilii æger. *Idem.*

Reversi postero die, multa, quæ properantes deseruerant in castris nacti cum se ibi cibo, vinoque læti invitarent. *Nonius. invitare est repleri.*

NOTÆ.

a Vulcanaliorum.] Vulcanalia, dies erant Vulcano festi.

b In medium.] Id est, in commune.

c Euphratem.] Euphrates fluvius est Asiæ nobilissimus.

d Codicariæ.] Id est, secundum Festum ex tabulis crassioribus factæ.

e Ferrea.] Equi enim et ipsi ferreis laminis muniti erant.

f Menstrua.] Id est, Sacra quæ quoque mense peragerentur: idque prolixè et Lipsii sententiâ, et Plutarchi auctoritate, Douza confirmat.

g Pluteosque.] Plutei machinæ erant bellicæ, corio intectæ, quorum usus idem propè qui vinearum, ad muros suffodiendos.

Atque hiavit humus multa, vasta et profunda. *Idem. Hiare, aperiri.*

Rursus jumenta nacti ad oppidum ire contendunt. *Nonius.*

Ubi se laniati navigia fundo emergunt. *Arusian.*

Tum verò Bithyni propinquantas jam amnem ^aTartanium. *Idem.*

^bEos qui hoc malum publicum clandestinis conciliis comparaverunt. *Nonius.*

In quīs notissimus quisque, aut malo dependens verberabatur, aut immutilato corpore improbo patibulo eminens affigebatur. *Idem. Patibulum est crux.*

Ad Siciliam vergens faucibus, non ampliùs patent millibus v. et xxx. *Messus.*

Clausi lateribus ^cpedem. *Idem.*

Napthas. *Probus Catholicis.*

LIBER V.

AT Lucullus, audito Q. ^dMarcium Regem pro consule per ^eLycaoniam cum tribus legionibus in ^fCiliciam tendere. *Prisc. l. xviii.*

Legiones Valerianæ comperto, ^glege Gabiniâ Bithyniam, et Pontum consuli datam: ^hmissos esse. *Id. ibidem.*

Regem aversabatur. *Arusian.*

NOTÆ.

^a *Tartanium.*] In Bithyniâ.

^b *Eos.*] Fragmentum istud, non Sallustii, sed Sisennæ esse arbitratur Putschius: idèò quod in Nonii vetustioribus manuscriptis illi adscribatur.

^c *Pedem.*] Quandoquidem Sallustii auctoritate confirmare studeat Fronto, probè oppido ac Latinè dici *Altus pedes tot*, et quidem hunc locum citans; optimè, ut videtur, vocem *altis* Sallustio Douza redonavit, legitque *clausi lateribus pedem altis*.

^d *Marcium Regem.*] Hic mortuo collegâ Metello, et eo qui in ejus locum suffectus fuerat, solus consulatum gessit.

^e *Lycaoniam.*] Minoris Asiæ regio, in Cappadociâ.

^f *Ciliciam.*] Minoris Asiæ regio, ad Mediterraneum.

^g *Lege Gabiniâ.*] Gabinius tribunus fuit

plebis, quo tempore Lucullus adversus Mithridatem bellum gerebat.

^h *Missos.*] Quidam, in manuscriptis probè et planè exaratum esse, *Consuli datum esse, missos esse*, testatur; unde pro priori *esse*, sese rescribendum esse putat: deinde ut sensus absolvatur, *prætententes* supplet, aut *causantes* ut ità legendum sit, *Sese missos esse causantes*. Atque de legionibus accipit quas Clodius per iram et invidiam sollicitavit, ut ne ampliùs Lucullum adversus Mithridatem sequerentur; quibus ille persuasit ipsos missos, et à sacramento liberos esse, cùm alium imperatorum, Glabrimonem consulem, ad Mithridaticum bellum, senatus mitteret. Cui opinioni non possum planè non assentiri; nisi quod, non Glabrioni, sed Pompeio Mithridaticum bellum mandatum invenio.

Cæteri negotia ^a sequebantur familiaria legatorum, aut tribunorum; et pars sua ^b com meatibus mercatis. *Nonius.*

Et uxori ejus frater erat. *Arusian.*

Sæpè celebritatem nominis intelligo timentem. *Prisc. l. xviii.*

Video ingentia dona quæsitum ire properantem. *Idem, ibid.*

Nam si Pompeio ^c quid humani evenisset. *Arusian.*

^d Quibus de causis Sullam in victoriâ dictatorem, equo descendere, sibi uni assurgere de sellâ, caput aperire solitum. *Nonius, Arusian. Servius.*

NOTÆ.

^a *Sequebantur.*] Eidem anonymo, ex quo priorem conjecturam deerpsimus legendum videtur *Exsequebantur.*

^b *Com meatibus.*] Id est, *Abuendi licentia pretio emptâ.*

^c *Quid humani.*] Mortem intellige, de Pompeio autem videtur hic agi, quem Catullus, eum præclarum quidem, sed nimium liberæ reipublicæ crederet, noletque omnia ut in eo uno reponerentur, hæc

verba in coniectione legem dissuadens adjecit. *Si quid huic acciderit, quem in ejus locum substituetis?* ut habet Paterculus.

^d *Quibus de causis.*] Hic iterum de Pompeio sermo est, cui uni Syllam assurgere solitum Appianus tradidit. Quatuor verò fuerunt, auctore Servio, quæ apud Romanos ad honorem petinuerunt: equo desilire, caput aperire, viâ decedere, assurgere.

C. SALLUSTII CRISPI

FRAGMENTA,

INCERTORUM LIBRORUM.

NE ^ainrumiendi po....

^bsublicibus cavata....

sent. *Festus*.

Cujus ^cduas insulas propinquas inter se, et ^ddecem stadium procul à Gadibus sitas, constabat suoapte ingenio alimenta mortalibus gignere. *Nonius*.

^eSerum bellum in angustiis futurum. *Junius Philarg. ad Georg. Virgili*.

Illi tertio mense pervenêre in ^fPontum multò celerius spe Mithridatis. *Arusian*.

Ergo senati decreto serviendum ne sit. *Donatus act. 11. sc. 11*.

Pompeius oris ^gimprobi, animoque inverecundo. *Suet. de claris. Gram. c. xv*.

NOTÆ.

^a *Inrumiendi*.] Id est, *lactandi* : quam omnes, quos quidem inspicere licuit, excerptores, *Irrumare*, habent tantum, non *Irrumire*. Vox verò ista, execrandâ libidine, ad obscœna traducta est.

^b *Sublicibus*.] Sublicæ traves sunt longæ; quibus pons innitur. Sed, pro iis, *Festus* habet *Sublicis*, nomine, secundum aliquos à Volscis mutuato.

^c *Duas insulas*.] Quæ sint istæ nescire se fatetur *Ortelius*, nisi ex *Plutarchi Sertorio*, qui eas *Atlantidum* nomine describit; intelligit autem de duabus ex *Asoris*, *S. Michaëlis* scilicet, et *D. Mariæ*.

^d *Decem stadium*.] Idem *Ortelius* *decem millibus stadiorum* ex *Plutarcho* rescribit.

^e *Serum*.] Grammatici *crudele* atque *sævum* interpretantur; eodemque sensu apud *Virgilium*, et *Valerium Flaccum*, legitur.

^f *Pontum*.] *Pontus* Asiæ minoris provincia ad mare *Euxinum*.

^g *Improbi*.] Multis contendit *Douza* *probi* legendum esse; præsertim quod illud alterum sit contra omnium librorum auctoritatem, et à *Sallustii* scribendi ratione alienum; Arbitratur enim fieri non posse, ut aliquis ore fit improbo, qui non pariter animo inverecundo fuerit: adeoque *Sallustium* bis idem dixisse, si *improbi* scripserit. Prima ratio valet.

Simulans ^asibi alvum purgari. *Isidorus, l. xi. in voce Alvus. Serv. ad l. iii. Æneidos.*

Fecit ut nunciis confestim lugubribus. *Caris. l. ii.*

Communem habitum transgressus. *Prisc. l. xiv.*

Inter arma civilia æqui boni famam petit. *Seneca, l. xx. epist. cxv.*

Haud impigrè, neque inultus occiditur. *Donat. ad Andr. Ter. act. i. sc. 2.*

Festinantibus in summâ inopiâ patribus. *Idem ad Eunuch. act. iv. sc. iii.*

Hostes oppressi, aut delapsi forent. *Isidorus, l. xviii.*

Exercitum argento fecit. *Seneca, l. xx. epist. cxv.*

^bTogam paludamento mutavit. *Isidorus, l. xix. Serv.*

Hiero rex Syracusanorum bellum fecit. *Seneca.*

Ibi triennio frustrâ trito. *Servius ad iv. Æneidos.*

Oratio C. Cottæ Consulis ad Populum.

Quirites, multa mihi pericula domi, militiæ multa adversa fu-
êre; quorum alia toleravi, partim repuli deorum auxiliis, et vir-
tute meâ: in quâs omnibus, neque animus negotio defuit, neque
decretis labos. Malæ, secundæque res, ¹opes, non ingenium mihi
mutabant. At contra in his miseriis cuncta me cum fortunâ de-
servuere. Prætereà senectus, per se gravis curam duplicat; cui
misero, senectâ jam ætate, ne mortem quidem ^dhonestam sperare
licet. Nam, si parricida vestri sum, et ^ebis genitus hîc deos
penates meos, patriamque, et summum imperium ^fvilis habeo,
quis mihi vivo cruciatus satîs est, aut quæ pœna mortuo? Cùm
omnia ^gmemorata apud inferos supplicia scelere meo ^hvici. A
primâ adolescentiâ in ore vestro privatus, et in magistratibus egi:

INTERPRETATIO.

¹ *Malæ secundæque res mutabant mihi opes, non mutabant ingenium.*

NOTÆ.

^a *Sibi.*] Servius habet, *Simulans alvum purgare*; quod magis est ex adstrictâ Sallustii oratione.

^b *Togam palud.*] Id est, *Pacem bello.*

^c *C. Cottæ.*] In quibusdam libris scriptum inveni *Cn. Cottæ*, quod fortè pro *M. Cottâ*, scripturæ similitudine positum est. Uterque enim C. et M. ille quidem prior, hic anno sequenti consul fuit: sed Marcum, non Caium, à Mithridate magnâ clade apud Chalcedonem cæsum fuisse constat, quod quidem huic orationi occasi-
onem debet.

^d *Honestam.*] Ille equidem post casum suum in civitatem receptus, etiam consulatum suum peregit; attamen ne sibi

per inimicorum dolum fraudi esset, quod fortunæ iniquitate evenerat, vir prudens reformidabat.

^e *Bis genitus.*] Hoc idèò dicit, quia, victus, in civitatem receptus erat.

^f *Vilis habeo.*] Id est, *parus istio omnibus consulo.* Sed terminis usus est causæ suæ faventibus; minùs enim fit verisimile, ut quis summum imperium, quo gaudet, contemnat, quam ut parum, ex officio rei publicæ invigilet.

^g *Memorata.*] De his plurima apud poetas.

^h *Vici.*] Id est, *maius est scelus quàm ut atrocissimis inferorum pœnis satis possit puniri.*

qui ^alinguâ, qui consilio meo, qui pecuniâ voluere, uti sunt: neque ego callidam facundiam, neque ingenium ad malefaciendum exercui; ¹avidissimus privatæ gratiæ maximas inimicitias pro republicâ suscepi: qui victus cum illâ simul, cum egens alienæ opis, plura mala expectarem, vos, Quirites, rursus mihi patriam, deos penates, cum ingenti dignitate dedistis. Pro quibus beneficiis vix satis gratus videar, si singulis animam, ²quam nequeo, concesserim. Nam vita et mors jura naturæ sunt; uti sine dedecore cum civibus, famâ et fortunis integer agas, id dono datur atque accipitur. Consules nos fecistis, Quirites, ^bdomi, bellicque impeditissimâ repub. Namque ^cimperatores Hispaniæ stipendium, milites, arma, frumentum poscunt: et id res cogit: quoniam post defectionem sociorum, et Sertorii per montes fuga, neque manu certare possunt, neque utilia parare. Exercitus in Asiâ Ciliciâque ob nimias opes Mithridatis aluntur; Macedonia plena hostium est; nec minus Italiæ maritima, et provinciarum, cum interim vectigalia parva, et ^dbellis incerta, vix partem sumptuum sustinent: ³Ita classe, quâ commeatus vehebatur, minore quam antea, navigamus. ^eHæc si dolo aut socordia nostrâ contracta sunt, agite, et uti lubet, ita supplicium sumite: sin communis fortuna asperior est, quare indigna vobis, nobisque, et rep. incipitis? Atque ego, cujus ætati mors propior est, non deprecor, si quid eâ vobis incommodi demitur; neque mox ^fingenuo corpori honestius, quam pro vestrâ salute, finem vitæ fecerim. Adsum, en Cn. Cotta consul, facio quod sæpè majores asperis bellis fecere; voveo, dedoque me pro rep. quam deinde cui mandetis circumspicite. ^gNam talem honorem bonus nemo volet, cum fortunæ,

INTERPRETATIO.

¹ Cum essem avidissimus privatæ gratiæ, suscepì multas inimicitias pro republicâ. *lis, quam pro singulis, nequeo dare.*

² Si dederim animam pro singulis, quam ea, quâ commeatus vehebatur antea. *3* Ita navigamus classe minore

NOTÆ.

a *Linguâ.*] Arbitror hunc esse Cottam, quem Cicero disertissimum prædicat contra quem etiam mulierem quandam defendit.

b *Domi.*] Bellis civilibus, per Marium, Syllam, aliosque exhaustæ fuerant vires imperii.

c *Imperatores.*] Vidimus eâ de re Pompeii epistolam, quocum Metellus adversus Sertorium imperator creatus fuerat.

d *Bellis.*] Pirate enim, Mithridatici belli oblata occasione, maria bello, quasi tempestate præcluserant; alii rebellabant: Sertorius in Hispaniâ multa intercipiebat, &c.

e *Hæc.*] *Casus reipublicæ varii.*

f *Ingenuo.*] In aliis est, *ingenio corporis*, quod non placet; quanquam illud quomodo explicem non satis video. Nisi fortè consul noster, qui jam supra de inferis verba quædam iniecit, philosophicè, sese noluerit virum ingenuum, sed corpus tantum morti tradere; quod quidem ad persuadendum et commovendum aptum quoque fuerit.

g *Nam talem.*] Tacitè innuit, se adhuc utilem fore reipublicæ, nec tam culpâ suâ exercitum à Mithridate cæsum fuisse.

et pacis, belli ab aliis acti, ratio reddendâ, aut turpiter moriendum sit. Tantummodo in animis habetote non me ob scelus, aut avaritiam cæsum, sed volentem pro maximis beneficiis animam dono dedisse. Per vos igitur, Quirites, et gloriam majorum, tolerate adversa, et consulite reip. Multa cura summo imperio inest; multi ingentes labores; quos ¹ nequicquam abnuitis, et pacis opulentiam quæritis; cùm omnes provinciæ, regna, maria, terræque aspera aut fessa bellis sint.

Germani ^aintectum ^brenonibus corpus tegunt. *Isidorus.*

Undè pons in oppidum pertinens explicatur. *Arusian.*

Et ei voce magnâ vehementer gratulabantur. *Donatus.*

Et Marius victus duplicaverat bellum. *Servius.*

Atque eos à tergo incurrerunt. *Rufinianus.*

In hunc modum disseruit. *Prisc.*

Indè ortus sermo percunctantibus utrimque, Satin' salvè, quàm grati ducibus suis, quantis familiaribus copiis augerentur. *Donatus.*

Fugam nostris fecère. *Seneca.*

Quæ audita ^cPanormitanos dedere Romanis fecère. *Idem.*

Quò cupidiùs in ore ducis sese quisque bonum et strenuum ostentantes. *Isidorus, Servius. x.*

Ventis per cava terræ citatis, rupti aliquot montes, tumulique sedère. *Isidorus, Servius.*

Ubi multa nefandè casu super ausi atque passi. *Prisc.*

^dSaguntium. *Carisius.*

Tota autem insula modica, et cultoribus inanis est. *Martianus.*

Immodicus animi. *Arusian.*

Pugnam illam pro omine belli futuram. *Serv.*

Tantum ^eantiquitatis, curæque majoribus pro Italicâ gente fuit. *Idem.*

Opprobrii gratiâ. *Agrætius.*

Maximis ducibus, fortibus strenuisque ministris. *Diomedes. l. xi.*

Non repugnantibus modò, sed ne deditis quidem. A. B. C. M. *Donatus.*

In silvâ ^fSilâ fuerant. *Serv.*

INTERPRETATIO.

¹ Quos frustra refugitis, dum pacis copiam quæritis.

NOTÆ.

^a Intectum.] Magnâ corporis parte nudos agitare solitos esse Germanos ex Tacito discimus, aliisque. Colerus malet *Intacti.*

^b Renonibus.] Alii scribunt *Rhenonibus.* Sunt autem Rhenones Gallorum et Germanorum tegumenta pellicea, ad humeris ad umbilicum usque dependentia.

^c Panormitanos.] Panormus insignis Siciliæ civitas. Hodie *Palermo.*

^d Saguntium.] Pro Saguntinorum, ut placet Carisio.

^e Antiquitatis.] Gronovius cum Servio *antiquitatis* retinet. Douza *anxietatis* reponit, cui ego quidem assentior.

^f Silâ.] Sita erat in Bruttis.

In nuda injecta corpora. *Diomedes.*

Appollinis filia et Cyrenes. *Probus.*

Ne simplici quidem morte moriebantur. *Serv.*

Cum prædixero positum insulæ. *Donatus.*

Cujus ^aadversâ voluntate, colloquio militibus permissio, ^bcorruptio facta paucorum, et exercitus Sullæ datus est. *Idem.*

A Graccho seditiones graves ortæ. *Augustinus. De Civ. Dei lib. ii.*

M. Atilius Palicanus humili loco, Picens, loquax magis quàm facundus. *Quintilianus, l. iv. c. 2.*

^cInsolens vera accipiundi. *Donatus.*

Quæ pecunia ad Hispaniense bellum Metello facta erat. *Idem.*

^dCurubis. *Probius.*

^eTharros. *Idem.*

^fCamisos. *Idem.*

^gLuces. *Sergius.*

Primam modò ^hJapydiam ingressus. *Serv. in ii. Georg.*

ⁱCarbo turpi formidine Italiam, atque exercitum deseruit. *Idem.*

Quæ pacta in conventionem non præstitissent. *Donatus.*

Crebritate fluctuum, ut Aquilo solet. *Serv.*

Mithridates corpore ingenti perinde armatus. *Quint. l. viii. c. 3.*

Tyrannumque et Cinnam appellantes. *Victorinus. Serv.*

Nomenque ^kDanubium habet. *Acron.*

Cui nisi pariter obviam iretur. *Donat.*

Septimium, neque animo, neque linguâ satîs compotem. *Idem.*

Vulgus amat fieri. *Quint. lib. ix. Cap. iii.*

Non ^lpœniturum. *Idem.*

Pompeius cum alacribus saltu, cum velocibus cursu, cum validis vecte, certabat. Neque enim ille aliter potuisset par esse Sertorio,

NOTÆ.

a *Adversa.*] *Cognitâ.*

b *Corruptio.*] De Syllâ intelligendum, qui, ut docet Plutarchus, viribus impar. Scipionem alterum consulum dolo ad fœdera invitavit; deinde inter congressuum moras, et colloquiorum, pecuniâ et promissis, ejus exercitum, per milites corruptit.

c *Insolens.*] Fortè de Tigrane loquitur, qui fortunâ suâ ebrius, nil nisi quod ad voluntatem fictum esset, audire poterat. Cujus stultitiam non pœnitebit vidisse apud Appianum.

d *Curubis.*] Ptolemæo urbs est Africæ propriæ.

e *Tharros.*] Ortelius eam urbem ponit in Africâ.

f *Camisos.*] Urbs Camisanæ regionis, in Parthiâ, ut eidem placet Ortelio.

g *Luces.*] Volunt esse à *Lux* singulari.

h *Japydiam.*] Japydia, quæ et Histria dicta, in extrêmâ est Italiâ versûs Dalmatiam.

i *Carbo.*] Prolixè de eo Appianus.

k *Danubium.*] Observavit Acron, vel alius aliquis, ad Horatium, Danubium in genere neutro à Sallustio positum, ut Rhenum ab Horatio. Danubius verò dicitur usitatus maximus ille et notissimus Europæ fluvius, cui et nomen *Ister* datum est.

l *Pœniturum.*] Pro pœnitentiam acturum.

nisi se, et milites frequentibus exercitiis præparavisset ad prælia. *Vegetius, l. i. c. ix. Johan Saresh.*

Cicero caninam facundiam, ut Appius inquit, exercuit. *Lactant.*
Primus Græcorum Achilles. *Serv. in 1 Æn.*

Cupientissimus legis. *Diomedes.*

Magnâ gloriâ ^atribunus militum in Hispaniâ T. ^bDidio imperante, magno usu bello Marsico, paratu militum, et armorum fuit. Multaque tum ductu ejus curata, primò per ignobilitatem, deinde per invidiam scriptorum celebrata sunt: cominus faciem suam ostentabat, aliquot adversis cicatricibus, et effosso oculo. Quo ille dehonestamento corporis maximè lætabatur, neque illis anxius, quia reliqua gloriosius retinebat. *A. Gellus.*

^cCuretes, quia principes intelligendi divina fuerunt, vetustatem uti cætera in majus componentem altores Jovis celebravisse. *Lactant et Isidorus.*

Italiam conjunctam ^dSiciliæ constat fuisse, sed medium spatium aut per humilitatem obrutum est aquis, aut propter angustiam scissum: inde Rhegium nominatum. *Isidorus.*

Pompeius de victis Hispanis trophæa in Pyrenæis jugis constituit. *Serv. lib. xi. Æn.*

Atque edita undique, tribus tamen cum muris, et magnis turribus. *Donat.*

Et in præliis actu promptus. *Idem.*

Pactione amisso Publio legato. *Idem.*

Ipsam mare Ponticum dulcius, quàm cætera. *Serv. Prisc. Macrobius.*

Equis paria operimenta erant, quæ lintea ferreis laminis in modum plumæ adnexuerant. *Serv.*

Rebus supra votum fluentibus. *Idem.*

^eÆnum, et ^fMaroneam, et viam militarem. *Idem.*

Impediebant jussa nautarum. *Idem.*

Nihil socordiâ clauderat. *Donat.*

^gUt tanta repentè mutatio non sine deo videretur. *Idem.*

NOTÆ.

^a *Tribunus.*] De Sertorio agitur.

^b *Didio.*] Legatus fuit Pompeii in Hispaniâ adversus Sertorium.

^c *Curetes.*] Totam hanc opinionem, quasi poetis fictam Sallustius respuit, voluitque ingeniosè interpretari, cur Jovis cultores dicantur Curetes fuisse. *Lactantius.*

^d *Siciliæ.*] In hac sententiâ fuerunt plurimi auctores, contrâ quam facit Cluverius, qui, cum Hesiodo aggeribus, veris Pelorum promontorium, auctam fuis-

se insulam arbitrat; nedum abscissa fuerit.

^e *Ænum.*] Ænus urbs Thraciæ maritima, ab Æneâ condita.

^f *Maroneam.*] Non longè ab Æno, ad occasum.

^g *Ut tanta.*] Videtur hoc de inexpectatâ intelligendum conversione, quæ Romæ accidit, foro omnium rerum venalium copiâ superfluente, postquam piratas annonam intercipientes Pompeius profligavit.

^aIn ore gentibus agens, populo, civitati. *Idem.*

Pressi undique multitudine. *Idem.*

Hunc igitur redarguit Tarquitiu. *Idem.*

Dein campi ^bThemyscirii, quos habuere ^cAmazones, à ^dTanai
flumine incertum quamobrem digressæ. *Serv.*

Ubi eum totâ concione ab exercitu cogit discedere, dicit se
ejus operâ non usurum, eumque ab armis dimittit. *Idem.*

Et Metello procul agente ^elonga spes auxiliorum. *Idem.*

More equestris prælii sumptis tergis, atque redditis, et egressi
ad faciliores ictus loco cedebant. *Idem.*

Castra sine vulnere introitum. *Idem.*

^fCosa. *Serv. in Æn. x.*

Equis, atque armis insignibus. *Idem.*

^gFessus in Pamphyliam se receperat. *Idem.*

Profectus quidam Ligus ad requisita naturæ. *Quint.*

Apud latera ^hcertos collocaverat. *Serv.*

Apertæ portæ, repleta arva cultoribus. *Idem.*

ⁱHispaniam sibi antiquam patriam esse. *Idem.*

^kLyciæ, ^lPisidiæque agros despectantem. *Idem.*

Sorte ductos fusti necat. *Idem.*

Omnis Italia coacta in angustias scinditur in duo ^mpromonto-
ria, ⁿBruttium, et ^oSalentinum. *Idem.*

Italia plana ac mollis. *Idem.*

Quâ tempestate ex Ponto vis piscium erupit. *Idem, et Scholi-
astes Juvenalis.*

^pIntrorsus prima Asiæ Bithynia est, multis antea nominibus
appellata. *Serv.*

NOTÆ.

a *In ore.*] De Pompeio intelligit Douza.

b *Themyscirii.*] Sunt illi in Ponto.

c *Amazones.*] Fuerunt mulieres, quæ
regnum, viris omnibus interfectis, obtin-
uerunt, rem postea habentes cum peregrin-
is. De his mentio fit apud plurimos: in-
terim fuerint, nec ne, quidam affirmant,
quidam negant. Crediderim multa fabu-
losa esse, non tamen omnia.

d *Tanai.*] Tanais fluuius est qui Euro-
pam ab Asiâ dividit. Hodie *Don* dicitur.

e *Longa.*] Id est, *longè posita*, auctore
Servio.

f *Cosa.*] Civitas Etruriæ.

g *Fessus.*] Id est, *egens consilii*, *Servio*
interprete: nam corpore fatigatum dici-
mus, animo fessum.

h *Certos.*] Certus aut velocem significat,
aut fidelem: aliquando etiam firmum, ut
ait *Sallustius*: *Apud latera certos collocat.*
Servius.

i *Hispaniam.*] Annotant grammatici
provinciam pro patriâ positam, cum civi-
tas propriè sit patria.

k *Lyciæ.*] Minoris Asiæ regio, ad Me-
diterraneum.

l *Pisidiæ.*] Ciliciæ regio, in minore
Asiâ.

m *Promontoria.*] Sunt montes, qui in
mare incurrunt. *Gall. Cap.*

n *Bruttium.*] Inferius est, ad meridiem,
juxta Siciliam.

o *Salentinum.*] Superius est ad Septen-
trionem.

p *Introrsus.*] Hæc *Crispi* cum citet
Servius, ut doceat Bithyniam dictam quo-
que esse Bebriciam, nullaque ejus rei in
fragmento hoc extet mentio, non dubitat
Sallustium ex *Isidoro* augere *Putschius*,
post *Phrygia*, hoc modo, *prius Bebricia*
dicta, mox à Bithynio rege Bithynia.

Ipsa enim est Major Phrygia. *Serv.*

Sed Mithridates extremâ pueritiâ regnum ingressus: matre veneno interfectâ. *Idem.*

Exercitum ^avertere. *Idem.*

Creta altior est, quâ parte spectat orientem. *Idem.*

Se regibus devovent, et post eos vitam refutant: adeò illis ingenta est sanctitas regii nominis. *Idem, et Philargyrius.*

Dum inferior omni viâ grassaretur. *Joannes Grammat.*

^bNarbone concilia Gallorum. *Pompeius in Artem Donati.*

Cum Brutus, &c. *Pompeius ibidem.*

Post defectionem sociorum et Ladii. *Donatus.*

^cAd Jovis mandem nostra. *Idem.*

Morbi graves ob inediam insolita vescentibus. *Idem.*

Atque ea cogentes, non coactos, scelestos magis quàm miseros distringi. *Idem.*

Graviori bello, qui prohibitori venerant socii, frigere. *Idem.*

Nam quidem Pyrrho, Hannibali, æquor et terra. *Idem.*

Nam Sullæ dominationem audebat. *Idem.*

^dNeque est defensio dominationem Sullæ. *Idem.*

Neu quis miles neve pro milite. *Serv.*

Ex insolentiâ avidus malefaciendi. *Idem.*

Tergis vinciebant. *Idem.*

^eCharybdis quæ forte illata ^fnaufragia sorbens gurgitibus occultis millia sexaginta ^gTauromenitana ad litora trahit. *Idem.*

Saguntini fide atque ærumnis inclyti per mortalium studium majores quàm opibus, quippe quâs etiam tum semirutæ mœnia, domus intactæ, parietesque templorum ambusti, manus Punicas ostentabant. *Hieron. in Habaccuc.*

Apud ^hCorduennos ⁱamomum et alii leves odores gignuntur. *Philarg. in iv. Georg. Virgil.*

Quem trans stagnum omnis usque ad flumen. *Idem.*

NOTÆ.

a *Vertere.*] Servius interpretatur *Considerare.*

b *Narbone.*] Narbo Galliæ Narbonensis urbs est maritima.

c *Ad Jovis.*] Douza corrigit, *Id Jovi mandem nostro.* Id est, *Jupiter ista viderit.*

d *Neque est.*] Alii habent *dominationum.* Colerus legit, *Neque est defessus dominationum Syllæ.*

e *Charybdis.*] Poëtis decantatissimus gurgis, inter Siciliam et Italiam, circa Messanam.

f *Naufragia.*] Hic naufragium pro ipsis rebus quassatis et fractis positum est.

g *Tauromenitana.*] Tauromenia, vel Tauromenium, urbs Siciliæ maritima ad fretum.

h *Corduennos.*] Corduenni, gens circa mare Hyrcanum.

i *Amomum.*] Aliud alii esse comminiscantur multumque de eo rixantur Medici.

Repentè incautos agros invasit. *Idem.*

Belli sanè sciens. *Acron.*

Namque omnium ferocissimi ad hoc tempus ^aAchæi atque
^bTauri sunt, quod, quantum conjicio, locorum egestate raptò vi-
 vere coacti. *Glossa Juvenalis.*

Atque ipse cultus rei. *Acron.*

^cTriplici fluctu. *Serv. Fuldanus.*

Charybdi mare vorticosum. *Idem.*

Sed ubi tempore anni mare classibus patefactum est. *Idem.*

Sanè bonus eâ tempestate contrà pericula et ambitionem. *Idem.*

Simul immanis hominum vis ex locis invasère parentes, cum
 et pacis modò effusas. *Idem.*

Genua patrum advolvuntur. *Idem.*

Perrexère in Hispaniam ad Sardiniam. *Idem.*

Quæ mapalia sunt circumjecta civitati, suburbana ædificia. *Idem.*

Et onere turrium incertis navibus. *Idem.*

Traditur fugam in longinqua oceani agitavisse. *Idem.*

Ad mutandum modò in melius servitium. *Serv. ad primum Æn.*

Magna vis hominum convenerat agris pulsa aut civitate ejecta.
Idem, ibidem.

Cùm murum hostium successisset pœnas dederat. *Idem ad*
Eclogam quintam.

Quippe vasta Italia rapinis, fugâ, cædibus. *Idem.*

Hî sunt qui secundum pocula, et alias res aureas, diis sacrata
 instrumenta convivio mereantur. **Idem ad viii. Æneidos.*

In secundâ festinas cohortes composuerat. *Idem ad ix.*

Jam repentè visus sævire Tagus. *Idem ad x.*

Exuant armis equisque. *Idem.*

Solas festinare. *Idem.*

Lusitaniæ gravem civitatem. *Idem.*

Ex parte cohortium præcipere instructa, et stationes locatæ
 pro castris. *Idem.*

Bellum quibus posset conditionibus desineret. *Idem.*

In quîs longissimo ævo plura, de bonis falsa, in deteriùs com-
 posuit. *Idem.*

Cultu corporis ornata egregio. *Idem.*

At Sertorius vacuus hieme augere copias. *Acron. in Horatium.*

Sin vis obsistat, ferro quàm fame æquiùs perituros. *Serv.*

Consedit in vâlle virgultâ nemorosâque. *Idem.*

NOTÆ.

a Achæi.] Sunt populi circa pontum
 Euxinum, in Sarmatiâ Asiaticâ; nam de
 his hoc in loco agitur, non de illis qui
 Thessaliam incoluerunt.

b Tauri.] Fuerunt isti in Sarmatiâ Eu-
 ropæa.

c Triplici.] Id est, magno.

Paululùm requietis militibus. *Idem.*

Qui nullo certo exilio vagabantur. *Idem.*

Nubes fœdavêre lumen. *Idem.*

Sanctus alia. *Idem.*

Geronis. *Idem.*

Quæ causa fuerat novandis rebus. *Idem.*

Radice[m] montis excessit. *Statii interpre[s].*

Ut res magis quàm verba gererentur, liberos parentesque in muris locaverant. *Idem.*

Incerta est fortitudo dum pendet. *Idem.*

In quibus plaustra sedes sunt. *Acron. ad Horatium.*

Luxo pede. *Probus.*

Maurique vanum genus, ut alia Africæ, contendebant Antipodas ultra Æthiopiam cultu Persarum justos et egregios agere. *Prisc.*

Et Perpennam fortè cognoscit mulio redemptoris. *Acron. in Horat.*

Omniùm fluminum quæ in maria quâ imperium Romanum est fluunt, quam Græci τὴν εἰς τὴν θαλάσσαν appellant, maximum esse Nilum consentitur; proxima magnitudine esse Histrum scripsit Sallustius. *A. Gell. l. x. c. 7.*

^aEx omnibus quæ tractavimus, Æbuti Liberalis, potest videri nihil tam necessarium, aut magis, ut ait Sallustius, cum curâ dicendum, quàm quod in manibus est. *Seneca. de Benef. iv.*

Turbinum motus vagus est, disiectus, et uti Sallustii verbis utar, verticosus; cometarum autem, compositus, et certum iter carpens. *Idem.*

Sallustius, auctor certissimus, asserit Tigrim, et Euphratem uno fonte manare in Armenia, qui per diversa euntes longiùs dividendantur, spatio medio relicto multorum millium: quæ tamen terra, quæ ab ipsis ambitur, Mesopotamia dicitur. *Idem.*

Pelorum promontorium Siciliæ respiciens Aquilonem, juxta Sallustium, dictum à gubernatore Hannibalis illic sepulto, qui fuerat occisus per ignorantiam regis, cùm se ejus dolo crederet esse deceptum. *Servius et Isidorus.*

^bAristæus, uti Sallustius docet, post laniatum à canibus ^cActæonem filium, matris instinctu Thebas reliquit, et ^dCeam insulam tenuit, primò adhuc hominibus vacuum: postea, eâ relictâ, cum Dædalo in Sardiniam transivit: pòst delatus est ^eCumas. *Serv.*

NOTE.

^a *Ex omnibus.*] Nullus non ea facile dignoscet quæ sunt Sallustii in his et sequentibus fragmentis.

^b *Aristæus.*] Appollinis et Cyrenes filius, ut plurimus placet, olei et mellis inventor.

^c *Actæonem.*] Hic, irâ Dinæ, quam in-

scius sine veste viderat, in cervum mutatus à suis canibus laceratus est.

^d *Ceam.*] Cea vel, ut alii scribunt, Ceos insula est maris Ægei, juxta Eubœam.

^e *Cumas.*] Cumæ, urbs Campaniæ maritima.

Sallustius duces laudat, qui victoriam incruento exercitu deportarunt. *Idem.*

^aCares insulani populi fuerunt, piraticam exercentes, famosi, victi à ^bMinoë ut Sallustius, et Thucydides tradunt. *Idem.*

A Troja ^cCapys Campaniam, ^dHelenus Macedoniam, alii Sardiniam, secundum Sallustium, tenuerint. *Idem.*

^eDardania à Dardano Jovis et Electræ filio, aut secundum Sallustium, à Midâ Dardanorum rege, qui Phrygiam tenuit. *Idem.*

Sallustius ^fScyllam saxum esse dicit, simile formæ ^gcelebratæ procul visentibus. *Idem.*

In Siciliâ est ^hEnceladus, ⁱOthus in Cretâ, secundum Sallustium. *Idem.*

Sallustius ait, Hispanorum morem fuisse, ut in bella euntibus juvenibus parentum facta memorentur à matribus. *Idem.*

^kOrion juxta Sallustium, oritur juxta solis æstivi pulsum. *Idem.*

In ^lFlaminiâ est civitas quæ ^mCale dicitur, et in Galliâ hoc nomine, quam Sallustius à Perpennâ captam commemorat. *Idem.*

Getæ sunt ⁿMysii, quos Sallustius à Lucullo dicit esse superatos, *Idem.*

Trojanorum tempore invadendarum terrarum causa fuerat navigatio, uti Sallustius meminit. *Idem.*

Curribus falcatis usos esse antiquos, Livius et Sallustius docent. *Idem.*

NOTÆ.

^a Cares.] Cos insula est maris Ægæi non longè a Cariâ, quæ et ipsa hoc nomine dicta est, auctore Stephano. Probus in Miltiade, Cares in Lemno consedissee testatur: adeoque hi fuerunt pirate erronee habitationem suam mutantes.

^b Minoë.] Minos rex fuit Cretæ, Jovis ex Europâ filius, apud inferos, ob insignem justitiam, judex à poëtis constitutus.

^c Capys.] Unus fuit ex Ænæ comitibus, qui in Italiam venit.

^d Helenus.] Priami filius. Epiri verò partem habuisse Virgilius auctor est.

^e Dardania.] Pars est Illyriæ, supra Macedoniam. Sed hic de Trojâ agitur.

^f Scyllam.] Scylla scopulus est in freto Siculo, non longè à Charybdi.

^g Celebratæ.] A poëtis scilicet, apud quos passim monstrum fæmineo vultu, cætera canum latrantium, quibusdam lupi, æ serpentis specie, descriptum invenies.

^h Enceladus.] Unus ex gigantibus, quem Jupiter, fulmine ictum, Ætnæ monti supposuit.

ⁱ Othus.] Hic fuit Neptuni filius ex Iphimediâ Alcei uxore, quem, cum Ephialte ipsius Othi fratre, Alceus auxilio misit gigantibus adversus deos.

^k Orion.] Ex trium deorum, Jovis, scilicet, Neptuni, et Mercuri urinâ, vel semine natus, et à Dianâ interfectus, ut quibusdam placet, in sidus mutatus fuit: cuius ortu tempestates maximè excitantur: si tamen verum est quodecumque vulgo hominum ore teritur.

^l Flaminia.] Regio Italiæ ad mare superum, ubi Ravenna.

^m Cale.] Calem Gallicam non longè ab urbe Parisiorum ponunt; haud procul à Matronâ.

ⁿ Mysii.] Mysia in Asiâ est: sed hic Mæsia est intelligenda, quæ olim Mysia dicta, Europæ regio est ad Danubium.

Vices significant pugnam, quia per vicissitudinem pugnabatur, ut inquit Sallustius. *Idem.*

Creta medio jacet insula ponto, id est, secundum Sallustium, procul à continenti. *Idem.*

Primò mense veris dicitur novum ver, secundo ver adultum, tertio præceps: sicut etiam Sallustius dicit ubique, nova æstas, adulta, præceps. *Idem.*

Sallustius in Historiis tradit, Sertorium victum voluisse fugere ad insulas ^aFortunatas. *Acron.*

Insulas Fortunatas Sallustius inclytas esse ait Homeri carminibus. *Serv.*

Proximum dicebant veteres, non solùm adhærens, et adjunc-tum, verùm etiam longè remotum, si tamen inter duo discreta ^bnihil medium exstitisset. *Virgil. Æn. l. v.*

Proximus huic, longo sed proximus intervallo.

Insequitur Salius....

Ita et Sallustius in situ Ponti, de promontoriis ^cPaphlagonum, et quod ^dΚρις μετωπον appellavit, posuit. *Nonius.*

Interrogasti, si tenes, Mæotici.

Situs quis esset æquoris. Sallustium

Noram dedisse, dicta et ejus omnibus

Præjudicatæ auctoritatis ducier,

Non abnuebam. Festus Avienus.

Portus ab Eoo fluctu curvatus in arcum.

In arcûs similitudinem. Sic de Ponto Sallustius, unde hic tulit colorem, nam speciem efficit Scythici arcûs. *Serv. ad iii. Æneidos.*

....Fretra lata relucent.

Lata autem ideò, quia se augustiæ Pontici oris illic dilatant, uti dicit Sallustius. *Serv.*

Teïa autem dicta est à Teïo Anacreontis Poëtæ Lyrici oppi-do, quod in Paphlagoniâ esse Sallustius indicat, cùm de situ Pon-tico loquitur. *Comment. in Horat.*

Porro Sallustius auctor certissimus asserit, tam Tigris, quàm Euphratis in Armeniâ fontes demonstrari. *Hieron de locis Heb.*

Cùm multi evaserint Trojanum ^epericulum, uti Capys, qui Cam-

NOTÆ.

^a *Fortunatus.*] Sunt illæ in mari Atlan-tico. Hodie. *Les Canaries.*

^b *Nihil medium.*] *Ejusdem naturæ, sci-licet.*

^c *Paphlagonum.*] Paphlagonia Asiæ minoris regio ad pontum Euxinum.

^d *Κρις.*] *Arietis hanc rupem simulantem vertice frontem.*

Pro merito Graii κρις dixere μετωπον Priscian.

^e *Periculum.*] Quando Troja à Græcis eversa est.

paniam tenuit; ut Helenus, qui ^aut alii, Sardiniam, secundum Sallustium. *Serv.*

Sallustianus Calpurnius. *Hieronymus adversus Ref.*

Calpurniani discipuli. *Idem, ibidem.*

^bTamen vulgata jam res est gentilium proprietatum. Comici Phyrgas timidos illidunt. Sallustius vanos Mauros, et feroces Dalmatas ^cpulsat. *Tertull. de animâ.*

Sarcasmus Chleuasmo proxima est, et similis figurâ, quâ adversariorum facta, cum exacerbatione admissi eorum, lacessimus. Ut apud Sallustium de Sullæ crudelitate. Ut in M. Mario cum fracta prius crura per artus expiraret. *Jul. Rufinianus de schematis lexeos.*

Mesopotameni homines effrenatæ libidinis sunt, ut Sallustius meminit in utroque sexu. *Glossæ in Juvenalem.*

^dAntonius ille trium Antoniorum corruptor, ille Sallustius, qui oræ maritimæ quâ Romanum esset imperium, contrarius piratis. Si omnes socios et maximè Græcos Asiaticos ac Siculos fortunis omnibus spoliaverunt. *Eadem Glossæ.*

Σαλλεστις δὲ θαυμαζῶ, τότε πρῶτον, ὡφθαί Ῥωμαίοις καμελῆς, λεγονῆος, εἰ μήτις πρότερον τῆς μετὰ Σκιπίωνος νικησαντας Ἀντιόχον ὡστο, μήτις τῆς ἐναγχοῦς πρὸς Ὀρχομίνῳ καὶ περὶ Χαιρωνείαν Ἀρχελαῷ μεμαχημένους ἐγνώκειναι καμύλην. *Id est:* Sallustium demiror, qui autumat, tum primum visos Romanis Camelos, quod neque olim illos qui duce Scipione Antiochum devicerunt, neque hos qui ad ^eOrchomenum et Chæroneam certaverunt cum Archelao, nôsse putaverit Camelum. *Plutarchus in Lucul.*

Σαλλεστιος μὲν ἐν φησί, χαλεπῶς διατεθῆναι τῆς σιραλιώτας πρὸς αὐτόν, ἐν ὅθις ἐν ἀρχῇ τῆς πολέμου πρὸς Κυζίκῳ καὶ πάλιν πρὸς Ἀμισῷ δύο χειμῶνας ἐξῆς ἐν χαράκι διαγαγεῖν ἀναγκασθέντας. *Id est:* At Sallustius quidem fuisse milites jam indè à principio malè, ait, in eum (Lucillum) animatos, quod ad Cyzicum, et iterum ad Amisum duas hiemes eos in castris continuisset. *Idem.*

NOTÆ.

^a *Ut alii.*] Quod hic deesse clarum est ex loco superiori, qui de hac ipsâ re agit, facillè cognoscet.

^b *Tamen.*] *Id est, omnes sciunt quomodo invicem sibi quedam innata vitia populi exprobrent.*

^c *Pulsat.*] *Arguit, notat.*

^d *Antonius.*] Pessimè depravatam est istud fragmentum.

^e *Orchomenum.*] Orchomenus et Chæroneæ duæ sunt Bæotia urbes ad amnem Cephisum; quanquam priorem Sophianus magis ad meridiem collocat.

LECTORI.

HACTENUS fragmenta florentissimi rerum Romanorum scriptoris, quæ extare putamus. Cætera quæ sequuntur, in M. S. Servio legi auctor est V. Cl. Andreas Schottus: in optimâ tamen illâ Honorati editione à Petro Daniele I. C. procuratâ non comparent.

*m or Trequii præter seraciem necessariam haud multo secus quàm ferro noceri poterat. At Varinius, dum hæc aguntur à fugitivis ægrâ parte militum autumnî gravitate, neque ex postremâ fugâ: cum severo edicto juberentur, ullis ad signa redeuntibus, et qui reliqui erant per summa flagitia detrectantibus militiam, Quæstorem suum C. Thoranium ex quo præsentem vera facillimè noscerent. *** commiserant, et tamen interim quum volentibus numero quatuor.

*ingre, tantæ fetui debacchantur, nefandum in modum perverso vulnere et interdum lacerum corpus semianimum omittentes, alii in tecta jaciebant ignes, multique ex loco servi quos ingenium socios dabat, abdita à dominis aut ipsos trahebant ex occulto; neque sanctum aut nefandum quicquam fuit iræ barbarorum, et servili ingenio: quæ ^aSpartacus nequiens prohibere multis precibus cùm oraret, celeritate *** nuntios.

Aliquot dies contrâ morem fiducia augeri nostris cœpit, et promi lingua. Qua Varinius contrâ spectatam rem incautè motus novos incognitosque et aliorum casibus percussos milites, ducit tamen ad castra fugitivorum. Presso gradu sistentes jam, neque tam magnificè sumentes prælium quàm postulaverant. Atque illi certamini conscii inter se juxta seditionem erant. Crixo et gentis ejusdem Gallis atque Germanis obviam ire, ut ultrò offerre pugnam cupientibus contrâ Spartacum.

NOTÆ.

^a *Spartacus.*] Hic est qui unâ cum vexillum et ad auxilium vocatis, Roma-
Crixo et Oenomao, effracto Lentulo lu- nis grave, idemque probrosum bellum
do, cum triginta aut amplius ejusdem for- intulit.
tunæ viris Capuâ erupit: servisque ad

ORATIONES DUÆ

AD C. CÆSAREM,

SALLUSTIO ADSCRIPTÆ,

DE REPUBLICA ORDINANDA.

ORATIO I.

^bPOPULUS R. antea ¹obtinebat, regna atque imperia, fortunam dono dare; item alia, quæ per mortales avidè cupiuntur: quia et apud indignos sæpè erant, quasi per lubidinem data; neque cuiquam incorrupta permanserant. Sed res docuit ^cid verum esse, quod in carminibus ^dAppius ait, fabrum esse suæ quemque fortunæ; atque in te maximè, qui tantum alios ^eprætergressus es, uti prius defessi sint homines laudando facta tua, quàm tu laude digna faciendo. Cæterum uti fabricata, sic virtute parta, quàm magnâ industriâ haberi decet, ne incuriâ deformentur, aut corruant infirmata. Nemo enim alteri imperium volens concedit; et ²quamvis bonus atque clemens sit, qui plus potest; tamen, quia,

INTERPRETATIO.

¹ Antea vulgò credebantur fortunam dare dono regna atque imperia.	² Et quamvis qui potentior est, sit bonus atque clemens, tamen reformidatur, quia licet illi esse malo.
--	--

NOTÆ.

a ORATIONES.] Multis probat Douba esse epistolas: quod etiam postea ex ipso Sallustio cognoscetur. Nam ejus esse eas idem, ut et ipse arbitror, contendit.

b Populus Romanus.] Ab imperitis, quibus vox obtinebat prospecta non esset, additas esse has duas voces Pop. Romanus, Casaubonus contendit; qui illustrissimam sententiam eâ additione tenebris involu-

tam dicit. Tanto viro non possum non suffragari.

c Id.] Refertur ad sequentem sententiam.

d Appius ait.] Hic est, ut videtur, quem Cicero sapientem vocat poetam.

e Prætergressus.] Omnes libri habent prægressus. Carrio.

malo esse licet, formidatur. ^aId evenit, quia plerique rerum potentes perversè consulunt: et eò se munitiores putant, quo illi, quibus imperitant, ^bnequiores fuere. Ad contrà id eniti decet: cum ipse bonus, atque strenuus sis, uti quàm optimis imperites. Nam pessimus quisque asperimè rectorem patitur. Sed tibi hoc gravius est, quàm ante te omnibus, armis parta componere. Bellum aliorum pace ^cmollius gessisti: ad hoc victores prædam petunt, victi cives sunt. Inter has difficultates ^devadendum est tibi; atque in posterum firmanda resp. non armis modò, neque adversum hostes, sed, quòd multo majus, multòque asperius est, bonis pacis ^eartibus. Ergo omnes magnà ^fmediocrique sapientià res huc vocat: quæ quisque optima potest, uti dicant. Ac mihi sic videtur; qualicumque modo tu victoriam composueris, ita alia omnia futura. Sed jam, quò melius faciliùsque constituas, paucis, quæ me animus monet, accipe. Bellum tibi fuit, Imperator, cum ^ghomine claro, magnis opibus, avido potentia, majore fortunà, quàm sapientià: quem secuti sunt pauci, per suam injuriam tibi inimici; item quos affinitas aut alia necessitudo, traxit. Nam particeps dominationis neque fuit quisquam; neque ^hsi pati potuisset, orbis terrarum bello concussus foret. Cætera multitudo vulgi, more magis quàm judicio, post alius alium, quasi prudentiorem, secuti. Per idem tempus ⁱmaledictis iniquorum occupandæ reip. in spem adducti homines, quibus omnia probro, ac luxurià polluta erant, concurre in castra tua; et aperte ^kquietis mortem, rapinas, postremò, omnia, quæ corruptus animus jubebat, minitari. Ex quib. magna pars, ubi neque ^lcreditum condonare,

INTERPRETATIO.

^l *Ex quibus magna pars, ubi vident te neque pecuniam creditam condonare, aut novas tabulas proponere.*

NOTÆ.

^a *Id.]* Quòd scilicet, qui plùs potest formidatur.

^b *Nequiores.]* Id est, homines nihili, quia nulla sunt virtute; qui nihil nec possunt, nec audent.

^c *Mollius.]* Cæsari assentatur.

^d *Evadendum.]* Id est, Reipublicæ ità, ut et tibi consulas, providendum.

^e *Artibus.]* Legum optimarum, quas tu sanxeris observatione, et vindicatione.

^f *Mediocrique.]* Sibi ipsi viam sternit, ne impudentur fecisse videatur, qui principi consulere satagat. Atque optimo fundamento nititur: non enim minimam præstant aliquando reipublicæ operam qui traditores sunt, et minùs perspicua-

ces; quippe qui graviore passu progredientes ea advertunt quæ fervidiores præterierant.

^g *Homine claro.]* Pompeio scilicet.

^h *Si pati.]* Testatur Florus, neque partem Pompeium; neque superiorem Cæsarem ferre potuisse.

ⁱ *Maledictis.]* Hoc dicit, multos eò ad Cæsaris partes adductos fuisse, quòd malevolis quibusdam, qui eum rempublicam occupaturum prædicabant, finem haberent; et per ejus gratiam se potentes evasuros sperarent.

^k *Quietis.]* *Es qui nullis partibus erunt addicti.*

neque te civibus, sicuti hostibus, ut vident, defluxere: pauci resistere, quibus majus otium in castris, quam Romae, futurum erat: ^a tanta vis creditorum impendebat. Sed ob easdem causas, immane dictu est, quanti et quam multi mortales postea ad Pompeium discesserint; eoque, per omne tempus belli, quasi sacro, atque ^b inspoliato, fano debitores usi. Igitur, quoniam tibi victori de bello atque pace agendum est; hoc uti ^c civiliter deponas, illa ut quam justissima, et diuturna sit; de te ipso primum, ^d quia compositurus es, quod optimum factu est, existima. Equidem ego cuncta imperia crudelia, magis acerba, quam diuturna, arbitror; neque quemquam à multis metuendum esse, quin ad eum ex multis formido recidat: ^e eam vitam bellum aeternum atque anceps gerere: ^f quoniam neque adversus, neque ab tergo, aut lateribus tutus sis; semper in periculo, aut metu agites. Contra qui benignitate, et clementia imperium temperare, his laeta et candida omnia visa; etiam hostes aequiores, quam ^g aliis cives. An ^h qui me his dictis corruptorem victoriae tuae, nimisque in victos bona voluntate praedicent? ⁱ Scilicet quod ea, quae externis nationibus, natura hostibus, nosque majoresque nostri saepe tribuere, ea civibus danda arbitror; neque barbarico ritu caede caedem, sanguine sanguinem, expianda. ² An illa, quae paulo ante hoc bellum in Cn. Pompeium victoriamque Syllanam increpabantur, oblivio abstulit? ³ Do-

INTERPRETATIO.

¹ An aliqui praedicent me corruptorem esse victoriae tuae his dictis? | ² An oblivio abstulit, Domitium, Carbonem, &c.

NOTAE.

a Tanta vis.] Id est, quia faeneratorum impotentiam experti essent.

b Inspoliato.] Id est, ex quo abstulisse quicquam nefas fuerit. Vult plurimos ad Pompeium tanquam ad asylum concurrisse.

c Civiliter deponas.] Duabus hisce vocibus, quae proponit propemodum conficit vir summè politicus. Curandum est enim ut bello tu, non alius, finem imponas, idque revera et bona fide praestes: curandum ut id civiliter, hoc est, quam maxime popularibus et civibus tuis parcendo. Atque ex ejusmodi exemplis discere debent balatrones quomodo loquendum, imò et legendum, sit.

d Quia.] Alii, Qui ea.

e Eam.] Arbitratur Sallustius, ejus vitam, qui se aliis metuendum praebet, bellum aeternum esse. Optimè, ut sunt ejus, propemodum, omnia.

f Quoniam.] Intelligit cum eo quo loquitur, nihil sperare posse in futurum, omnia timere ex praeterito, et in praesenti turbatum esse.

g Aliis.] Illis nempe, qui per saevitiam imperium obtinent.

h Scilicet.] Ironice sibi ex parte adversariorem illud affingit, quod ipsos maxime refellit.

i Domitium.] Hos tres Pompeius, primum quidem in Africa, alterum in Sicilia, tertium circa Lilybaeum mori coegit. Caeterum tantorum virorum ludibrio fata habita auctor Caesaris ob oculos ponit, ut ipsum ad misericordiam, in quam pronus erat, magis inclinet; generosissimumque imperatorem, quàm facile capiebatur, uti par est, tentet.

mitium, Carbonem, Brutum, alios itemque ^anon armatos, neque in prælio belli jure, sed postea supplices, per summum scelus interfectos: plebem Romanam in ^bvillâ publicâ, pecoris modo, conscissam. Heu quàm illa occulta civium funera, et repentinæ cædes in parentum, aut liberorum sinum, fuga mulierum, et puerorum, vastatio domorum. Ante partem à te victoriam omnia sæva, atque crudelia erant. Ad quæ te illi idem hortantur: ^cet scilicet id certatum esse ^dutrius vestrûm arbitrio, injuriæ uti fierent; ^eneque receptam, sed captam, à te remp. et eâ causâ exercitus, stipendiis confectis, optimos et veterrimos omnium, adversum fratres, parentesque, alii liberos, armis contendere; ut ex alienis malis deterrimi mortales ventri, atque profundæ libidini sumptus quærerent; atque essent opprobria victoriæ, quorum flagitiis commacularetur bonorum laus. Neque enim te præterire puto, quali quisque eorum more, aut modestiâ, etiam tum dubiâ victoriâ, sese gesserit: quoque modo in belli administratione scorta, aut ^dconvivia exercuerint nonnulli; quorum ætas ne, per otium quidem, tales voluptates sine dedecore attigerit. De bello satis dictum. De pace firmandâ quoniam tuque, et omnes tui agitat: primum id, quæso, considera, quale id sit, de quo consultas: ita, bonis, malisque ^edimotis, patenti viâ ad verum perges. Ego sic existimo; quoniam orta omnia ^fintereunt, quâ tempestate urbi Romanæ fatum excidii adventârît, cives cum civibus manus conserturos: ita defessos, et exsanguis regi, aut nationi, prædæ futuros. Aliter non orbis terrarum, neque cunctæ gentes conglobatæ, movere, aut contendere queunt hoc imperium. Firmanda igitur sunt concordiæ bona, et discordiæ mala expellenda. Id ita eveniet, si sumptuum, et rapinarum licentiam dempseris; non ad vetera ^ginstituta revocans, quæ, jam pridem corruptis

INTERPRETATIO.

^a *Et scilicet illi volunt certatum esse, ut sciretur utrius vestrûm arbitrio injuriæ fierent.* *publicam; et eâ causâ exercitus optimos, et veterrimos, omnium stipendiis confectis, contendere armis adversum fratres et parentes,*
^e *Neque volunt receptam et liberatam, sed captam esse à te rem-* *alii adversus liberos.*

NOTÆ.

a *Non armatos.*] Animadversum in eos qui se sponte dederant, inquit Florus.

b *Villâ.*] Ea fuit in Campo Martio, ubi quatuor, et secundum aliquos, octo et novem millia deditorum inermium civium Sylla interfici jussit.

c *Et scilicet.*] Adversariis rationes ascribit ridiculas, ut eorum institutum ridiculum videatur.

d *Convivia.*] De hoc omni castrorum

Pomp. dedecore Plutarchus, et ipse Cæsar loquitur.

e *Dimotis.*] Id est, seorsum positis, et accuratè pensiculatis. Ita verò, quicumque decipi metuit, facto opus est.

f *Intereunt.*] Quàm appositè et ad ingenium Cæsaris accommodatè isthuc iniecit.

g *Instituta.*] De sumptuariis legibus loquitur, quas adversus grassantem corruptionem satis firmas non credit.

moribus, ludibrio sunt; sed si suam cuique rem familiarem, finem sumptuum ^astatueris; quoniam is incessit mos, homines ^badolescentuli, sua atque aliena consumere, nihil libidini, atque aliis rogantibus denegare, pulcherrimum putent; ^ceam virtutem et magnitudinem animi, pudorem atque modestiam pro socordiâ æstiment. ¹Ergo animus ferox, pravâ viâ ingressus, ubi consueta non suppetunt, fertur accensus in socios modò, modò in cives: movet composita, et res novas ^dveteribus acquirit. Quare ^etollendus fœnerator in posterum, uti suas quisque res curemes. Ea vera, atque simplex via est, magistratum populo, non creditori, gerere; et magnitudinem animi in addendo, ^fnon demendo reip. ostendere. Atque ego sciò, quam aspera hæc res in principio futura sit; præsertim iis, qui se in victoriâ licentiùs liberiùsque, quàm artiùs, futuros credebant; quorum si saluti, potiùs quàm libidini consules; illosque, nosque, et socios, in pace firmâ constitues. Si ^geadem studia, artesque juventuti erunt; næ ista egregia tua fama, simul cum urbe Româ brevi concidet. Postremò sapientes pacis causâ bellum gerunt, ^hlaborem spe otii sustentant. Nisi illam firmam efficis, vinci, an vicisse, quid retulit? Quare capesse per deos remp. et omnia ⁱaspera, uti soles, pervade. ^kNamque aut tu mederi potes, aut omittenda est cura omnibus. Neque ^lquisquam te ad crudeles pœnas, aut acerba judicia, invo-

INTERPRETATIO.

¹ *Ob has causas animus ferox ingressus pravâ viâ, ubi consueta non suppetunt fertur accensus, modò in socios, &c.*

NOTÆ.

a *Statueris.*] Discordiæ vires maximas subtraxerit, qui hoc auctoris monitu uti dicerit: ut enim optime Florus, *Magnificus apparatus conviviorum, et sumptuosa largitio, nonne ab opulentia paritura mox egestatem? Hæc Catilinam patriæ suæ impegit.*

b *Adolescentuli.*] Utinam aliquando apud viros principes ea rerum humanarum cura exoriat, ut post futuris consulant, dum venientium institutioni propiciunt.

c *Eam.*] Id est, in eo positam.

d *Veteribus.*] Hoc est, *Aliena consumendo, nihil libidini denegando.* Cæterum vide mihi, quæso, quomodo sententiam suam expresserit. Petita res ex ipsis naturæ visceribus, ubi omnia iisdem conservantur principiis quibus generata sunt. Verùm jocus est ex rerum veterum et novarum oppositione; quæ eò minùs bene composita videntur; quod ex veteribus nova non soleant emergere.

e *Tollendus.*] Istud certè maximæ est disquisitionis: multa enim incommoda ex fœnore tangit Sallustius, in eo abusus plurimus, attamen, quomodo in totum tolli possit, non video.

f *Non demendo.*] Magis istud rhetoricè, quàm politicè dietum; nisi Sallustius nimis fœneratorum licentiæ obviam ire conatus est. Quamvis enim aliquid videaris debitori per fœnus detrahere, per idem illi sæpè multum addideris.

g *Eadem.*] De quibus supra, *Sua* scilicet, et *aliena consumere, &c.*

h *Laborem.*] Militarem præsertim intellege.

i *Aspera.*] Quæ videlicet in ordinandâ republicâ occurrunt.

k *Namque.*] Cæsari assentatur.

l *Quisquam.*] Bonus scilicet. Verùm ideò non addidit quia rem ipsam terminis usque adeò invidiosis proposuit, ut qui maximè cupiant, eam non ausint defendere.

cat: quibus civitas vastatur magis, quàm corrigitur; sed uti pravas artes, malasque lubricas, ab juventute prohibeas. Ea verò clementia erit, consuluisse, ne meritò cives patriâ ^aexpellerentur; retinuisse ab stultitiâ: et falsis voluptatibus; pacem concordiamque stabilivisse: ^bnon, si, flagitiis obsecutus, delicta perpessus, præsens gaudium cum mox futuro malo concesseris. Ac ^cmihi animus, quibus rebus alii timent, maximè ^dfretus est negotii magnitudine; et quia tibi ^eterræ, et maria simul omnia componenda sunt; (quippe res parvas ^ftantum ingenium attingere nequit) magnæ curæ magna merces est. ^gIgitur provideas oportet, uti plebes, largitionibus, et publico frumento ^hcorrupta, habeat negotia sua, quibus ⁱab malo publico detineatur; ^jjuventus probitati, et industriæ, non sumptibus, neque divitiis, studeat. Id ita eveniet, si pecuniæ, quæ maxima omnium pernicies est, ^kusum, atque ^ldecus dempseris. Nam sæpè ego cum animo meo reputans, quibus quisque rebus ^mclarissimi viri magnitudinem invenissent: quæ res populos, nationesve magnis ⁿauctoribus auxissent; ac deinde quibus causis amplissima regna et imperia corruissent: eadem semper bona, atque mala reperiebam; omnesque victores divitias contempsisse, et ^ovictos cupivisse. Neque aliter quisquam extollere sese, et divina mortalis attingere potest; nisi omissis,

INTERPRETATIO.

¹ *Ac animus meus maximè nititur iis rebus quas alii timent, negotii, scilicet, magnitudine.*

NOTÆ.

^a *Expellerentur.*] Ciacconius mallet *expelluntur*.

^b *Non.*] Supple *Clementia fuerit*.

^c *Fretus.*] Benè de Cæsare sc. idèd sperare innuit, quòd ille res soleat excqui difficillimas, viris enim cordatis difficultas animum auget.

^d *Terræ.*] Potiùs est ut Sallustium, *Terrâ et mari*, scripsisse credamus. Douza.

^e *Tantum.*] Cæsari iterum assentatur. Ceterum maxima laus est, minima etiam cum maximis procurare.

^f *Igitur.*] Non poterunt ad suum usum satis hanc periodum excutere politici.

^g *Corrupta.*] Supple *uti quidem nunc est*: neque verò intendit Sallustius, ut populus in eo permaneat.

^h *Ab malo.*] Homines verò pravo otio perdit lues sunt et pestis reipublicæ.

ⁱ *Juventus.*] Optimè auctor, qui rerum caput attingit. Atque equidem haud istud dico per impudentiam, quasi in viro summè politico aliquid ausim alibi repre-

hendere; verùm quia quantum in juventutem peccetur, poenitet.

^k *Usus.*] Non in totum sed illum quem antè habuit.

^l *Decus.*] Cùm, non homines, modò, sed omne quod est, esse porrò, et benè esse per naturam quærat; primum est ut id illi ante omne suum faciant, per quod reliqua comparantur. Ex quo perspicuum est, quam pessimè et flagitiosè reipublicæ consulant; qui virtutem, honorem, omnia denique argento subjiciunt.

^m *Clarissimi.*] In omnibus libris *clari* legi, auctor est Carrio.

ⁿ *Auctoribus.*] In quibusdam scriptum est *auctionibus*, pro quo Ciacconius reponit *auctibus*, phrasi Livio et Tacito usitatâ.

^o *Victos.*] Scilicet in iis progressus facimus, quibus incumbibus; neque fieri potest ut, qui maximo cum labore accumulandis divitiis studuit, sine eo virtutem nactus fuerit.

pecuniæ et corporis gaudiis, animo indulgens, non assentando, neque concupita præbendo, ^aperversam gratiam gratificans; sed in labore, patientiâ, bonisque præceptis, et factis fortibus exercitando. Nam domum, aut villam extruere, eamque signis, aulæis, aliisque operibus exornare, et omnia potiùs, quam semet visendum efficere; ^bid est, non divitias decori habere, sed ipsum illis flagitio est. Porro ii, quibus bis die ventrem onerare, nullam noctem sine scorto quiescere, mos est; ubi animum, quem dominari decebat, servitio oppressere: nequicquam eo postea habeti, atque claudo, pro exercitio uti volunt. Nam imprudentiâ pleraque, et se præcipitant. Verùm hæc, et omnia mala pariter cum honore, pecuniæ desinent; si neque magistratibus, neque alia vulgo cupienda, venalia erunt. Ad hoc providendum est, quonam modo Italia, atque provinciæ tutiores sint: id quod factu haud obscurum est. Nam iidem omnia vastant, suas deserendo domos, et per injuriam alienas occupando. Item ne, ut adhuc, militia injusta, aut inæqualis sit: cùm alii triginta, pars nullum stipendium faciet: et frumentum id, quod antea præmium ignaviæ fuit, per municipia, et colonias illis dare conveniet: cùm, stipendiis ^cemeritis, domos everterint. Quæ reipublicæ necessaria, tibi que gloriosa ratus sum, quàm paucissimis absolvi. Non pejus videtur pauca nunc de facto meo disserere. Plerique mortales ad judicandum satis ingenii habent, aut simulant; verùm tamen ad ^dreprehendenda aliena facta, aut dicta, ardet omnibus animus: vix satis apertum os, aut lingua prompta videtur, quæ meditata pectore evolvat: quibus me subjectum haud pænitet, magis ^ereticuisse pigeret. Nam sive hâc, seu meliore aliâ viâ perges; à me, quidem, pro virili parte dictum, et adjutum fuerit. Reliquum est optare, uti, quæ tibi placuerint, ea dii immortales approbent, benèque evenire sinant.

NOTÆ.

^a *Perversam.*] Id est, Quæ plus doloris et mali afferat quàm voluptatis.

^b *Id est.*] Utinam istud aliquando illi animo reputarent, qui se, per divitiarum abusum, non modò illustres fieri arbitrantur; sed, spretis insuper quibus gloriari velle videntur titulis, et Christi nomine, ejus membra sanguinemque, pro libitu, pedibus proculant.

^c *Emeritis.*] Id est, postquam legibus destinatum tempus militiæ dedissent.

^d *Reprehendenda.*] Illos carpit qui suum studium et scripturam reprehendebant.

^e *Reticuisse.*] Id est, de iis non monuisse Cæsaremque optima esse credebat.

DE REPUBLICA ORDINANDA.

ORATIO ^aII.

Scio ego, quàm difficile, atque asperum factu sit, consilium dare regi, aut imperatori; postremò cuiquam mortali, cujus opes in excelso sunt: quippe cùm et illis consultorum ^bcopiæ adsint; neque de futuro quisquam satis callidus, satisque prudens sit. Quin etiam sæpè prava magis, quàm bona consilia prosperè eveniunt; ^cquia plerasque res fortuna ex lubricine suâ agit. Sed mihi studium fuit adolescentulo rempublicam capessere, atque in eâ cognoscenda multam, magnamque curam habui: non ita, uti magistratum modò caperem, quem multi malis artibus adepti erant; ¹sed etiam uti rempublicam domi, militiæque, quantumque armis, viris, opulentia posset, cognitum haberem. Itaque mihi, multa cum animo agitant, consilium fuit, famam ^dmodestiamque meam post tuam dignitatem habere; et cujus rei lubet periculum facere, dum quid tibi ex eo gloriæ acciderit. Idque non temerè, aut ex fortunâ tuâ, decrevi; sed quia in te, præter cæteros, artem tuam egregiè mirabilem comperi; semper tibi majorem in adversis, quàm in secundis, rebus animum esse. Sed ^eper cæteros mortales illa res clarior est, quòd et priùs defessi sint homines laudando atque admirando munificentiam tuam, quàm tu faciendo quæ gloriâ digna essent. Equidem mihi decretum est, nihil tam ex alto reperiri posse, quod non cogitanti tibi in promptu sit. Neque ego, quæ visa

INTERPRETATIO.

¹ *Sed etiam uti haberem rempublicam cognitam, et cognitum haberem quantum respublica posset domi et militiæ, armis, viris, opulentia.*

NOTÆ.

a II.] Nemini, qui utramque orationem, seu epistolam legerit, dubium esse potest, quin hæc prior sit.

b Copiæ.] Maximam facit consulendi difficultatem consultorum numerus, dum ignarissimi loquacitate, aut pravo studio, bonorum consulto depravatum eunt.

c Quia.] Hinc fit ut imperiti perversa sua consilia veris anteponan, bonosque agitent.

d Modestiamque.] Iniqua plerumque hominum judicia et perversam voluntatem experiuntur qui aliis consulere satat agunt: adeoque viam sibi munit Sallustius, ne per imprudentiam aut impudentiam Cæsari consilium dedisse videatur.

e Per cæteros mortales.] Alii habent per deos immortales.

sunt, de rep. tibi scripsi, quia mihi consilium, atque ingenium meum ^aamplius æquo probaretur; sed inter labores militiæ, interque prælia, victorias, imperium, statui admonendum te de negotiis urbanis. Namque tibi ^bsi id modò in pectore consilii est, uti te ab inimicorum impetu vindices, quoque modo contrà ^cadversum consulem beneficia populi retineas; indigna virtute tuâ cogites. Sin in te ille animus est, qui jam à principio nobilitatis factionem disturbavit; plebem Rom. ex gravi servitute in libertatem restituit; in præturâ inimicorum arma inermis disjecit; domi militiæque tanta, et tam præclara facinora fecit, uti ne inimici quidem queri quidquam audeant, nisi de magnitudine tuâ: quin accipe tu ea, quæ dicam ^dde summâ repub. quæ profectò aut tu vera invenies, aut certè haud procul à vero. Sed quoniam Cn. Pompeius aut animi pravitate, aut quia nihil eo maluit quàm quod sibi obsesset, ita lapsus est, ut hostibus tela in manus jaceret: quibus ille rebus remp. conturbavit, eisdem tibi ^erestituenda est. Primùm omnium ^fsummam potestatem moderandi, de vectigalibus, sumptibus, judiciis, senatoribus paucis tradidit; plebem Romanam, cujus antea summa potestas erat, ^gnosque his quidem legibus, in servitute reliquit. Judicia, tametsi, ^hsicut antea, tribus ordinibus tradita sunt: tamen iisdem illi factiosi regunt, dant, adimunt, quæ lubet: innocentes circumveniunt: suos ad honorem extollunt. Non facinus, non probrum, aut flagitium obstat, quò miniùs magistratus capiant: quod commodum est trahunt, rapiunt; postremò, tanquam ⁱurbe captâ, lubricine, ac licentiâ suâ, pro legibus utuntur. Ac me quidem mediocris dolor angeret, si virtute partem victoriam more suo ^kper servitium exercerent. Sed homines inertissimi, quorum omnis vis, virtusque in linguâ sita est; fortè, atque ^lalterius socordiâ dominationem oblatam inso-

NOTÆ.

^a *Amplius æquo.*] Qui alteri consilium dat, superior esse videtur; illud excusat Sallustius.

^b *Si id.*] Tacite innuat injurias vindicandas, et supremam potestatem invadendam.

^c *Adversum consulem.*] Marcellum intelligo, cùm Æmilium, alterum consulem pecuniâ Cæsar suum fecisset; his enim, non, ut quidem existimavit, Marcello, et Lentulo consulibus, scriptam fuisse hanc epistolam crediderim.

^d *De summâ.*] Omnes libros de summâ republica, quomodo ferè prisci loquuti sunt, scriptum habere, testatur Carrio.

^e *Restituenda.*] In omnibus libris *restituendum* legi testatur Carrio: phrasi antiquâ.

^f *Summam.*] Si vera loquitur Sallustius, hinc, ideò tantum tribuniatium potestatem

restituisse Pompeium intelligemus, quod eum antea fecisse vidimus, ut auram popularem captaret, volentibusque servitium imposeret.

^g *Nosque.*] Ordinem equestrem intellige.

^h *Sicut antea.*] Lege Plantiâ plebi communicata judicia, ordini senatorio à Syllâ translata fuerant. Lege verò Aureliâ quam tulit L. Aurelius Cotta prætor, inter senatores, equites, et tribunos ærarios, judicia eadem, ex Pompeii voluntate divisa sunt.

ⁱ *Urbe captâ.*] Ab hostibus, scilicet, qui omnia pro lubricine agunt.

^k *Per servitium.*] Id est, cum civibus, veluti cum servis, agendo.

^l *Alterius.*] Id est, aliorum; neque his quemquam singulatim designat.

lentes agitant. Nam, quæ seditio, ac dissensio civilis, tot tamque illustres familias ab stirpe evertit? Aut quorum unquam victoriâ animus tam præceps, tamque immoderatus fuit? L. Sulla, cui omnia in victoriâ lege belli licuerunt; tametsi ^a à Sulpicio hostium partes muniri intelligebat: ^b tamen, paucis interfectis, cæteros beneficio, quàmmetu, retinere maluit. At hercule nunc ^c cum Catone, L. Domitio, cæterisque ejusdem factionis; quadraginta senatores; multi prætereà cum spe bonâ adolescentes; sicuti hostiæ, mactati sunt: cùm intereâ importunissima genera hominum tot miserorum civium sanguine satiari nequiverunt: non orbi liberi, non parentes exactâ ætate, non gemitus virorum, luctus mulierum, immanem, eorum animum inflexit: quin, acerbius in dies malefaciendo, ac dicundo, dignitate alios, alios civitate, eversum irent. Nam quid ego de te dicam, ^d cujus contumeliam homines ignavissimi vitâ suâ commutare volunt? Scilicet neque illis tantæ voluptati est ^e (tametsi insperantibus accidit) dominatio, quanto mœrori tua dignitas; qui optatius habent, ex tua calamitate ^f periculum libertatis facere, quàm per te populi Rom. imperium maximum ex magno fieri. Quò magis tibi etiam atque etiam animo prospiciendum est, quonam modo rem stabilias, communiasque. Mihi quidem quæ mens suppetit, eloqui non dubitabo. Cæterum tui erit ingenii probare, quæ vera, atque utilia factu putes. In duas partes ego civitatem divisam arbitror, sicut à majoribus accepi; in patres, et plebem. Antea in patribus summa auctoritas erat, vis multò maxima in plebe. Itaque sæpius in civitate

INTERPRETATIO.

¹ *Qui magis optant libertatem imperium, ex magno, per te fieri suam in discrimen adducere, ex maximo. calamitate, tuâ, quàm Romanum*

NOTÆ.

a à Sulpicio.] Carrio veteribus libris, ut ille ait, manuductus pro Sulpitio, supplicio, reposuit: idque auream correctionem vocat, quam quidem culvis, qui sensum communem habeat, probatum iri non dubitat. Me verò minimè puduerit cum paucis, quibus sensus bonus fuerit, à communi recedere; eo præsertim inductus, quòd nisi, Sulpitii mentione, sententiam suam Sallustius, tanquam metis quibusdàm coarctaverit, falsissima ejus oratio fuerit. Cæterum, ad plenam hujus loci intelligentiam omnino videndus est Paterculus. Histor. lib. 2.

b Tamen, paucis interfectis.] Assumit auctor quod commodum, et, pro tempore, verum fuit; antequam Sylla in Asiam

adversus Mithridatem profisceretur. Illi verò in laudem vertit quod, tunc temporis, coactus fecit: alioqui post ultimam et firmam victoriam, non alius unquam in cives Syllâ crudelior fuit.

c Cum Catone.] Intellige senatores à Catone, Domitio, ulisque ex factione Cæsari adversâ, interfectos fuisse; dummodo ne quid ex irâ et dolore, senatu motus Sallustius admisceat. Nota verò phrasim, quâ facilè, nec aliter quàm in re notissimâ utaris.

d Cujus.] Id est, Qui neque vitam perdere dubitant, modò tibi aliquam faciunt contumeliam.

e Tametsi.] Major est autem ea voluptas quæ insperanti accidit.

^asecessio fuit, semperque nobilitatis opes diminutæ sunt, et jus populi amplificatum. Sed plebes eò liberè agitabat, quia nullius potentia super leges erat; neque divitiis, aut superbiâ sed bonâ famâ, factisque fortibus, nobilis ignobilem anteibat: humillimus quisque in ^barmis, aut militiâ, nullius honestæ rei egens, satis sibi, satisque patriæ, erat. Sed, ubi eos paulatim expulsos agris, inertia, atque inopia incertas domos habere subegit; cœpère alienas opes petere, libertatem suam cum republicâ venalem habere. Ita paulatim populus, qui dominus erat et cunctis gentibus imperitabat, dilapsus est: et pro communi imperio, privatim sibi quisque servitutem peperit. Hæc igitur multitudo primùm malis moribus imbuta, deinde in artes, vitasque varias ^cdispalata, nullo modo inter se congruens, parum mihi quidem idonea videtur ad capessendam rempub. Cæterùm additis novis civibus, magna me spes tenet, fore, ut omnes expergiscantur ad libertatem: quippe cùm illis libertatis retinendæ, tùm his servitutis amittendæ, cura orietur. Hos ego censeo, permixtos cum veteribus novos, in coloniis constituas; ita et res militaris opulentior erit, et plebes bonis negotiis impedita malum publicum facere desinet. Sed non inscius neque imprudens sum, cùm ea res agetur; quæ sævitia, quæve tempestates hominum nobilium futuræ sint; cùm indignabuntur omnia funditus misceri, antiquis civibus ^dhanc servitutem imponi, regnum denique ex liberâ civitate futurum, ubi unius munere multitudo ingens in civitatem pervenerit. Equidem ego sic apud animum meum statuo, malum facinus in se committere, qui incommodo reip. gratiam sibi conciliet. ^eUbi bonum publicum etiam privatim usui est, id verò dubitare aggredi, socordiae, atque ignaviæ duco. M. Livio ^fDruso semper consilium fuit, in tribunatu summâ ope niti pro nobilitate; neque ullam rem in principio agere intendit, nisi illi auctores fierent: sed homines ^gfactiosi, quibus dolus atque malitia, fide cariora erant, ubi intellexerunt, per unum hominem ^hmaximum beneficium multis mortalibus dari; videlicet et ⁱsibi quisque conscius, malo atque infido animo

INTERPRETATIO.

ⁱ Et scilicet quisque conscius sibi se esse animo malo atque infido, existimaverunt de Druso juxta ac de se.

NOTÆ.

a *Secessio.*] De iis jam sæpiùs vidimus.

b *Armis.*] Ingeniosè, ad vitandam taulegiã, Sallustio indignam: Douza pro *armis*, unius literæ levi mutatione, *arvis* reposuit.

c *Dispalata.*] Id est, *dispersa*, cùm aliud aliud genus vitæ sequerentur.

d *Hanc servitutem.*] Id est, *hæc omnia in civitatem induci, ut veteribus civibus servitus imponeretur.*

e *Ubi bonum.*] Directè dixisset. *Ubi bonum etiam publicè usui est*: verum honestius expressit, eùm primò publici boni rationem habuit.

f *Druso.*] Politicum virum de isto Velleium adivisse nequaquam pigebit.

g *Factiosi.*] De nobilibus loquitur, itemque senatu, qui Drusum senatui ipsi faventem per invidiam oppresserunt.

h *Maximum.*] Civitatem scilicet.

esse; de M. Livio Druso juxta, ac de se, existimaverunt. Itaque metu, ne per tantam gratiam solus rerum potiretur, ^acontrà eam nixi, ^bsua ipsius consilia disturbaverunt. Quò tibi, imperator, majore curâ fideque amici, et multa præsidia paranda sunt. Hostem adversum opprimere, strenuo homini haud difficile est; occulta pericula neque facere, neque vitare, bonis in promptu est. Igitur, ubi eos in civitatem adduxeris, quoniam quidem revocata plebes erit, in eâ re maximè animum exercitatio, uti colantur boni mores; concordia inter veteres et novos coalescet. Sed multò maximum bonum patriæ, civibus, tibi, liberis, postremò humanæ genti, pepereris; si studium pecuniæ aut sustuleris, aut, quoad res feret, minueris. Aliter neque privata res, neque publica, neque domi, neque militiæ, regi potest. Nam ubi cupido divitiarum invasit, neque disciplina, neque artes bonæ, neque ingenium ullum satis pollet; quin animus magis, aut minùs maturè, postremò tamen succumbit. Sæpè jam audiui, qui reges, quæ civitates et nationes, per opulentiam magna imperia amiserint; quæ per virtutem inopes ceperant. Id adeò haud mirandum est. Nam ubi bonus deteriore divitiis magis clarum, magisque acceptum videt; primò æstuat, multaque in pectore volvit: sed ubi ^cgloria honorem magis in dies, virtutem opulentia vincit: animus ad voluptatem à vero deficit. Quippe ^dgloriâ industria alitur; ubi eam dempseris, ipsa per se virtus amara, atque aspera est. Postremò ^eubi divitiæ claræ habentur, ibi omnia bona vilia sunt; fides, probitas, pudor, pudicitia. Nam ad virtutem ^funa, et ardua via est; ad pecuniam, ^gquâ cuique lubet nititur; et malis, et bonis rebus ea creatur. Ergò in primis auctoritatem pecuniæ demitto: ^hneque de capite, neque honore, ex copiis quisquam magis, aut minùs, judicaverit; si neque prætor, neque consul, ex opulentia, ve-

INTERPRETATIO.

¹ Quisque nititur ad pecuniam viâ quâ cuique lubet.

NOTE.

a *Contrà eam.*] Adeoque reipublicæ qui benefacit illud quoque dissimulare debet; ne ipsius beneficii invidia, etiam ab iis quibus benefacit, opprimatur.

b *Sua ipsius.*] Alii, *Sua et ipsius*: Gronovius mallet. *Sua ipsorum.* Cæterum locus politicorum, si alius uspiam, meditatione dignus.

c *Gloria.*] Inanis illa, scilicet, cujus fundamentum non est virtus.

d *Gloriâ.*] Hic vero gloriâ veram, aut quamlibet intellige.

e *Ubi.*] Jamdiu usque adeò istud com-

probatum est, ut omnium sæculorum, et totius orbis, oraculum videatur: interim eo spreto, hodieque propemodum omnes pereunt.

f *Una.*] Et istud consideratione dignum simplex est siquidem et simplicissima virtus; atque in angustum ita coarctata, ut neque in hanc, neque in illam, partem deflectere queat.

g *Neque de capite.*] Id est, nullus dignitatem, vel existimationem auzerit, vel minuerit: quòd divitiis auctus, vel destitutus, fuerit.

rùm ex dignitate, creatur. ^aSed de magistratu facile populi iudicium sit. Iudices à paucis probari, regnum est; ex pecuniâ legi, inhonestum. Quare omnes primæ ^bclassis ^cjudicare placet, sed ^dnumero plures quàm judicant. Neque ^eRhodos, neque alias civitates, unquam suorum iudiciorum pœnituit: ubi promiscuè dives, et pauper, ^futì cuique sors tulit, de maximis rebus, juxtà ac de minimis, disceptat. Sed de magistratibus creandis haud mihi quidem absurdè placet lex, quam C. Gracchus in tribunatu promulgaverat: ut ex confusis quinque classibus sorte ^gcenturiæ vocarentur. Ita coæquati dignitate, pecuniâ, virtute anteire alius alium properabit: nec ego magna remedia contrà divitias statuo. Nam perinde omnes res laudantur, atque appetuntur, ut earum rerum usus est: malitia præmiis exercetur. Ubi ea dempseris, nemo omnium ¹gratuitò malus est. Cæterùm avaritia, bellua fera, immanis, intoleranda est: quæ intendit, oppida, agros, fana, atque domos, vastat; divina cum humanis permiscet: neque exercitus neque mœnia obstant, quò minùs vi suâ penetret: famâ, pudiciâ, liberis, patriâ, atque parentibus, cunctos mortales spoliât. Verùm, si pecuniæ decus ademeris; magna illa vis avaritiæ facile bonis moribus vincetur. Atque hæc ita sese habere, tàmetsi omnes æqui atque iniqui memorent; tamen tibi cum factione nobilitatis haud mediocriter certandum est; cujus si dolum caveris, alia omnia ²in proclivi erunt. Nam hi, si virtute satis valerent, magis æmuli bonorum, quàm invidi, essent. Quia desidia, et inertia, et stupor eos, atque torpedo, invasit; strepunt, obtrectant, alienam famam suum dedecus existimant. Sed, quid, ego plura,

INTERPRETATIO.

¹*Nemo omnium est malus pro nihilo.*

²*Alia omnia erunt facilia.*

NOTÆ.

^a *Sed de.*] Id est, *populus cognoscat quanam ad judicandum idonei fuerint.*

^b *Classis.*] Classis pars est civium, ex censu in ordinem relata. In quinque verò classes cum capite censorum centuriâ universum populum Romanum Servius Tullius distribuit; quarum classium prima, ut opulentissima, ita et potentissima, erat.

^c *Judicare.*] Id est, *Dignos reputare quibus judicandi munus conferatur.*

^d *Numero.*] Id est, plures ex primâ classe constituendos, qui re ipsâ populo jus dicerent.

^e *Rhodos.*] Rhodus nobilis est insula maris Mediterranei, inter Cyprum et Cretam.

^f *Uti cuique.*] *Cuique faciliùs toleraret*

Gronovius, si sequeretur *cecidit*, non tulit; itaque illi potiùs placet, *utcumque fors tulit*; nihil tamen necesse habeo mutare.

^g *Centuriæ.*] Non modò in classes populum Romanum Servius divisit, sed et classes in centurias. Ut verò divitibus maximam faceret potestatem, primæ classis dedit prerogativam, ut prima suffragium ferret: ex quo plerumque eveniebat, cùm ea reliquis omnibus præpolleret ut rarò ab aliis classibus suffragium peteretur. Gracchus, ut plebi primum et antiquum suum jus restitueret, volebat ut sorte centuriæ ad suffragia vocarentur. Verùm de his omnibus omnino adire opus est eos, qui ea ex professo tractaverunt.

quasi de ignotis, memorem? M. Bibuli ^afortitudo, atque animi vis, in consulatum erupit: hebes linguâ magis malus, quam callidus, ingenio. Quid ille audeat, cui consulatus, maximum imperium, maximo dedecori fuit? An L. ^bDomitii magna vis est, cujus nullum membrum à flagitio aut facinore vacat? Lingua vana, manus cruentæ, pedes fugaces; quæ honestè nominari nequeant, inhonestissima. Unius tamen M. Catonis ingenium versutum loquax, callidum, haud contemuo. Parantur hæc disciplinâ ^cGræcorum. Sed virtus, vigilantia, labos, apud Græcos nulla sunt. Quippe, cùm domi libertatem suam, per inertiam amiserint; censesne eorum præceptis imperium haberi posse? Reliqui de facitione sunt inertissimi nobiles; in quibus, sicut in statuâ, præter nomen, nihil est additamenti. L. Posthumius, et M. Favonius, mihi videntur quasi magnæ navis supervacua onera esse, ubi salva pervenire ^dvisi sunt; si quid adversi coortum est, de illis potissimum ^ejactura fit, quia pretii minimi sunt. Quoniam nunc, uti mihi videor, de plebe renovendâ, corrigendâque, disserui: de senatu, quæ tibi agenda videntur, dicam. Postquam mihi ætas ingeniumque adolevit haud fermè armis, atque equis, corpus exercui, sed animum in literis agitavi: quod naturâ firmius erat, id in laboribus habui. Atque ego in eâ vitâ multa legendo, atque audiendo, ita comperi; omnia regna civitates, nationes, usque eò, prosperum imperium habuisse, dum apud eos vera consilia valuerunt: ubicumque gratia, timor, voluptas, ea corrupère, post paulo imminutæ opes, deinde ademptum imperium, postremò servitus imposita est. Equidem ego sic apud animum meum statuo; cuiusque in suâ civitate amplior, illustriorque locus, quàm aliis est, ei magnam curam esse reip. Nam cæteris salvâ urbe, tantummodo libertas tuta est: qui per virtutem sibi divitias, decus, honorem, pepererunt; ubi paulum inclinata resp. agitari cœpit, multipliciter animus curis, atque laboribus, fatigatur; aut gloriam, aut libertatem, aut rem familiarem defensat: omnibus locis adest, festinat; quanto in secundis rebus florentior fuit tanto in adversis asperius, magisque anxie agitat. Igitur ubi plebes senatui, sicuti corpus animo, obedit, ejusque consilia consequitur: patres consilio valere decet, populo supervacanea est calliditas. Itaque majores nostri cùm bellis asperrimis premerentur, equis, viris, pecuniâ amissâ, nunquam defessi sunt armati de imperio certare. Non inopia ærarii, non vis hostium, non adversa res, ingentem

NOTÆ.

^a Fortitudo.] Ironia est.

^b Domitii.] Ænobarbi nomine, qui consul ante aliquot annos fuerat.

^c Græcorum.] Certè non ita de Sallustio merita erat Græcia.

^d Visi sunt.] Vetus editio, ut testatur

Carrio, habet *usi sunt*, pro quo Vaticana corrigit *usui sunt*: Lipsius ingeniosâ sanè conjecturâ reponit *viri sunt*. Fortè nihil mutandum.

^e Jactura fit.] Id est, in profundum abjiciantur.

eorum animum subegit; quin, quæ virtute ceperant, simul cum anima retinerent. Atque ea magis fortibus consiliis, quam bonis præliis, patrata sunt. Quippe apud illos una resp. erat: ei consulebant: factio contra hostes parabatur; corpus atque ingenium, patriæ, non suæ quisque potentiæ, exercitabat. At hoc tempore, contrà ea homines nobiles, quorum animos socordia, atque ignavia, invasit; ignari laboris, hostium, militiæ, domi factione instructi, per superbiam cunctis gentibus moderantur. Itaque patres, quorum consilio antea dubia resp. stabiliebatur; oppressi, ex alienâ libidine, huc atque illuc fluctuantes agitur: interdum alia, deinde alia, decernunt: ut eorum, qui dominantur, simultas, ac arrogantia fert, ita bonum, malumque publicum existimant. Quod si aut libertas æqua omnium, aut sententia ^bobscurior esset; majoribus opibus resp. et minus potens nobilitas esset. Sed quoniam coæquari gratiam omnium difficile est; quippe cum ^cillis majorum virtus partam reliquerit gloriam, dignitatem, clientelas; cætera multitudo pleraque inscia: sit sententia eorum à metu libera. Ita occultò sibi quisque alterius potentia ^dcarior erat. Libertas juxta bonis, et malis, strenuis, et ignavis optabilis est. Verum eam plerique metu deserunt, stultissimi mortales; ^equod in certamine dubium est, quorsum accidat, id per inertiā in se, quasi victi, recipiunt. Igitur duabus rebus confirmari posse senatum puto: si numero auctus ^fper tabellam sententiam feret. Tabella ^gobtentui erit, quò magis animo libero facere audeat: ^hin multitudine, et præsidii plus et usûs amplior, est. Nam ferè his tempestatibus, alii judiciis publicis, alii privatis suis, atque ami-

NOTÆ.

a *Una.*] Id est, quæ in factiones non erat diversa. Salus est profectò omnium membrorum societas et communicatio; pestis discordia et abalienatio.

b *Obscurior.*] Obscurior est ipse Sallustius, dum minus obscurum queritur aliorum sententiam. Badius intelligit de obsequio, quo omnes ferè erga paucos tenebantur, quodque illis minus cognitum fuisse auctor desiderasset. Ego verò hic agi crediderim de suffragiis, quæ per tabellas, de quibus etiam postea Sallustius loquitur, ferebantur; ne cujusquam sententia ab ullo cognosci posset.

c *Illis.*] Nobilibus, scilicet.

d *Carior.*] Id est, cum singulis per tabellam, nemine conscio sententiam suam dicere licuerit, omnes sibi et reipublicæ magis quam paucorum superbiæ, suffragio suo consulunt.

e *Quod.*] Servitutem intelligit, quæ,

quam in partem cadat, quamdiu pro libertate certatur, nullius scire potest.

f *Per tabellam.*] Non unus fuit semper apud Romanos sententiam suam dicendi modus, ut neque apud alias gentes. Voce primò, deinde, ut major libertas esset, per tabellas, suffragium suum ferebant. Quà de re, vide, in primis, Delectum Latinitatis Moneto Jesuitæ attributum.

g *Obtentui.*] Badius exponit ad obtinendum. Ego ita intelligo ut tabella quasi velum fuerit et operimentum, sub quo latitantes liberè suffragia sua dixerint. *Obtentui*, id est, obtinendum et obtegendum.

h *In multitudine.*] Istud verò disquisitione multà opus habet, atque pro multiplici rerum et personarum ratione est limitandum.

corum negotiis implicati, haud sanè ^areip. consiliis adfuerunt; neque eos magis occupatio, quàm ^bsuperba imperia distinuere. Homines nobiles cum paucis senatoriis, quos ^cadditamenta factionis habent, quæcumque libuit probare, reprehendere, decernere, ea, uti libido tulit, fecere. Verum ubi, numero senatorum aucto, per tabellam sententiæ dicentur; illi superbiam suam dimittent, ubi iis obediendum erit, quibus antea crudelissimè imperitabant. Forsitan, imperator, perlectis literis desideres, quem numerum senatorum fieri placeat: quoque modo in multa, et varia officia distribuatur: et ^dquoniam judicia primæ classis mittenda putem, quæ ^edescriptio, qui numerus, in quoque genere, futurus sit. Ea mihi omnia generatim describere haud difficile factu fuit; sed prius laborandum visum est de summâ consilii, idque tibi probandum verum esse. Si hoc ^fitinere uti decreveris, cætera in promptu erunt. Volo ego consilium meum prudens, maximèque usui esse. Nam ubicumque tibi res prospera cedit, ibi mihi bona fama eveniet. Sed me illa magis cupido exercet, uti quocumque modo, et quamprimùm, resp. adjuvetur. Libertatem gloriâ cariorem habeo; atque ego te oro, hortorque, ne ¹clarissimus imperator, Gallicâ gente subactâ, populi Rom. summum atque invictum imperium tabescere vetustate, ac per summam discordiam dilabi, patiaris. Profectò, si id accadat, neque tibi nox, neque dies, ²curam animi sedaverit; quin insomniis ³exercitus furibundus, atque amens, alienatâ mente feraris. Namque mihi pro vero constat, omnium mortalium vitam divino numine ³invisi; neque bonum, neque malum facinus cujusquam pro nihilo haberi; sed ex naturâ, diversa præmia bonos, malosque sequi. Interea fortè ea tardiùs procedunt: suus cuique animus ex conscientia spem præbet. Quòd si

INTERPRETATIO.

¹ Ne cum sis clarissimus imperator, &c. emolâ mente feraris.

² Quo minùs in somniis vexatus, furibundus, atque amens, ³ Namque pro certo comperi, omnium mortalium vitam divino numine cerni.

NOTÆ.

a Reip. consiliis.] Quibus de reipublicæ bono disceptabatur.

b Superba.] Quòd paucorum nollent subservire superbie.

c Additamenta.] Ita loquitur de ministris et satellitibus superbie paucorum, hoc est de iis, qui cæco obsequio potentioribus, in omnibus suffragabantur.

d Quoniam.] Id est, quid de illis faciendum.

e Descriptio.] Gall. Qu'en sera le département.

f Itinere.] Id est, si prout ego admonui, ita facere decreveris.

g Curam.] Conscientiæ angores intelligit. Cæterùm summâ arte scopum suum Sallustius dissimulat. Eò spectat tota oratio, ut summum imperium Cæsar occupet, sperans se per eum, illos persecuturum, à quibus senatu motus fuerat. Plurimus ad hanc rem causas subtextuit, at gloriam potissimùm, quâ ferè solâ Julius movebatur. Neque id tantùm, cum virtute gloriam ita copulat, ut nisi obtineret magnanimus imperator; non modò gloriæ, sed virtuti, sed patriæ, terga vertisse videatur.

tecum patria atque parentes possent loqui, scilicet hæc tibi dicerent: O Cæsar, nos te genuimus, ¹fortissimi viri, in optimâ urbe, decus, præsidiumque nobis, hostibus terrorem. Quæ multis laboribus, et periculis ceperamus, ea tibi nascenti cum animâ simul tradimus, patriam maximam in terris; domum, familiamque in patriâ clarissimam; prætereà bonas artes, honestas divitias: postremò omnia honestamenta pacis; et præmia belli. Pro his amplissimis beneficiis non flagitium à te, neque malum facinus, petimus; sed uti libertatem eversam restituas. Quâ re patratâ, profectò per gentes omnes fama virtutis tuæ volitabit. Namque hâc tempestate, tametsi domi militiæque præclara facinora egisti: tamen gloria tua cum multis viris fortibus æqualis est: si verò urbem amplissimo nomine, et maximo imperio, prope jam ab ²occasu restitueris: quis te clarior, quis major, in terris fuerit? Quippe si morbo jam, aut fato huic imperio secus accidat; cui dubium est, quin per orbem terrarum vastitas, bella, cædes, orientur? Quòd si tibi bona lubido fuerit, patriæ, parentibus, gratificandi; postero tempore, rep. restitutâ, super omnes mortales gloria agnita, tuaque unius mors vitâ clarior erit. Nam vivos interdum fortuna, sæpè invidia, fatigat: ubi anima naturæ cessit demptis obtrectationibus ipsa se virtus magis magisque extollit. Quæ mihi utilia factu visa sunt, quæque tibi usui fore credidi, quam paucissimis potui, perscripsi. Cæterùm deos immortales obtestor, uti, quocumq; modo ages, ea res tibi, reique publicæ, prosperè eveniat.

INTERPRETATIO.

¹ <i>Nos fortissimi viri genuimus te in urbe optimâ, ut sis nobis decus, &c.</i>	² <i>Si verò restitueris propè jam ab interitu urbem, cui nomen est amplissimum, &c.</i>
---	---

C. SALLUSTII CRISPI

IN M. TULLIUM CICERONEM

DECLAMATIO.

GRAVITER, et iniquo animo, maledicta tua paterer, M. Tulli, si te scirem iudicio magis, quàm morbo animi, petulantia istâ uti. Sed, quoniam in te neque modum, neque modestiam ullam animadverto, respondebo tibi: uti, si quam maledicendo voluptatem cepisti, eam ^amale audiendo amittas. Ubi querar? Quos implo-

NOTÆ.

^a *Male.*] De te, scilicet.

rem, P. C. diripi remp. atque ^aaudacissimo cuique esse ^bperfidia! An apud populum Rom. qui ita largitionibus corruptus est, ut sese, ac fortunas suas venales habeat? An apud vos, P. C. quorum auctoritas turpissimo cuique et sceleratissimo, ludibrio est? Ubi M. Tullius leges, judicia populi Rom. ^cdefendit, atque in hoc ordine ita moderatur, quasi unus reliquus ex familiâ viri clarissimi Scipionis Africani; ac non reptitius, accitus, ac paulò antè insitus, huic urbi civis. An verò, M. Tulli, facta ac dicta tua obscura sunt? An non ita à pueritiâ vixisti, uti nihil flagitiosum corpori tuo putares, quod alteri ^dcollibuisse? Scilicet, istam immoderatam eloquentiam apud M. Pisonem non pudicitiae jacturâ perdidicisti? Itaque minimè mirandum est, si eam flagitiosè venditas, quam turpissimè parâsti. Verùm, ut opinior, ^esplendor domesticus tibi animos attolit: uxor sacrilega, ac perjurus delibuta: filia matris pellex, tibi jucundior, atque ^fobsequentior, quàm parenti par est. Domum ipsam tuam vi, et rapinis, funestam tibi ac tuis comparasti: videlicet uti nos commonefacias, quam conversa sit resp. cùm in eâ domo habitas, homo flagitiosissime, quæ P. Crassii, viri consularis, fuit. Atque hæc cùm ita sint, tamen Cicero ^gse dicit in consilio deorum immortalium fuisse; indè missum huic urbi, civibusque, custodem, ^habsque carnificis nomine, qui civitatis ⁱincommodum in gloriam suam ponit: quasi verò non illius conjunctionis causa fuerit consulatus tuus, et idcirco resp. disjecta eo tempore, quo te custodem habebat. Sed, ut opinor, illa te magis extollunt, quæ post consulatum cum Terentiâ uxore de rep. consuluisti, cùm legis ^kPlautiæ judicia domi faciebas; ex conjuratis alios morte, alios pecuniâ condemnabas: cùm tibi alius ^lTusculanam, alius ^mPompeianam villam, ædificabat; alius do-

NOTÆ.

^a *Audacissimo.*] Totum istud in unum Ciceronem recidit.

^b *Perfidia.*] Badianus codex habet *perfidia locum*. Verùm optimè viderunt alii hanc ex margine irrepisse in textum, imperitiâ, explicationem. Cæterùm sensus satis patet.

^c *Defendit.*] Ut Ciceronem dedecoret, vult collapsam penitus videri rempublicam, in quâ ille dominetur.

^d *Collibuisse.*] Turpitudinem notat masculam.

^e *Splendor.*] Ironia.

^f *Obsequentior.*] Obscœna et flagitiosa honestè (modò et verè) carpit.

^g *Se dicit.*] Perversè istud ex Ciceronis orationibus extortum.

^h *Absque carnificis nomine.*] Ideo dicit, quòd Cicerone invigilante, Lentulus ali-

que Catilinæ populares in carcere necati fuerint.

ⁱ *Incommodum.*] Verum est ob imminentem reipublicæ à Catilinâ calamitatem, consulatum M. Tullio mandatum fuisse; eumque ex eo gloriam maximam nactum esse: at quam subtiliter, tam et perversè, crimen parricidarum cum Ciceronis laude quisque hic est declamator, confundit.

^k *Plautiæ.*] Hæc à Plautio, tribuno plebis, adjuvante Catulo, lata est; ut de eorum capite quereretur, qui adversus rempublicam conjuravissent, &c.

^l *Tusculanam.*] Tusculum oppidum fuit Latii, non longè à Româ ad ortum, ubi Cicero villam illo nomine habuit.

^m *Pompeianam.*] Duodecimo, plùs mi-nus à Neapoli, milliario.

num emebat: qui verò nihil poterat, is erat calumniæ proximus; is aut domum tuam oppugnatum venerat, aut insidias senatui fecerat; denique de eo tibi ^acompertum erat. Quæ si tibi falsa obijcio, redde rationem, quantum patrimonii acceperis: quid tibi litibus accreverit; quâ ex pecuniâ domum paraveris, Tusculanam, et Pompeianam infinito sumptu ædificaveris. Aut, si retices; cui dubium potest esse, quin opulentiam istam ex sanguine et visceribus civium paraveris? Verùm, ut opinor, homo novus ^bArpinas, ^cex C. Marii familiâ, ejus virtutem imitatur: contemnit simultatem hominum nobilium, populi R. curam habet: neque terrore, neque gratiâ, commovetur. Illud vero amicitiae tantum, ac virtutis ^dest animi? Immo verò homo levissimus, supplex inimicis amicis contumeliosus: modò harum, modò illarum, partium: fidus nemini; levissimus senator, mercenarius patronus; cujus nulla pars corporis à turpitudine vacat: lingua vana, manus rapacissimæ, gula immensa, pedes fugaces; quæ honestè nominari non possunt, ^einhonestissima. Atque is, cum ejusmodi sit, tamen audet dicere: ^f*O fortunatam natam me consule Romam!* Te consule fortunatam, Cicero? Immò verò infelicem et miseram, quæ crudelissimam ^gproscriptionem civium perpessa est: cùm tu, perturbatâ rep. metu perculsos omnes bonos parere crudelitati tuæ cogebas: cùm omnia judicia, omnes leges in tuâ lubricine erant; cùm tu, sublatâ lege ^hPorciâ, ereptâ libertate, omnium nostrum vitæ, necisque, potestatem ad te unum ⁱrevocaveras. Atque parum est, quòd impunè fecisti, verùm etiam commemorando exprobras; neque licet ^koblivisci servitutis suæ. ^lEgeris, oro te, Cicero, perfeceris quod libet; satis est perpressos esse; etiâne aures nostras ^modio tuo onerabis? Etiâne molestissimis

NOTÆ.

^a *Compertum erat.*] Id est, *Certò sciebas eum conjurâsse; deinde et ipsum eundem morti addicebas.*

^b *Arpinas.*] Irrisio est.

^c *Ex C. Marii.*] Ideò dicit, quòd et Marius, cujus virtus maximè enituerat, Arpino oriundus esset.

^d *Est animi.*] Id est, *an eas tantum habet virtutes Cicero?*

^e *Inhonestissima.*] Jam suprà eadem exprobravit.

^f *O fortunatam.*] Versus scripsit Cicero de suo consulatu, quorum hic unus est, quem Juvenalis non obscurè tanquam ridendum reprehendit.

^g *Proscriptionem.*] Dicit non justè multatos fuisse qui cum Catilinâ conjuraverant. Non irâ arbitrati sunt boni cives: interim ob servatam tunc temporis rem-

publicam à Clodio et aliis scditiosis ad exilium Cicero compulsus est.

^h *Porciâ.*] De eâ vide suprà, p. 44.

ⁱ *Revocaveras.*] Per senatûs decretum, *Viderent consules ne quid respublica detrimenti caperet.* Nam ipse urbis præsidio relictus fuit, Antonius Collega conjuratos persequutus est.

^k *Oblivisci.*] Hoc ideò dicit, quòd Cicero diligentiae suæ in liberandâ republicâ sæpiùs mentionem fecerat.

^l *Egeris.*] Quasi dicat, *Esto, quando ita placitum superis, rempublicam disjeceris; ne insuper calamitatem nobis toties objicias.*

^m *Odio.*] Hic vim habet peculiarem; significat enim odium, importunitatem ex re maximè odiosâ.

verbis insectaberis! *Cedant arma togæ^a concedat laurea linguæ.* Quasi verò togatus, et non armatus, ea, quæ gloriaris, confece-
ris; atque inter te, Syllamque dictatorem, præter nomen imperii,
quidquam interfuit. Sed quid ego plura de tuâ insolentiâ comme-
morem, quem ^aMinerva omnes artes edocuit, Jupiter optimus
maximus in consilio deorum admisit, Italia exulem humeris suis
deportavit. Oro te, ^bRomule Arpinas, qui egregiâ tuâ virtute
omnes ^cPaulos, Fabios, Scipiones, superasti; quem tandem locum
in hâc civitate obtines? Quæ tibi ^dpartes reip. placent: ^eQuem
amicum, quem inimicum habes? ^fCui in civitate fecisti insidias
ancillares? Quo jure, cùm de exilio tuo Dyracchio redisti, eum
sequeres? Quos tyrannos appellabas, eorum nunc potentiæ faves;
qui tibi antè optimates videbantur, eosdem nunc dementes, ac fu-
riosos, vocas. ^gVatinii causam agis: ^hde Sextio malè existimas:
ⁱBibulum petulantissimis verbis lædis: laudas Cæsarem: quem
maximè odisti, ei maximè obsequeris: ^kaliud stans, aliud sedens
de rep. sentis: his maledicis, ^lillos odisti, levissime transfuga: ne-
que in hâc, neque in illâ, parte fidem habes.

INTERPRETATIO.

^a *Corona ex lauro tradatur linguæ et eloquentiæ.*

NOTÆ.

^a *Minerva.*] Alio nomine Pallas dicta
est, dea belli et sapientiæ. Ciceronem verò
irridet auctor, quasi se à Minerva edoc-
tum jactitasset.

^b *Romule.*] Per amaram irisionem.

^c *Paulos.*] Illustrissimos viros recenset,
ut Ciceronem irrideat. Notiores verò sunt
omnes, quàm ut quidquam de iis dicatur.

^d *Partes.*] Vult auctor Ciceronem maxi-
mum videri tenebrionem, et, ut postea
dicit, levissimum transfugam; qui modò
cum his, modò faciat cum illis; hodiè cum
uno, cràs cum altero conjunctus sit.

^e *Quem amicum.*] Hunc locum non in-
telligere se ingenuè fatetur Glareanus, vir
alloqui doctissimus; quod quidem mirarer,
nisi quotidie ad res apertissimas caligare
oculos sentiremus. Sensus verò est, Cice-
ronem eo modo cum omnibus vixisse, ut
quinam amici, quinam inimici, essent, nul-
lus posset cognoscere; non enim placet
Thysii expositio.

^f *Cui.*] Videtur aliquem ante alios indi-
cari, cui Cicero ancillarum more servive-
rit; eumque, cùm Cæsar tunc temporis
Româ abesset, crediderim fuisse Pompei-
um: neque enim ejus semper et Ciceronis
una et eadem fuit voluntas.

^g *Vatinii.*] Tribunus fuit plebis, senatui
maximè exosus, in quem Cicero orationem
habuit.

^h *De Sextio.*] Pro isto eam quam modò
diximus Cicero habuit orationem.

ⁱ *Bibulum.*] Hic cum Cæsare consul fuit,
eique frustrâ restitit, cùm legem agrariam
rogaret: tum verò inter Ciceronem et
Cæsarem non conveniebat.

^k *Aliud stans.*] Id est, aliud dicis, aliud
sentis; stantes enim sententiam suam di-
cebant in senatu.

^l *Illos odisti.*] Id est, eos, quibus assen-
taris odisti.

IN SALLUSTIUM DECLAMATIO:

Quæ Ciceroni falsè tribuitur.

EA demum magna voluptas est, Crispe Sallusti, æqualem, et parem verbis vitam agere; neque quidquam tam obscœnum dicere, cui non ab initio pueritiæ omni genere facinoris ætas tua respondeat, ut omnis oratio moribus consonet. Neque enim, qui ita vivit, uti tu, aliter ac tu, loqui potest; neque, qui tam illoto sermone utitur, vitâ honestior est. Quò me vertam, P. C.? Unde initium sumam? Majus enim mihi dicendi onus imponitur, quò notior est uterque nostrûm. Quòd si aut de meâ vitâ, atque actibus nostris, huic conviciatori respondero, invidia gloriam consequetur: aut, si hujus facta, mores, omnem ætatem nudavero, in idem vitium incidam procacitatis, quod huic objicio. Id vos, si fortè offendimini, justius huic, quàm, mihi, succensere debetis, qui ^a initium introduxit. Ego dabo operam, ut et pro me minimo cum fastidio respondeam, et in hunc minimè mentitus esse videar. Scio me, P. C. in respondendo non habere magnam expectationem, quòd nullum vos sciatis novum crimen in Sallustium audituros, sed omnia vetera recognituros: quîs et meæ, et vestræ jam et ipsius, aures calent. Verùm eò magis odisse debetis hominem, qui ne incipiens quidem peccare minimis rebus posuit rudimentum; sed ita ingressus est, uti neque ab alio vinci possit, neque ipse se omninò reliquâ ætate ^b præterire. Itaque nihil aliud studet, nisi, uti lutulentus sus, cum quovis velitari. Longè verò fallitur opinione. Non enim procacitate linguæ vitæ sordes eluuntur, sed est quædam ^c calumnia, quam unusquisque nostrûm, testante animo suo, fert de eo, qui falsum crimen bonis objectat. Quòd si vita istius ^d memoriam viceret, aliam P. C. non ex oratione ejus, sed ex moribus, spectare debetis. Jam dabo operam quàm maximè potero, uti breve id faciam. Neque hæc altercatio nostra vobis inutilis erit, P. C. Plerumque enim resp. privatis crescit inimicitii, ubi nemo civis, qualis sit vir, potest latere. Primùm igitur, quoniam omnium majores Crispus Sallustius ^e ad

NOTÆ.

a *Initium introduxit.*] Queritur uterque et Sallustius et Cicero, quod, sibi ab altero injuriâ oblata, prior laessitus fuerit: quod quidem, præter alia, me maximè movet ut credam, declamationes istas à quibusdam declamatoribus scriptas tantùm, non recitatas, fuisse. Sed eâ de re, quibus tantum erit otii, docti judicabunt.

b *Præterire.*] Malefaciendo, scilicet.

c *Calumnia.*] *Reproche.*

d *Memoriam.*] Id est, *Si obliti fueritis qualis fuerit vita istius, et quomodo antea vixerit.*

e *Ad unum exemplum et regnum.*] Diu certè hic hæsi, ut, quid sibi vellet, auctor, divinarem. Tandem arbitratus sum, ad ista Sallustii verba, *Oro te, Romule*

unum exemplum et regnum quærit; velim mihi respondeat, numquid, quos protulit, Scipiones, et ^a Metelli ^b antè fuerint aut opinionis, aut gloriæ, quàm eos res gestæ suæ, et vita innocentissimè acta commendavit? Quòd si hoc fuit illis initium nominis, et dignitatis cur non æque de nobis existimetur, cujus et res gestæ illustres sunt, et vita integerrimè acta? Quasi verò tu sis ab illis viris, Sallusti, ortus! Quòd si esses, nonnullos jam tuæ turpitudinis pigeret. Ego meis majoribus virtute mea præluxi, uti, si prius noti non fuerint, à me accipiant initium memoriæ suæ: tu tuis vitâ, quàm turpiter egisti, magnas offudisti tenebras; ut etiam, si fuerint egregii cives, certè venerint in oblivionem. Quare noli mihi antiquos viros objectare. Satiùs est enim, me meis rebus gestis florere, quam majorum opinione niti; et ita vivere, ut ego sim posteris meis nobilitatis initium, et virtutis exemplum. Neque me cum iis conferri decet, P. C. qui jam decesserunt, omnique odio carent, et invidiâ; sed cum iis, qui mecum unà in republicâ versati sunt. Sed si fuerim aut in honoribus petendis nimis ambitiosus; (non hanc dico popularem ambitionem, cujus me principem confiteor; sed illam perniciosam contrà leges, cujus primos ordines Sallustius duxit) aut in gerendis magistratibus; aut in iudicandis maleficiis tam severus: aut in tuendâ republicâ tam vigilans, ^c quàm tu proscriptionem vocas; credo quòd non omnes tui similes incolumes in hac urbe vixissent. At quanto meliore loco respublica tuenda staret, si tu, par ac simili, scelestorum civium, unà cum illis adnumeratus esses? An ego tunc falsò scripsi, *Cedant arma togæ*: qui togatus armatos, et pace bellum, oppressi; An illud mentitus sum, *Fortunatam me consule Romam*; qui tantum intestinum bellum, et domesticum urbes incendium, exstinxit? Neque te tui piget, homo levissime, cùm ea culpas, quæ in historiis mihi gloriæ ducis? An turpius est, P. C. scribentem mentiri, quàm illum palàm hoc ordine dicentem? Nam quod meam ^d ætatem increpuisti, tantum me abesse puto ab impudiciâ, quantum tu abes à pudiciâ. Sed quid ego de te plura querar? Quid enim mentiri turpe duces, qui mihi ausus sis eloquentiam uti vitium objicere? Cujus semper nocens eguisti patronio. An ullum existimas posse

NOTÆ.

Arpinas, qui egregiâ tuo virtute omnes Paulos, Fabios, Scipiones, superâsti, &c. Ciceronem repexisse; eumque significare voluisse, pravè et ineptè ab adversario factum, quòd sibi Ciceroni Romuli nomen imposuerit: quasi, ut clarus fieret necesse habuerat, vel majores claros ostendere, vel Romulum esse.

^a *Metelli.*] Fortè istius, potiùs quàm Pauli aut Fabii, mentionem facit; quia

præcipuè per ipsius Sallustii historiam clarissimus evasit.

^b *Antè fuerint.*] Id est, antè hominum existimationem, aut gloriam, consequuti fuerint.

^c *Quam.*] Pro quod. Quod; Tueri, scilicet, *Rempublicam, tu, Crispe Sallusti, vocas proscriptionem.* Relativum quam cum *proscriptionem* construxit.

^d *Ætatem.*] Id est, adolescentiam.

feri civem egregium, qui non his artibus et disciplinis sit eruditus? An ulla alia putas esse rudimenta, et incunabala, virtutis, quibus animi ad gloriæ cupiditatem aluntur? Sed minimè mirum est, P. C. si homo, qui desidiæ, ac luxuriæ, plenus sit; hæc uti nova, atque inusitata, miratur. Nam quod istâ inusitatâ rabie petulanter in uxorem, et in filiam meam invasisti, ^a quæ facilius mulieres se à viris abstinuerunt, quàm tu vir à viris, satis doctè, ac peritè, fecisti. Non enim me sperâsti mutuam tibi gratiam relaturum, et vicissem tuas compellaturum. Unus enim satîs es materiæ habens, neque quidquam turpius est domi tuæ, quàm tu. Multum te verò opinio fallit, qui mihi putâsti parare invidiam ex meâ re familiari; quæ multò mihi minor est, quàm habere dignus sim. Atque utinam ne tanta quidem esset quanta est; uti potiùs amici mei viverent, quàm ego testamentis eorum locupletior essem. Ego fugax, Crispe Sallusti? Furori tribuni pl. cessi: utiliùs duxi, ^b quamvis fortunam unus experire, quàm universo populo R. civilis essem dissensionis causa: qui, postea quàm ^c ille suum annum in rep. perbacchatus est; omniaque quæ commoverat, pace, et otio, resederunt; hoc ordine revocante, atque ipsâ rep. manu retrahente me, reverti. Qui mihi dies, si cùm omni reliquâ vitâ conferatur, animo quidem meo ^d superet, cùm universi vos, populusque R. frequentes adventui meo gratulatus est. Tanti me fugacem ^e mercenarium patronum hi æstimaverunt. Neque hercule mirum est, ^f si ego semper justas omnium amicitias æstimavi. Non enim uni privatim ancillatus sum, neque me addixi; sed, quantum quisque reip. studuit, tantum mihi fuit; aut amicus, aut inimicus. Ego nihil plùs volui valere, quàm pacem: multi privatorum audacias nutriverunt ego nihil timui, nisi leges: multi arma sua timeri voluerunt. Ego numquam volui quidquam posse, nisi pro vobis: multi ex vobis, potentiâ freti, in vos suis viribus abusi sunt. Itaque non est mirum, si nullius amicitia usus sum, qui non perpetuo reip. amicus fuit; neque me pœnitet, si aut potenti ^g Vatinio reo patrociniûm pollicitus sum; aut Sextii insolentiam repressi; aut ^h Bibuli patientiam culpavi, aut virtutibus Cæsaris favi. ⁱ Hæ lau-

NOTÆ.

a *Quæ.*] *Tum uxor, tum filia mea.*

b *Quamvis.*] *Vel iniquissimam.*

c *Ille.*] Tribunus scilicet, Clodius.

d *Superet.*] Id est, *Præstantior et jucundior videatur.* Sed vide, mihi, quæso, quomodo, non tantum objecta diluat, sed in gloriam vertat.

e *Mercenarium.*] Istud objectaverat Sallustius, seu quisque fuit ejus loco declamator.

f *Si.*] Pro *Quandoquidem.*

g *Vatinio.*] Respondet ad id quod Sal-

lustius dixerat, Ciceronem Vatinii causam agere, postquam orationem contra ipsum habuisset.

h *Bibuli patientiam.*] Tanta fuit, referente Suetonio, ut nonnulli, quod ita Cæsari in consulatu cesisset, non *Caio Julio Cæsare, et Bibulo, consulibus*; sed *Caio et Julio*, per jocum, scriberent.

i *Hæ laudes.*] Virtuti, nimirum, et viris probis, quomodo cunque favere; inde tantum sibi amicos parare: illos, si priorem sanctitatem et vitæ innocentiam flagitiis

des enim egregii civis, et unicæ sunt. Quæ si tu mihi uti vitia objicis, ^a temeritas tua reprehendetur, non mea vitia culpabuntur. Plura dicerem, si apud alios mihi esset dicendum P. C. non apud vos, quos habui omnium actionum mearum monitores. Sed, ubi rerum testimonia adsunt, quid opus est verbis? Nunc, ad te uti revertar, Sallusti, patremque tuum præteream; qui si nunquam in vitâ suâ peccavit, tamen majorem injuriam reip. facere non potuit, quàm quòd te talem filium genuit. Neque tu si quid in pueritiâ peccasti, exsequar; ne parentem tuum videar accusare, qui eo tempore summam tui potestatem habuit; sed qualem adolescentiam egeris: hâc enim demonstratâ, facile intelligetur, quàm petulanti pueritiâ, tam impudicus, et procax, adoleveris. Postea quàm immensæ gulæ impudicissimi corporis quæstus sufficere non potuit; et ætas tua jam ad ea ^b patienda, quæ alteri facere collibisset, exoleverat: cupiditatibus infinitis efflerebaris, uti, quæ ipsi corpori turpia non duxisses, in aliis experireris. Itâ non est facile reputare, P. C. utrum inhonestioribus corporis partibus rem quæsierit, an amiserit. Domum paternam, vivo patre, turpissimè venalem habuit, vendidit. Et cui dubium potest esse, quin mori coegerit eum, quo, hic, nondum mortuo ^c pro hærede gesserit omnia? Neque pudet à me eum quærere, quis in P. Crassi domo habitet; cùm ipse respondere non queat, quis in ipsius habitet paternâ domo. ^d At hercule lapsus ætatis tyrocinio, postea se correxit? Non ita est: sed abiit in sodalitium sacrilegi Nigidiani: bis judicis ad subsellia attractus, extrema fortuna stetit: et ita discessit, uti non hic innocens esse, sed iudices pejerasse, existimarentur. Primum honorem in quæsturâ adeptus, hunc locum, et ordinem, despectum reddidit, cujus aditus sibi quoque, sordidissimo homini, patuisset. Itaque timens, ne facinora ejus clàm vos essent, cùm omnibus patribus familias opprobrio esset; confessus est, vobis audientibus, adultarium; neque erubuit ora vestra. Vixeris, uti libet, Sallusti; egeris, quæ volueris: satis sit, unum te tuorum scelerum conscium esse; noli nobis languorem, et soporem nimium exprobrare. Sumus diligentes in tuendâ pudicitia uxorumstrarum: sed ita expectati non sumus, ut à te cavere possimus. Audacia tua vincit studia nostra. Ecquod hunc movere possit, P. C. factum tu dictum turpe; quem non puduit palàm, vobis audientibus, adultarium confiteri? Quòd si nihil pro me tibi respondere voluissem,

NOTÆ.

maculaverint, relinquere. Uno verbo bene, et quòd laudandum sit, fecisse se profitetur Cicero, cùm nulli se ita addixit, quin, virtutis et reipublicæ causâ, ejusdem adversarium sequeretur.

^a *Temeritas.* Cùm id tu vitupres quod laudi ducitur.

^b *Patienda.*] Obscœnissima et flagitiosissima reprehendit.

^c *Pro hærede gesserit omnia.*] Id est, rebus hereditariis omnibus, tanquam domini usus sit.

^d *At hercule.*] Ironia est.

sed illum censorium ^aelogium ^bAp. Claudii, et L. Pisonis, integerrimorum virorum, quo usus est quisque eorum, pro lege palam universis recitarem; nonne tibi viderer æternas inurere maculas, quas reliqua vita tua cluere non possit? Neque post illum ^cdelectum senatûs te unquam vidimus. ^dNisi fortè in ea te castra coniecisti, quò omnis sentina reip. confluxerat. At idem Sallustius, qui in pace ne senator quidem manserat; postea quàm resp. armis oppressa est, et ^eidem victor, qui exules, reduxit; in senatum post quæsturam ^freductus est: quem honorem ita gessit, uti ^gnihil non venale in eo habuerit, cujus aliquis emptor fuerit. Ità igitur egit, uti nihil non æquum, ac verum, duxerit, quod ipsi facere collibuisse; ^hneque aliter vexavit, ac debuit, si quis prædæ loco accepisset magistratum. Peractâ quæsturâ, postea quàm magna ⁱpignora eis dederat, cum quibus similitudine vitæ se conjunxerat; unus jam ex illo grege videbatur. Ejus enim partis jam exemplar erat Sallustius, ^kquò tanquam in imam voraginem cætus omnium vitorum excesserat: quidquid impudicorum, ^lcillonum, parri- cidarum, sacrilegorum, debitorum fuit in urbe, municipiis, coloniis, Italiâ totâ, sicut in fretis, subsederant; nominis perditî, ac notissimi, nullâ in parte castris apti, nisi licentiâ vitiorum, et cupiditate rerum novarum. ^mAt postea quàm prætor factus est, modestè se gessit, et abstinenter? Nonne ita provinciam vastavit, uti nihil neque passi sint, neque expectarent gravius socii nostri in bello; quàm experti sunt in pace, hoc Africam interiorem obtinente? Unde tantum hic exhausti, quantum potuit aut ⁿfide nominum transjici, aut in naves contrudi. Tantum inquam, P. C. exhausti, quantum voluit: ne causam diceret, ^osestertio duodecies cum Cæsare paciscitur. Quòd si quippiam eorum falsum est, hîc palam refelle; unde tu, qui modò ne paternam quidam domum redimere potueris, repentè, tanquam somnio beatus, ^phortos pre-

NOTÆ.

^a *Elogium.*] Testificatio est censorum, vituperationis causa, cum ab ipsis senatu motus est Sallustius.

^b *Ap. Claudii, et L. Pisonis.*] Hi duo Æmilio Paulo et Claudio Marcello consulibus censuram gravem exercuerunt.

^c *Delectum.*] Moris erat, ut censores senatum legerent, eoque illos per ignominiam moverent, quorum depravatos mores cognoscebant.

^d *Nisi.*] Pro *Sed*.

^e *Idem.*] Cæsarem intellige.

^f *Reductus.*] Sallustium intellige.

^g *Nihil non.*] Fidem, puta, suffragia.

^h *Neque aliter.*] Ideo tantum Sallustium dicit quæsturam gessisse, ut ex eâ prædam aliquam consequeretur.

ⁱ *Pignora.*] *Des assurances.* Id est, *factis ostenderont se pessimis similem esse.*

^k *Quò.*] Id est, *ad quem Sallustium.*

^l *Cillonum.*] Id est, *cinædorum et turpiter viventiam*, ut ait Cælius Rhodiginus: ab antiquo verbo *cellere*, quod est, *motitare*; unde etiam Plautus meretrices *appellat recelluclunas*.

^m *At postea quàm.*] Ironia.

ⁿ *Fide nominum.*] Id est, *permutatione*. Gall. *Par lettre d'échange*.

^o *Sestertio.*] Alii habent Sestertium, Glareano teste; quanquam et illud licere multis elegantibus auctorum exemplis ostendit Budæus.

^p *Hortos.*] Qui Sallustiani dicti sunt.

tiosissimos, villam Tiburti C. Cæsaris, reliquas possessiones, paraveris. Neque piguit quærere, cur ego P. Crassi domum emissem: cum tu veteris villæ dominus sis, cujus paulò antè fuerat Cæsar? ^a Modò, inquam, patrimonio non comeso, sed devorato; quibus rationibus repentè factus es tam affluens, et tam beatus? Nam quis te faceret hæredem, quem ne amicum quidem suum satis honestum quisquam sibi ducit, nisi similis, ac par tui? At hercule egregia facta majorum tuorum te extollunt: quorum sive tu es similis, sive illi tui, nihil ad omnium scelus, ac nequitiam, addi potest. Verùm, ut opinor, honores tui te faciunt insolentem. Tu, Crispe Sallusti, tantidem putas esse ^b bis senatorem, et bis quæstorum fieri; quanti bis consularem, et bis triumphalem? ^c Carere debet omni vitio, qui in alterum paratus est dicere. ^d Is demum maledicit, qui non potest verum ab altero audire. Sed tu omnium mensarum assecla, omnium cubiculorum in ætate, ^e pellex, et idem postea adulter, omnis ordinis turpitudine es, et civilis belli ^f memoria. Quid enim gravius pati potuimus, quàm quòd te incolumem in hoc ordine videamus? Desine bonos petulantissimâ consecrari linguâ: desine morbo procacitatis isto uti: desine unumquemque moribus tuis estimare: his moribus amicum tibi facere non potes, videris velle inimicum habere. Finem dicendi faciam, P. C. Sæpè enim vidi gravius offendere animos auditorum eos, qui aliena flagitia apertè dixerunt, quàm eos qui commiserunt. Mihi quidem ratio habenda est, non quid Sallustius meritò debeat audire; sed ut ea dicam, si quâ ego honestè effari possum.

C. SALLUSTIUS CRISPUS EXPLICIT.

NOTÆ.

^a Modò.] Id est, non à longo tempore.

^b Bis senatorem.] Amara est irrisio: Sallustio acutè exprobat quòd senatu motus fuerit; atque insuper eum arguit, quasi ideò ineptè gloriaretur.

^c Carere.] Postquàm satls adversarium agitavit, ipsum, quod maximè perstringit, de imperitiâ, et quodammodo de officio, admonet.

^d Is demum maledicit.] Id est, sine suo detrimento maledicere potest.

^e Pellex.] Jam suprâ, quòd muliebria passus esset, exprobravit.

^f Memoria.] Id est, qui omnia in memoriam revocat, quæ per civiles discordias passi sumus.

INDEX

RERUM MAXIME MEMORABILUM.

A.
 ABORIGINES, *Page* 22
 Abstinencia, quid, 20, d
 Achæi, 219, a
 Accusativi olim in is, 17, a
 Actæon, 220, f
 Atherbal, 78. Victus Romam proficiscitur, 83
 Ejus Oratio ad Senatum, 84. Mores, 95.
 Jugurthæ obviis procedit, *Ib.* A quo vincitur, 96. Romam legatos mittit, 97.
 Ejus ad Senatum literæ, *Ib.* A Jugurthâ excruciatu interficitur, 99
 Adolescentium animi mobiles, 28. Dolis facile capiuntur, *Ib.* Eorum mores, 229
 Adrimetum à Phœnicibus conditum, 93
 Adversæ res etiam bonos detrectant, 124
 Ætæa, 109, f
 Æquitas quid, 19, c
 Æthiopes, 94
 Africæ descriptio, 91, 92
 Albinus, 108. Consul in Africâ bellum renovat, 109
 Allobroges ab Umbreno sollicitantur, 48.
 Deprehenduntur super ponte, Mulvio, 51
 Amazones, 217, c
 Ambitio quid Romæ effecit, 25. Vitium propius virtutem quam avaritia, *Ib.*
 Ambitûs damnati Autronius et Sylla, 31
 Amicitia quomodo firma, 33, c
 Amici officio et fide parantur, 91
 Animâ quis fruitur, 19
 Animus vitæ imperator, 73. Æternus, 74.
 Ejus artes plurimæ, quibus claritudo paratur, 75. Quomodo servitio opprimatur, 231
 Antiochus, 176
 Antonius Consul, 45. Catilinam persequitur, 67
 Antonius, 203, u
 Appius Poëta, 225
 Apulia, 38, b
 Aquila quæ in exercitu Catilinæ, 70
 Archelaus, 205, o
 Argentum ære solutum, 42
 Ariobarzanes, 206, m
 Aristæus, 220, b
 Aristonicus in triumphum ductus, 205
 Armenia, 206, n
 Arsaces, 204, d

Asia à Romanis obsessa, 205
 Aspar, 168. A Boccho accersitur, qui Jugurtham acta edoceat, 170. Ad Bocchum remittitur ut Syllam Jugurthæ tradere persuadet, *Ib.*
 Athenienses per scriptores celebrati, 24
 Attalus, 205, f
 Avaritia quid Romæ effecit, 25. Ejus descriptio, 237. Quomodo vincenda, *Ib.*
 Aulus, 110. Hymæ milites in expeditionem evocat, *Ib.* A Jugurthâ deluditur, *Ib.* Sub jugum mittitur ejus exercitus, 112
 Aurelia Orestilla Catilinæ conjux, 28
 Auster, 188, d
 Autronius ex Catilinæ conjuratis, 30
 B.
 Bæbius à Jugurthâ pecuniâ capitur, 107.
 Ejus maxima impudentia, 108
 Baleares, 166, e
 Bello ingenium plurimùm posse quando cognitum, 18. Bellum ex arbitrio sumitur, non ponitur, 144. Illud civiliter deponendum, 227. Pacis causâ gerendum, 229
 Beneficii quàm maleficii in republicâ immemorem esse præstat, 106
 Bestia Consul, 100. Adversus Jugurtham missus, *Ib.* Secretò cum illo transigit, 101. In eum gravis invidia, *Ib.* Ab ipso in Numidiâ qui fuerunt relictis omnia flagitia cum Jugurthâ faciunt, 107
 Bibulus, 238, 244, i 247
 Bocchus, 95. Ejus proximi à Jugurthâ magnis muneribus ad sui studium perducuntur, 143. Cujus filia Jugurthæ nupserat, *Ib.* Romanorum amicitiam quesiverat, 143. Cum Jugurthâ belli adversus Romanos societatem inicit, *Ib.* A Metello legatos accipit: eisdemque remittit, 144. Romanos cum Jugurthâ aggreditur, 159. Romam legatos mittit, 164. Qui spoliata ad Syllam perveniunt, 165. A Mario petit, ut Syllam ad se mittat, quamobrem, 166. Ejus perfidia, 171. Ejusdem ad Syllam oratio, *Ib.* Jugurtham Romanis tradere pollicetur, 170. Tradit, 171
 Bomilcar, 108. Cum Rutilio certat, 123.
 Ad tradendum Jugurtham à Metello

- allicitur, 129. Quod ille quidem conatur, 130. Ideò Nabdalsam sibi adjungit, 136. Ad quem scribit, *Ib.* Cujus literæ a Nabdalsæ cliente ad Jugurtham deferuntur, 137. Morte afficitur, *Ib.*
- Bonus gratuitò nemo vult esse, ubi malos præmia sequuntur, 181
- Bonum publicum privato anteponendum : quanquam hoc cum illo potest conciliari, 235
- Bruttium, 217, n
- Bithynia, 189, g
- C.
- Cæsar Pontifex maximus, 54. Ei Catulus et Piso infensi, quamobrem, *Ib.* Eum Cicero inter conjuratos non vult nominare, *Ib.* Ei nonnulli equites gladio minitantur, 55. Ejus oratio, 56. Cum Catone comparatur, 65. Bellum aliorum pacc molius gessit, 226. Creditum non condonat, *Ib.* In adversis majorem animum gerit, 232. Gallicam gentem subegit, 240
- Cale, 221, m
- Capsa, 152. A Mario incensa, 144
- Capua, 39, d
- Capys, 221, c
- Carbo, 227
- Cassius ad Jugurtham mittitur, 107
- Catabathmos, 91, g
- Catiline, 21, 27. Quinam illi favent, 30. Prima ejus conjuratio, 31. Repetundarum reus consulatum petere prohibetur, *Ib.* Ad conjuratos orationem habet, 32. Eos quomodo confirmat, 35. Arma per Italiam parat, 36. Mulieres sibi adscivit, quamobrem, 37. Ciceroni insidias parat, quæ malè caduit, *Ib.* Incendia parat, 38. In senatum venit, 41. In castra Manliana proficiscitur, *Ib.* Scribit se in exilium Massiliam ire, 43. Ejus epistola, 44. Imperii insignia sumit, 45. Ei plebs favet, 46. Deinde ejus consilia execratur, 53. Quantus initio ejus exercitus, 66. Servilia repudiat, 67. In Galliam profugere tentat, *Ib.* Orationem habet ad milites, *Ib.* Aciem instruit, 70. Pugnat, *Ib.* Vincitur, 71
- Cato, 60. Ejus oratio, *Ib.* Decretum fit senatûs sicut ille censuerat, 64. Ab eo multi mactati, 234. Qualis, 238
- Catulus cur Cæsari infensus, 54
- Cea insula, 220, d
- Chalcedon, 206, f
- Charybdis, 218, e
- Cicero consul cum Antonio, 36. Catilinæ insidias præcavit, 37, 38. Per Fulviam ejus consilia cognoscit, *Ib.* De iis ad senatum refert, 39. Conjuratos ad se vocat, 52. In senatum ducit, *Ib.* Civis reptitius, 242. Testamentis amicorum locuples factus, 247
- Cilicia, 209, f
- Cimbri, 70 b 177, h
- Cinna, 184, b
- Cirta, 96. A Jugurthâ obsidetur, 97. Ibi prædam, Metellus collocaverat, 144
- Cyzicus, 206, g
- Classes quid, 237, b
- Clementia vera, 230
- Comitia quid, 36, d
- Concordia res parvæ crescent, 81, k, l. Ejus bona firmanda, 238
- Conjurant cum Catilinâ qui, 30. Nullus ex multitudine castra relinquit, 46. Eorum consilium, 50. In senatum ducuntur, 52. Servandi traduntur, 53. Pununtur, 66
- Consilium dare regi difficile : Cur, 232
- Consuetudo in naturam vertitur, 146
- Consules regibus Romæ subrogantur, 23. Illis potestas maxima quibus verbis permittitur, 39
- Consultantes de rebus dubiis, ab odio, amicitia, ira, &c. vacuos esse decet, 56
- Consultores pessimi cupido et ira, 132
- Consulto, priusquam incipias ; ubi consulueris, maturè factò opus est, 18
- Contentio inter plebem et nobilitatem quid effecerit, 77
- Continentia quid, 19, b
- Cordueni 218, li
- C. Cornelius eques pollicetur Ciceronem confodere, 38
- Cornelius Seriba, 177, f
- Corpus et ejus omnia brevè dilabuntur, 74
- Corycus, 187, b
- Cos insula, 221, a
- Cottæ Consulis oratio ad populum, 212
- Crassus cum Catilinâ conjurasse creditus, 31. Quod Vulturii indicio confirmatur, 53
- Creta, 205, k
- Cumæ, 220, e
- Curio, 197
- Curius cum Catilinâ conjurat, 36. Per eum conjuratio patefacta, *Ib.*
- Cyrenenses magni atque opulenti, 141. Cum Carthaginiensibus diu bellum gesserunt, 142
- Cyrus, 18
- D.
- Dabar, 168. Internuncius, 179
- Dædalus, 189, e
- Damasippus, 59, d

Danubius, 215, k
Dardania, 221, e
Deorum auxilia quibus parentur, 63
Discordâ res maxima dilabuntur, 81
Discumbendi modus apud Romanos, 203, e
Divino numine mortalium vita invisitur, 240
Divitiæ Romanis exitia, 24, 26. Eas, qui contempserunt, victores; qui concupiverunt, victi sunt, 230. Divitiis quinam sunt flagitio, 231. Divitiarum studium reipublicæ certa pestis, 236.

Domitius, 227, 238

Durius, 194, b

Dyrrachium, 185, d

E.

Edere bis in die vitio ducitur, 231

Elephanti, 102. Interfecti, 123

Enceladus, 221, h

Equites Romani cum telus circum ædem Concordiæ Cæsari gladio minitantur, 55

Etruria, 37, i

Eumenes, 205, e

Euphrates, 208, c

Eurus, 188, c

Exercitus P. R. quando primum corrupti, 26

Extollere se ut oporteat, 230

F.

Fabius Sanga, Allobrogum Patronus, 49

Factiosorum mores, 233, 235

Fæsulæ, 36, e

Famam alienam suum esse dedecus putant inertes, 237

Fasces quid, 31, p

Favonius, 238

Fœdus nullum senatûs populique Romani injussu fieri poterat, 112

Fortuna simul cum moribus immutatur, 19. In omni re dominatur, 23. Ejus lûbido, 24. Ea non eget animus, 73, 74.

Fortunæ suæ unusquisque est fâber, 225

Fulvia conjurationem Catilinæ patefacit, 36

Fulvius parentis jussu interfecit, 48

G.

Gabinus, et ejus lex, 209, g

Gaddir, 190, e

Gætuli, 92, b. Ad militiam a Jugurthâ quæeruntur, 143. Ordines habere docentur, *Ib.*

Galli ante Romanos gloria belli, 65. Eos vincunt, 171. Adversus illos Romani pro salute, non pro gloria, certant, 182.

Gauda, 132, 133

Germania veteribus sub Gallia comprehensa, 174

Gladiatoris familiæ in municipia distribuntur, 40

Gloria invidiam vincere difficillimum, 81.

Gloriam invidia sequitur, 125. Gloria majorum posteris lumen; quæ eorum nec bona, nec mala in occulto esse patitur, 148

Gracchus, 90, 115. Ejus lex, 237

Græci ante Romanos facundia, 65. Quales, 238

Galussa Masinissæ filius, 78

H.

Hæres secundus quis, 132, m

Hannibal res Romanas afflixit, 77

Helenus, 221, d

Heraclea, 206, k

Hercules in Hispania interiit, 92

Hiempsal, 78. Ferociter cum Jugurthâ agit, 82. Interficetur, 83

Hilerda, 186, a

Hippo à Phœnicibus condita, 93

Historiam scribere difficile, quamobrem,

19. In ea scribenda quomodo laus invenienda, 20, a. Ejus beneficio Athenienses maximi facti sunt, 24. Ejus usus, 75, 76

Hortari qui vult, primus ire debet, 195

Humanum genus sorte potius virtute regitur, 73

I.

Japydia, 215, h

Jason, 190, b

Igne sese corrumpunt perfugæ, 140

Ilergetum, 193, l

Imagines majorum, 76, m

Imperium iis artibus retinetur quibus paratum est, 19. Imperia et magistratus, ut virtus est eorum qui ea sustinent, perinde habenda, 77. Ea sæpè in eos a quibus accepta convertuntur, 196. Imperium alteri nemo volens concedit, 225. Illud qui obtinet, quia malo esse licet, formidatur, 226. Imperia crudelia magis acerba quàm diuturna, 227

Infinitivi modi loquendi formulæ, 23, g

Ingenium præstat viribus, 18. Socordia torpescit, 74, 75

Injuris oblate nemini parvæ videntur, 57

Interrex, 185, a

Invidia ex opulentia oritur, 22. Invidiam gloria vincere difficillimum, 81. Gloriam sequitur, 125

Ira et cupidus pessimi consultores, 132

Jugurthâ rex Numidarum, 77, 78, 79, 80.

Micipsæ decreta rescindenda proponit, 82. Hiempsali infensissimus, 83. Copias armat, omnique Nûmidis imperare parat, *Ib.* In Romanis nobilitatis avaritia spem habet, 84. Cujus legati plerosque pecunia corrumpunt, *Ib.* A quibus Jugurthâ defenditur, 89. Legatos Romanos corrumpit, 90. In regnum

Atherb. animum intendit, 95. Agros vastat, *ib.* Ejus ad legatos Romanos responsio, 96. Ad eum alii mittuntur, 98. Qui frustra discedunt, 99. Numidas puberes togatosque promiscuè interficit, 99. Filium Romam legatum mittit, 100. Se cretè cum Calpurnio et Scauro transigit, 101. Romam venit, 107. Abit, 109. Albinum iudificat, 110. Auli exercitum sub jugum mittit, 112. Vult facere deditionem, 118. Metello insidias struit, 120. Pabula corrumpit, 126. Romanorum castra irrumpit, 127. Pugnandi modus, 128. Deditionem facit, cujus mox poenitet, 130. Bellum renovat, 133. Omnibus diffidit, 137, 139. Ejus dolus, 151. Ad Bocchum legatos mittit, 159. Romanos aggreditur, *ib.* Superat, 160. Deinde magna clade vincitur, 161. Iterum Romanos invadit, 162. Stratagemate utitur, *ib.* Vix evadit, *ib.* Syllæ à Boccho traditur, 171

Juventus Romana qualis, 23

L.

Labor quo sensu usurpandus, 19, a. Viris convenit, 149
Lacedæmonii in Græcia bella gerere primi et Athenienses cæperunt, 18

Laetania, 193, k

Larcs, 34, f

Legati Romani regnum Numidiæ divisum missi, 90. Legati adolescentes Atherbalem et Jugurtham arma deponere jubent, 96. Alii Jugurthæ pacem impetrantes frustra discedunt, 99

Leges pro vita civium, 58

Lentulus cum Catilina conjurat, 30. Romæ quoscumque potest sollicitat, 48. In senatum a Cicerone ducitur, 52. Ibi coarguitur, *ib.* Eum criper conantur liberti, 55. In carcere occiditur, 66

Lepidus, 173. Ejus contra Syllam oratio, 175. Alia Philippi adversus Lepidum, 180

Leptitani ad Metellum legatos mittunt, 240. Amici et socii P. Romani, 141

Libertatis restituendæ ratio, 235. Omnibus optabilis, 239

Libyes, 92, c

Licinii oratio, 195

Locus medius apud Numidas honorificentissimus, 82

Lubido, 19, d. 23. Quid faciat, 116. Lubido bona, 241

Lucani, 192, d

Lucullus, 190, a

Lycaonia, 202, c

M.

Magistratus minores vigiliis præstunt, 40.

Magistratum insignia a Tuscis sumpta, 59.

Manlius primus ex conjuratis arma aperte movet, 36. Ad Marcium Epistola, 42.

Malus est nullus gratuito, 237.

Mamilius et ejus rogatio Jugurthæ fautores, 113

Manlius Marii legatus, 150

Marcus solus consulatum gerit, 39, g

Marius, 118. Cui magna portenduntur,

130. Quis, 131. Contra Metellum accensus, 132. A quo dimittitur, 138. Romæ celebratur, *ib.* Fit consul et Imperator,

139. Nobilitatem exagitat, 145. Ad

populum habet orationem, *ib.* Veterano

ambit, *ib.* Milites scribit, quos, 151.

In Africam proficiscitur, *ib.* Cui exercitus à Rutilio traditur, *ib.* Prudentia

ejus militaris, 152. Utres parat, 153. A

militibus ad cælum fertur, 154. Mulu-

cham castellum aggreditur, *ib.* Per Li-

gurem capit, 157. Cum Boccho et Ju-

gurtha pugnat, 160. Ex hostium imper-

ritia dolum machinatur, *ib.* In liberna

proficiscitur, 161. Ejus vigilantia, *ib.*

Pudore exercitum coercet, *ib.* A Boc-

cho et Jugurtha invaditur, 162

Massilia, 43, f

Masinissa, 77

Massiva, 108. Obtruncatur, 109

Matrimonii necessitudo apud Numidas

levis, 143

Mauritania, 37, e

Medius fidius, 44, k

Memmius contra Jugurtham nititur, 99.

Ejus oratio, 102. Jugurthæ servandam

fidem datam facit, 108

Metellus Creticus, 39. Celer, *ib.* Metellus

Numidicus, 116, 117. Ad eum legatos

mittit Jugurtha, 118. Quos promissis

aggreditur ut sibi Jugurtham tradant,

ib. Cum Jugurthâ pugnat, 122. Omnia

ferro et igne vastat, 124. Exercitum

dividit, ut terrorem augeat, 125. Zam-

mam oppugnat, 128. Ejus superbia, 131.

In quem aspere Romam scribunt nego-

tiatores, 133. Vaccenses, punit, 135.

Marium dimittit, 138. Capitis Romæ

arcessitur, *ib.* Cum Jugurthâ pugnat,

139. Thalam maximo cum labore ag-

greditur, *ib.* Vehementissime dolet,

quod Mario Numidia data, 144. Lega-

tos ad Bocchum mittit, *ib.* Marii con-

spectum fugit, 151. Optime Romæ ex-

cipitur, *ib.*

Mesopotamia, 207, k

Metuendum multis qui se præbet, multos


pariter metuit, 227

Micipsa, 78. Quid agit cum Jugurtha, 78.

- 79, 80. Ejusdem ad Jugurth. oratio, 81.
Moritur, 82. Ejus Regnum inter Jugurtham et Atherbalem per legatos Romanos dividitur, 90
Militia justa esse debet, 231
Minos, 189, f 221, d
Mirari quid, 26, b
Miseris parum fidei adhibetur, 97
Mithridates, 47, m. Ejus ad Arsacem epistola, 204. Facta, 205
Montores qui optimi, 239
Muluchæ castelli descriptio, 155. A ligure penetratur, et perscribitur, *Ib.* Capitulum, 157
Munditiæ mulieribus; viris labor convenit, 149
Mysii, 221, n
- N.
Nabdalsa, 136. A cliente proditur, 137. Ad Jugurtham accedit, *Ib.* Natura falso ab hominibus accusatur, 73. Una et communis omnium, 147. Unum omnibus finem, vel ferro septis statuit, 177
Necessitatem extremam nullus, nisi muliebri ingenio, nihil ausus expectat, *Ib.*
Necessitudo timidos fortes facit, 69
Nobilitas quæ Marii, et vera, 148
Nobilitatis commune malum superbia, 131
Nobilium mores, 140, 150
Novus homo quis, 36. Indigni consulatu videbantur, 131
Numantia, 73, a
Numidæ quales, 118. Regem in fuga non sequuntur, 124. Lacte et carne fërina vescuntur, 153. Marium magis quam mortalem timent, 157
- O.
Olympus, 166, f
Opimius a Jugurtha corrumpitur, 90
Orchomenus, 223, e
Orion, 221, k
Othus, 221, i
- P.
Pæligni, 166, f
Parat, 206, i
Partium et divisionum quæ causa, 113
Patres cur dicti senatores, 22
Patiens Nomen et Participium, e
Patriam vi regere, importunum, 75. Patriæ ad Cæsarem oratio, 241
Pax juxta et diuturna esse debet, 227
Pecuniæ studium tollere bonum maximum 236
Pericula occulta bonus facere, nec vitare potest, *Ib.*
Perpenna, 187, g
Persee, 56, c
Personæ, secundæ locutiones, 18, b
- Pessimus quisque asperime rectorem patitur, 226
Petreio exercitum permittit Antonius, 70
Philæni, 142
Philippi adversus Lepidum oratio, 180
Phœnices, 93, l
Picens ager, 38, a
Pietas Romanorum quæ, 26
Piso, 31. In citeriorem Hispaniam mittitur, 32. Interficitur, *Ib.*
Plautia lex, 41, a 233, h 242
Plebis ingenium, 46. Urbana cur depravata, *Ib.* Catil consilia execratur, 53. Negotia sua debet habere, 230
Pompeii potentia formidolosa, 32. Ad bellum Mithridat. missus, 47. Ejus ad senatum epistola, 193. Adolescens ad bellum sævissimum projectus, *Ib.* Facta, *Ib.* Illum Romani metuunt, 201. Quis, 226. Quamobrem multi ejus partes sequuntur, 227. Cæsari maxime fuit adversus, 233. Quomodo remp. administraverit, *Ib.*
Pomptinus Prætor, 51
Pop. Romanus libere agitat cum nullius potentia super leges, 235. Quomodo inducta servitus, *Ib.* Illi supervacanea calliditas, 238. Ita largitionibus corruptus, ut sese venalem habeat, 242
Posthumius, 238
Præmia diversa bonis et malos sequuntur, 240
Primipilus, 111, h
Ptolemæus, 205, l
Publipor, 192, e
Punicum bellum, 77. Punica fides, 169
- Q.
Quæsitivus pro rogavit, 1
Quintius, 197, f
- R.
Reate, 45, g
Regna quomodo intereant, 238. A quibus præcipue defenduntur, *Ib.*
Regium imperium primum in terris, 18. Romæ mutatum, 23
Regum pace quam bello minor virtus, 18. Ex eo quid oriatur, *Ib.* Quinam illis formidolosi, 23. Regem armis quam munificentia vinci minus flagitiosum, 169
Renunculus, 191, k
Reprehendere alios multi cupiunt, qui nihil ipsi possunt, 281
Res secundæ sapientes fatigant, 26
Respublica honestis nominibus agitata, 47. Pacis artibus firmanda, 226. Audacia in bello, æquitate in pace firmanda, 24
Rhegium, 100

- Rhenones, 214, c
 Rhodus, 56, d
 Romæ exordium, aliaque, 22. Adepta libertate brevi crescit, 23. Paucorum virtute, 65. Romæ omnia venalia, 95. Quando illi perecundum, 228
 Romanorum mores, 24. Quando prorsus immutati, 25. Corruptio eorum 27. Jugurthæ bellum inferunt, 100. Avaritiæ cæci Bocchi amicitiam contemnunt, 143. Communes omnium hostes, *Ib.* Quando maximâ concordia vixerunt; et floruerunt, 174. Simultates exerceuerunt, 175. Eorum descriptio, 207, 238, 239
 S.
 Sagum, 191, g
 Sallustius ad rempub. fertur; ibique multa adversa patitur, 20. Ad scribendum historiam animum adjicit, 21. Magistratum adeptus, 76. Ei libri Punici interpretantur, 91. Ejus historiæ, 173. In cognoscenda republica magnam curam habuit, 232, 238
 Samothrace, 205, c
 Sardinia, 188, a
 Saturninus, 181, i
 Satyria, 101, l
 Scaurus, 90. Ad Jugurtham et Atherb. legatur, 98. Calpurnii legatus, 100. Jugurthæ favet, 101. Quæsitior adversus Jugurthæ fautores, 113
 Scipio, 76, l. Ad Micipsam scribit, 80. Q. Scipio male pugnât adversus Gallos, 171
 Scylla, 221, f
 Secus *pro* sexus, 191, a
 Seleucia, 207, g
 Sempronia in Catilinæ conjuratis quæ mulier, 37
 Sempronia lex, 100, a
 Senatus ad Bocchi legatos responsio, 166
 Serpentes siti infestiores, 152
 Servile pro eo quod servitio corporis exercetur 21, b
 Sestertius quid, 39, m
 Spartacus, 224, a
 Signa, 26, a
 Suero, 194, a
 Suffragia obscura esse debent, 239. Per tabellam quandoque lata, *Ib.* f
 Sulpitius, 181, k
 Sumptuum finis res familiaris, 229
 Supplicia pro sacrificiis, 24, d
 Sibyllæ, 52, k
 Sylla, 21, g. 25. 157. Legatus ad Bocchum, 163. Ejus ad illum oratio, *Ib.* Bocchi legatos liberaliter habet, 165. Animi ferocia, 167. Volucem castris ejicit, *Ib.* A Boccho occulte accersitur, 169. Eum ad tradendum Jugurtham hortatur, 170. Romulus appellatur, 176. Supplicia in post futuros composuit, *Ib.* Beneficio quam metu multo retinere maluit, 234
 Syphax, 77, k
 Syrtes, 94, e 141
 T.
 Tabulæ novæ quid, 35, a
 Tanais, 217, d
 Tarentus, 186, g
 Tartessus, 190, d
 Tauromenia, 218, g
 Taurus, 189, i
 Tauri populi, 219, b
 Thala a Metello expugnata, 140
 Toreumata, 34, g
 Tribunitia potestas restituta, 47. A Sylla disjecta, *Ib.* f
 Turia, 188, e
 Turpilius, 134. Capite pœnas solvit, 135
 U, V.
 Vacca, 101
 Vaccensium conjuratio, 134. Eorundum pœna, 35
 Valentia, 188, f
 Vesta, 28, b
 Vettius Picens, 177, f
 Villa publica, 228, b
 Vinæ quid, 96, d
 Virtuti omnia parent, 19. Virtute parta magna industria haberi decet, ne deformentur, 225
 Vis numero plurali, 192
 Voluptates ignaviæ nullus cum virtutis præmiis habere potest, 147
 Volux Bocchi filius, 162. Syllæ metum efficit, 166. Præsidio eidem missus a patre, 167. Qui Romanos prodere creditur, *Ib.* Castris ejicitur, *Ib.* Ejus honesta oratio, 167
 Utica, 98
 Vulturii ad Catilinam epistola, 51. Cum Allobrogum legatis, in ponte Mulvioprehenditur, *Ib.* Conjunctionem in senatu aperit, 52
 Uxores multas ducunt Numidæ, et Gætuli, 143
 Z.
 Zama, 126, c.

FINIS.









Deacidified using the Bookkeeper process.
Neutralizing agent: Magnesium Oxide
Treatment Date: August 2006

Preservation Technologies

A WORLD LEADER IN PAPER PRESERVATION

111 Thomson Park Drive
Cranberry Township, PA 16066
(724) 779-2111



